





ԹԱՐԳՄԱՆՈՒԹԻՒՆԻ

Յ Ո Ւ Ն Ը Յ

ՄԱՏԵՆԱԳՐԸՅ



Ը

ՔՄԵՆՈՓՈՆ



9(38)

7-97 ԿԱՆՆՈՓՈՒՆՏԵՆՆԵՅ

ԱՒԻՐՈՍԻ ԽՐԸՏՈՒ

ՍՏՈՒԳՎԱԾ Է 1961 Ք.

88

ՊԱՏՄՈՒԹԻՒՆ Ք

ՋՈՐ ԹԱՐԳՄԱՆՆԱԼ Է

Հ. ՅՈՎԱԵՓԱՅ ԳԱԹԸՐՃԵԱՆՑ

ՅԱՇԱԿԵՐՏԱՅ ՄԵԾԻ ՀՕՐՆ

ՄԻԻԹԱՐԸՅ

ՆԻ ԾԱԻՈՒԹ ԱԶՆՈՒԱԿԱՆ

ՏԵԱՌՆ ՍԵՐՈՎԲԷԻ ԳԱԹԸՐՃԵԱՆՑ

ԴՐՈՇՄԵԱԼ

30550


259



Ի ՎԻԷՆՆԱ

Ի ՎԱՆՍ Պ. Ս. ԱՍՏՈՒԱԾԱԾՆԻ

1943 ՌՄՂԲ





## Յ Ե Ռ Ե Ջ Ե Ռ Ե Ն

Ոչ ինչ յաճախեցից վասն մատենին  
Քսենոփոնեայ զի կասկածեմ թէ գու-  
ցէ ի զարդախօս բանս ակամայ անկա-  
նիցիմ յորժամ զայն որ լինէ եւ առանց  
պաճուճանայ բանիւք հոյակապ եւ  
զարմանալի եղեւ, կամիցիմ գովել :  
Ոչ ինչ սխալեցին որ կոչեցինն զնա մե-  
ղու ատտիկեցի, եւ ոչ կիկերոն առ  
Բրուտոս գրեալ, թէ Մուսայք իսկ ի-  
ջեալ նորա բերանով բարբառեցան :  
Նա զոր զնեստորէ շումերոս յառաջնում  
իղիականին պատմէ, ի սա եւս ի դէպ է  
առնուլ թէ

ԲԱՆՔ ԵՒՍ ՔԱՂՅՐԱԳՈՅՆ ՔԱՆ ՁՄԵՂԲ  
ԾՈՐԱԾՈՅ Ի ԼԵՁՈՒԷՆ ՀՈՍԷԻՆ :

Շասանէր նմա յերրորդում ամի ութ-  
աներորդ երկրորդ ողումպիադին ծնանել  
յիշխանութեան Նւթիդեմայ աթենա-  
ցւոց. յայտ անտիէ զի ի դեղիական պա-  
տերազմին որ աթենացւոց ընդ բիով-  
տացւոց էր յառաջնում ամի ութանե-

297  
214 23 - 29 08 2008  
րորդի իններորդի ողոմպիադին, ՂԲսե-  
նոփոնեայ պատմեն ի ճակատուն լեալ,  
հարկ է յանձն առնուլ թէ գոնէ քսան  
ամաց էր յայնժամ Վսենոփոն քանզի  
յաթենացւոց ուսմլի անդ քսանամենի  
զինուորէին մանկտին եւ երգմնի լինէին:

Եւ նորա վարդապետ Սոկրատէս. եւ  
այսպէս հաւանութեան թուի թէ յոր-  
ժամ Սոկրատէս ի պեղոպոնեսացւոց  
պատերազմն գնաց, չողաւ եւ սա ընդ  
նմա: Իսկ յամին ութերորդի կռուին  
սկիզբն լինելոյ էր նա ի խառնուրդս  
ճակատուցն ի դեղիացւոց քաղաքին:

Յայնմ մարտի իբրեւ յերիւարէ անտի  
անկանէր Վսենոփոն, Սոկրատէս առ-  
եալ բառնայր զնա ի վերայ ուսոց իւրոց  
եւ այնպէս ի մահուանէ ապրեցուցանէր  
որպէս Ստրաբոն պատմէ ի մատենին:

Յետ այնր մարտի եւ զնաց Սոկրատաւ  
հանդերձ ի քաղաք անդր աթենացւոց,  
անդ փիլիսոփայութեան մտադիր լինէր  
որպէս յառաջն:

Ապա ի ժամանակի զի Նիւրոս ի մարտ  
պատերազմի ընդ Նրտաշիսի եղբօրն  
զրզռէր, վարձկանութիւնս օգնակա-  
նութեան բեւր մի ի Յունաց ընդ իւր  
գումարէր. էր ի զօրու անդ Պրօքսենոս



բիովտացի, որոյ եկեալ հասեալ ի քա-  
ղաքն սարգիացւոց առ թագաւոր անդր  
հինգարեւր զօրօք եւ հազար հինգհա-  
րեւր սպառազէն զօրօք, կոչէր զՔսե-  
նոփոն յիւրմէ աշխարհէն : Սա տարաւ  
ցոյց Սոկրատայ զթուղթն յորում գը-  
րեալ էր թէ գրեցցիս երբորդ բարեկամ  
արքայի, ապա հարցանէր երթայց եթէ  
ոչ երթայց. նա տայր պատասխանի թէ  
Սէր խրատն որդեակ մարդկօրէն խրատ  
է, իսկ զանյայտիցն ցլ. պողոն պարտ է  
հարցանել. քանզի երկեաւ թէ գուցէ  
ընդ ակամբ հայիցին ի նա քաղաքա-  
ցիք վասն ընդ Վիւրոսի բարեկամու-  
թեանն, զի սրտի մտօք թիկունք օգնա-  
կանութեան լեալ էր Վիւրոսի զակեդե-  
մոնացւոց ընդ աթենացւոց մարտու-  
ցելոց . վասն այնորիկ խրատ տայ ի  
Դեղփիս երթեալ զՎ. պողոն հարցանել :  
Սորա երթեալ հարցանէր թէ որում  
դից զինչ նուէրս մատուցից զի աջողու-  
թեամբ երթայցեմ զճանապարհն . ի-  
բրեւ առ հրաման պատասխանւոյ ի դիցն  
չըջեցաւ եկն յԱթէնս : Աշտամբեաց  
զնա Սոկրատէս թէ հի՞մ նախ զայն  
չհարցեր ցլ. պողոն թէ երթայց . այլ  
թէ զհարդ երթայց զայն հարցեր . բայց

արդ քանզի զայն հարցեր պարտ եւ պատշաճ զոր ինչ քեզ դիցն հրաման տուեալ է, առնել:

Յետ այնորիկ զոհս մատուցանէր Քսենոփոն եւ ի նաւ ելեալ հասանէր առ Պրոքսենոս եւ առ Վիւրոս, եւ գտանէր նա զնոսա կազմեալ պատրաստեալ յասպատակ անդր: Ապա Վիւրոս ի պատերազմին անկանէր, եւ զգորավարսն նենդ գործեալ սպանին թշնամիքն: Յայնմ վայրի խրատ տայր Քսենոփոն Յունացն վաղվաղակի զօրավարս փոխանակ սպանելոցն ընտրել. եւ ընտրեցան հազարապետք եւ Քսենոփոն այր ի Պրոքսենեայ տեղոջ:

Բայց թէ զինչ գործ յետ այնորիկ Յոյնք գործեցին, զոր վիշտս, քանի նեղութիւնս, որչափ աշխատութիւն եւ տառապանս կրեցին մինչեւ եկին հասին յաշխարհն Յունաց, վասն այսր ամենայնի գրեաց մի ըստ միոջէ Քսենոփոն եւ թն դիրս, եւ գրոցն անուն կոչի Վիւրոսի ասպատակ: Պատմեն թէ յորժամ Նատոնիոսն ընդ նոյն տեղէս զօրօք անցանէր եւ իբրեւ ի վայրացն եւ ի ծարաւոյ տազնապեալ կայր ի տարակուսի եւ բաղումք սովամահէին, բա-

զում անգամ բողոք բարձեալ աղաղակէր թէ Ո՛ր բեւբք . յայտ իմն կամէր առնել թէ բազմապատիկ դովուժեան արժանի են Յոյնք որ Քսենոփոնտեայ զօրավարուժեամբն ողջանգամք յայնմ ամենայնէ ապրեցան :

Իբրեւ այն ասպատակ արշաւանի թագաւորին այնպէս ի դլուխ ելանէր, յերկարեալ ամ մի եւ ամիսս երիս զզօրսն տայր Քսենոփոն թիմբրոնեայ զակեդեմոնացւոյ որ կազմ եւ պատրաստ լինէր տալ մարտ պատերազմի ընդ Տիսարեոնեայ . եւ ինքն ընդ Ադեսիղայ զակեդեմոնացւոյ թագաւորի երթայր ի կողմանս ասիացւոցն :

Ապա պատիժս ի վերայ հասուցանէին նորա աթենացիքն յաշխարհէն ի բաց անկանել, զի չոգաւ զհետ Աիւրոսի ի ճակատս ի վերայ Արտաշիսի . քանզի զօրաւիզն օգնականուժեան էին Արտաշիսի աթենացիքն եւ զԱիւրոս թշնամի հակառակորդ համարէին, որպէս կանխազոյն ասացաք :

Սա մերժեալ գնայր ի Ակիղունտացւոյ քաղաքն . իսկ զակեդեմոնացւոյ յեղիացւոյ հանեալ այնու հետեւ ի բաց զաշխարհն տային նմա պարզեւ . եր-

Թային ընդ նմա եւ կին նորա փղեօխա  
անուն, եւ երկու որդիք Գրիւղոս եւ  
Ղիողորոս սրբ եւ դիոսկուրացիք կոչե-  
ցան : Իսկ Սկիզբունսն քաղաք էր ոչ  
ինչ կարի հեռի յՈղոմպիայ : Անգր  
գայր Սեգաբիւղոս որ էր մեհենին Ա-  
նահտայ եփեսացւոց սպասիկ, տեսա-  
նել զհանդէս խաղալկացն, տայր Վսե-  
նոփոնեայ զարծալթն զոր առն իսկ ի  
նմանէ յորժամ երթայր նա ընդ Ագե-  
սիղայ ի կողմանցն ասիացւոց ի բիով-  
տացւոց աշխարհն : Օայն գանձ առ-  
եալ Վսենոփոն գնէր ագարակիկ մի, եւ  
ի նմին մեհեան եւ բազին կանդնէր,  
զմեհենին շուրջ անտառախիտ մայրիք  
մատաղատունկ ծառովք, եւ Սեղենոս  
գետ առ նմին հոսէր, գեղեցիկ ամե-  
նալից եւ բազում մրգաբերք եւ ընտիր  
ընտիր երէոց ի նմա, եւ ի մեհենին էր  
արձան յորոյ վերայ գրեալ կայր այս-  
պէս .

Վուիրեալ սուրբ է տեղիս Արտե-  
մեայ . որ ոք ունիցի զտեղիս զայս եւ  
առնուցու ի սմանէ շահս, զտասա-  
նորդսն ամ ըստ ամէ զոհս մատուցա-  
նիցէ, եւ ի յաւելլուածոյ անտի յորի-  
նեալ առնիցէ կազմածս մեհենին : Ապ-

եթէ ոչ այսպէս ոք առնիցէ, այնու-  
հետեւ դիցն իսկ փոյթ լիցի:


Մինչ դեռ ի քաղաքի անդ էր Քսե-  
նոփոն փիղիսոփայութեան եւ պա-  
տմութեան գիրս մատենագրէր: Բայց  
ոչ թէ այնչափ ինչ զնոքօք էր մինչ զիւրսն  
մուանալ եւ զառողջութեան կենաց  
անփոյթ առնել, քանզի եւ յորսս  
զբօնոյր եւ երթայր յամենաժողով  
տօնս եւ ի կացուրդս դիցն անահտա-  
կանաց: Բայց իբրեւ պատերազմ ընդ-  
եղիացիս եւ ընդ զակեղեմոնացիս զբը-  
դուէր, եղիացիք զՍկիւղուս առեալ  
կապուտ կողոպուտ առնէին, քանզի  
չժամանեցին հասանել ի թիկունս ա-  
թենացիքն: Անդ որդիքն նորա հան-  
դերձ սակաւ ծառայիւք պրծեալ զան-  
ձինս ապրեցուցանէին եւ անկանէին ի  
քաղաքն զեւրացւոց, ապա անտի փա-  
խըստեայ ելանէր Քսենոփոն, յետ այնո-  
րիկ նոքօք հանդերձ ի Վորընթոս չողաւ  
եւ անդ կայր մինչեւ ցլախճան կենաց  
իւրոց:


Բայց յորժամ կամք եղեն աթենա-  
ցւոցն զակեղեմոնացւոց զօրաւիզն օ-  
գնականութեան լինել, քանզի աքայ-  
եցիք եւ արկադացիք եւ թեբացիք

խումբ գործեալ տային մարտ պատե-  
րազմի ընդ զակեղեմնացոց: Առա-  
քեաց Քսենոփոն զորդիսն իւր յԱթե-  
նաստան մարտընչել ի բանակին: Իբրեւ  
խառնուրդք առ Մանտինեաւ լինէին,  
ի պարտութիւն մասնեցան զակեղեմն-  
ացիքն. Վիողորոս ողջանդամ ի ճա-  
կատէ ելանէր ոչ ինչ արժանի յիշատա-  
կի գործ գործեալ. բայց Վրիւղոս ար-  
ժանի ըստ հօրն քաջութեան դասներ  
եւ զԿաամինոնդաս սպանեալ պատեալ  
ի բազմամբոխ թշնամեացն քաջու-  
թեամբ մեռանէր: Վուժկան հասանէր  
առ Քսենոփոն յորժամ զոհս ի մեհե-  
նին առաջի ամբոխին մատուցանէր թէ  
երէց որդին առ Մանտինեաւ ի ճակատու-  
անկաւ: Իբրեւ զայն բան լուաւ, չե-  
թող զսպան, այլ զպսակն միայն ի  
գլխոյն ի բաց դնէր, քանզի պատմեն  
թէ պսակ ի գլուխ զոհս մատուցանէր:  
Բայց իբրեւ եհարց թէ ո՞ր գունակ ան-  
կաւ եւ լուաւ թէ ի պատերազմելն սպա-  
նաւ, առ եղ միւսանդամ զպսակն ի  
գլուխ իւր: Այլք ասեն թէ եւ ար-  
տասուեաց իսկ ոչ ընդ օրհասն նորա,  
այլ այսպիսի ինչ ելեթ արժանի ըստ  
առնն առաքինութեան բարբառ արձա-

կեալ թէ Յորժամ ծնայ ես զնա գի-  
տէի թէ մեռանելոց էր :

Բայց զի իսկ երկայնիցեմք զբանս ,  
քանզի մատեանս իսկ նորա , զնորա  
մտացն առաքինութենէ յայտ առնի-  
ցէ : Քանզի դոյն իսկ ի նմին բազում  
առաքինութեանց հրահանգք որ ամե-  
նէւին քրիստոնէից վայել իցեն . զի  
զամենայն առաքինութեան որ առ ծա-  
ռայս է , զհանգամանս ի նմին գտանէ  
տէր այր , մանաւանդ զբարս քաղցունս  
առ ծառայս . վասն որոյ յիրաւի եւ  
յարժանի կշտամբիցէ Վիկերոն զիւր զեղ-  
բայրն թէ յետ զՔսենոփոնեայ Վիւրոսի  
խրատու գիրսն ընթեռնլոյ , տակաւին  
ոչ ուսաւ թէ որպէս մարթիցի զանձն  
սիրելի իշխանաւորացն առնել :







Տ Ե Ղ Ե Կ Ո Ւ Թ Ի Ի Ն

ՎԱՄՆ ԱՄԵՆԱՅՆԻ ԶՈՐ ԶԿԻՒՐՈՍԷ  
ԳՐԵԱՅ ՔՍԵՆՈՓՈՆՆ

Վ ՎՄՆ Քսենոփոնտեսայ կենաց բաւական են որ ասացանս: Այժմիկ եկեսցուք ի խնդիր ճշմարտութեան գրոց Կիւրոսի խրատու, քանզի վասն նորա բազում հակառակութիւն կրի: Որք զԿիւրոսի պատմութիւնն գրեցին սոքա են Երոդոտոս, Կտեսիէս, եւ Քսենոփոն. կէսք զառաջինսն արժանի հաւատարմութեան համարին, եւ կէսք զՔսենոփոն: Մեք զերկոցունց կողմանց զպատասխանիս մի ըստ միովէ կարգեսցուք, քանզի այս իսկ ճշմարտասէր մտաց է մի զհակառակորդաց կարծիս նուազեցուցանել:

Հին իմն կարծիք են անդրատին ի <sup>1</sup> Պղատոնի ժամանակաց թէ որ ինչ յայսմ մատենի պատմէ Քսենոփոն առասպելք են: Յիշատակէ եւ <sup>2</sup> Աթենէոս զՊղատոնի բանս յորժամ զթշնամութենէն որ էր Քսենոփոնտեսայ ընդ Պղատոնի, պատմիցէ: Մեւս եւս վկայութիւն ի <sup>3</sup> Կիկերոնեսայ բանից, որ թերեւս ըզՊղատոնի կարծեաց զհետ երթեալ ասէ. Կիւրոս ի Քսենոփոնտեսայ ոչ եթէ առ հաւատ պատմութեան գրեցաւ, այլ ի կերպարանս արդարակորով տէրութեան, զոյր ցածութիւնըն խառն ընդ ընկերասէր բարոյից փիղիսոփոսն ցուցանէ: Նմին հանգոյն եւ <sup>4</sup> Աւսոնիոս. Կամէի, ասէ, թէ ի մեր իսկ ժամանակս Կսյիր, Քսենոփոն ատտիկեցի, եթէ առնոյր յանձն իրացս բնութիւն, որ ի պատմելն քում զԿիւրոսի առաքինութիւնս ըստ ըղձանալոյ եւ ոչ եթէ ըստ պատմութեան յորիւնեցեր. յորժամ ասիցես ոչ որպիսի ոք նայն

էր, այլ որպիսի ինչ որ պարտէրն լինել: Ի-  
ցեն ոմանք որ ի նոցա բանս հայեցեալ զնոյն  
կարծիս կարծեն որպէս <sup>5</sup> Յովսէփոս Սկաղիբէր,  
եւ Գի. Պետաւիոս, եւ <sup>6</sup> Սեթոս Աաղուիսիոս,  
եւ <sup>7</sup> Գերարդ Առսիոս եւ այլ բազումք: Բայց  
զի սորա ոչ ինչ կասկած ստուծեան ի կարգէ  
պատմուծեան Քսենոփոնեայ մարծեն ցու-  
ցանել, զայն յայտ յապա արասցուք:

Արդ վասն Պղատոնի տացուք պատաս-  
խանի թէ ըստ բազմացն կարծեաց թշնամու-  
ծեամբ էր նա ընդ կողմն Քսենոփոնեայ. եր-  
կրորդ անգամ թէ ինքն իսկ Պղատոն կարծեօք  
եւ կասկածանօք բարբառի որպէս յայտ իսկ  
ի բանիցն է. երրորդ անգամ զի թէպէտ եւ  
ոչ կարծեօք այլ հաստատուծեամբ բարբա-  
ռէր, սակայն տակաւին ի դէպ էր թերա-  
հաւատ ի նմանէ լինել յորժամ զՔսենոփո-  
նեայ կամէր խօսել: Քանզի <sup>8</sup> նա առ սոկրա-  
տեանսն բազում անհաւատ կարծեօք խտա-  
նայր. եւ ոչ Քսենոփոն միայն այլ եւ <sup>9</sup> Սո-  
կրատէս զայն ի բիծ տանէր նմա զի բազում  
ինչ խառնիխուռն խօսէր եւ ըստ իւրոց կա-  
մացն յօդէր. վասն այնորիկ չեն ինչ զարմանք  
թէ <sup>10</sup> զՔսենոփոնեայ գովուծիւնն անարժան  
կարծեօք ջանայր նուազել:

Նա աւանիկ ի Պղատոնի բանիցն այսչափ  
ինչ մարծի ի միտ առնուլ, թէ նա ոչ իրրեւ  
զՔսենոփոնն այլ այլ իմն ազգ ածէր զմտաւ  
վասն խրատու եւ կրթուծեան Աիւրոսի. եւ  
այնպէս մեծ իմն եւ այս հաստատուծիւն է  
հաւատարիմ զհիմն պատմուծեանն համարե-  
լոյ, զի եւ ոչ կասկածանօք եւ կարծեօք կա-  
րաց այրն հաստատուծեամբ վճիռ բերել,  
թէպէտ եւ մէտ ի խաբէուծիւն էր եւ ի յան-  
գիմանուծիւն:

Իսկ զԱիկերոնեայ վասն այսց գրոց բանս  
զոր իւր ամբուծիւն համարի ընդդիմակաց

կողմն, պարտ էր նոցին քաջ յուզել, զի ոչ էթէ զպատմութենէն ինչ գլխովին ասիցէ Կիկերոն այլ զվարուց եւ զբարուց զոր Կիւրոսի գրիցէ Քսենոփոն. եւ էթէ մանր որ միտ բանիցն գնիցէ, վաղվաղակի առնու ի միտ: Եւ զԱւստնեայ նոյն բանք են:

Բազումք են եւ յարանց իմաստնոց որ զսոցին կարծեաց զհետ գնացին, որոց սակի են <sup>11</sup> Սսերիոս, <sup>12</sup> Գուպինոս, <sup>13</sup> Բոսուեաիոս, <sup>14</sup> Պրիդէաւքսիոս, յորս պարտ է եւ <sup>15</sup> զԿղ. Քարպենտերիոս համարել: Չայլոց եւս բազմաց անուանս զանդաղիմ հարկանել ի նամակի. քանզի ոչ այնր է որ զճշմարտութիւն սիրիցէ խառնիխուռն զանձն յուրուք վկայութիւն ապաստան տունել. զվկայութիւնսն ես արժան համարիմ կշռել եւ ոչ թուել: Արդ այսուհետեւ ընդ ուղղորդ ճանապարհն եկեսցուք, տեսցուք թէ զինչ Քսենոփոն պատմիցէ եւ զինչ Երոզոտոս կամ զինչ Կտեսիէս. զի ի պատմութեանն համեմատութենէ ի մէջ դայցէ ճշմարտութեան ընծայութիւն:

Արդ աշխատութիւն յանձն առից վասն ճշմարտութեանն, մանաւանդ վասն այնորիկ զի անկ եւ ի գրոց սրբոց պատմութիւնն է. եւ թարգմանեալ բերից ի մէջ զԵրոզոտայ վասն Կիւրոսի բանս, եւ է այսպիսի ինչ:

**ՄԻԱՔՍԱՐԷՍ**, ասէ, թագաւորեալ ամս քառասուն խառն ընդ ամացն զորս Սկիւթացոց տիրէր, վախճանի: Չթագաւորութիւնն պայազատէր Աժդահակ Կիաքսարեայ որդի. որում լեալ, ասէ, դուստր մի որում անուն կոչիցի Մանգանէ. եւ երազ եւս պատմէ զնմանէ տեսեալ, եւ զահի հարեալ նորա յարհաւրաց անտի չտայ զդուստրն՝ Մարաց կնութեան, այլ առն ումեմն պարսկի որում Կամբիւսէս անուն էր: Եւ յետ սակաւ բանից զնովիմք

ամեալ յարէ<sup>16</sup> թէ եւ մեւս եւս տեսիլ տեսա-  
 նէր Աժդահակ եւ զահի հարեալ երկընչէր .  
 պատմէր, ասէ, զիրոն երազագիտացն, ան-  
 դէն առաքեալ կոչէր ի Պարսից աշխարհէն  
 զդուստրն մինչդեռ յղի էր, եւ իբրեւ եհաս,  
 ունէր զնա ի պահեստի, զի կամէր զմանուկն  
 որ ի նմանէ ծնանիցի, սատակել. քանզի ի  
 տեսլենէ անտի երազոյն մոգուց երազագէտքն  
 գուշակէին, թէ որ ի դասերէ անտի որդի  
 լինիցի փոխանակ նորա թագաւորեւոց է :  
 Քանզի այսմ ամենայնի զգոյշ լինէր Աժդա-  
 հակ, իբրեւ ծնաւ Կիւրոս կոչէր զԱրպագոս  
 զայր ընտանի եւ հաւատարիմ քան զամենայն  
 Մարս եւ զանդերձապետ իւր եւ խօսէր ընդ  
 նմա ըստ սմին բանից այսպէս. Արպագէ,  
 գործ ի ձեռն տամ ես քեզ, մի իցէ եթէ  
 անփոյթ առնիցես. մի զիս տարագիր հանի-  
 ցես եւ սլոց ցանկացեալ, ապա յետոյ դու  
 քեզէն քոյին ընդ անձին մտանիցես : Առ զոր  
 Մանդանէն ծնանիցի զմանուկն եւ տար ընդ  
 քեզ եւ ապա սպան, եւ թաղեա զայն գոյն  
 օրինակի որպէս դու կամիցիս : Բայց Ար-  
 պագոս, ասէ, իբրեւ ետես զմանկիկն զարդա-  
 րեալ ի զարդ մահու, զնաց լալով յապա-  
 րանսն, եւ երթեալ խօսէր ընդ իւրում ուրոյն  
 կնոջն զամենայն բանսն զոր խօսեցաւ Աժդա-  
 հակ : Ասէ կինն ցնա. զինչ խորհիցիսդ առ-  
 նել ի ժամանակի աստ յայսմիկ : Նա տայր  
 պատասխանի, թէ ոչ որպէս Աժդահակն թէ-  
 պէտեւ յանմտութիւն հատանիցի եւ եւս չար  
 մոլիցի քան որչափ այժմ մոլի կողի, սակայն  
 չառից յանձն հնազանդել կամաց նորա եւ  
 ոչ այնպիսում սպանութեան սպասաւոր լի-  
 նիցիմ. եւ բազում պատճառք են չսպանա-  
 նելոյ իմ զնա. քանզի իմ իսկ ազգակից է  
 մանուկն, եւ Աժդահակ ձերացեալ է եւ ան-  
 ժառանգ յարու մանկանէ : Իսկ եթէ յետ

նորա վախճանելոյ, հարստութիւնն ի դուս-  
 տրն անցանիցէ, զորոյ այժմ զորդին յիմ  
 ձեռն սպանանէ, զինչ այլ ինչ քան զայն ինձ  
 չար տաղնապ կայցէ. բայց վասն ինձ ի զդու-  
 շութեան լինելոյ, պարտ է մանկանն մեռա-  
 նել. պարտ եւ պատշաճ է միում ումեք յա-  
 րանց անտի Աժդահակայ սպանող լինել մա-  
 նկանն եւ ոչ յիմոց աստի: Չայս ինչ խօսե-  
 ցաւ եւ անդէն առաքէր պատգամաւոր առ մի  
 ոք յանդիորդացն Աժդահակայ որ զընտիր ըն-  
 տիր ճարակաց ունէր եւ լերինս երէտովք, եւ  
 անուն էր նորա Միտրադատէս, բնակէր նա  
 ընդ իւրում ծառայակցին, եւ կնոջն անուն  
 կոչէր Աիւնով ըստ յոյն լեզուի, իսկ ի Մա-  
 րաց լեզուն Սպակոյ, քանզի զշունն Մարք  
 սպակ անուանեն: Իսկ լերանցն ստորոտքն յա-  
 րում վայրի արօտքն էին անդւոց անդիորդին  
 ի հարաւակողմն կողմանէ էին Ագրատանա-  
 ցոց աշխարհին եւ Եւքսինոս ծովու: Չի Մա-  
 րաց աշխարհն առ Սասաիրացոց կողմամբն  
 լեռնային է կարի յոյժ, բարձաւանդակ եւ  
 անտառախիտ, իսկ այլ եւս Մարաստան ամե-  
 նելին դաշտային է: Իրրեւ եկեալ հասանէր  
 անդիորդն մեծաւ տաղնապաւ, խօսէր Ար-  
 պակէս սյսպէս. Հրաման տայ քեզ Աժդահակ  
 զմանուկդ զայդ առնուլ եւ դնել զնա յանա-  
 պատի լերանց, զի վաղվաղակի սատակիցի.  
 եւ պատուիրեաց սյսպիսի ինչ ասել քեզ,  
 եթէ ոչ սպանանիցես զնա, այլ սրգունակա-  
 պրեցուցանիցես զնա, չարաչար սատակումն  
 ընդունիցիս. եւ իմ հրաման առեալ է դի-  
 տել զիրսն: Չայն լուեալ անդիորդին առ  
 զմանուկն եւ դարձաւ յետս ընդ նոյն ճանա-  
 պարհ եւ երթեալ հասանէր ի հանդրուանսն:  
 Ապա դէպ լինէր զի կին նորա ի նմին աւուր  
 որդի ծնանէր մինչ անդիորդն երթեալ ի քա-  
 ղաքն: Եւ էին երկոքեան ի հոգս եւ ի տա-

տամսութեան վասն միժեանց, նա երկրնչէր  
 վասն կնոջն ճնրնդեան. իսկ կինն զի չէր սո-  
 վոր Արպազէս կոչել զայրն նորա, եւ իբրեւ  
 եկեալ անդէն եկաց առ նմա, յորժամ առանց  
 ակնկալութեան ետես զնա կինն, հարցանէր  
 թէ զի է զի կոչեաց զնա վազվազակի Ար-  
 պազոս: Եւ նա ասէ. Կին դու ի քաղաք եր-  
 թեալ տեսի եւ լուայ զոր չէր իսկ պարտ տե-  
 սանել եւ ոչ լինել ի մեր տեարս: Համօրէն  
 տուն Արպազայ լի էր ողբովք. եւ ես սքան-  
 չացեալ մտի ի ներքս, եւ իբրեւ մտի ի  
 ներքս, ապա հայեցեալ տեսի զմանուկն զի  
 անկեալ դներ եւ ճչէր զարդարեալ ոսկւովք  
 զարդուք եւ հանդերձիւք պէսպէս նարաւ-  
 տուց: Իսկ Արպազոս իբրեւ ետես զիս, հրա-  
 ման ետ փութանակի առնուլ զմանուկն եւ եր-  
 թալ դնել ի լերինսն ի մէջ գազանաց: Ա-  
 սէր թէ Աժդահակ է որ զայս հրաման ետ  
 ինձ, եւ բազում ինչ սպառնայր եթէ ոչ առ-  
 նիցեմ. եւ իմ առեալ բերի, կարծեալ այս-  
 պէս թէ միոյ ուրուք յընտանեաց անդի որդի  
 է, քանզի չառի իսկ ի միտ թէ ուստի էր:  
 Բայց ի զարմացման լինէի տեսեալ ոսկւովք  
 հանդերձիւք զարդարեալ. լուեալ զձայն աշ-  
 խարանացն. եւ անդէն զճանապարհայն հար-  
 ցանէի ցոպասաւորն զամենայն բանն, որ յու-  
 զարկէրն իսկ զիս արտաքս քան զքաղաքն, եւ  
 ետ ցիս զմանուկն. եթէ Մանգանեայ որդի  
 է Աժդահակայ դստեր եւ Կամբիւսեայ պար-  
 սկի, եւ Աժդահակ պատուէր ետ սպանանել.  
 արդ սա նա է: Իբրեւ զայս ասէր անդիորդն,  
 բացեալ ցուցանէր: Իսկ կինն իբրեւ ետես  
 զմանուկն յաղթ եւ բարենշան եւ դեղեցիկ,  
 զարտասուս հարաւ, եւ բուռն հարեալ զճըն-  
 վաց առն իւրոյ, աղաչէր մի յայնպիսի տապ-  
 նապ զմանուկն հասուցանել. եւ նա բայ ասէ  
 չէ մարթ չիք հնար սլաղգապոյն ինչ առնել,

քանզի եկեսցեն հասցեն դէտք յԱրպագայ դիտել զիրան, եւ չարաւ կորընչիցիմ եթէ զայն ոչ առնիցեմ: Իբրեւ չկարաց զմիտս հաճել զառնն երկրորդ անգամ խօսէր կինն այսպէս զայն ձեւ: Որովհետեւ չկարեմ ածել զքեզ ի հաւան չառնել ընկեցիկ, դու զայս ինչ արա, եթէ ամենեւին հարկ իցէ երեւել մանկանն ընկեցիկ եղելոյ. քանզի ծնայ եւ ես, եւ ծնայ մեռեալ. զնա առ տար, եւ զՄժդահակայ դըստեր զորդին իբրեւ զմեր ծնունդ սնուցանիցեմք. եւ ապա ոչ դու անիրաւ գտանիցիս ի տեարս քո եւ ոչ մէք անձանց խորհուրդ չարութեան խորհիցիմք: զի մեռեալն արքունական պատանաց արժանի լինիցի եւ մի մանուկն յարեւէն անկանիցի: Չմտաւ ամ անդիորդն, թէ առ այն որ առաջի կայր բարւոք խօսեցաւ կինն, եւ առնէր անդէն այնպէս. զմանուկն զոր ամ սպանանել, զնա ձեռն ի ձեռն տայր ցկինն, եւ զիւրն զդիակնն առեալ արկանէր յանօթ անդր յորում զմեւն տանէր, զարդարէր ամենեւին ի զարդ միւսոյ մանկանն եւ տարեալ յանապատ տեղի լեռանցն դնէր: Իբրեւ օր երրորդ հասանէր մանկանն ընկեցիկ եղելոյ, չոգաւ ի քաղաք անդր անդիորդն թողեալ զմի ոք պահապան ի խաշնարածաց անտի, եւ երթեալ առ Արպագոս, պատրաստ եմ ասէ ցուցանել զմանկան դին: Իսկ Արպագոս առաքէր հաւատարիմս իսպառաւորաց իւրոց եւ նոքօք տեսանէր եւ թաղէր զորդի անդիորդին: Նա թաղեցաւ, իսկ զայն որ յեռ այնորիկ Աիւրոսն կոչեցաւ, առեալ սնուցանէր կին անդիորդին, եւ այլ իմն անուն եդեալ կարգայր զնա եւ ոչ Աիւրոս:

Յորժամ տասնամեայ էր մանուկն, այսպիսի ինչ գործ ի գլուխ ելեալ նմին դուշակ լինէր: Խաղայր ի դեղջն յորում եւ անդւոցն պառակքն էին, եւ խաղայր ընդ այլոց եւս հա-

սակակցացն յանցս ճանապարհացն, եւ մա-  
 նըկտին որ խաղային, ընտրէին զնա իւրեանց  
 [Թագաւոր- զոր անուանեալ կոչէին անդիորդի  
 որդի. եւ նա կարգէր ի նոցանէ զոմանս ճար-  
 տարապետս շինուածոց ապարանիցն, եւ զո-  
 մանս սպասաւորս, եւ զմի ոմն ի նոցանէ ակն  
 արքայի. եւ միւսումն գործ ի ձեռն տայր ըզ-  
 գրոյցսն բերել. զի իւրաքանչիւր մի մի գործ  
 հրամայէր: Մի ոմն ի մանկուոյ որ խաղային,  
 որ Արտեմբարեայ ուսոր էր առն աւագի ի  
 Մարաց աշխարհին, քանզի չարար զայն որ ի  
 Կառոսէ հրամայեցաւ, հրաման տայր անդէն  
 այլոց մանկուոյ զնա ձերբակալ կնայեալ ու-  
 նել: Ի մանկանցն անսալ, խոտիւ գանալից  
 տանջէր զմանուկն: Եւ նա վաղվաղակի իբրեւ  
 փոխեցաւ, որպէս [Թէ անարժանս ինչ անձինն  
 կրնալ. եւ երթեալ ի քաղաքն եւ զՎիբրոսէ  
 ասէր, քանզի չեւ եւս էր սյն անուն, սյլ  
 յորդոյ Աժգահակոյ անդիորդին: Իսկ Ար-  
 տեմբարէս մեծաւ ցասմամբ առ Աժգահակ  
 հասանէր մանկամբն եւ անարժան իրս կրեալ  
 պատմէր, ասէ. Արքայ ի ծառայէ քումէ յան-  
 դիորդի որդոյ սյսպէս [Թ շնամանեալ նախատ  
 եղէ. եւ զուս մանկանն ցուցանէր: Իբրեւ  
 լսէր եւ տեսանէր Աժգահակ, կամէր իմն սա-  
 տուհասակոծ զմանուկն առնել վասն Արտեմ-  
 բարեայ մեծարանս դնելոյ, առաքեալ կոչէր  
 զանդիորդն եւ զմանուկն. իբրեւ եկին հասին  
 երկոքեան, հայեցեալ Աժգահակոյ ընդ Վի-  
 բրոս, ասէ. Գու որ սյնպիսոյ մանուկդ էիր  
 իշխեցէր ժպրհութեամբ զմանուկն դորա որ  
 առաջին բարեկամ է իմ, սյնպէս [Թ շնամա-  
 նել: Եւ նա տայր պատասխանի սյսպէս.  
 Տէր ես զայդ ամենայն յիրաւի գործեցի. զի  
 մանկտին որ ի գեղջէ անտի էին խաղս խա-  
 ղային, ի նոցանէ մի ոմն եւ սա էր եւ զիս ա-  
 ռին կացուցին իւրեանց [Թագաւոր, քանզի ի



Թագաւորութիւն պիտանացու թուեցայ նո-  
ցա : Արդ այլ մանկին զհրամայեալսն ի  
գլուխ հանէին, բայց սա ստունդանէր եւ առ  
ոչ ինչ գրէր, եւ վասն այնորիկ ընկալաւ ըզ-  
պատիժ պատուհասին : Թէ վասն այսր ար-  
ժանի ինչ տանջանաց իցեմ, աւասիկ հասեալ  
կամ : Իբրեւ զայն խօսէր մանուկն, ծանեաւ  
զնա Աժդահակ . եւ նշանակ երեսացն հան-  
դոյն թուէր եւ ազատագոյն պատասխանին  
եւ ժամանակ ընկեցիկն լինելոյ մանկան տիոցն  
միաբան թուէր : Չարմացեալ սիրացեալ  
կայր, ցժամանակ մի անշունջ կայր անբար-  
բառ . հազիւ ուրեմն ի միտս լինէր . քանզի  
կամէր զԱրտեմբարէս արձակել զի զանդիորդն  
միայն առեալ հարցանիցէ . ասէ, Ես, Արտեմ-  
բարէս, զայս արարից, զի դու եւ որդեակն  
քո չիցէք ամբաստան զիմքէ : ՉԱրտեմբա-  
րէս արձակէ, իսկ զԿիւրոս ամին սպասաւորքն  
ի ներքս ի սենեակն հրամանաւ Աժդահակայ :  
Իբրեւ անդիորդն միայն մնաց, միայն ցմիայն  
հարցանէր Աժդահակ, ուստի՞ առեալ իցէ քո  
զմանուկդ կամ ոյր իսկ տուեալ իցէ : Յինէն,  
ասէ, ծնաւ, եւ կինն որ զնա ծնաւ առ իս  
է : Իսկ Աժդահակ . Չէ քաջ խորհուրդդ, ասէ,  
ի մեծ տազնապ հասանել վասն խոստովա-  
նութեան . իբրեւ զայս ասէր, սպասաւորացն  
նշանակէր ձերբակալ առնել . նա իբրեւ տազ-  
նապեցաւ, ապա զբանն որ ինչ էր զայն հան  
ի վեր . իսկ զբանէ սկիզբն արարեալ մի ըստ  
միոջէ պատմէր ճշմարիտ, ապա յողոր ան-  
կեալ աղերսէր եւ խնդրէր ներել թողու-  
թեան : Բայց Աժդահակ յետ անդիորդին  
յայտ զճշմարտութիւնն առնելոյ, զայն փոքր  
ինչ համարէր : Առաւելագոյն Արպազայ  
մեղ դնէր, եւ հրաման տայր սպասաւորացն  
զԱրպազէս կոչել : Արպազէս իբրեւ եկեալ  
հասանէր, հարցանէր Աժդահակ . Արպազ

որով օրհասիւ սպաներ զմանուկն զոր քեզ  
 ետու, զայն որ յիմէ դատերէ ծնաւ: Ար-  
 պագէս իբրեւ ետես ի ներքս զանդիորդն ոչ  
 շրջեցաւ ընդ սուտ ճանապարհն զի մի յան-  
 դիմանեալ եւ ըմբռնիցի, այլ ասէր այսպիսի  
 ինչ օրինակ. Յորժամ զմանուկն առի արքայ,  
 խորհեցայ ի մտի իմում զմտաւ ասի թէ զինչ  
 օրինակ արարից քեզ ըստ միտս, եւ ես լինի-  
 ցիմ առաջի քո առանց յանցանաց, մի դըս-  
 տերն քում եւ քեզ լինիցիմ դահիճ. արդ  
 այսպէս խորհեցայ առնել. կոչեցի զանդիորդդ  
 զայդ, ետու զմանուկն ի ձեռս, եւ ասեմ թէ  
 քո իսկ հրաման տուեալ է զմանուկն սպա-  
 նանել. եւ զի զայդ ասէի ոչ ինչ սուտ խօ-  
 սէի, քանզի դու իսկ այսպէս հրամայեցեր:  
 Բայց ետու զնա նմա, այսպէս պատուէր  
 տուեալ ընկենուլ ի լեառն մի յանապատ եւ  
 կալ պահել մինչեւ վախճանիցի. բազում ինչ  
 սպառնալիս յաճախեցի դմա եթէ զայն ա-  
 մենայն ի գլուխ հանիցէ: Իսկ իբրեւ յետ կա-  
 տարելոյ նորա զհրամանսն, մանուկն վախճա-  
 նեցաւ, յղեցի զհաւատարիմս ի ներքինեացն  
 եւ տեսի ի ձեռն նոցա եւ թաղեցի: Արդ որ  
 ինչ վասն իրացս այսոցիկ այս ինչ է, արքայ,  
 եւ այսպիսի մահու մանուկն վախճանեցաւ:

Արպագոս ճշմարտիւ հան զբանն ի վեր:  
 Իսկ Աժդահակայ թագուցեալ զայն որ ի  
 ներքս ցասումն էր վասն իրացն եղելոց, նախ  
 որպէս յանդիորդէն ինքն զիրսն լուաւ միւս-  
 անգամ պատմեաց Արպագայ. եւ յետ այ-  
 նորիկ իբրեւ զայն պատմեաց, զիջաւ եւ ասէ.  
 Թէ մանուկն տակաւին կենդանի է, եւ իրքն  
 որ եղեն բարեօք են: Չի ընդ այն որ ի մա-  
 նուկ անդր գործեցաւ ծիւրեալ ծնդէի, եւ  
 յիմէ դատերէն կշտամբէի: Բայց արդ քանզի  
 շրջեցաւ պատահարն, դու զքո որդիդ յղեա  
 այսր առ մանուկն նոր. եւ զի վասն մանկանն

փրկութեան զոհս կամիմ մատուցանել քան-  
 զի նոցա իսկ վայելէ այն պատիւ, եկ առ իս  
 յընթրիս: Արպազոս իբրեւ զայն բան լուաւ,  
 երկիր եպագ եւ յանձն իւր առաւել զուար-  
 ճացեալ լինէր զի ոչ ինչ յանցեալ ի պատ-  
 շածիցն եւ յընթրիս եւս կոչեցաւ: Յարու-  
 ցեալ չոգաւ յապարանսն. իբրեւ եմուս վաղ-  
 վաղակի, քանզի որդի մի է նորա միամօր  
 լեալ ամաց երեքասանից ուրեմն, զնա ա-  
 ռաքէ հրաման տուեալ երթալ առ Աժգա-  
 հակ եւ առնել զոր ինչ նայն հրամայիցէ. եւ  
 ինքն երթեալ պատմէր ուրախութեամբ կնոջն  
 որ ինչ եղեւն: Իսկ Աժգահակ, իբրեւ եհաս  
 առ նա Արպազայ որդին, սպան զնա եւ ան-  
 դամ անդամ յօշէր, զկէսն արկանէր ի խո-  
 բովս եւ զկէսն եփէր. եւ իբրեւ յօրինեաց,  
 պատրաստեալ պահէր: Իբրեւ ընթրեացն  
 ժամն էր, եկին կացին այլ եւս կոչնականք  
 եւ Արպազոս, այլոցն եւ Աժգահակայ գլխո-  
 վին սեղանք առաջի յօրինէին լցեալ զառանց  
 մսովք. իսկ Արպազայ իւրոյուրոյն որդւոյ  
 միս բաց միայն ի գլխոյն եւ ի ծայրից ձե-  
 աացն եւ ոտից, քանզի զայն ամենայն ի ծա-  
 ծուկ թագուցեալ եղին. իբրեւ յագեցաւ Ար-  
 պազոս ի կերակրոյ անտի, հարցանէր Աժգա-  
 հակ թէ եղէր ուրախ սեղանովս, եւ յասել  
 Արպազայ թէ յոյժ ուրախ եղէ, բերին ա-  
 ռաջի որոց հրաման իսկ առեալ էր, զգլուխ  
 մանկանն ծածկեալ, եւ զձեռս եւ զոտս: Եւ  
 որ մերձն կային ասէին թէ բայց սո՞ղ զինչ կա-  
 միցիս ի նոցանէ. իբրեւ յանձն առ Արպա-  
 զոս եւ բացեալ ետես զմանկանն նշխարս  
 թէպէտ եւ ետես ոչ ինչ սքանչացեալ սխրա-  
 ցաւ, այլ համբեր յանձն իւր: Հարցանէր  
 զնա Աժգահակ թէ զիտիցես թէ զորոյ զա-  
 զանի միս կերար. եւ նա, ասէ, զիտեմ, եւ  
 պարտ եւ պատշաճ է թէ ամենայն ինչ զոր

արքայ կամիցի հաճոյ լինիցի : Յորժամ զայս  
խօսեցաւ առ զնշխարս մտոյն եւ չորաւ ան-  
դրէն յապարանան . որպէս ինձ թուի կամեր  
իմն անդէն թաղել :

ՅԱրպազայ այսպէս վրէժ առ Աժգա-  
հակ : Բայց զԱիւրոսէ զմտաւ ածեալ կոչէր  
զնոյն կախարդս ի կախարդացն , որ զերազն  
նորա այնպէս ընտրեցին . իբրեւ հասին , հար-  
ցանէր զնոսա Աժգահակ թէ զհարդ ընտրե-  
ցին զտեսիլն . եւ նորա ըսանովն բանից բար-  
բառեցան , ասեն , թէ պարտ է մանկանն թա-  
գաւորել եթէ կենդանի կայցէ եւ ոչ վաղ  
մեռանիցի : Էւ նա տայր նոցա պատասխանի  
զայս գոյն օրինակ . Է մանուկն եւ կայ իսկ  
կենդանի , եւ յորժամ յանդի էր որ ի գեղջէ  
անտի մանկտին էին , թագաւոր կացուցին . եւ  
նա զամենայն զօր ճշմարիտ թագաւորքն առնեն ,  
արար եւ վճարեաց , քանզի սպասաւորս եւ  
բարձրանս եւ համբաւարերս եւ զայն ամե-  
նայն յարդարեալ յօրինէր . բայց արդ ձեզ  
զինչ թուիցի , ցո՞ր վայր իբքն հասանիցեն :  
Ասեն մողքն . Եթէ կենդանի է մանուկն եւ  
թագաւորեաց ոչ ի տեսչութենէ իմերէ ,  
վասն դորին իսկ քաջալերեաց եւ քաջ լեր ,  
քանզի ոչ եթէ այսուհետեւ երկիցս անգամ  
թագաւորեսցէ . քանզի եւ ի մանուկնն բա-  
զում անգամ ի գլուխ ելին պատգամք ինչ ի  
պատգամաց , եւ որ յերազոց անտի են , ի  
տկար ինչ վճարին : Տայր նոցա Աժգահակ  
պատասխանի . Եւ ես ինքնին զնոյն ածեմ  
զմտաւ թէ քանզի թագաւոր անուանեցաւ  
մանուկն , եւ ի գլուխ երազն , եւ չէ ինչ այ-  
սուհետեւ փնաս մանուկն . բայց սակայն զի-  
տեցէք տեսէք եւ տուք ինձ խրատ թէ որ  
զգուշաւոր իցէ եւ իմում տանս եւ ձեզ : Ա-  
սեն մողքն . Եւ մեզ արքայ օգուտ է թէ կայ  
ի հաստիքս իշխանութիւնդ . քանզի այնպէս

օտարանայ տէրու թիւն եթէ ի մանուկդ ան-  
ցանէ որ պարսիկ իսկ է . եւ մէք քանզի մարք  
իցեմք ի ծառայու թիւն վտարանդիմք եւ չհա-  
մարիցիմք ինչ առաջի Պարսից, քանզի օտարք  
եւ պանդուխտք իցեմք : Բայց եթէ դու կսյ-  
ցես մնայցես ի թագաւորու թեան քում,  
քանզի մեր իսկ քաղաքացի ես, եւ իշխեմք ի  
կողմն մի եւ մեծամեծ եւս պատիւս ի քէն  
ունիմք . սյսպէս ամենեւին իսկ քեզ եւ քում  
իշխանու թեանդ մեզ պարտ է զգոյշ լինել :  
Եւ այժմ եթէ ահագին ինչ տեսանէաք զքնաւ  
պատմէաք քեզ . բայց արդ զի ի թեթեւ  
ինչ եւ երազն, մէք համարձակիմք, եւ  
քեզ եւս զգոյն աամք հրաման . բայց զմա-  
նուկն յաչաց քոց ի բաց ի Պարսս յղեա առ  
Տնանեւիսն : Չայն լուեալ Աժգահակայ զուար-  
ձանայր զուարթանայր, զՎիրոս կոչէր եւ  
խօսէր զայս ձեւ զսոյն դոյն . Մանուկ դու  
ես զքեզ վասն տարապարտ տեսլեան երա-  
զոց զսկեալ զլացայ, այլ քոյովք հրամանօք  
գերիվերոյ եղեր . այժմիկ երթ դու ի Պար-  
սըս, յուղարկաւորս եւս միանգամայն արձա-  
կեցից . անդր երթեալ զհայր եւ զմայր գտա-  
նիցես, ոչ ըստ Միտրադատայ անդիորդի եւ  
ըստ կնոջ նորա :

Չայս իբրեւ խօսեցաւ Աժգահակ արձա-  
կեաց զՎիրոս . ի հասանել նորա յապարանս  
Կամրիւսեայ, ընկալան զնա հայրն եւ մայրն  
եւ իբրեւ ընկալանն եւ իմացան, գիրկս ար-  
կին, քանզի սյսպէս գիտէին թէ յայնժամ  
իսկ եւ իսկ վախճանեցաւ . հարցանէին թէ  
որպէս որդունակ գերիվերոյ եղել : Նա պատ-  
մէր նոցա եւ ասէր թէ յառաջն ոչ ինչ  
գիտէի այլ բազում իւիք սխալեալ էի, բայց  
ի ճանապարհին ազդ եղեն ինձ ամենայն որ  
ինչ անցք անցին ընդ իս . քանզի համարէի  
թէ որդի իցեմ անդիորդին Աժգահակայ, եւ

ի ճանապարհի զամենայն յուղեկցացն առի ի միտ . եւ սնանէի, ասէ, յանդիւորդի կնոջէն . եւ զնա համակ գովէր, եւ էր նորա ամենայն քանից նշանակ Սիւնոփն : Իսկ հօրն եւ մօրն, առեալ զանուան զայն, զի յաստուածակոյս կողմանէ համարեցաւ Պարսից թէ կենդանի մնացեալ իցէ մանուկն, հանին համբաւ թէ զՍիւրոս, յորժամ ընկեցիկն եղեւ, շուն սնոյց : Եւ յայնմ հետէ համբաւն տարածանէր : Իբրեւ յարութիւն հասանէր Սիւրոս եւ քան զհասակակիցսն ազնուագոյն երեւէր եւ սիրուն, առաքէր պատարագս Արպագոս եւ գրգռէր, քանզի ցանկայր յԱժգահակայ վըրէժ խնդրել . զի տեսանէր իսկ թէ յանձնէ, քանզի ինքն շինական էր չկարէր վրէժ առնուլ : Իբրեւ ետես նա զՍիւրոս աճեցեալ եւ զարգացեալ, առնէր զնա զօրաւիզն օգնականութեան, զՍիւրոսի վիշտսն իւրոց վըշտացն համեմատէր . բայց յառաջ իսկ քան զայն նա զայն յարգարէր զի դառնագոյն էր Աժգահակ ի վերայ Մարացն, ի բանի առնէր Արպագոս զմի մի իւրաքանչիւր յաւադացն Մարաց, հաճէր հաւանեցուցանէր թէ պարտ է զՍիւրոս կացուցանել թաղաւոր եւ զԱժգահակ հանել ի տէրութենէ : Իբրեւ զայս ամենայն վճարէր եւ պատրաստ լինէր, ապա Սիւրոսի որ անդէն ի Պարսս էր, կամէր Արպագոս զխորհուրդսն ի վեր հանել, եւ սյլ ազգ ինչ չմարթէր յայտ առնել, քանզի էր պահ զգուշութեան պահապանայն, եւ նա հնարէր այնպիսի ինչ : Հնարէր նապաստակ մի եւ զպորտն հերձոյր եւ ապա դնէր անդէն ի նմին զիր գրեալ որ ինչ հաճոյ թուէր, եւ միւսանգամ ի միմեանս կարեալ զպորտ նապաստակին եւ վարմն եւս տուեալ իբրեւ որսորդի միում ումէք ի հաւատարիմն ծառայից արձակէր ի Պարսս . եւ իւրով իսկ լեզուաւ

պատուէր տայր թէ ի տալն քու՛մ Աիւրոսի  
 զնապաստակն, առա, թէ ինքնին իսկ իւ-  
 րով ձեռամբք յաշեսցէ, եւ մի ոք մօտ իցէ  
 յորժամ զայս առնիցէ: Իբրեւ այն ի գլուխ  
 ելաներ, եւ Աիւրոս զնապաստակն ի ձեռն ա-  
 ռեալ ընդ մէջ հերձաներ. եւ գտեալ ի նմին  
 մատեան, առեալ ընթեռնոյր եւ գիրն ասէր  
 այսպիսի ինչ. Ով մանուկդ Ամբիւսեայ, քեզ  
 դիքն ակտուչ լինին, քանզի եւ ոչ յայնպիսի  
 ինչ պատահար հասանելիր. արդ յԱժգահա-  
 կայ ի քումէ սպանողէ առ վրէժս, քանզի  
 ըստ ցանկութեան իսկ նորա դու մեռեալ էիր,  
 բայց ի դիցն եւ յինէն կացեր կենդանի:  
 Ձայս ամենայն կարծեմ թէ վաղ իսկ գիտես,  
 եւ զոր դուն կրեցեր եւ որովք եսն վշտացայ  
 յԱժգահակայ, զի զքեզ ոչ սպանի այլ ետու  
 զքեզ անդիորդին: Գու այժմիկ եթէ կամի-  
 ցիս իմոյ խորհրդոյս անսալ. ամենայն աշխար-  
 հին որում Աժգահակն տիրէ, դու իշխեսցես:  
 Հաւանեցո դու զՊարսիկսն զի եկեսցեն ի  
 մարտ պատերազմի ընդ Մարաց. եւ եթէ ես  
 յԱժգահակայ կացից զօրավար հակառակ քո  
 կամ եթէ այլոմն ի պատուականացն Մարաց,  
 եղիցի որ ինչ դու կամիցիս: Քանզի նախ նո-  
 քա ապստամբեն ի նմանէ եւ ընդ քեզ միա-  
 բանեն եւ ջանայցեն զԱժգահակ սատակել:  
 Արդ քանզի աստ պատրաստ է ամենայն, ա-  
 րա դու զայդ եւ վաղվաղակի առնիցես:

Ձայս լուեալ Աիւրոսի, խորհէր թէ որ-  
 պէս իմաստութեան հնարիւք ածիցէ ի հաւ-  
 ան զՊարսիկսն ապստամբել: Եւ զմտաւ ա-  
 ծեալ, զայս ինչ դիպօղ գտաներ, եւ առնէր  
 այսպէս գրեալ ի գրի զոր ինչ կամէրն, ժո-  
 ղովեաց ի մի վայր զՊարսիկսն, եւ ապա տար-  
 ածեալ զգիրն ընթեռնոյր եւ ասէր թէ Աժ-  
 գահակ զիս Պարսից սպարապետ կացոյց. եւ  
 արդ, ասէ, ով Պարսիկք, հրաման տամ իւ-

րաքանչիւր ումք մանգաղ առնուլ եւ գալ :  
 Աիւրոս զայս ինչ պատուիրեաց : Բազում  
 ազգք են Պարսից, եւ զոմանս ի նոցանէ  
 կոչեաց Աիւրոս եւ հաւանեցոյց ի բաց կալ ի  
 Մարաց, եւ այնոքիկ իսկ են յորոց այլ եւս  
 Պարսիքն ամենայն կախեալ կան. Պասար-  
 գադացիք, Մարափիացիք, Մասպիացիք. ի սո-  
 ցանէ Պասարգադացիքն ազնուագոյնք են,  
 յորս եւս քեմենիդեանքն տոհմ է, անդիսեր-  
 սիսեան թագաւորքն ծնան. իսկ այլ Պար-  
 սիկք սոքա են. Պանթիաղեացիք, Դերասիացիք  
 Գերմանիացիքն սոքա ամենեքին արօրադիր  
 առնեն, իսկ այլքն արօտականք են, Դայքն  
 Մարգացիքն, Դրոպիկացիքն, Սագարտիա-  
 ցիքն : Իբլեւ եկին հասին ամենեքին առեալ  
 որ ինչ հրամայեալն էր, յայնմ վայրի Աիւ-  
 րոս, զի էին վայրք ինչ ի Պարսից աշխարհին  
 փշալից տատասկաբեր որչափ թէ ութեւտասն  
 վտաւան կամ բնաւ քաջ քսան, զայն տեղի  
 հրամայէր հատանել յաւուր յայնմիկ : Զայն  
 գործ ի գլուխ հանեալ Պարսից երկրորդ  
 գործ հրամայէր նոցա ի վաղիւ անդր լուա-  
 նալ եւ գալ : Յայնմ ժամանակի զամենայն  
 զայծիս եւ զհօտս եւ զանդեսոյս հօրն ժողո-  
 վէր Աիւրոս եւ զենոյր եւ կարգեալ կազմեալ  
 յօրինէր զի ընդունիցի զզօրան Պարսից. եւ  
 յայնր վերայ պինով եւ ազնիւ հացիւ : Ի վա-  
 ղիւ անդր ի դալ հասանել Պարսից հրամայ-  
 եաց բազմել ի մարգին ուրախ առնէր : Իբլեւ  
 ընթրիքն կատարէին, հարցանէր զնոսա Աիւ-  
 րոս. թէ ո՞ր լաւ եւ ցանկալի իցէ ձեզ որ  
 ինչ երէկն էր եթէ որ ինչ այսօր. նոքա ա-  
 սեն թէ բազում կրճիմ ի միջի է, զի երէկ ա-  
 մենայն ինչ չար էր, իսկ որ այժմս են բնաւ  
 բարի : Զայն բան ի մէջ առեալ Աիւրոսի,  
 զամենայն բանն ի վեր հանէր եւ ասէր.  
 Արք պարսիկք, այս ձեզ այսպէս է. եթէ ինձ



կամիցիք անսալ եղիցին այսպիսի եւ այլ եւս  
բիւրուց բեր բարութիւնք եւ ոչ ի վաստակս  
ճառայութեան կայցեն. իսկ որոց ոչն հնա-  
զանդին անհամար աշխատութիւնք հանգոյն  
երեկի հասանիցեն: Արդ անսացէք ինձ եւ եղի-  
ջիք ազատացեալք: Քանզի եւ ինձ իսկ թուի  
թէ ծնայ ես ի դիցն պատահարաց զայս ա-  
մենայն ձեզ հասուցանել ի ձեռս, եւ զձեզ  
քան զարս Մարացն ոչ ինչ ապաժաման հա-  
մարիմ ոչ ի պատերազմի եւ ոչ յայլ եւս իրս:  
Եւ զի այս այսպէս է, ապստամբեցարուք  
վաղվաղակի Աժդահակայ:

Արդ գտեալ նոցա վերակացու յօժա-  
րէին յազատութիւն ելանել յառաջագոյն  
իսկ դժկամակ լեալ ընդ Մարաց իշխանու-  
թեամբ: Իբրեւ ազդ լինէր Աժդահակայ զՎիւ-  
րոսէ թէ զայս արար, հրեշտակ առաքեալ կո-  
չէր զնա: Իսկ Վիւրոս հրաման տայր հրեշ-  
տակին պատմել եթէ վաղ հասանիցէ առ նա,  
քան ինքն Աժդահակ կամիցի: Չայն լուեալ  
Աժդահակայ, վառեցոյց զամենայն Մարս եւս  
նոցին զօրավար իբրեւ ի դից անտի վնասեալ  
զԱրպազոս կացուցանէր, քանզի մոռացօնս  
արար ամենայնի զոր գործեացն: Իբրեւ Մարք  
խումբ գործեցին եկին խառնեցան ի մարտ  
պատերազմի ընդ Պարսից, ոմանք ի նոցանէ  
որ չէին ընդ նոսա ի բանի կռուէին, եւ կէսք  
միաբանէին ընդ Պարսից. եւ բազմադոյնք  
վատթարեալ փախստեսց ապրեալ երթային:  
Յորժամ քակէր ամօթալից մարական բանակն  
եւ ազդ լինէր վաղվաղակի Աժդահակայ ասէր  
ասլառնացեալ Վիւրոսի. Սակայն եւ ոչ այն-  
պէս ուրսիս լիցի Վիւրոս: Չայս իբրեւ ասէր  
զմոպուցն երազագէտս որ խրատն ետուն ար-  
ձակել զՎիւրոս, զնոսա զփայտէ կախէր. յետ  
այնորիկ զորս ի քաղաքի անդ մնացեալ  
Մարքն էին վառեաց զձեր եւ զմանկտի. եւ

Հանեալ զնոսա եւ Պարսից ի դիմի Հարեալ ի պարսու թիւն մտանեցաւ . եւ ինքնին իսկ Աժգահակ կենդանոյն անկաւ ի բուռն , եւ զայնոսիկ ի Մարաց զոր ընդ իւրն եհան , կորոյս : Իբրեւ երթայր ի գերութեան Աժգահակ , եկեալ կայր առ նմին Արապոս , ծափ զծափի Հարկանէր եւ ոտնհար լինէր եւ այլ եւս բանս կսկծելիս թշնամանաց ի նա խօսէր , եւ հարցանէր եւս նմա ըստ իւրոց ընթրեացն , յորժամ ետ նա զմարմին որդւոյն ուտել , թէ հաճոյ թուիցի՞ քեզ ծառայութիւն ընդ թագաւորութեանն : Եւ նորա հայեցեալ հարցանէր եթէ իւր առնիցէ զկիրոսի դործս : Իսկ Արապոս ասէ . Ես իսկ գրեցի , եւ յիրաւի ինձ զիրսն համարիմ : Տայր Աժգահակ բանիցն պատասխանի թէ անպիտան քան զամենայն մարդիկեւ ապաժաման ես . անպիտան՝ զի մարթ էր քեզ իսկ թագաւորեւ , եթէ ի ձեռն քո դործեցաւ ամենայն , եւ այլում ետուր զտէրութիւնն . անիրաւ ես , զի վասն ընթրեացն զՄարս ի ծառայութիւն վտարանդեցեր : Չի եթէ պարտ ինչ էր բնաւ այլում ումեք զթագաւորութիւնն տալ եւ մի ինձ ունել , իրաւամբք այն էր եթէ միում ումեք ի Մարացն տուեալ էր եւ ոչ ի Պարսից . բայց այժմ Մարքն որ շիցենն այնց յանցանաց յանցաւորք , ծառայս փոխանակ տեբանցն լինիցին :

Արդ թագաւորեալ Աժգահակայ ամս երեսուն եւ երիս , ապա յարքայութենէ անտի ի բաց քակէր : Եւ Մարք ընդ Պարսից իշխանութեան նուաճեցան , իշխեալ ի վերոյ քան զԱղիւս գետ ասիացւոց աշխարհին ամս հարեւր եւ երկուք սխալ յերեսնէ , բաց յայնց զորս Սկիւթացիքն տիրեցին : Բայց ի ժամանակսն յետինս սորջացան զի զայս արարին եւ ապստամբեցին ի Դարեհէ , եւ յետ

ապստամբութեանն վանեալ վկանդեալ կը-  
ռուով ի պարտութիւն մատնեցան : Յայնմ ժա-  
մանակի յետ Աժդահակայ Պարսիկքն եւ  
Կիւրոս յարուցեալ ի մարտ պատերազմի ի  
վերայ Մարաց, յետ այնորիկ Ասիացւոց տի-  
րեցին : Իսկ զԱժդահակ Կիւրոս ոչ ինչ սյ-  
նուհետեւ լլկեալ, առ իւր ունէր մինչեւ  
վախճանեցաւ : Այսպէս ծնեալ եւ սնեալ  
Կիւրոսի թագաւորեաց, եւ յետ այսր ամե-  
նայնի զԿրիստոս որ անիրաւութեան առնէր  
սկիզբն վանեաց, որպէս յինէն յառաջագոյն  
պատմեցաւ <sup>17</sup> . եւ զնա վկանդեալ ամենայն  
ասիացւոց աշխարհին իշխեաց :

Ապա եւ զմահուանէն Կիւրոսի ի նմին  
մատենի պատմէ թէ զայրացեալ ընդ նա Տո-  
միւրեաց Մասադետացւոց բամբշան, զգօրսն  
միանգամայն դումարէր եւ Կիւրոսի ի վերայ  
դիմէր . յաղթէին Մասադետացիքն եւ Կիւրոս  
ի ճակատուն անկանէր : Յետ պատերազմին  
իրբեւ յուզեաց եգիտ Տոմիւրիս զդիակնն Կիւ-  
րոսի, զկառափն հրամայէր հատանել եւ ի տիկ  
լի մարդկեղէն արեամբ արկեալ սսէն . Ես զքեզ  
արեամբ զմայլեցուցից : Բայց այլք, առե,  
այլազգագոյն իմն զմահուանէն պատմեն, ես  
ասե, զոր արժանի հաւատարմութեան համա-  
րեցայ զայն յիշեցի :

Այս պատմութիւն է Երողոտեաց, եթէ  
պատմութիւն եւս արժան իցէ կոչել : Օն առ  
այժմ առ ընթեր զնիցեմք եւ զՎտեսիայ բանս  
զորոյ եւ Յուստինոս զհետ երթայ : Այս  
Վտեսիէս գրեաց զիրս զՊարսից իրաց բայց  
այժմ մատեանն չիք ի միջի . այլ <sup>18</sup> Փոտիոս որ  
ի նմին մատենէ համառօտեաց, այն կայ :

Կիւրոսի, առե, չիք իսկ ամենեւին ընդ  
Աժդահակայ ազգականութիւն : Յորժամ  
երթեալ անկաւ Աժդահակ յԵկբատանս զի  
ապրեսցի ի ձեռանէ Կիւրոսի, անդ կալեալ

արկաւ յտնակապս : յորոց զերծոյց զնա Կիւրոս յետ ոչ բազում ժամանակի . եւ յետ այնորիկ իբրեւ հայր զգուշանայր նմա : Էր գուսար մի Աժգահակայ որոյ անունն կոչէր Ամբախա , զոր առ ի կնութեան Սպիտամաս ոմն անուն : Չսա զառաջինն իբրեւ մայր մեծարէր . ապա իբրեւ զՍպիտամաս սպան զնա արար կին :

Յետ այնորիկ ի պատերազմ ի վերայ Բակարիացոց գումարէր , եւ նոքա անձնատուր եղին . ընդ Շակաց եւս ետ պատերազմ եւ ձերբակալ զԹապաւորն նոցա զԱմորգէս առնէր : Նորին կին Սպարեթրա անուն , իբրեւ ազգն եղեւ թէ ամուսինն անկաւ ի բուռն , երեքարիւր հազար արանց եւ երկերիւր հազարս կանաց զիւրեաւ գումարէր , հասանէր անկանէր անգէն ի վերայ Կիւրոսի , եւ կենդանւոյն ձերբակալ կալեալ կապեալ ունէր հանդերձ բազում զօրավարօք : Ապա արձակեաց զնոսա կինն զի զայրն յազատութիւն հանիցէ : Յետ այնորիկ Կիւրոս զՍարգս առ եւ զԱրիւսոս կալաւ :

Իբրեւ ամբ քանի մի ի վերայ անցանէին , Կիւրոս եւ Ամբախա նորին կին զԱժգահակ որ ի Բարկանիացոց աշխարհին էր ցանկացան տեսանել : Կիւրոս զՊետիսակաս զիւր մտերիմ առարէր երթալ բերել զնա : Պետիսակաս Իբարեայ խրատու զԱժգահակ թող լիք յանապատ տեղիս աշխարհին եւ անգ ի սովոյն եւ ի ծարաւոյն սատակէր : Իսկ ի դին նորա չեւ էր հուպ լեալ գազանաց , զի առեւծք պահ ունէին մինչեւ դարձաւ սյսրէն Պետիսակաս եւ երարձ . ապա թաղեցաւ մեծաշուք փառաւորութեամբ :

Յետոյ ի մարտ պատերազմի ընդ Գերբիկացիս գրգռէր : Թէպէտ եւ առ ժամանակ մի զգէմ կալան Գերբիկացիքն , ապա նուս-

Ճէին ընդ իշխանութեամբ Աիւրոսի . բայց ի նմին աւուր յերիւարէն անկանէր Աիւրոս , եւ վէրս առեալ յետ երից աւուրց մեռանէր . տուեալ զթագաւորութիւնն որդւոյ իւրում անդրանկան Աամբիւսեայ , եւ Տանիոքսարկեայ զիշխանութիւն Բակտրիացւոց աշխարհին եւ զՊարթեւաց եւ զԱրմանից եւ զՔորամնիացւոց . եւ խրատեաց եւս զնոսա լինել միմեանց բարեկամս . եւ թագաւորեաց նա ամս քսան :

Արդ կարգեցաք եղաք առաջի զամենայն , արդ ում յերեցունց պարտ իցէ աւատալ մտացեացն . եթէ քաջ ոք միտ զնիցէ Երոզոտայ եւ Ատեսեայ բանիցն , անդէն ի կարգի պատմութեանն ոչ ինչ միաբան բարբառին , այլ ընդ միմեանս բանքն հակառակեալ եւ սքանչելի իրս յաճախեն պատմել եւ արտաքոյ քան զհասարակաց կարգ բնութեան . ուր ի Քսենոփոնեայ պատմութեանն ամենեւին չիք իսկ այնպիսի իրաց նշանակ : Եթէ տակաւին թերահաւատ ոք իցէ ի բանիցն ասացելոց , օն առ այսր ճշդիւ հանդէս արարեալ ցուցանիցեմք զիրացն ընծայութիւնն :

Ասէ Երոզոտոս . Երազ , պատմէ , ընդ քուն երեւեալ Աժդահակայ եւ զահի հարեալ խուճապել վասն մանկանն որ ի դստերէն ծնանիցի , եւ վասն ահին եւ խուճապանացն փոխանակ առն մարի տալոյ զդուստրն կնութեան , որպէս ի դէպ իսկ էր , տալ առն ումեմն աւագի ի Պարսից ազգէն : Գեղեցիկ սկիզբն պատմութեանն : Երկեաւ Աժդահակ վասն մանկանն , բայց սակայն յայնչափ ապշութիւն կործանեցաւ զի փոխանակ զահագին ծնունդն իափանեւոյ , հարսանիս եւս անդէն իսկ ճեպէր պատրաստել : Այլ պարսկի , ասեն , եւ ոչ մարի տայ զնա կնութեան : Բայց եւ քան զայն չէր ինչ փոքր երկեւղ վասն թոռինն զոր յիւրմէ իսկ դստերէն ծնա-

նելոց էր այրն տոհմական յայլմէ ազգէ <sup>19</sup> որ յառաջագոյնն իսկ ահամայ կամօք նուաճեալ էին ընդ Մարացն իշխանութեամբ, եւ ոչ այն երկեւղ յաճախագոյն էր որ վասն ի մար հօրէ եւ ի մօրէ ծնելոյ մանկանն էր : Բայց աղէ զայն իսկ տեսցուք թէ զինչ վիշտք ի վերայ հասեալ կային կամ զինչ ահ շուրջ մածեալ շտապէր . այս իսկ թէ իւր թոռն ամենայն ասիացւոց աշխարհին տիրելոց էր, եւ զնորա թագաւորութիւնն պայազատելոց : Ո՛հ տեսիլ ահագին, ո՛ հոգ ծանրատաղտուկ Տեսէք որպիսի՞ իրս մատենագրիցէ որ <sup>20</sup> հայրն կոչիցի պատմութեան : Ինձ ոչ փոքր հաւանութեան թուի թէ հեշտականութիւն եւս քաջ եւ խնդութիւն երազքն բերելոց էին Աթղահակայ, որ ոչ նմին չար ինչ եւ ոչ տէրութեանն մնաս ինչ էին, այլ այնմ իմն դուշակ լինէին թէ թոռնն զթագաւորութիւնն առնլոց է եւ մեծացուցանելոց :

Ապա իրրեւ զմանկանն ծնընդենէ, ասէ, լւեր, յերկեղէն ի տմարդիկ անագորունութիւն հասանէր : Ասան այնորիկ Արպազայ լինի յետ այնորիկ տայ զնա Արպազոս անդիորդի ընկենուլ : Իսկ եւ իսկ վաղվաղակի ի տագնապէն փութայ զմանուկն թափել քանզի բազում դործ ի ձեռն նորա վճարելոց էին : Աղաղակի աճէ կացուցանէ զնա առաջի հաւուն : Ուղի՛ղ : Բայց զխորդ կամ որով օրինակաւ, տես : Մանուկն մինչ դեռ տասն ամաց էր եկաց թագաւոր ի մէջ հասակակից մանկաւոյն եւ քանզի զբնաւ ըստ տէրութեանն կարգէր, զորդի մարի ուրումն քանզի անսաստէր, ետ գան հարկանել : Որ գանն արք երթ պատմեաց հօրն եւ հայրն թագաւորին : Արդ մի թէ այնչափ մեծ ինչ ոք էր Վիւրոս յայնպիսում տիս մանաւանդ յորժամ անդիորդի եւս որդի կարծէր, զի

չէր ձեռնհաս մար որ աւագ առնուլ զվրէժ  
մանկութեան խակութեանն . միթէ այնչափ  
ինչ մեծ ոճիրս գործեալ էր նորա մինչեւ  
պարտ էր ի թագաւոր անդր հասուցանել :  
Երողոտոս այսպէս կամեցաւ , քանզի յօժա-  
րեաց զմանուկն անդէն ի մանկութեան հաւ-  
ուն եւ հօրն եւ մօրն յայտ եւ ծանօթագոյն  
գործել : Այնուհետեւ ի թագաւոր անդր  
կոչի թագաւորազնն որ զիւր հասակակիցն  
յանդգնեալ դան եհար : Ծագրալից ատեան  
յօրինէր , ի մէջ անցեալ կայր թագաւորն Մա-  
րաց , որ ոչն ուրեք յայնպիսի անարդութիւն  
գանձն իջուցանէր , եւ անդէն վասն տասն  
ամաց մանկան թեթեւագոյն միասու առնէր  
հարցափորձ քննութեան : Այլ մի ըստ միո-  
ջէ ծագրալից պատմութիւնք տողին , ի միոջէ  
մեւս եւս ծագրալից պատմութիւն ծնանի . զի  
որ մանկանցն իրաւարարն է նայեցեալ ի  
մանուկ անդր , յանկարծակի զերեսացն նշա-  
նակս ճանաչէր զտասն ամաց մանկան զոր  
յառաջն յորժամ այն ինչ ծնեալ էր , ետես  
ի հարեւանցի Զեռ ի միտ առնլոյ թէ Ման-  
գանեայ որդին է , զինչ գործիցէ թագաւորն .  
ոչ ապաքէն միւսանգամ ի կարծիս եւ ի հոգս  
անկանիցի ծանրացեալ նեղեալ : Ոչ ուրեք .  
ուրախ եւս լինի ընդ ապրել մանկանն . եւ  
վասն որոյ ուրախն լինի , վրէժ առնու : Ընդ  
բարբարիկ անագորոնութիւնն զարմացսցց ե-  
թէ ընդ անպատեհ պատմութիւնն : Բայց  
զինչ յեռ այնորիկ ընդ Կիւրոս առնիցէ Աժ-  
գահակ . Յիսաթարգան հարցանէ թէ զինչ իրք  
լինիցին . նորա խորամանկ մտօք ճարտարն  
թէ ելին իսկ իրքն ի գլուխ յորժամ ի մա-  
նրկուոյ մէջ եկաց թագաւոր : Տեսեր զհան-  
գարտ եւ զմեղմտական միտս Աժգահակայ . եւ  
զի իմասցիս թէ մեղմական միտք էին առնն  
հայեաց ի կոչունսն զոր Արպագայ առաջի

յօրինէր : Յանկարծակի ժողովուրդակի ամենայնի եւ բնաւի մոռացօնս առնէ եւ զայն թէ ամենայն աշխարհին ասիացւոց թագաւորելոց է մանուկն, զԿիւրոս իրագէտ անցիցն որ ընդ նա անցին, ի Պարսից աշխարհն արձակէր : Գարձեալ մեւս եւս անհանձար պատմութիւն : Լուեալ Աժգահայ թէ Կիւրոս ապստամբեցոյց զազգն, զօրաժողով լինէր գունդ վառէր եւ զԱրպազոս կացուցանէր զօրավար : Ո՛հ անմիտ մորոսութիւն. մի՞թէ այնչափ անմիտ ոք էր Աժգահայ զի որում սակաւ մի յառաջ ցասուցեալ վրէժ առ, զնա անդէն սպարապետ զօրացն առեալ կացուցանէր : Թէ զինչ զբաւ մարտին իցէ, զայն թէպէտ եւ ես լռեցից, մարթի որ ընթեռնուն առնուլ ի միտ : Ի պարտութիւն մատնեցան Մարքն՝ եւ Աժգահայ ի բուռն անկաւ, եւ յետ այնորիկ Կիւրոս <sup>21</sup> զԿրիւսոս կալաւ : Արդ նախ զՄարաց իշխանութիւն առ, եւ ապա ի Ղիւզացիս դիմեաց, տես սրչափ խառն ի խռռն եւ անկարգ զՊարսից իրս մատենագրեաց Երոզոտոս . կանխագոյն ասացեալ է նորա ի նմին մատենի <sup>22</sup> թէ Պարսիկքն տկարք եւ անզօրք էին յորժամ կալան զՂիւզացւոց թագաւորն, եւ կապուտ կողպուտ զՄարդիացւոց քաղաքն արարին եւ ոչ ընդ <sup>23</sup> փափկութիւն եւ բարեկեցութիւն ընդեւեւալք եւ աղքատք եւս եւ տնանկք էին մինչ չեւ զՂիւզացիս վանեալ : Եւ արդ զիսորդ տկարք ոք եւ անզօրք եւ աղքատք էին որոց յաղթեալ ի ճակատու զամենայն մեծութիւն եւ զարարս Պարսից աշխարհին յափշտակեցին : Գանդաղիմ զամենայն ի մէջ բերել որ անհաւատ իսկ են եւ անդէն ընդ միմեանս մարտ եղեալ կռուին : Բայց աղէ դու եկ լուր զինչ զԿիւրոսէ պատմիցէ մտանագիրն . այն որ ցայժմ զամենայն իմաստութեան խորհրդով վճարէր <sup>24</sup> Կիւրոսի



առաջատակ եղեալ ի կողմանս բարեղացւոց աշխարհին, առ Գիւնդոս զեւ հասանէր, իբրեւ միջամուկս ի զեւ անդր խառնէր, երիւար մի ի մեհենական սպիտակ ջուրոցն անդէն իջեալ միսրճեալ ի գրդանսն սատակէր: Չայրացաւ զժգմեցաւ թագաւորն, վաղվազակի բարկութեամբ ի զեւ անդր դիմէր եւ անդէն թողեալ զարշաւանն՝ զգետն տանջէր, եւ զամենայն ամառն ընդ տանջելն հանէր:

Ինձ այսպէս թուի թէ յորժամ ճշդիւ որ զգուշութեամբ խորհիցի, ոչ ինչ մեզ մեղ դնիցի որպէս թէ զուր պարսաւիցեմք զԵրոզոտոս: Մարթի սյնպիսին եւ զսյն ի միտ առնուլ թէ ոչ տարապարտ ասիցէ <sup>25</sup> Աիկերոն զնմանէ, թէ անթիւ առասպելս տողէ. զի եւ այլք ի <sup>26</sup> մատենագրաց առասպելական զմատեանն համարին:

Բերաք ի մէջ եւ մեւս եւս պատմագիր իրացն Պարսից զՎտեսիաս կնիդացի. բայց քանզի ի քսան եւ երեք գրոց անտի հատակոտոր իմն կայ, ոչ ինչ մարթեմք ճշդիւ վասն նորին վճիռ բերել: Այլ եթէ հաւանեալ անսայցեմք բանից բազմաց ի հնոցն եւ ի նորոց, չէ զգուշութեան աւատալ Վտեսիայ <sup>27</sup> Արիստոտեղէս. ասէ, թէ չէ արժանի հաւատարմութեան. եւ <sup>28</sup> Ստրաբոն վճիռ բերէ, թէ եւս դիւրագոյն իցէ ումք պւետեայց առասպելարկութեանց հաւատալ, քան Երոզոտայ եւ Վտեսիայ. իսկ <sup>29</sup> Անտիգոնոս յայտնապէս իսկ, ասէ, թէ նա բազում ինչ ստեւեւ <sup>30</sup> Պղոտարքոս՝ թէ ի ճշմարտութենէ յառասպելս կործանի:

Բայց զի Քսենոփոն արդարեւ ճշմարիտ պատմութեամբ ի հնոցն յիշատակարանաց առեալ մատենագրեաց, եւ զի հաւատարիմ քան զամենայն պատմագիրս որ վասն սոցին իրաց գրեցին Քսենոփոն է՝ ինձ ամենեւին

Ճշմարտութեան թուի: Նախ վասն այնորիկ  
 իսկ զի քաջանուն եւ հաւատարիմ միշտ  
 \* դրուատէր, ուստի չառնոյր յանձն յայնպիսի  
 ինչ յանդգնել ձեռն արկանել որ ոչ ի գովու-  
 թիւն էր այլ ի պարսաւանս: Երկրորդ ան-  
 դամ զի ոչ միայն խոստանայ եւեթ հաւա-  
 տարիմ զԱիւրոսի պատմութիւնն գրել, այլ  
 եւ ի դէպ էր թէ յորժամ անդ իսկ յապա-  
 րանսն Աիւրոսի կրսերոյ էր, եհարց եւ ի միտ  
 առ որպէս բարք իսկ էին նորա, զամենայն ինչ  
 սքանչելի հարցանել եւ իմանալ: Երրորդ զի  
 ինքն զամենայն գործս եւ զկարգս եւ զխրատ  
 բովանդակ յորինեալ կարգէ մանր մանր մա-  
 սամբք, ուր այլք ի պատմագրաց սակաւ մի  
 ինչ ի հարեւանցի առնիցեն յիշատակս: Չոր-  
 րորդ անգամ զի սեռն եւ պարզ եւ յստակ  
 է պատմութիւնն, առանց պաճուճանաց,  
 հանգոյն եւ ի դէպ ճշմարտութեան. իսկ այ-  
 լոցն պատմութիւնք երազովք եւ նշանօք եւ  
 չքնաղ զարմանալեօք որ միմեանց քակիչք  
 լինիցին, յաւելեալ ի նոյնս եւ զառասպե-  
 լական զգազանացն սնունդս\*\* :

\* Դիւրորոսս սիկեղացի աւել ի պարսկական դու-  
 բանին, թէ քսենոփան է թասկիդիդէս վասն  
 ճշմարտութեան գովեցան:

\*\* Որպէսի ինչ Յասարիսոս յառաջնամ գիրան  
 է Ղեւիսոս յառաջնամ զՈւսիղայ է զՈւե-  
 մայ ընկեցիկ լինելոյ առիցին, է գայլոց նոցին  
 դայեակ մտալ անայիչ լինելոյ. զնոյն է  
 Դիանիսիոս ազիլառնացի յառաջնամ մարտնի  
 է Հոսոյեցոց նախնեաց պարսկական վի-  
 պի: Եւ Դիւրորոսս ի մարտնադարանին ի  
 Արտեայ պարսկական ազանեաց պարտե-  
 Շասիրասայ անայիչ լինել:

Հինգերորդ անգամ զի Քսենոփոնեայ պատուութիւնն ի միաբանութեան անդ դրոց սրբոց բարձեալ բերէ զյաղթութիւնն : Եւ զի այս սյսպէս է, իսկզբանէ իսկ արասցուք սկիզբն ցուցանել :

Քսենոփոն ասէ . Աժդահակ զիւր դուսար Մանդանէ ետ կնութեան դրացի թագաւորին . այս արժանի հաւատարմութեան է , բայց ժամանակագրացն մատենից հակառակ կայ , որ ասենն թէ ի Մարաց թագաւորութեան չգոյր Պարսից թագաւոր : Այլ զայնմանէ մեզ չէ փոյթ , նոքին տեսցեն որ այլոց գրագրաց ջատագով մտանիցեն . քանզի ճտխութիւն գրոց սրբոց՝ վկայութիւն թուի մատուցանել Քսենոփոնեայ բանիցն : Զի Եսայեայ զԲաբելոնացոց քաղաքէն մարգարեացեալ թէ ընդ հուպ առցի . ասէ բայ . <sup>31</sup> Զայն, ասէ , ազգաց բազմաց ի վերայ լերանց ի նմանութիւն ազգաց բազմաց , ձայն ԹԱԳԱՒԱՅ Եւ ազանց միահամուռ ժողովելոց : Թագաւորօքն զՄարաց եւ զՊարսից թագաւորացն յայտ կամի առնել : Ի նմին վայրի եւ զՄԱՐՍ <sup>32</sup> յականէ կարգայ մարգարէն , եւ առ նոսին ի նոյնս վաղվաղակի <sup>33</sup> զԵՂԻՄԱՅԻՄՆ յարեալ յաւելլու , զոր եւ Պարսիկս ի նմին վայրի կոչիցէ : Քանզի որ զգրոց սրբոց գիրսն գրեցին , ոչ զԵղիմացիսն միայն , այլ զնոցին սահմանորդս զՊարսիկս Եղամ գիտեն անուանել :

Գարձեալ պատմէ Քսենոփոն զՎիւրոսէ , թէ ի մանկութենէ համակ ընդ պատերազմի հրահանգս ելանէր , եւ զի աշխատասէր եւ վշտասէր եւ մարդասէր բարք էին նորա : Եւ զի այս ճշմարիտ է , բազումք են յարտաքնոցն մատենագրաց որ նմին վկայք լինիցին , որոց սակի <sup>34</sup> Նիկողաւոս սիրակուսացի է , եւ <sup>35</sup> Իմերիոս եւ Պղուտարքոս եւ <sup>36</sup> Ամիանոս :

Արդ զսոսա \* Թողեալ եկեացուք ի գրոց սրբոց ճոխութիւնս : Եւ արդ զի՞նչ զարմանք իցեն թէ զնա այնպէս առաքինի քարոզիցէ Քսենոփոն, զայն զուժէ <sup>37</sup> նուիրական մարգարէն ասիցէ Աստուծոյ իսկ բանիւ . կալսց զաջոյ ձեռանէ նորա հնազանդեցուցանել առաջի նորա զազգս . եւ զորմէ Աստուածն ասէ ի նմին մարգարէի թէ <sup>38</sup> Ես յարուցի զնա ԱՐԴԱՐՈՒԹԵԱՄԲ Թագաւոր, եւ ամենայն ճանապարհք նորա ուղիղ են : Եւ միւսանգամ թէ <sup>39</sup> Ո՞ զարթոյց յարեւելից զԱրգարութիւն եւ կոչեաց զնա զՏեա իւր : Ո՞չ ապաքէն այս բանք զարուժիւն քաջութեանն կիւրոսի եւ զմիտան արգարակորովս եւ զմարգասիրութիւն միաբան ըստ Քսենոփոնեայ պատմութեանն յայտ առնիցեն :

Գարձեալ յորժամ ասիցէ տէր նովին մարգարէիւ թէ <sup>40</sup> Ես զարթուցից զՏիւսիսայինն եւ զարեւելեայն, որ կարգասցէ զանուն իմ . այս ինքն՝ զկիւրոս, զի ի հիւսուսակողմն կուսէ զօրաժողով վառեալ խաղացեալ զայր ի մարաստան աշխարհէն առ հիւսուսով բարիղացւոց եւ Հրէաստանեայց աշխարհին : Իսկ այն՝ զոր ասէ թէ Արեւելեայն, յայտ առնէ թէ ի Պարսից աշխարհէն զայր, քանզի Պարսից աշխարհն յարեւելից Բաբելոնի եւ Հրէաստանի կայ : Բայց զի կարգաց կիւրոս զԱստուած, այս ինքն զի \*\* ծանեաւ նա ըզ-

\* Իսկ Երոստոսս է- Տրոֆոս Բաղաս ինչ յորո-նիւն գործս իառնէն : Այլ Անիւնէսս է- Իսիրապէս Բաղաս լարեաց է- սպանո-նիւն է-ս ի-րոյ հանոյն պարս առնէն :

\*\* Հասանա-նիւն է Եթէ Եհոս կիւրոս յաս-րոս-աթաթանօն գիրոս-նիւն իրաբոս Գանիւ-նէ է- Հրէից սորոս-աթապալարաց որ էին յարարանն կիւրոսարոյ . որպէս ի Գանիւնէ

Ճշմարտութիւն Աստուծոյ Իօրայէղի, յայտ ի  
հրովարտակէն է, որ յԵզրայ գիրսն կայ:

Իսկ փոխանակ այնր զի, ասէ, բայ Որասեմ  
ցկիւրոս թէ իմաստնասջիր. հոռմայեցին ասէ.  
Որ ասեմ ցկիւրոս թէ հոփիւ իմ ես. այն  
իսկ է զի Աստուծոյ խնամակալութենէ զԱս-  
տուծոյ ժողովուրդն յառաջին արօտսն դար-  
ձուցանելոց էր յերկիրն Քանանացոց, եւ  
ի դոյն իսկ ընտրեալ էր կանխագոյն քան  
զհարեւր եւ զելթանասուն ամ եւ աւելի  
եւս:

Անուանի եւս <sup>41</sup> Օծեալ Աստուծոյ, կո-  
չի եւ <sup>42</sup> Աստուծոյ սիրելի, զի զԱստու-  
ծոյ խորհուրդսն կատարելոց էր եւ զԱս-  
տուած փառաւորելոց. ուստի <sup>43</sup> յԵրեմիա. Ըն-  
տրեալ յորջորջի, եւ յԵսայի Կատարիչ Աս-  
տուծոյ <sup>44</sup> խորհրդոցն:

Ասն սյսորիկ ի դալ հասանել Աստ-  
րեստանեացն եւ Ղիւղացոցն ասպատա-  
կաւ. յարուցեալ Կիւրոսի ի կողմանցն Պար-  
սից ի մարտ պատերազմի որ ոչ առանց <sup>45</sup> ի-  
րաւանց եւ արդարութեան էր, ճեպեալ հա-  
սեալ զՔաղդէացիս վանէր, եւ Ասորեստանեաց  
զօրօք ընդ առաջ ելանէր, եւ եւ դունդ առ  
դունդ յօրինեալ ճակատեալ յաղթէր. զա-  
հի հարան Ասորեստանեայքն. ձեռս տային  
ի նա Արկանքն. միւսանգամ Ասորեստա-  
նեաց ի վերայ գիմէր եւ զբազմագոյնս տապաստ  
արկեալ կոտորեալ ցան խորոց ձորոց դաշ-  
տաց կացուցանէր, սատակեալ ի ճակատու

գիրսն իայ իե անդ էին. մանաւանդ յորժամ  
զԻսայիայ մարգարէութեանն Բերեալ ցա-  
ցանէին, եւ իայ այսորիկ Յովելգոս է ի  
հրեից նախնեաց պարսութեան ի մարտանե-  
րորդսմ գարսութեանն յարաւմուսմ գլուխ  
գրոցն:

եւ զՔամբաց եւ զԱրարացւոց թագաւորսն .  
այրուձի եւս Պարսիցն կացուցանէր . եկին  
յարեցան ի նա Գորբիաս եւ Գադատաս եւ  
Աբրադատաս , խաղացեալ երթայ զօրօք  
հանդերձ ի Ղիւդաստան եւ զՍարգիացւոց  
քաղաքն առնու . եւ զՎարիա եւ զՓռիգիա  
նուաճէ . զԲարիղոն յարգել արկեալ պա-  
շարեալ առնու : Բայց զայս ամենայն Վիա-  
քսարայ Մարաց թագաւորի իշխանութեամբն  
վճարէր : Այլ մի որ զարմացի , եթէ զայն-  
չափ անչափ ազգս նուաճեաց , զորմէ Աս-  
տուաճն <sup>46</sup> ասաց , թէ Երթիցէ եւ տացէ  
հատուցումն յանդիման հեթանոսաց , զար-  
հուրեցուսցէ զթագաւորս : Եւ զի դողացին  
եւ զահի հարան Ասորեստանեայքն եւ նոցին  
թիկունք օգնականութեանն վկայեսցէ ի մօտոյ  
նոյն մարգարէ թէ , Տեսին կղզիք եւ երկեան ,  
եւ սարսեցին ամենայն ծագք երկրի . ուր կըղ-  
զին բան ոչ եթէ զկղզւոյ կամ զկղզեացն  
բնակչաց յայտ առնիցէ , այլ այս առանձինն  
բարբառ է մարգարէական ճառից , որ զա-  
մենայն ծովու բնակչաց եւ զծովեզերեսայն ,  
այս ինքն զփոքր աշխարհէն Ասիացւոց գու-  
շակէ :

Իսկ զարագ արագ հասանելն Վիւրոսի ,  
զվաղվաղակի հարկանել կոտորել որպէս Քսե-  
նոփոն աւանդէ , ոչ ինչ անհաւատ համարիմ ,  
ուր Եսայի ի Հոգւոյ անտի կրեալ ասիցէ .  
Տացէ իբրեւ փոշի զսուրս նոցա եւ իբրեւ ըզ-  
խաիւ մերժեսցէ զնեսա նոցա . այն իսկ է զի  
այնչափ արագունք իցեն սոքա յաղէղն եւ ի  
սուսեր եւ այնչափ երագունք զհետ մտանի-  
ցեն , զի զէնք նոցա իբրեւ փոշի ի մրրկէ կու-  
տիցին եւ իբրեւ խաիւ ի բանութենէ բանա-  
շունչ սքոց շեղջաշեղջ վարիցին : Չնոյն ա-  
ռակաւ ակնարկէ մարգարէն յորժամ նուա-  
գեալ հնչիցէ , Վոչել յարեւելից զթաշունն

յափշտակիչ եւ յերկրէ հեռաստանէ վասն որոյ խորհեցայն :

Եւ զի հեծեւազօրօք եւ պարսաւորօք Մարաց եւ Պարսից եւ այլոց ազգաց ազգաց ի մի վայր գումարեւոց առաւ քաղաքն Բարի-  
ղացւոց, աւանիկ ասաց իսկ զԲարեղայ Ահիա :

<sup>47</sup> Հասին ԵՂԱՄԱՅԻՔ եւ հրեշտակք ՊԱՐ-  
ՍԻՑ գան : Գարձեալ այլ մարգարէ ասէ, թէ

<sup>48</sup> Զարթոյց աէր զոգի թագաւորին ՄԱՐԱՅ :

Բայց յայտնի իսկ \* զՏիգրանայ զար-  
քայորդւոյ յայտ արարեալ ասէ նոյն մարգա-

\* Բայց թէ այլ ազգ ի՞նչ զՏիգրանայ պարտե-  
ցէ Բեհնոփոնն էւ ոչ որպէս մարտնոցիքն  
առանդէ, այն ոչ ինչ ազարդէ զՃշմարտութիւնն  
գրոյն, Գանդէ ի դեպ է թէ Բեհնոփոնն այն-  
պէս լռաւ ի Պարսից յորժամ էր նա ի Բա-  
նաթի անդ նոցա. մանառանդ զի ոչ մե-  
նիւնն սուր է մեծայն զոր զՏիգրանայ պար-  
տեցէ, Գանդէ է ինչ մասն ի նա որ ճշմար-  
տութեանն է սոբան մերոց պարտագրաց է,  
այս իսկ թէ յերանոսն է թիկնոն Բեհնոփոն-  
նութեանն էր Տիգրանն կերտոսի էւ ոչ ծա-  
րայ. էւ նոյն սոբան համարուսն առանդէ է-  
մեր իսկ մարտնոցիքն Մովսէս իորեմայն .  
Իսկ զպարտութեանն էւ զնշմանան, որպէս  
Իանիսոփոյնն սուր է, ի դեպ է թէ ի Պարսից  
լռաւ որ Իմեթինն ի՞նչ լռանել զայլ ոչ որո-  
նիւնն կերտոսի Բաժանակց :

Իսկ այն զոր ասէ, կերտոսի անել զկրե-  
սոսն մեծութեանն ճշմարտի իսկ է էւ առանց  
երկարութեան, էւ մրացեաց յայտնագոյն .  
Բայց զոր Մովսէս իորեմայն պարտէ Արտա-  
շեստի կալեալ զկրեսոսն, էւ այն ճշմարտի է .  
Գանդէ այլ այս պարտութեանն է էւ այլ այն,  
էւ իբրեւ երէտարեւոց ասաց անզրպէրսն

րէ թէ <sup>49</sup> Պատուէր տուք յինէն այրարա-  
տեան թագաւորութեանցն եւ ազքանազեան  
գնդին: Եւ զայլոց ազգաց ասէ. <sup>50</sup> Հրաւիրե-  
ցէք ի վերայ նորա զազգս եւ զթագաւորն  
Մարաց: Եւ դարձեալ ասէ իսկ՝ տէր. <sup>51</sup> Ես  
յարուցանեմ ի վերայ ձեր զՄարս որ ոչ ինչ  
համարին զարծաթ եւ զոսկի: Գրեթէ գնոյն  
բանս ասիցէ գնոցանէ քսենոփոն, յորժամ  
խօսիցի ընդ նոսա Սիւրոս թէ <sup>52</sup> Արք պար-  
սիկք եւ ամենեքին որ աստ կայք, ես ճար-  
տար գիտեմ եթէ չէք դուք ընչիւք կարօտ:  
Յիշէ եւ Եսայի <sup>53</sup> զթագաւորութեանց միա-  
համուռ գումարելոց: Ապա ուրեմն ճշմարիտ է  
զոր քսենոփոն պատմէ, թէ ազգք եւ արքու-  
նականք եւ շահապք եկին ի դաշն մտին ընդ  
նմա երթալ ի մարտ պատերազմի ի վերայ  
Ասորեստանեացն: Նոյնպէս ճշմարիտ են  
բանք նորա վասն արշաւանին ի գլուխ ելա-  
նելոյ. յորժամ ասիցէ թէ զՂուրսն Արածա-  
նուոյ ի փոս անդր զոր զպարսպօքն խորացու-  
ցեալ էր, դարձոյց, եւ հանդերձ իւրովք  
զօրականօք մտեալ ընդ գետն ցամաքեալ ի  
Քաբեղոն մտանէր եւ անդր իսկ յարքունիսն  
յաւուր ատնին յորժամ արբեալք եւ զեղխեալ  
էին մարդիկն, եւ անդէն թագաւորն եւ որ  
գնովան կային սատակէին. զի յայսմ ամե-  
նայնի ճշմարիտ մատենագիրն է նուիրական  
մատեանք վկայեսցեն: Իսկ իբրեւ ա՛ռ Սիւրոս  
զքաղաքն եւ զտէրութիւն բաբելոնացոցն

Ինչն ընդ ուս էն ընդ նա ի միջի կայ: Նա  
ուսանի՛ իւր արարչեւ մեր թագաւոր հարեւո-  
ւասոր աստ քան զՍիւրոսս զոր Սիւրոս կա-  
լաւ, իբրեւ ի ժամանակս: Բայց զսոցին ի-  
բայ յայլում մարտիկ երկոյնափոյն անխանիցին  
մարտ:



զիշխանացն վանսն իւրոց նիզակակցացն բա-  
ժանէր տայր. թուի թէ զայնմանէ ա-  
կնարկիցէ Եսայի, մինչ ասէն բայ \* Կոչեցէք  
ձեռամբ, բացէք իշխանք:

Վասն Կիւրոսի եւ վասն արութեանց եւ  
քաջութեանց որ ի նմանէ գործեցան բաւա-  
կան է սյսչափ. եւ վասն Կիաքսարայ խօսե-  
ցայց կարճառօտս, քանզի ակամայ երկայնե-  
ցար զճառս:

Կիաքսարէս այս ըստ Քսենոփոնեայ պա-  
տմութեանն յետ Աժդահակայ իւր իսկ հօրն  
մեռանելոյ, Մարաց կայր թագաւոր, եւ ըզ-  
Կիւրոս զուտար Կամրիւսեայ Պարսից թա-  
գաւորի եւ զՄանդանեայ զիւրոյ քեռն, զօրա-  
վար զօրացն զոր ի վերայ Ասորեստանեացն  
գումարեաց կացուցանէր: Իսկ ինքն յառա-  
ջին արշաւանսն ոչ միայն ի գնդի անդ էր  
այլ եւ զիշխանութիւն պատերազմին ինքն  
ունէր: Այս պատմութիւն ամենեւին իսկ  
միաբան է գրոց սրբոց, զի յորժամ զԲարե-  
զացւոց քաղաքին կործանմանէ ճառիցէ մերթ  
զՄարաց մերթ զՊարսից բանք ճառին, եւ  
երբեմն Եղիմացւոցն եւ \*\* Մարացն անուամբք  
զՊարսից եւս ակնարկէ, քանզի չեւ եւս էր  
ընդելլական պարսկական անունն յաւուրսն  
Եսայեայ եւ Երեմիայ, եւ Մարք քան զՊարսիկսն  
ազնուագոյնք էին եւ սորա ընդ նոքօք, մա-

\* Գժ. 2. Ուր այլ իւրեքման ասէ. Շարժեա  
զՅեռն զի լինիցի հար գրանց իշխանացն:

\*\* Վասն այսորիկ էւ Երեմիայ ի ԾԱ, 11, 28,  
Բաւլաբար ասէ իւր թագաւոր Մարաց. զի  
Կիւրոսի Բան Մարաց թագաւոր էր, էւ  
Կիւրոս Պարսից, Բայց իւրեքման Մարաց  
անուամբն զԵրեմիայնցն Գանճաբայն յայտ  
արնէ:

նաւանդ զի եւ պատերազմն որ ընդ Ասորեւտանեսայս եւ ընդ Բաբելոնացիս էր ի Մարաց անուն վճարէր, եւ Պարսիկք նոցին իբրեւ թիկունք օգնականութեան էին:

Բայց եւ ընդ այն չէ ինչ պարտ լաութեամբ անցանել, զի մինչ դեռ Աիւրոս ի ներքս ի Ղիւզաստան եւ յԱսորեստան միեալ երթայր ասպատակաւ, Աիւրոսարէս ի պատերազմէն մեկնեցաւ եւ կայր մնայր անդէն յիւրում աշխարհին: Այլ Աիւրոս պնդեալ երթայր ստէպ զՏեա, եւ նախ զՍարգիսցւոց քաղաքն եւ ասպ զԲաբելոնն ի բուռն առնոյր. յորս մեծ իմն միաբանութիւն գտանի Քսենոփոնտեսայ պատմութեան եւ պատգամաց գրոց մարգարէիցն. քանզի կանխագոյն \* յականէ յանուանէ կոչեն զԱիւրոս պատգամք մարգարէիցն, եւ զգանձսն թաղուցեալս խոստանան, եւ զսոյն իսկ գործ ի ձեռն տան նմա, կատարել զԱստուծոյ խորհուրդսն ի վերայ Բաբելոնացւոց աշխարհին:

Յետ Բաբելոն քաղաքի առնլոյ եւ <sup>54</sup> Բաղասարայ սպանանելոյ, զԲաբելոնացւոց թագաւորութիւնն ոյր իսկ առեալ է, աղէ ասա: Յայտ է թէ <sup>55</sup> ԴԱՐԵՀԻ ՄԱՐԻ, ըստ վկայութեան մարգարէին: Այլ ո՞ որ Դարեհն իցէ:  
\*\* Են որ տան պատասխանի թէ Աթահասկ

\* Ըստ նմին օրինակի եւ Յովնայ անուն, մարգարէութեամբ խանութոյն երեւորիւր յիսուն ամօժ իւլեցաւ որպէս յայտ իսկ իցէ յերրորդ դարութենէ քրոյ խափաւորութեանց յերեքրասաներորդ գլխոյ. իսկ Աիւրոս իւլեցաւ ի քործ անոր յանուանէ իսկ վաղափոյն Ժան Ղարբեր եւ խանասան ամ: Եւայի ԽԳ. 28:

\*\* Տայ պատասխանի Սիւղեփեր, իւր նախնորիւն վերջին խափաւոր Բաբելոնացոց

է Դարեհն մար, քանզի ըստ Երողոսայ եւ  
 Ատեսիայ Աժդահակ եւ հուսկ վերջին թա-  
 գաւոր Մարաց. բայց զի որչափ անհաւատ են  
 պատմութիւնք նոցա զայն վերագոյն յայտ  
 արարաք. ապա թէ տակաւին ի նոյն միտս  
 պնդեալ որ կայցէ, ցուցից զանպատեհու-  
 թիւնն: Աիւրոս ըստ նոցա բանիցն մերժեաց  
 զԱժդահակ ի Մարաց թագաւորութենէն, եւ  
 իբրեւ ոչ բազում ամք ի վերայ անցանէին,  
 զԲարեղացիս նուաճէր, եւ զնոցա թագաւո-  
 րութիւնն սու Աժդահակ. ո՛հ անհանձար  
 ճառք: Աարծեմ թէ սորջացաւ Աիւրոս զի  
 զԱժդահակ հան ի թագաւորութենէ. եւ այն  
 այնպէս զի փոխանակ առաջնոյ թագաւորու-  
 թեանն զոր հան, այլ ետ: Այլ յետ առ-  
 նլոյ, ասեն, Բարիդոն քաղաքի հան Աիւրոս  
 զԱժդահակ ի թագաւորութենէ: Նա եւ ոչ  
 այնպէս հաւանութեան բանքն թուին: Նախ  
 յայն սակս իսկ զի շիցէ հաւանութեան թէ  
 ի ժամանակի զի Բարեղոն առաւ, տակաւին  
 կենդանի էր Աժդահակ որ հաւն էր Աիւրոսի,  
 մանաւանդ զի թէ կենդանի եւս էր, սակայն  
 չէր մարթ չէր հնար վաթսուն եւ երկուց ա-  
 մաց յայնժամ լինել, քանզի ասէ իսկ Դա-  
 նիէղ թէ <sup>56</sup> այնչափ ամաց էր Դարեհ յոր-  
 ժամ զթագաւորութիւն Բարեղացւոց աշ-  
 խարհին առ: Դարձեալ ոչ ինչ ակնարկէ մար-  
 գարէն թէ հան զսա Աիւրոս յարքայութե-  
 նէ, յորժամ ապստամբութիւն ի Դարեհի  
 վերայ գրգռէր, այլ մանաւանդ յայտ է բա-  
 նիցն լինիցի եթէ ամենեւին հաւանք եւ միա-  
 բանք ընդ միմեանս էին. քանզի Աիւրոսարէս

զորմէ պարզութեան խնանն յիշարաիւ. զորսց  
 դանդաղանս բազում մերժեցին յորսց մի աճե-  
 իւ Պրիդիտոտիսս է:

ըստ երկոցունց օրինացն զՄարացն ասեմ եւ զՊարսից զԹագաւորութիւնն ի Բաբելոնի վարէր, եւ Գանիէղ յերկոցունց Թագաւորացն արքունիսն մեծաւ փառաւորութեամբ շնչէր:

Արդ քանզի նոցա կարծիք քակեցան, աւն առ այսուհետեւ զայն որ մեզ հաւանութեան Թուիցի, ասասցուք. նախ դիտեսցուք տեսցուք Թէ զինչ զնմանէ գրիցէ Գանիէղ, եւ յետ այնորիկ Թէ արդեւք ճշմարտիւ ի դէպ իցեն բանք մարգարէին Աիաքսարեայ որ ի Քսենոփոնեայ պատմութեանն կայ, տեսցուք:

Ա. Յայտ իմն առնի ի Գանիէղի մատենէն Թէ Գարեհ մար վաղվաղակի յետ Բաղտասարայ մեռանելոյ զԹագաւորութիւնն առ Բ. Յայտ առնէ մարգարէն Թէ ամաց վաթսուն եւ երկուց էր նա ի ժամանակին: Գ. Թէ մար յազգէ էր: Գ. Եւ Աիւրոսի ասէ Փոխանակել զԹագաւորութիւն նորա:

Չայս ամենայն վասն Գարեհի մարի մարթի ումէք դիւրաւ ի Գանիէղի գրոցն ժողովել: Իսկ զԱիաքսարեայ եթէ զնոյնս ոչ, սակայն զնմանագոյնսն աւանդէ Քսենոփոն: Ա. Չի յառաջնում նուագին յորժամ յօրինեալ կարգեալ զամենայն դարձաւ անդէն ի Մարաստան ասէր ցԱիաքսարէս եթէ ապարանք ընտրեալ են քեզ ի Բաբելոնի եւ իշխանաց վանս, զի ունիցիս եւ յորժամ անդր երթայցես իբրեւ ի տան ագանիցիս: Քանզի Աիւրոս որպէս յառաջն նոյնպէս եւ յետոյ զգլխաւոր իշխանութիւն ի նա առնէր ապաստան եւ ինքն զերկրորդական պատիւն առ նորա կենդանութեամբն ունէր: Եւ ընդ այնր շէն ինչ զարմանք, քանզի Աիաքսարէս անժառանգ էր յարու մանկանէ եւ զգուստրնեա Աիւրոսի կնութեան տուեալ ի Թախանձսն զՄարաստան:

Չգոյն պատմութիւն վկայութեամբ հաւատարիմ առնէ <sup>56</sup> մարգարէն, քանզի ասէ իսկ ցՔաղտասար բայ Բաժանեցաւ թագաւորութիւն քո. եւ զնովիմբ ածեալ յարէ, թէ Տուաւ Մարաց եւ Պարսից : Եւ անդէն ի հինգերորդում գլուխն պատմէ Գարեհի առաջնորդել թագաւորութեանն ըստ օրինաց Մարաց եւ Պարսից : Չի՞նչ հարկ էր արդեւք երկոցունց ազգաց օրինացն զգուշանալ, յայտ ուրեմն է թէ մասն մի թագաւորութեանն Մարացն էր եւ մասն մի Պարսից, այն իսկ է զի զառաջին պատիւն նա ունէր եւ զերկրորդականն սա. եւ այս անտի յայտ է, զի ամենայն ուրեք նախ զՄարսն քան զՊարսիկս անուանէ : Իսկ յայլ եւս տեղիս գրոց սրբոց պատմութեան <sup>57</sup> ոչ նոյնպէս, զի յետ Գարեհի վախճանելոյ եւ Վիւրոսի զգլխաւոր իշխանութիւնն առնլոյ նախամեծար քան ըզՄարս Պարսիկքն լինին :

Վկայէ եւ Յովսեպոս ի Հրէից նախնեաց պատմութեան <sup>58</sup>, զի ասէ իսկ այսպէս. Գարեհի որ զՔարիղացւոց հարստութիւնն Վիւրոսիւ հանդերձ քակեաց, վաթաներորդ երկրորդ ամն էր յորժամ զՔարեղոն առ. որ Սժգահակայ ուստր էր, եւ այլ իմն ի Յունաց նմին անուն կոչեցաւ. այս ինքն Վիաքսարէս :

Ընդ այս ամենայն հայեցեալ բազմաց ի քաջացն մատենագրաց\* յանձն առին թէ Գարեհ մար որ ի Գանիէղի գիրսն կայ, Վիաքսարէս է զորմէ Քսենոփոնն պատմէ : Իսկ որ զայս մերժեցին յանձանց որոց սակի Սկաղիգէր եւ Պետաւիոս եւ Մարսամոս են, զամենայն կարգ պատմութեանն խանդարեցին :

\* Ուերիոս, Պրիդեատիոս, Վիպրինգոյ, Կալեպոս եւ այլք :

Իսկ վասն մահունն Վիւրոսի դարձեալ բազում չմիաբանութիւն ի մէջ պատմագրացն կրի: Երոզոտոս եւ Տրոզոս թէ ի ճակատուն որ ընդ Մասագետացւոցն՝ անկաւ, բայց<sup>59</sup> Երոզոտոս ասէ, թէ բազում եւ այլ ինչ համբաւ է. իսկ Կտեսիաս՝ ի վիրացն, ասէ, մեռալ զոր ի Դերբիկացւոց մարտին առ: <sup>60</sup> Դիոդորոս սիկեղացի ասէ, ի խաչ բեւեռեալ: Յովհանն Մաղաղա, ասէ, բայ ի նաւամարտիկ կռուէ ընդ Սամիացւոց գումարեւոյ մազապուր փախստեաց ելեալ յիւր երկիրն դառնայր եւ անդէն սատակէր: Նոյն անտիոքացի զՊիւթագորայ սամիացւոյ վկայէ գրեալ թէ Վիւրոս ի նմին պատերազմի անկաւ: Իսկ զՂուկիանեայ բանսն բնաւ չհամարիմ իսկ ինչ, քանզի ոչ իմաստութեան խորհրդով գրէ ինչ նա զպատմութիւնն, եւ ինքն ընդ ինքն մարտ եղեալ կռուի: Քսենոփոն պատմէ յապարանսն խաղաղիկ յախտէ վախճանել: Ես Քսենոփոնեայ լաւ համարիմ հաւատալ քան եթէ այլոց: Քանզի նախ այն իսկ չէ հաւանութեան թէ որ եւթանասնամենի էր ի ճակատ մտանէր\*: Երկրորդ անգամ վկայ իսկ Առիանոս եւ Կուինտոս Կուրտիոս են զի Աղէքսանդրոս արքայ Մակեդոնացւոց ի Պարսագատացւոց աշխարհին զՎիւրոսի շիրիմն եգիտ յորում Վիւրոսի գիակնն կայր. արդ եթէ Մասագետաց անազորոյն տիկնոջն ըմբռնեալ էր զնա, ոչ այնպէս մեծապայծառ շիրիմ կանգնեալ թաղէր:

\* Վիւրոն (վասն ըլծոն. Գայր. Ա) է- Ղաւկիանոս ի Մակեդոնիոսին ասին ինչ ի հարիւրորդ մծն էհաս.

Վ Կ Ա Յ Ո Ւ Թ Ի Ի Ն Ք

1. Գիրք Գ վասն օրի: 2. Աթ. դպր. Ած: 3. Ա. Թուղթ առ Կուինտոս եղբայրն: 4. Ամենաժողով տօնից ճառք առ Գրատիանոս: 5. Բանք վասն Եւսեր. եւ յառաջին ճառս գրոց զժամանակսն ուղղելոյ: 6. Ընծայ. ժամանակագր. ԳԼ. ԻԶ: 7. Վասն յունակ. պատմ: 8. Քսենոփոն. Թուղթ առ Եսքինէս. Աթեւէոս դպր. Ած. ԳԼ. ԵԺ. 9. Ղայերաիոս, Գ. 35: 10. Գեղղ. ԳԺ. Գ: 11. Ի մատեանս յիշատ: 12. Տիեզերական մատենա: 13. Տիեզերական պատմ: 14. Բիաբանու Հնոց եւ նորոց կտակարանաց. 15. Որոյ խոստացեալ եւս էր ի գաղիական Թարգմանութեան գրոցն գրել վասն սոցին իրաց մաքառումն. բայց մահու ի վերայ հասեալ գործն խափանեցաւ: 16. Կղ. ՃԸ. 17. Կղ. ՁԳ. եւ ՃՂԱ: 18. Ի պատմական դարանին: 19. Երոզ. դպր. Ա. ԳԼ. 127: 20. Կիկեր. վասն օրին. Գիր. Ա. ԳԼ. Ա: 21. Երոզո. դպր. Ա. ԳԼ. ՃԸԺ: 22. ԳԼ. ՃԸ: 23. ԳԼ. ՁԹ: 24. ԳԼ. ՀԱ: 25. Վասն օրի. դպր. Ա. ԳԼ. Ա: 26. Դիոն Բրիւսոստոմոս, ճառ ԸԺ. Ստրաբոն դպր. Ա. եւ այլք: 27. Ոգ. պատմ. դպր. Ը. ԳԼ. ԻԸ: 28. Գպրու. Ած եւ Ա: 29. Ի պատմ. սքանչ. ՁԺ: 30. Ի կեանս Արտաշիսի: 31. ԳԼ. ԳԺ. 4: 32. ԳԼ. ԳԺ. 14: 33. ԳԼ. ԻԱ. 2: 34. Գիրոզ. սիկ. դպր. ԳԺ:

35. Ի Փոսոսյ գիրսն : 36. Գիրք ԻԲ : 37. Եսայի  
ԽԵ, 1 : 38. ԽԵ, 13 : 39. ԽԱ, 2 : 40. ԽԱ. 25 :  
41. ԽԵ, 1 : 42. ԽԸ. 14 : 43. Ծ, 44 : 44. ԽԶ. 11 :  
45. ԽԵ, 13 : 46. ԻԲ, 2 : 47. Երեմիա ԾԱ,  
11. 48. ԾԱ, 27 : 49. ԾԱ, 28 : 50. Եսայի ԳԺ,  
17 : 51. Էջ 265 : 52. Եսայի ԳԺ, 4 : 53. Դա-  
նիէլ Ե, 30 : 54. Ի նմին վայրի Ե, 31 : 55. Ի նմին  
վայրի : 56. Նոյն Դանիէլ Ե, 28 : 57. Ի գիրս  
Եսթերայ ուրեք ուրեք : 58. Յովսէպոս Գիրք  
Ժ, ԳԼ. ԱԺ : 59. Երոզ. դպր. Ա : 60. Գիողո-  
րոս սիկեղացի դպր. Բ :



ԱՌԱՋԻՆ

ԿՊՐՈՒԹԻՒՆ



29. 08. 2008 P. 115. 2

# ՎՍՆՆՈՓՈՐՆՏԵԼՅ

## ԿԻՒՐՈՍԻ ԽՐԵՏՈՒ

ՊԱՏՄՈՒԹԵԱՆՑ

Ե ՊՊՐՈՒԹԻՒՆ

### Գ Լ Ո Ւ Խ Ա

ՆՐԲԵՄՆ խորհուրդ ի մտի եղել մեր  
 թէ սրչափ ընկերհաշտութիւնք քա-  
 կեցան յայնցանէ՝ որ այլազգ ինչ կա-  
 մէին մանաւանդ առաքինանալ եւ ոչ  
 յընկերհաշտութեան, եւ սրչափ դար-  
 ձեալ միահեծան իշխանութիւնք եւ  
 քանի սակաւ հարստութիւնք ի բաց  
 քակեցան ի խառնիծաղանձ ռամկէ,  
 եւ եթէ քանիք իսկ իցեն որոց ձեռն  
 արկեալ ժպրհել բռնանալ, կէսք ի  
 նոցանէ վաղվաղակի ամենեւին իսկ ի  
 միջոյ բարձան, եւ կէսք թէպէտ եւ  
 սակաւիկ ինչ ժամանակ յիշխանու-  
 թեան կացեալ բաւեցին, զարմանալի  
 եղեն, որպէս թէ իմաստունք իցեն եւ  
 արք փառաւորք: Եւ զբազմաց զմտաւ  
 ածաք թէ յիւրաքանչիւր իսկ տունս  
 իցեն, որոց բազում դերդաստանիկք  
 իցեն, եւ իցեն որոց բնաւ սակաւք իսկ,

սակայն եւ զսակաւաւորսն եւս զայնուսիկ չկարիցեն ի կիր արկանել ի հնազանդութիւն տեարքն :

Նանդերձնոք իմբք զմտաւ ածաբ թէ եւ անդիորդքն անդւոցն իշխանք են, եւ որք զերիւարս ասպաստանացն բուծանիցեն, եւ ամենեքին որ հովիւքն կոչիցին, որոց անասնոց տիրիցեն, նմանագոյնս նոցին իշխանք կարծիցին : Սա աւանիկ զդասական զայնոսիկ համարէաք աւելագոյն յօժարեալս տեսանել հնազանդել հովուացն, քան զմարդիկ իշխանաց : Օ ի դնայցեն երամակքն յո ուրեք գնացուցանեն զնոսա հովիւքն եւ ճարակիցին զարօտս վայրացն յորոց վերայ արձակիցեն զնոսա, եւ մերժիցին ուստի արգելուցունն զնոսա : Սա եւ զշահան եւս որ ի նոցանէն առնիցին, այնպէս ինչ հովիւքն ի կիր արկանեն որպէս զհարդ ինքեանք կամիցին :

Արդ եւ ոչ զմիոջէ իսկ երբեք զդասուէ լուաք ուրեք եթէ ընդ հակառակս ինչ ելեալ կայցեն հովուին, ոչ առ անաստերոյ եւ ոչ առ չհամարձակելոյ զպտուղսն ի կիր արկեալ վարել : Այլ հօտքն եւս դժընդակագոյնք այլոցն ամենեցուն են, քան որոց իշխիցենն նոցա եւ օգտիցին ի նոցանէ : Իսկ մարդիկ ոչ ընդ ումեք առաւել ի վէդ եկեալ խեռիցեն քան զորոց ազդն լինիցի նոցա եթէ իշխել մտաբերեն :

Յորժամ զայս ամենայն զմտաւ ա-  
 ծէաք, ապա նորիմբք լինէաք խելա-  
 մուտ թէ դիւրագոյն իցէ մարդոյ ա-  
 մենեցուն այլոց անասնոց իշխել քան  
 եթէ մարդկան: Աայց քանզի զմտաւ  
 ածաք եթէ եղեւ իսկ Աիւրոս պարսիկ  
 որ զբազում մարդիկ արար իւր հնա-  
 զանդեալս, եւ զբազում քաղաքս եւ  
 զբազում ազգս, անտի այնուհետեւ  
 տազնապեցաք ի հարկէ իսկ առնուլ  
 ի միտ, եթէ ոչ անհնարին եւ դժուա-  
 րին ինչ գործ իցէ մարդկանն տիրել,  
 թէ իմաստութեամբ եւ խելամտու-  
 թեամբ զայն ոք վճարիցէ: Աւարդ  
 գիտեմք եթէ յօժարեցին հաւանել  
 հնազանդ լինել Աիւրոսի ոմանք որ ի  
 բացեայ էին բազում աւուրց գնաց  
 ճանապարհի, եւ կէսք՝ ամսոց. եւ այլք  
 որոց եւ տեսեալ իսկ երբեք չէր զնա,  
 եւ ոմանք որ գիտէինն քաջ թէ տե-  
 սանիցեն իսկ ոչ, սակայն կամէին նմին  
 հնազանդ լինել:

Օ՛ի այսչափ ինչ լաւ քան զայլ  
 թագաւորսն էր եւ որ զհայրենի իշխա-  
 նութիւնսն առին եւ որ յանձանց իսկ  
 ստացան. զի սկիւթացին թէպէտ եւ  
 բազում Ակիւթացիք են, այլում ազգի  
 չկարէ տիրել եւ սիրելի լինել, եւ զայն  
 եւեթ սիրիցէ թէ իւրում ազգին կայ-  
 ցէ մնայցէ իշխան. եւ թրակացին թրա-  
 կացոց, եւ զիւրիկեցին Աիւրիկեց-

ւոյ . եւ զայլոց եւս ազգաց նոյնդունակ լսեմք : Արդ յԱւրոպն եւ այժմիկ եւս ինքնաւրէնս աղիկամիս ասեն լինել եւ յիրերաց քակել եւ ի միմեանց պառակտել :

Բայց Վիւրոս առ ընդ իւր զազգսն որ յԱսիացւոց աշխարհին էին ինքնաւրէնս աղիկամիս , եւ երթեալ հասեալ սակաւ ինչ պարսիկ զօրու իշխեաց Սարաց եւ Վրկանացւոց նոցա իսկ կամաւ : Այլ վանեալ վկանդէր զԱսորիս , զԱսորեստանեայս , զԱրաբացիս , զՎամիրս , զԵրկոսին զՓռիւզացիսն , զՂիւզացիս , զՎարիացիս , զՓիւնիկեցիս , զՎաբեղացիս : Իշխէր եւ Վակարիացւոց եւ Հընդկաց եւ Վիղիկեցւոց . ապա եւ Շակաց եւ Պափղազոնացւոց եւ Սեգադինացւոց եւ այլոց եւս բազում ազգաց զորոց եւ ոչ զանուանան ոք կարիցէ ասել : Իշխէր եւ Յունաց որ յԱսիացւոց աշխարհին էին . եւ իջեալ ի ծովակողմն տիրէր Վիւպրացւոց եւ Նգիպտացւոց :

Արդ այսց ամենայն ազգաց տիրեաց , որ ոչ իւր միաշուրթն համալեզուք էին , եւ ոչ միմեանց իսկ : Բայց սակայն կարաց յայնչափ աշխարհ ահիւն հասանել , մինչեւ ամենեցուն իսկ երկընչել եւ ի նա ձեռն ումեք չմխել : Վարաց եւ այնպիսի ինչ յօժարութիւն արկանել ամենեցուն նմա պաշտօն առնելոյ ,

որպէս զի միշտ իսկ եւ Հանապազ նորա կամօք արժան համարէին վարել: Օջնչափ անչափ ազգս նուաճեաց ընդ որս դժուարին է անցանել, ընդ որ կոյս ոք եւ սկսանիցի գնալ յարքունեացն, թէպէտ ընդ արեւելս ոք գնայցէ թէպէտ ընդ արեւմուտս, եթէ ընդ հարաւ եթէ ընդ հիւսիսի:

Բայց մեք, քանզի արժանի զարմանալոյ այրս է, դիտեսցուք տեսցուք թէ ո՞րք երբեք էր ազգաւ, եւ զի՞նչ բարք էին նորա, եւ որպիսի ինչ խրատու խրատեալ եւ այնպէս ընտիր եւ ազնուազոյն գտաւ յիշխել անդ մարդկան: Այլ արդ զոր հարցաք ինչ եւ զոր կարծեմք թէ ազգ եղեւ մեզ, զայն ջանասցուք պատմել:

## Գ Լ Ո Ւ Խ Բ

ՄԻՒՐՈՍԻ ասեն ի կամբիւսեայ ծնանել ի Պարսից թագաւորէ. կամբիւսէս այս ի Պարսից ազգէ էր, եւ Պարսիկքն ի Պերսեայ անուանեալ կոչին. եւ մայր ասեն լեալ զՄանդանէ. իսկ Մանդանէ ինքն դուստր էր Մ. թագահայ Մարաց եղելոյ թագաւորի: Օլիւրոսէ պատմեն եւ նուագեալ եւս հնչի ցայժմ ի բարբարոսաց անտի թէ բարենշան եւ գեղեցիկ էր տեսլեամբ, եւ մարդասէր անձամբ, եւ ուսումնասէր, եւ

առատ. որպէս զի զամենայն իսկ աշխատութիւն յանձին ունել եւ ի բնաւ վիշտս միսել վասն յարգանայն գովութեան :

Այսպիսի ինչ շունչ եւ ոգի եւ կերպարանս յիշատակեն թէ ունէր : Խորատեցաւ ի Պարսից օրէնս . այս օրէնք ի հասարակաց բարութեանցն առնեն սկիզբն, քանզի ոչ եթէ անտի առնիցեն սկիզբն, ուստի ի բազում քաղաքան սկսանիցին . զի կէսք ի քաղաքաց թողուն զԼրեանց մանկտին որպէս զհարդոք ինչ կամիցի՝ խրատել, եւ զնոսին իսկ զերիցագոյնան զհարդուպէտ ըստ Լրեանց իսկ հեշտի պնալ : Ապա յետոյ դուլ եւ պատուէր տան մի գողանալ, մի յափշտակել, մի բռնութեամբ յուրուք տուն հասանել, մի հարկանել զուր յանիրաւի, մի շնալ, մի անսաստել իշխանին, եւ այլ եւս ինչ նոյնպիսիս նոյնգունակ . ապա թէ յանցեալ ինչ ուրուք ի նոցանէ իցէ, պատիժս պատուհասից ի վերայ դնիցեն :

Իսկ Պարսից օրէնք կանխեալ իբրեւ զսկզբանէն փոյթ յանձին ունին, զի մի այնպիսիք ոք քաղաքացիքն իցեն, զի գոռութեան իրիք գործոյ կամ զծանակութեան զհետ իցեն . եւ հոգան այսպէս զսոյն ձեւ : Ղոյ նոցա հրապարակ, որում անուն կոչիցի եղելութեւրա, որ թարգմանի ազատ, անդ են եւ



արքունիքն եւ այլ եւս վանք, անտի գինք եւ վաճառք եւ վաճառորդք եւ նոցին բարբառքն եւ աղմուկք մեկնեալ որոշեալ են յայլ ինչ տեղի, զի մի իցէ թէ նոցին ամբօխն եւ ժխորն ի խրատելոյն պարկեշտութիւն խառնիցի:

Բայց հրապարակն որ շուրջ զպարանօք իշխանացն իցէ, ի չորս բաժինս բաժանիցի. մի մասն ի նոցանէ մանկաւոյ է, եւ մին երիտասարդացն, մեւս եւս արանց կատարելոց, եւ չորրորդն այնոցիկ որ արտաքոյ քան զզինուորութեան ամսն իցեն: Աւ օրինօք իւրաքանչիւր ի նոցանէ դան հասանեն յիւրեանց տեղիս. մանկտին ընդ այզն, եւ արքն կատարեալք. բայց ծերագոյնքն երբ նոցա հաճոյ թուիցի, բայց եթէ յաւուրսն կարգեալս յորս պարտ իցէ նոցա անդէն իսկ գտանել: Իսկ երիտասարդքն ննջեն զապարանօքն հանդերձ հանդիսին զինուք բայց միայն յամուսնացելոցն. եւ պահանջին իսկ ոչ սոքա, թէ ոչ կանխագոյն պատուեր տուեալ իցէ նոցա գալ. բայց չէ իսկ վայելուչ նոցա բազում անգամ ի բայեայ գտանել:

Ի վերայ իւրաքանչիւր բաժնից երկոտասան իշխանք կան, քանզի եւ երկոտասան տոհմք զատանին Պարսից, եւ ի վերայ մանկաւոյն ի ծերագունացն ընտրանաւ կան, որք թուինն եթէ

մարթեն զմանկտին ազնուագոյնս ի  
 Հանդիսի ցուցանել. եւ ի վերայ պա-  
 տանեկացն յարանց անտի կատարելոց  
 որ զնոսին իսկ զպատանեակսն թուի-  
 ցին լաւագոյնս ընծայեցուցանել. իսկ  
 ի վերայ արանցն կատարելոց նոքա որ  
 առաւել առնելիս կատարիցեն զնոսա  
 հրամանացն աւագ իշխանութեանցն :  
 Պոն եւ ծերոցն վերակացուք ընտրա-  
 նաւ, որք վերակացու լինիցին զի եւ  
 նոքին զպատշաճսն ի գլուխ հանիցեն :

Չոր ինչ իւրաքանչիւր հասակի հրա-  
 մայեալ իցէ գործել, պատմեսցուք,  
 զի յայտ առաւել լինիցի թէ որպիսի  
 ինչ փոյթ յանձին ունիցին զի ազնուա-  
 գոյնք քաղաքացիքն իցեն. մանկտին  
 ի վարդապետանոցսն յաճախեալք զար-  
 դարութիւն ուսանին զիրան եւ զար-  
 ժանն կորովել, եւ ասեն թէ ի գոյն  
 իսկ զնան, զոր օրինակ առ մեզս իսկ որ  
 զգպրութիւնսն ուսանիցին : Աւ նոցին  
 իշխանքն զմեծ մասն աւուրն ծախեն  
 եղեալ նոցա դատաւորս : Վանզի առ-  
 նին իմն եւ մանկուոյ առ միմեանս որ-  
 պէս եւ արանց՝ գողութեան եւ յա-  
 փրշտակութեան եւ բռնութեան եւ  
 խաբէութեան եւ չարախօսութեան  
 բամբասք, եւ այլոց եւս նոյնպիսեաց  
 մեղադրութիւն. որոց եթէ անիրա-  
 ւեալ ինչ իցէ յայնցանէ եւ հասանի-  
 ցեն ի վերայ, պատիժս ի վերայ ածեն :

Տանժեն եւ զորս գտանեն զի զուր  
բամբասիցէ տարապարտուց ձգձգիցէ :  
Վատին եւ զապախտաւորութեան մե-  
ղադրութիւն, վասն որոյ առաւել զմի-  
մեանս ատեան մարդիկ, բայց դատին  
ոչ. եւ զումէ գիտիցեն թէ մարթի  
զձիրն հատուցանել եւ չհատուցանէ,  
լլկեն եւ զնոս սաստիկ : Օ՛ի զապախտա-  
ւորայն այսպէս ամեն զմտաւ թէ եւս  
առաւել զգից եւ զհարց եւ զմարց եւ  
զազգէ եւ զտոհմէ անփոյթ առնիցեն :  
Այսպէս թուի թէ զապախտաւորու-  
թեան լպրշութիւն եւ անամօթութիւն  
զհետ դնայցէ. քանզի այն իսկ է որ  
ամենեւին իսկ ի բնաւ քարուականսն  
լինիցի առաջնորդ :

Ասուցանեն մանկուոյ եւ ցածու-  
թիւն, եւ մեծ իմն նպաստ լինիցի նո-  
ցա առ ուսանել զգաստանալ, զի եւ  
զերիցադոյնսն տեսանիցեն զօրն ողջոյն  
ցածութեամբ կեցեալ : Ասուցանեն  
նոցա եւ իշխանաց հնազանդ լինել. եւ  
ի դոյն յաճախադոյն այն նպաստ լինի,  
զի եւ զերիցադոյնսն տեսանեն հնա-  
զանդեալս յոյժ իշխանացն : Ասու-  
ցանեն եւ ժուժկալս լինել պորտոյ եւ  
բմպելոյ. լինի եւ ի նոյն բազում  
օգնականութիւն, զի տեսանենն եւ  
զձերսն զի ոչ յառաջադոյն երթան  
վասն պորտոյ մինչ չեւ իշխանացն ար-  
ձակեալ : Օ՛ի ոչ եթէ առ մարցն ու-

տեն մանկտին, այլ առ վարդապետին, յորժամ իշխանքն նշանակիցեն: Բերեն եւ ի տանէ ռոճիկ՝ հաց, եւ խորտիկ՝ կոտիմն. իսկ վասն ըմպելոյ՝ բաժակ, զի եթէ ծարաւիցէ ոք հանցէ ի գետոյ անտի: Հանդերձ սոքումբք ուսանին եւ ընդ գիրկս մտանել եւ նետաձիգ լինել. մինչեւ ցվեշտասան եւ ցելթնուտասան ամն ի ծնրնդենէ զայս ինչ մանկտին առնեն. եւ այնուհետեւ անցանեն ի պատանեակսն:

Նոքին իսկ պատանեակքն դարձեալ ընդ հրահանգս ելանեն այսպէս: Օտարն ամ յորմէ հետէ ի մանկանցն ելեալ իցեն, զիշխանացն ապարանօքն ննջեն, զոր օրինակ կանխագոյն ճառեցաւ, եւ պահպանութեան աղաղաւքաղաքին եւ վասն ցածութեան: Օ, ի թուի իսկ այսպէս թէ այն հասակ մանաւանդ խնամակալութեամբ կարօտանայցէ: Ստուգանեն եւ զցերեկ զանձինս իշխանացն՝ ի կիր արկանել, եթէ պէտք ինչ հասարակաց իցեն. եւ յորժամ պարտ եւ պատշաճ իցէ, ամենեքին զապարանօքն մնան: Եւ յորժամ թագաւորն յորս ելանիցէ, առեալ տանի զկէս պահպանացն. զայդ առնէ բազում անգամ ի միում ամսեան: Պարտ է այնոցիկ որ ելանեն, նետս ի կապարճսն ունել, եւ սուսեր ի պատենի, եւ թուր զգօտւոյ, եւ

ասպար եւս եւ նիզակս երկու, զմին  
առ արձակելոյ եւ զմեւսն եւս թէ պի-  
տոյ լինիցի, ձեռամբ ի դործ արկանե-  
լոյ :

Սմին իրի իսկ հրապարակաւ փոյթ  
յանձին ունին զորսոյ երէոց, եւ թա-  
գաւորն իբրեւ ի պատերազմի զօրավար  
է նոցա, եւ ինքնին իսկ գլխովին որս  
առնէ եւ զայլոց հոգայ թէ զհարդ ար-  
դեւք որսայցեն, զի ճշմարիտ իսկ կրթ-  
թութիւն թուին իրքն ամենայնի որ  
ինչ ի պատերազմի լինիցի, քանզի ըն-  
դելուցանէ իմն այգունն յառնել եւ  
ցօղահար եւ ցրտաբեկ եւ խորշակառ  
լինել, կրթէ եւ ի ճանապարհ երթալ  
եւ արշաւել : Հարկ է եւ ի գազան  
աղեղամբ նետաձիգ լինել յոր վայր  
հասեալ ամրանայցէ. հարկ է բազում  
անգամ եւ ժրանալ եւս յորսն, յոր-  
ժամ գազան ինչ յուժգնագոյն գա-  
զանաց ի դիմի հարկանիցի. քանզի  
պարտ եւ արժան է զայն որ մօտ հա-  
սանիցէ հարկանել եւ զգոյշ լինել եթէ  
ի վերայ դիմեալ խաղայցէ. որպէս զի  
չէ ինչ դիւրին գտանել թէ զինչ այն  
ինչ իցէ որ յորսն չիցէ, յամենայնէ  
որ ի պատերազմի գտանիցի :

Յորժամ յորսն ելանիցեն ունին ճաշ  
աւելի քան զմանկտուոյ, որպէս ի դէպ  
է. բայց զայլն ամենայն հանգոյն նու-  
ցին. եւ յորժամ որս առնիցեն, չուտեն

Ճաշ: Ապա թէ պէտք ինչ լինիցին վասն երէոյն տեւել յամել, կամ այլ ազգ ինչ կամիցին դեգերել վասն որսոյն, զճաշն ընթրիս առնիցեն, եւ ի վաղիւ անդր միւսանգամ որսայցեն մինչեւ ցընթրիսն, եւ մի օր զերկոսին աւուրսն հաշուիցին, քանզի միոյ աւուր ռոճիկ ծախեն: Օպս առնեն վասն ընդելանելոյ, զի թէ եւ ի պատերազմի պիտոյ ինչ լինիցի, կարիցեն զգոյն գործել. եւ խորտիկ զայն ունին այնպիսիքն, զոր որսայցեն ինչ, ապա թէ ոչ զկոտիմնն: Իսկ եթէ կարծիցէ որ ինչ զնոցանէ եթէ չախորժելով ուտիցեն, քանզի կոտիմն եւեթ ունիցին ընդ ռոճիկի, կամ չախորժութեամբ ըմպիցեն, յորժամ ջուր ըմպիցեն, զմտաւածիցէ թէ զխարդ հեշտական իցէ քաղցելոյ փոխինդ եւ հաց ուտել, եւ որպէս քաղցր ծարաւելոյ ջուր ըմպել:

Իսկ տոհմք որ մնայցեն, դարձեալ ընդ այլ հրահանգս ելանեն, զոր մինչ դեռ մանկտին էին, ուսան, աղեղն առնուլ եւ նետ ձգել. եւ վասննոցին ընդ միմեանս ոգորին. են եւ ի հրապարակի մրցութեան հրահանգք, գոն եւ ընդ նահատակութեանն վարձք: Աթէ ի միում ի ցեղիցն բազումք իցեն խելամտագոյնք եւ առաքինիք եւ հաւատարիմք, յարգեն եւ գովեն զնոսա քաղաքացիքն, եւ մեծարանս դնեն ոչ այնմ

եւեթ որ ի ժամուն իշխիցէ նոցա, այլ եւ որ գնոսա ոք մինչ մանկտին էին, խրատեաց: Իսկ իշխանքն ի կիր արկանեն եւ զմնացեալ պատանեակսն, եթէ պէտք ինչ լինիցին կամ պահպանել կամ զվնասակարսն խուզել կամ զաւղակաց զհետ արշաւել, եւ կամ այլ ինչ որ պնդութեան եւ երազութեան պէտք իցեն: Պատանեակքն զայս ինչ վճարեն. իսկ յորժամ զտասնամս ի գլուխ հանիցեն, ի կատարեալ արսն ելանեն:

Ի ժամանակէ յորմէ հետէ ի պատանեկացն ելանիցեն, նոքին դարձեալ զքսան եւ զհինգ տարին այսպէս անցուցանեն: Օլառաջինն, որպէս զպատանեակսն զանձինս իշխանացն մատուցանեն ի գործ արկեալ վարել թէ պէտք ինչ հասարակաց լինիցին, որք ցածնոց իսկ գործք իցեն եւ կարողաց: Եւ եթէ զօրաժողով ի մարտ պատերազմի ուրեք հասանիցէ երթալ, որ այնպէսն խրատեալ իցեն, չունին աղեղունս եւ գեղարդունս յորժամ երթայցեն ի ճակատս, այլ զզէնսն որ անքեմաքայն կոչիցին, պատենազէնք զրահապատք զլանջօքն, մկնդաւորք որպէս ինչ Պարսիկքն նրկարին եւ յաջում ձեռին սուսեր պողովատիկ կամ թուր: Եմենայն իշխանք ի նոցանէ կան, բայց միայն մանկանց վար-

դապետքն : Իսկ իբրեւ զքսան եւ զհինգ ամսն կատարիցեն, արձակիցին եւ սորա որ աւելի քան զյիսուսն ամաց իցեն ի ծննդենէ իւրեանց. եւ ապա ի ծերագոյնսն անցանեն որք եւ ծերագոյնք իսկ կոչին :

Բայց եւ ծերքն դարձեալ ոչ արտաքս քան զիւրեանց աշխարհն ի պատերազմ երթան, այլ անդէն կան, դատին զհասարակաց ինչ դատաստան կամ զառանձինն ինչ ուրուք. նա եւ զմահու դատաստան նոքին դատին, եւ զքնաւ իսկ զիշխանսն նոյնք ընտրեն : Աւելի է որք ի պատանեկաց անտի կամ յարանց կատարելոց յանցանիցէ ինչ յօրինացն, գուշակեն իւրաքանչիւր նահապետք ցեղիցն, եւ յայլոց անտի՝ որ կամիցին : Իսկ ծերոցն լուեալ տարագիր հանեն, եւ որ տարագիրն ելանէ, անարգ եւ արհամարհ այնուհետեւ ըզկեանսն վախճանէ :

Այլ զի հաւաստեալ յայտ լինիցի ամենեւին Պարսից առաքինութիւնն, սակաւիկ ինչ ընդ նոյնս եկից այսրէն. զի այժմիկ համառօտիւք կարճառօտս ցուցցի վասն բանիցն ասացելոց յառաջագոյն : Վանզի պատմեն իմն զՊարսից այսպէս թէ իբրեւ երկոտասան բելք են. եւ ոչ ոք ի նոցանէ արդեւ լեալ է օրինօք ի պատուոց եւ յաւագ իշխանութեանց. այլ իշխանութիւն



է ամենայն Պարսից զիւրեանց որդեակո  
ի հասարակաց արդարութեան հրա-  
հանգս յղել: Այլ որ կարողքն իցեն  
սնուցանել զորդիսն զպարապորդս, ա-  
ռաքեն, իսկ որ չիցեն ձեռնհաս, ոչ  
յղեն. բայց որ յարքունական վարդա-  
պետացն խրատիցին, համարձակ է նո-  
ցա ի պատանեկաց միջի յերիտասար-  
դութիւն հասանել, իսկ որ ոչ այն-  
պէսն խրատիցին, չէք հնար: Իսկ ի  
պատանեակսն որք վճարիցեն առնել  
զօրինականսն, մարթ է նոցա յարս կա-  
տարեալս խառնել եւ յիշխանութիւնս  
եւ ի պատիւս վայելել: Պարձեալ ե-  
թէ ի մանկանցն չվճարիցին կամ ի  
պատանեկացն, ի կատարեալսն չմտա-  
նեն. եւ ի կատարելոց անտի որ առանց  
յանցանաց անարատ կեցցեն, նոքա ի  
ծերակոյտ անդր խառնին: Այսպէս  
ծերքն ընդ ամենայն լաւութիւնսն ան-  
ցեալ կան ի կարդին: Այս է առաքի-  
նութիւն նոցա, որով թէ վարիցին, հա-  
մարին ազնուագոյնք իսկ լինել:

Սա ցայժմ եւս կայ մնայ վկայու-  
թիւն չափաւոր կերակրոյ նոցա եւ վաս-  
տակելոյ նոցա ի կերակուրսն նշանակ:  
Քանզի եւ այժմ առականք են Պար-  
սից թքանելն եւ դայուութիւնքն եւ  
շուայտութիւն, ամօթ է յայտ երթալ  
ուրեք վասն միզելոյ կամ վասն այլոց  
ինչ այնպիսի իրաց: Օայդ չկարէին

առնել թէ ոչ եւ չափ ինչ կերակուր  
կերակրէին եւ զխոնաւութիւնն սպա-  
ռէին ճգամբքն եւ աշխատութեամբք :

## Գ Լ ՈՒ Խ Գ

**ՕՆՅՍ** վասն ամենայն Պարսից պա-  
տմեցաք . իսկ այժմ վասն որոյ բուռն  
հարեալ իցէ բանս , զիրաց եւ զարւու-  
թեանց Վիւրոսի ճառեսցուք , եւ ի  
մանկութենէ իսկ առնիցեմք սկիզբն :  
Քանզի Վիւրոս մինչեւ ցերկոտապան  
ամն կամ թէ սակաւ ինչ աւելի , նու-  
վին խրատու եւ իմաստութեամբ խրա-  
տեցաւ , եւ քան զբնաւ իսկ զհասա-  
կակիցսն ընտիր երեւէր , եւ այնու՝ զի  
արագ արագ ուսանէր զայն որ արժանն  
ինչ էր , եւ բարւոք եւ առաքինութեամբ  
զիւրաքանչիւր պատշաճսն գործէր :

Յայնմ ժամանակէ հետէ կոչեաց  
Նժդահակ զիւրուրոյն դուստր եւ զնու-  
րին որդի . զի ցանկացաւ տեսանել ,  
քանզի լսէր իսկ զնմանէ թէ բարւոք  
եւ գեղեցիկ է : Աւ Վանդանէ ինքնին  
ել չողաւ առ հայր իւր եւ ունէր զՎիւ-  
րոս զորդի իւր ընդ իւր : Իբրեւ փու-  
թանակի երթեալ հասանէր , եւ ի միտ  
առնոյր Վիւրոս եթէ մօրն հայր է Նժ-  
դահակ , իսկ եւ իսկ վաղվաղակի քան-  
զի իբրեւ որդի յաճախագուլթ էր ի բնէ ,  
ողջոյն ետ նմա , զոր օրինակ յառաջա-

գոյն սնընդակից ոք կամ բարեկամ ողջունիցի:

Եւ տեսեալ զնա ընդ զարդ եկեալ եւ ամացեալ ծարիր յաչս եւ երփն երփն գունակաց եւ զգէսսն յօրինեալ եւ զգանդուրսն, որպէս օրէնք էին Սարացն. քանզի այս ամենայն մարական է, եւ ծիրանի պարեգօտիունքն եւ գրատքն եւ քայռքն ի պարանոցի եւ ապարանջանք ի ձեռս եւ պախճաւանդքն եւ լանջագեղ կամարք. իսկ Պարսից եւ այժմ իսկ ի տունս ձորձք յոռիք են եւ կերակուրք խոտանք: Երգ տեսեալ զզարդ հաւուն, հայեցեալ ընդ նա ասէր. Սայր իբրեւ զի գեղեցիկ է հաւս: Եւ մօրն հարցեալ զնա թէ ո՞քան զո գեղեցիկ թուիցի, հայրդ եթէ սա: Պատասխանի տայր Կիւրոս թէ Սայր՝ քան զամենայն Պարսիկս՝ իմ հայրն վայելուչ եւ գեղեցիկ է, բայց քան զամենայն Սարս որչափ ես տեսի ի ճանապարհս եւ ի դրունս, կարի հաւս իմ գեղեցիկագոյն է:

Ողջոյն տայր նմա Եթզահակ եւ ագուցանէր պատմուճան գեղեցիկ, եւ քայռամանեկօք եւ ապարանջանօք մեծարոյ զարդարէր. եւ եթէ ուրեք հասանէր գնալ յոսկեսանձ երիւարի վերայ շրջեցուցանէր ոսկուվք զարդուք ականակապ աճառօք, որպէս եւ ինքն իսկ սովոր էր երթալ: Եւ Կիւրոս քան-

զի մանուկ էր եւ ընդ զարդ կամէր, ուրախ լինէր ընդ պատմութեանն եւ խնդայր յորժամ ուսանէր յերիւար հեծանել. քանզի ի Պարսից աշխարհին վասն դժուարին լինելոյ եւ զերիւարսն բուծանել եւ ձի վարել, քանզի լեռնային է աշխարհն, եւ երիւար անգամ տեսանել անօտ էր:

Յորժամ ընթրիս ուտէր Աժդահակ հանդերձ դստերան եւ Կիւրոսիւ, իբրեւ կամէր թէ ախորժեւոյ կերիցէ զընթրիսն մանուկն, զի մի տան խորտկացն տենչանայցէ, աժ առաջի նորա սկաւառակս եւ պէսպէս ազգի ազգի համեմանս եւ խորտիկս: Իսկ զԿիւրոսէ պաամեն ասել այսպէս. թէ Ով հաւ, քանի աշխատութիւն է քեզ յընթրիսն քում, թէ հարկ իցէ քեզ ի բնաւ իսկ իսկաւառակսն ձգել զձեռս եւ ճաշակել յազգի ազգի խորտկաց այտի: Ասէ Աժդահակ. Իսկ արդ զիա՞րդ, ո՞չ քան զՊարսից ընթրիսն բարւոք թուիցին քեզ ընթրիքս: Աւ Կիւրոսի ասեն տալ առ այն պատասխանի, թէ Ո՛չ հաւ. այլ յոյժ իսկ լոկ եւ վարկպարազի առ մեզ ճանապարհ է առ յազենալ, քան առ ձեզդ: Վրանզի զմեզ հացիկն եւ միսն յազեցուցանէ, եւ դուք ի նոյն փութայք ընդ մեզ, եւ ընդ բազում իմն արահետս ի վեր եւ ի խոնարհ յաճիք շրջիք մոլորեալք թափառական

եւ հազիւ եկեալ հասանէք յոր մէք վաղագոյնն հասաք :

**Մ**ժդահակ ասէ . Մանուկ դու ոչ ինչ ծանրացեալ նեղիմք յորժամ յաճիցիմքն եւ շրջիցիմք . եւ դու , ասէ , թէ ճաշակիցես ապա ի միտ առցես եթէ հեշտական է այն : **Ա**սէ Վիւրոս . Նա եւ քեզ աւանիկ հաւ , տեսանեմ զի ատելի եւ գարշելի են խորտիկքս : **Ե**հարց ցնա Մժդահակ , թէ ի՞նչ մացեալ մանուկ դու ասես . **Չ**ի տեսանեմ , ասէ , զքեզ , զի յորժամ ի հաց հուպ լինիցիս , ոչ ուրեք զձեռսդ սրբես , իսկ յորժամ մխիցիս ի մի ինչ ի նոցանէ , վաղվաղակի զձեռսդ ի դաստառակսն սրբես , որպէս զի բնաւ տաղտկաս իսկ լի լինել նոքօք :

**Ա**սէ Մժդահակ . **Ն**յտուհետեւ եթէ այդպէս գիտես ով մանուկ դու , գոնէ միս կեր զի զօրագոյն երթայցես ի տուն . իբրեւ զայս ասէր , բազում պատրուճակս երէոց եւ զգօն անասնոց բերէր առաջի . եւ Վիւրոս իբրեւ ետես շաղիղ բազում . **Տ**ան ինձ ասէ , ով հաւ , զայս ամենայն միս որպէս ինչ ինձ կամ իցէ , արկանել զնոսա ի կիր : **Ա**սէ . **Ն**րդուեալ իցէ իմ յԱրամազդ , յինէն տուեալ քեզ մանուկ դու : **Յ**այնմ վայրի առեալ Վիւրոսի զմիսն տայր ասէն ցայնոսիկ որ շուրջ զհաւուն իսպասու կային . եւ ցիւրաքանչիւր

ոք ասէր թէ քեզ այդ, քանզի մտադիւ-  
րութեամբ ուսուցանես ինձ յերիւար  
հեծանել. եւ քեզ, զի սուսեր ետուր  
ինձ. քանզի այժմ զայս ինչ ունիմ.  
Իսկ քեզ, զի հաւուս քաջ դարման  
տանիս, եւ քեզ, զի մեծարանս դնես  
մօրն իմում. զայս առնէր մինչեւ ետ  
զամենայն զմիսն զոր առ:

Ասէ Վժդահակ. Շակայ մատուա-  
կի զոր ես առաւել մեծարեմ, շտա՞ն  
ինչ: Աւ Շակասն գեղեցիկ էր եւ ու-  
նէր պատիւ մուծանել զաղաչելիսն առ  
Վժդահակ, եւ արդելուլ եթէ չթուէր  
նմա ժամ մուծանելոյ զնոսա: Աւ  
Վիւրոս եհարց համարձակութեամբ ի-  
բրեւ մանուկ զի ոչ ինչ կասկած կամ  
կարծիս ի մտի ունէր, թէ Զմէ՞ կամ  
ընդէ՞ր հաւ, դմա այդպէս շուք դնի-  
ցես: Վժդահակ խաղալով ասէ. Չտե-  
սանիցես ասէ, զիարդ գեղեցիկս մա-  
տուուակիցէ եւ պատշաճ կերպարանօք:  
Իսկ թագաւորացն մատուակքն շքով  
մատուակեն եւ ջինջ խառնեն եւ զտաշ-  
տըն յերիս մատուենն յօրինեալ մատու-  
ցանեն զի լինիցի դիւրին առ առնուլ  
բաժակն այնմ որ կամիցին ըմպել:

շրաման տուր, ասէ, Շակայ, եւ  
ինձ տալ զբաժակն, զի եւ ես բարւոք  
խառնեցից քեզ ըմպելի, եւ զմիտոգ  
հաճեցից, եթէ կարիցեմ: Աւ հրա-  
մայեցաւ տալ: Իսկ Վիւրոսի ի ձեռն

առեալ զբաժակն ազնուագոյն ողողէր, զոր օրինակ տեսեալ էր նորա Շահաս, եւ այնպէս յօրինեալ զկերպարանսն փութով եւ պատշաճութեամբ մատուցեալ տայր զտաշան հաւուն, մինչեւ մօրն եւ Մ.ժգահակայ ի ծաղուէն թալանալ: Աւ Վիւրոսի իսկ ծաղու ընթացեալ առ հաւն, եւ միանգամայն ընդ համբուրելն ասէր. Ով Շահա, կորեար մերժեցար, արկանեմ զքեզ ի պատուոյ այտի քումէ, զի այլովք բազմօք քան զքեզ ազնուագոյն մատուրակիցեմ եւ զգինին ոչ ըմպիցեմ: Օ՛ի թագաւորաց մատուակք յորժամ զտաշան մատուցանիցեն, հանեալ ի նմանէ ի ճաշակ անդր յահեակ ձեռն հեղեալ ըմպեն զի մի աջողեսցի նոցա եթէ դեղ խառնիցեն:

Յետ այնորիկ ասէ ընդ խաղ Մ.ժգահակ. Օ՛ի է Վիւրոս զի այլով ամենայնիւ նմանեցեր Շահայ, բայց զգինիդ չարբեր: Օ՛ի երկեայ ասէ, թէ գուցէ դեղ իսկ խառնեալ իցէ ի խառնելիսն. զի յորժամ հացկերոյթն առնէիր բարեկամաց յաւուր ծնրնդոց, ստոյգ ի վերայ հասի եթէ սա ձեզ դեղ խառնէ: Աւ իբր ասէ, գիտացեր զայդ մանուկդ: Վանզի տեսի ասէ, զձեզ զի եւ մտօք եւ մարմնովք ձերովք սխալակեալ էիք. զի նախ զոր չտայք մեզ մանկտուոյ գործել, զայն դուք առ-

նէիք. քանզի ամենեքին իսկ միանգամայն ճշէիք դոչէիք, եւ իմանայիք ոչ զմիմեանս, եւ երգէիք եւս յաճախ ծաղրալից կերպարանօք. այնմ որ երգէին շատիք, բայց երդնուիք եթէ քաջ նուագիցէ: Պատմէր իւրաքանչիւր ոք ի ձէնջ զիւրոյ անձինն զօրութիւն. յորժամ յառնէիք կաքաւել, ոչ եթէ կաքաւաձեւ ինչ զոտս բախել, այլ եւ ոչ թէ կալ իսկ ուղղորդ կարէիք. ամենեւին իսկ յապուշ միտս հարեալ էիք, դու մոռացեալ եթէ թագաւոր իցես, եւ այլքն՝ եթէ դու իշխան ես. քանզի եւ ես յայնժամ ի միտ առի զառաջինն եթէ այն իսկ էր բանից հանգոյն հաւասարութիւն, զոր դուք յայնժամ առնէիք. քանզի եւ ոչ լռէիք իսկ երբէք:

Աժդահակ ասէ. իսկ քո հայրն յորժամ ըմպիցէ, ո՞չ արբենայ: Աչ, ասէ: Այլ զի՞ դործէ: Ի ծարաւոյն դադարէ եւ ոչ այլ ինչ փաշաման կրէ. զի ոչ եթէ որպէս ինձ թուի ով հաւ, Շահաս մատուռակ է նորա: Աւ մայրն ասէ. շի՞մ իցէ որդեակ զի այնպէս համակ ընդ Շակայ դոռայցես: Աւ կիւրոս ասէ. Գի ատեամ, ասէ, զնա. զի բազում անգամ իմ ցանկացեալ երթալ առ հաւս, ժանտոս այս արդելու. այլ աղաչեմ ասէ, ով հաւ, տուր դու ինձ զերիս աւուրս իշխել նմա: Աժդա-



Հակ ասէ. Եւ զիւրոք տիրիցես դու նմա: Աիւրոս ասէ. Կացեալ որպէս եւ նայն ի մուտս, եւ յորժամ ի ճաշն կամիցի մտանել, ասիցեմ բայ Չէ հնար դեռ եւս ի ճաշ անդր երթալ, զի կարեւոր ինչ իրս ընդ սմանց խորհի. ասպա յորժամ յընթրիս գայցէ, ասիցեմ թէ լուանայ. եւ եթէ ամենեւին իսկ յուտել իցէ, ասիցեմ եթէ առ կանացն է, մինչեւ ձգեալ յապաղիցեմ զնա, որպէս եւ նա զիս յապաղէ եւ արդելու ի քէն:

Այսպէս ուրախ առնէր զնոսս ի վերայ ընթրեացն, եւ զցերեկ եթէ ազդ լինէր նմա թէ կարօտ ինչ իւրիք է կամ հաւն կամ մօրն եղբայրն, դժկամակ լինէր եթէ այլ դք աճապարէր զնոյն առնել. զի ուրախ լինէր Աիւրոս եթէ որչափ ինչ ձեռնհասն էր, պաշտօն առնէր նոցա:

Իսկ յորժամ կազմ եւ պատրաստ լինէր Սանդանէ գնալ միւսանդամ առ այր իւր, աղաչէր զնա Աժդահակ զԱիւրոս թողուլ: Սա տայր պատասխանի թէ կամիմ իսկ ամենեւին հօրդ շնորհել. բայց խիտ համարէր յակամայ կամս զմանուկն թողուլ:

Յայնմ վայրի Աժդահակ ցԱիւրոս ասէ. Որդեակ, եթէ աստ առ իս մնայցես, նախ ոչ իշխեսցէ Շակաս մտանելոյ քո առ իս, այլ երբ եւ կամիցիս

մտանել առ իս, ի քեզ ապաստան ի-  
ցէ: Շնորհակալ եւս ասէ եղէց քեզ  
որչափ յաճախագոյն մտանիցես առաջի  
իմ. եւ ապա զիմ երիւարս արկանիցես  
ի կիր, եւ այլ եւս որ ինչ քեզ կամ  
իցէ. եւ յորժամ երթայցես ուրեք,  
առ ընդ քեզ զորս դուն կամիցիս: Ա-  
պա եւ յընթրիսն եւս յայն՝ որ քեզ  
համոյն եւ պարկեշտութեամբ թուիցի,  
երթ, ընդ որ ճանապարհ եւ ակորժի-  
ցես: Յետ այնր ի բուրաստանսն զգա-  
զանսն քեզ տամ, եւ զայլ ազդի ազ-  
դի երէս ժողովեցից, զորոց դու իսկ  
եւ իսկ յորժամ ուսանիցիս երիւար ար-  
շաւեցուցանել, զհետ պնդիցիս, եւ  
նետիւք եւ աղեղամբք տապաստ արկա-  
նիցես, որպէս եւ աւագ որեարն: Աս  
եւ մանկտի եւս տաց ես քեզ խաղալ  
ընդ նոսա. եւ այլ զինչ եւ կամիցիս,  
ասիցես ցիս եւ ոչ վրիպեսցիս:

Օչայս իբրեւ ասաց Աժդահակ, եւ  
հարց մայրն ցլիւրոս թէ զոր առաւել  
կամիցի, մնալ եթէ ելեալ երթալ: Աս  
ոչ դանդաղեաց, այլ ասէ վաղվաղակի  
թէ կամիմ մնալ: Միւսանգամ հար-  
ցեալ ի մօրէն թէ ընդէր. Ասէ. Ի մե-  
րում աշխարհին քան զամենայն հա-  
սակակիցս համարիմ ազնուագոյն լեալ  
եւ յաղեղն եւ ինեո, եւ եմ իսկ ազ-  
նուագոյն. իսկ աստ տեղեկացեալ գի-  
տեմ թէ երիւարաւ ի վայր քան զհա-

սակակիցս եմ. եւ զայն դու իսկ քաջ  
 դիտես մայր թէ ամենեւին իսկ ի խոր  
 խոցիմ. ապա եթէ աստ զիս թողու-  
 ցուս եւ ուսանիցիմ յերկար հեծա-  
 նել, ջորժամ ի Պարսից աշխարհին  
 իցեմ, ինձ այսպէս թուի, թէ զնոսին  
 իսկ զընտիր ընտիր հետեւակացն ամե-  
 նեւին գլիցեմ. ապա յորժամ այսրէն ի  
 Սարս եկից, ջանացայց զօրաւիզն օ-  
 գնականութեան հաւուս լինել, զի ի-  
 ցեմ իսկ քան զամենայն քաջ այրուծի  
 ազնուագոյն:

Մայրն ասէ. Օրդարութիւն, մա-  
 նուկ դու, զի ա՛րդ ուսանիցիս, զի վար-  
 դապետք անդ են: Աւ Վիւրոս ասէ.  
 Այնմ ես հաւաստեալ եւ ճշգրիտ խե-  
 լամուտ եղէ: Մանդանէ ասէ. Իսկ զի-  
 ա՛րդ եղեր դու խելամուտ: Օ՛ ի վար-  
 դապետն, ասէ, զիս՝ քանզի հաստա-  
 տութեամբ զարդարութիւն ուսայ, այ-  
 լոց դատաւոր կացոյց: Արդ, ասէ, եր-  
 բեմն ուրեմն ի միում դատաստանի գան  
 արբի, զի անուղղայս դատեցայ: Աւ  
 էր դատաստանն այսպիսի ինչ: Մանուկ  
 յաղթանդամ որ փոքր պարեգօտ ու-  
 նէր, զմեւս եւս մանուկ փոքրիկ, ոյր  
 մեծ բաճկոնն էր, զնա մերկացեալ եւ  
 զիւրն զնովաւ արկ, եւ զնորայն ինքն  
 ազաւ, ապա ես իբրեւ դատ կամեցայ  
 առնել նոցա, այսպէս ածի զմտաւ թէ  
 լաւ այն է, երկոցունց զպատշաճ իւ-

ըստ քան չիւր պարեգօտան ունել : Ալ վասն նորին իսկ այնորիկ դան եհար զիս վարդապետն եւ ասէ . Աթէ կայիր դու դատաւոր եւ իրաւընտիր այնր որ պատշաճականն էր , ապա այսպէս պարտ եւ պատշաճ էր առնել . իսկ եթէ հասանիցէ ընտրել թէ ոյր պարեգօտն իցէ , այնմ ասէ , պարտ է դէտ ակն ունել թէ ոյր ստացուած արդար եւ իրաւական է , արդեւք այնմ որ հան ինչ բռնութեամբ , ունել . եթէ որ դործեաց ոք ինչ կամ գնոց առ , զայն ստանալ . եւ ապա ասէ թէ որ օրինօք ինչ է , արդար է , եւ որ չէն օրինօք , այն բռնութեամբ : Արդ ետ հրամանն թէ պարտուպատշաճ է դատաւորի օրինօք զվճիռն դնել : Այսպէս ես , ասէ , մայր , բնաւին իսկ գիտեմ հաստատութեամբ զիրաւն եւ զարժանն . ապա թէ կարօտիցիմ եւս ինչ , հաւս իմ , ասէ , այս ուսուցէ զիս :

Այլ ոչ նոյն իրաւունք են , ասէ , որդեակ առ հաւունք քում եւ ի Պարսից աշխարհին : Վանզի սա ամենեցուն որ ի Մարաստանի իցեն զանձն տէր կացոյց . իսկ ի Պարսս զկշիռն ունել իրաւունք համարին : Ալ նախ քո իսկ հայրն զհրամայեալն առնէ զոր ինչ առնէ ի քաղաքի անդ , եւ զպատուրեալն առնու . եւ նմա չափ ոչ իւր միտք են , այլ օրէնքն : Ալ արդ զհարդ

ուչ ի դանէ կորընչիցիս յորժամ երթայցես յաշխարհն, եթէ ի նմանէ փոխանակ ընդ թագաւորութեանն՝ բռնութիւն ուսեալ գայցես: Սա համարի թէ պարտ է աւելի քան զամենեսեան ունել: Ասէ Վիւրոս. Բո հայրն առաւել կարող է ուսուցանել ունել սակաւ ինչ եւ ոչ շատ: Չտեսանիցես, ասէ, զի ամենեցուն իսկ Սարաց ուսոյց նուազագոյն քան զինքն ունել: Որպէս զի վստահ լեր, զի հայրդ ոչ զայլ դք եւ ոչ զիս արձակիցէ ազահութեան ուսումն ուսեալ:

## Գ Լ Ո Ւ Խ Գ

ՕՍՅՍ եւ բազում ինչ քան զոյն խօսէր Վիւրոս: Ալ գլուխ իսկ ամենայնի, մայրն մեկնեալ երթայր, իսկ Վիւրոս մնաց եւ անդէն սնանէր: Այդ վաղակի ընդ հասակակիցսն խառնէր ընտանէբար. իսկ եւ իսկ զնոցին հարս զիւրեւածէր, զի երթեալ յանդիման լինէր նոցա եւ յայտնի իսկ երեւէր եթէ սիրէր զորդեակս նոցա. մինչեւ եթէ հասանէր խնդրել ինչ ի թագաւորէ անտի, հրաման տային մանկանցն զՎիւրոս աղաչել զի զիրսն վճարիցէ: Ալ Վիւրոս զոր ինչ աղաչէինն զնա մանկտին, վասն մարդասիրութեանն եւ առատութեան հանապազ հանէր զիրսն ի գլուխ:

Եւ Վժգահակ զոր ինչ Աիւրոսն  
 խնդրէր ի նմանէ, չկարէր դիմադարձ  
 ինչ լինել եւ չշնորհել: Օ՛ր եւ ի խօ-  
 թանալ նորա չեթող երբէք զհաւն եւ  
 ոչ ի լալոյն դադարեաց. եւ յայանի  
 իսկ ամենեցուն էր, եթէ զահի հա-  
 րեալ էր թէ գուցէ հաւն մեռանիցի.  
 զի եւ գիշերի, եթէ խնդրէր ինչ Վժ-  
 գահակ, նախ Աիւրոս զգայր, եւ յա-  
 ռաջ դան զամենեսին առանց դանդա-  
 զանաց ուսուցեալ աճուպարէր սպաս  
 հարկանել զոր օրինակ հաճոյ իսկ հա-  
 մարէր նմա, մինչեւ ամենեւին յան-  
 կուցանէր զՎժգահակ:

Սակայն շատխօս էր Աիւրոս, վասն  
 խրատուն եւ իմաստութեան, զի ստի-  
 պէր ի վարդապետէ անտի տալ հա-  
 մարս ընդ սրոց գործէր, եւ յայլոց  
 առնուլ յորժամ դատիցի զնոսա: Վա՛  
 վասն ուսումնասէր եւս լինելոյ, բազում  
 ինչ ինքն հանապազ ցմօտակայսն հար-  
 ցանէր. թէ զիւրդ իցէ կամ որպէս  
 կամ զմէ. եւ որչափ ինչ յայլոցն հար-  
 ցեալ լինէր, առ կորովութեան արագ  
 արագ առնէր պատասխանի. որպէս զի  
 յայնմ ամենայնէ գումարէր իմն շատ-  
 խօսութիւնն: Այլ զոր օրինակ ի մար-  
 մինս որ ի մատաղութեան լինիցին ան-  
 դամայաղթք, մարմնագեղք, սակայն  
 երեւիցի իմն ի նոսա մանկութեան նշա-  
 նակ որ մատաղօրեայ տիոցն գուշակ լի-

նիցի. նոյնպէս եւ Աիւրոսի ի շատխօսութենէ ոչ խարխալանք երեւէին, այլ միամտութիւնն եւ գութն եւ ինամն. որպէս զի առաւել ցանկութիւն ոք համարէր ունին գնել նմա, քան լինել առ նմա մինչ լուռն կայր:

Իսկ իբրեւ ածէր զնա ժամանակն յաղթանդամութեամբ հանդերձ ի չափ հասակի, այնուհետեւ սակաւ բանս ի կիր արկանէր եւ բարբառ հանդարտութեան, ցածութեամբ եւ ակնածութեամբ լի լինէր. մինչեւ ամաչել իսկ եւ շիկնել յորժամ ծերոց հասանէր դիպել: Աւ ոչ եւս զնոյն օրինակ զշան կորեան բարոյս ցուցանէր, ամենեցուն ընդ անձն անկանել քծնելով: Այնպէս հեղ էր եւ հանդարտ եւ ի ժողովս ամենեւին զուարճացեալ: Օ՛ի բազում անգամ յորժամ մրցէինն եւ գուպարէին ընդ միմեանս հասակակիցքն, ոչ որով իւիք գիտէր թէ ինքն ազնուագոյն է յայն կոչէր զընկերոսն, այլ զորոց գիտէրն թէ ինքն նուազագոյն է, այնմ առնէր սկիզբն, եւ ասէր թէ բարւոք իսկ քան զնոսա առնիցէ. յերիւար հեծանել սկսանէր կամ նետ ձգել յերիւարէ անտի մինչ չեւ բնառուսեալ հեծանել. եւ ի պարտելն ինքն ընդ ինքն առաւել ծիծաղէր:

Իայց քանզի ոչ ինչ խորչէր ի պարտութենէ անտի, չառնել որով պար-

տեցաւն, այլ յաճախէր հանդէս առնել միւսանգամ՝ եւս ազնուագոյն գործել, իսկ եւ իսկ ի նոյն կշիռ ընդ հասակակցացն հասանէր եւ վաղվաղակի ելեւել առնէր, վասն ցանկութեան գործոյն: Ար ի բուրաստանին դազանքն էին, անդէն բարձ ջնջեաց ի միջոյ, քանզի զհետ պնդեալ տապաստ արկանէր եւ կոտորէր. մինչ զի Վժգահակ ոչ ժամանէր այնուհետեւ ածել կուտել նմին դազանս: Իբրեւ ազդ լինէր Վիւրոսիէթէ կամի տալ նմա անասունս եւ չէ ձեռնհաս, բազում անգամ ասէր ցնա, թէ Ով հաւ զի՞ պիտոյ իցէ քեզ աշխատ լինել եւ խնդրել դազանս, այլ եթէ առաքիցես զիս յորս հանդերձ քեռւովս, որչափ երէս տեսանիցեմ, համարեցայց եթէ դու իսկ քեզէն ինձ զայն պարարեցեր:

Հանկայր յոյժ յորս ելանել, բայց չկարէր այնուհետեւ նոյնպէս թախանձեցուցանել որպէս մինչ մանուկն էր. այլ դանդաղէր մատչել. եւ որ յառաջն զՇակաս բամբասէր թէ չտայ թոյլ երթալ առ հաւն, ինքն իսկ անձինն գրխովին լինէր այնուհետեւ Շակաս. քանզի ոչ երթայր առ նա, եթէ չէր յառաջագոյն գիտացեալ թէ ժամ է, եւ բնաւ զՍակաս աղաչէր նշանակել նմա թէ երբ ի ժամու իցէ մտանել եւ երբ տարաժամու. մինչեւ եւ Շակաս



իսկ սիրէր զնա որպէս եւ այլքն ամենէքին :

Իսկ իբրեւ գիտաց Նժդահակ եթէ ցանկացեալ է արտաքին որոոց, արձակէ զնա քեռւովն հանդերձ, եւ առաքէ աւագ պահապանս ընդ նմա երիւարօք, զի ի դժուարին վայրաց զգուշացին նմա, եւ եթէ գազան ինչ ի գազանաց վայրի երեւիցի: Աիւրոս ցայնոսիկ որ զՏեան գային, մտադիւրութեամբ հարցանէր թէ որոց երէոց հուպ երթալ պարտ իցէ, եւ զորոց պատշաճ խրախուսել եւ զՏեա պնդել: Աւ նոքա պատմէին թէ արջք զբազումս որ մօտն գնացին՝ սատակեցին, եւ առեւժքն եւ վարադք եւ ինձք. իսկ եղջերուք եւ այծեմունք եւ առինք եւ իշավայրք չեն վնասիչք. եւ զայն եւս ասէին թէ պարտ եւ պատշաճ է ի դժուարին վայրացն զգոյշ լինել ոչ ինչ ընդհատ ի գազանաց. զի բազումք ձի ածեալ խառն ի խուռն քարավէժ դարահոս ի վախէ կործանեցան:

Աւ Աիւրոս զայս ամենայն ի միտ առնոյր յօժարութեամբ. բայց իբրեւ ետես եղջերու զի սրացաւ, զամենայն զոր լուաւն մտացաւ, պնդեցաւ եւ եմուտ զՏեա, եւ ոչ ինչ այլ ինչ տեսանէր, բայց թէ յոր վայր արդեւք երթեալ ամրանայցէ փախստեայ: Իսկ երիւարն յօցտելն եւ ի խայտալն ան-

դէն ի գուճան հարաւ, եւ փոքր մեւս  
 եւս եւ զնա անդէն փողոտէր. այդ  
 ժուժեաց մնաց Աիւրոս հազիւ ուրեմն,  
 եւ երիւարն կանգնեցաւ: Իսկ իբրեւ ե-  
 կեալ հասանէր ի դաշտ անդր, հար  
 կործանեաց նետիւ զեղջերուն. մեծ խմն  
 եւ զեղեցիկ էր որսն: Նա ուրախ լի-  
 նէր, եւ պահապանքն մատուցեալ պա-  
 տուհասակոծ առնէին զնա, եւ ասէին  
 թէ յորպիսի ինչ վիշտս դիմեալ եր-  
 թաս. եւ խոստանային պատմել մի բստ  
 միոջէ հաւուն իւրում: Արդ Աիւրոս ի-  
 ջեալ կայր եւ զայն լուեալ արտմէր.  
 Իսկ իբրեւ գոչիւն լուաւ, միւսանգամ  
 յերիւարն ելանէր, եւ տեսանէր ի հան-  
 դիպոյ անտի վարազ զի դայր, ընդ ա-  
 ուջ երթեալ հասանէր, եւ ձգեալ զա-  
 զեղն կորովութեամբ, զճակատն հար-  
 կանէր եւ ըմբռնէր զվարագն:

Յայնմ վայրի եւ քեռին սաստեաց  
 նմա յորժամ զհամարձակութիւնն ե-  
 տես: Աւնորա պատուհասեալ՝ սակայն  
 ազաչէր թէ զոր ինչ ինքն կալաւ, զայն  
 թողցեն նմա տանել տալ հաւուն:  
 Իսկ քեռին ասէ. Ե՛յլ եթէ ազդ լի-  
 նիցի նմա թէ զհետ մտեր, ոչ միայն  
 զքեզ, այլ եւ զիս պատուհասիցէ զի  
 թողիս զքեզ: Թէպէտ եւ այնպէս ինչ  
 կամ իցէ, ասէ, դան հարցէ զիս, յոր-  
 ժամ տաց ես նմա: Աւ դու թէ կամիս,  
 ասէ ով քեռիդ, որ զինչ եւ պատու-

Հաս հասանիցէ քեզ , սակայն զայն դու ինձ շնորհ արա : Աւ կիաքսարէս յանդ հանեալ ասէ . Արթ դու քեզ , արա որպէս զհարդ կամիս , զի այժմիկ իսկ դու մեր թագաւոր թուիս լինել :

Ապա տարեալ Աիւրոսի զգազանսն , տայր հաւուն եւ ասէր եթէ ինքն զայս ինչ որսաց նմա . զնետսն եցոյց իսկ ոչ , այլ արեամբ թաթախ տարաւ եղ ուր սովոր էր հայել հաւն իւր : Աւ Աժ-դահակ ասէ . Սանուկ , ունիմ յանձին քաղցրութեամբ զոր ինչ ինձ շնորհես : Աչ միով իւիք յայտցանէ կարօտ եմ առ ի մտանելոյ քեզ ի վիշտս եւ ի ճգունս : Աիւրոս ասէ . Արդ եթէ դու չես կարօտ , աղաչեմ տուր ինձ զսոսա զի ես տաց հասակակցացս : Ասէ Աժ-դահակ . Առ զայս եւ տուր ում եւ կամիս եւ որ ինչ միանգամ յայլմէ եւս յամենայնէ յօժարիցիս տալ , տուր :

Աւ Աիւրոսի առեալ տայր մանկանց եւ ասէր . Ավ մանկտի իբրեւ զառանցեալ իմն էաք յորժամ ի բուրաստանին երէ որսայաք : Օ ի ինձ այնպիսի ինչ թուի , որպէս զի թէ կապեալ ոք անասունս որսայցէ . նախ այն իսկ զի ի փոքու վայրի էին , եւ ապա զի վտիտք էին եւ քոստք , կէսք ի նոցանէ կաղք էին եւ կէսքն կրճատք : Իսկ որ ի լերինսն եւ ի մարգս գազանք իցեն որպէս դեղեցիկք իցեն , զիարդ յաղթք երեւիցին

եւ իբր զէրք եւ սոնքացեալք . եւ եղջերուք իբրեւ զթեւականս ընդ երկինս վերանայցեն : Իսկ վարազքն որպէս զարանց քաջաց պատմեն , ի վերայ դիմէին . եւ վասն լայնութեան պառակացն չէր հնար սխալել : Ինձ ասէ , եւս գեղեցիկ թուին սոքա որ մեռեալս են քան զկենդանիսն որ փակեալ պատեալ կայցեն յորմածս արգելոցացն . այլ թողո՞ւն արգելք եւ զձեզ յորս հարքն ձեր : Կիւրին է , ասեն , թողուլ նոցա եթէ Լժգահակ հրաման տայցէ :

Եւ Կիւրոս ասէ . Ո՞ իցէ որ յիշեսցէ զձէնջ առաջի Լժգահակայ : Ո՞ ոք ասեն , բաւական իցէ քան զքեզ ածել զնա ի հաւան : Եւ յղ զայն ոչ գիտեմ , ասէ , թէ որպիսի ինչ ոք եղէ , զի խօսել իսկ ինչ ոչ կարեմ , նա եւ հայել եւս ընդ հաւն իմ իբրեւ զառաջինն , ոչ մարթեմ . եւ եթէ այսպէս իսկ ի սոյնս յաճախիցեմ , երկընչիմ ասէ , թէ գուցէ բնաւ անմիտ եւ յիմար ուրեմն լինիցիմ : Յորժամ մանկիկն էի , զօրադոյն իմն խօսելն թուէր : Մանկտին ասեն . Կու ամենեւին յոռութեան իմն իրս խօսիս , որպէս թէ արգարեւ չիցես ձեռնհաս վասն մեր , որ ինչ պիտոյն իցէ , վճարել . այլ զայլ ոք հարկ հասանիցէ աղաչել զայն ինչ որ ի քեզ իսկ ապաստան իցէ :

**Օ**այս իբրեւ լուաւ Աիւրոս ծանրա-  
 ցեալ տրամեցաւ, եւ զնաց լռիկ, եւ  
 տայր անձինն հրաման լրբել ժառել եւ  
 անդէն մտոնէր: **Օ**մտաւ ածէր թէ  
 զհարդ խօսեսցի ընդ հաւուն առանց  
 տրամեցուցանելոյ զնա, եւ ի գլուխ  
 հանիցէ զոր ինչ ինքն եւ մանկտին  
 հայցէին. եւ սկիզբն առնէր զայս ձեւ  
 օրինակ: **Ա**ղէ ասա դու ցիս, ասէ, ով  
 հաւ, եթէ դք ի գերդաստանկաց այտի  
 քոց ի բաց երթայցէ, եւ ըմբռնիցես  
 զնա, զի՞նչ ընդ նա առնիցես: **Օ**ինչ  
 այլ ինչ, ասէ, բայց պրկեմ, եւ ոտի-  
 պեմ ի գործ ժրանալ: **Ա**պա թէ միւս-  
 անգամ ինքնականն գայցէ առ քեզ,  
 զի՞նչ գործիցես: **Օ**ինչ ինչ գործի-  
 ցեմ, ասէ, բայց գանալից առնիցեմ  
 զնա, զի մի զնոյն դարձեալ գործ գոր-  
 ծիցէ, ապա որպէս յառաջն ի գործ  
 անդր վարեմ: **Ա**սէ Աիւրոս. **Ա**պա ու-  
 րեմն պարտ իցէ քեզ պատրաստել ինչ  
 որով զիս գան հարկանիցես, զի խոր-  
 հեցայս թէ զհարդ երթայցեմ փախըս-  
 տեայ յորս, առեալ զիմ հասակակիցս:  
**Ա**ւ **Ա**ժդահակ ասէ. **Չ**այդ լաւ եւ  
 բարւոք արարեր զի կանխեալ ասացեր.  
 քանզի պատուէր տամ քեզ աստի մի  
 մեկնել. զի արդարեւ, ասէ, գեղեցիկ  
 իմն լինիցի եթէ վասն պատառի միոջ  
 մտոյ ընդ վայր թողից զորդեակ դատերն  
 իմոյ:

Օայն լուեալ Կիւրոսի հնազանդեալ մնայր. տրամէր տխրէր եւ լուեւեթ կայր: Իբրեւ ետես զնա Վժդահակ թէ սաստիկ տրամեցաւ, կամէր իմն շնորհել նմա եւ առեալ ածէր զնա յորս: Դամ տայր, բազում հետեւակս եւ հեծեալս գումարէր եւ մանկաի, եւ զգազանսն ածեալ կուտեալ ի դաշտս երիվարացն արշաւելոյ, որս մեծ առնէր. եւ ինքնին յայն վայր հասեալ իբրեւ զթագաւոր պատուէր տայր թէ մի նետ ոք ձգիցէ, մինչ չեւ Կիւրոսի յագեալ իցէ ի ձգելոյ անտի: Իսկ Կիւրոս չառ յանձն զարգելուն. Ն.Ղ եթէ այն կամ իցէ քո, ասէ, թէ ես ուրախութեամբ որս առնիցեմ, թոյլ տուր ամենեցուն որ ընդ իս իցեն, զհետ մտանել եւ ոգորել որպէս զհարդ իւրաքանչիւր ոք բաւական իցէ:

Յայնմ վայրի թոյլ տայր Վժդահակ, եւ կայր նայէր ընդ նոսա յորժամ ընդ հակառակս գազանացն ելեալ ջանային, եւ զհետ պնդեալ ստէպ նետալից առնէին. եւ ընդ Կիւրոս ուրախ լինէր, որ առ ինդութեան չկարէր լուս իսկ լինել, այլ իբրեւ բարակ մի քաջ այնպէս զազաղակ եղեալ գոչէր յորժամ մօտ հասանէր ի գազան անդր, եւ ազաչէր յորդորելով զիւրաքանչիւր յականէ. ուրախ լինէր իբրեւ տեսանէր զՎժդահակ զի ծիծաղէր ընդ մի ոք ի

նոցանէ, եւ եթէ զմեւս ոք դրուատէր ոչ ինչ շարակներ: Պարձեալ գայր Մ. ժ. գահակ բազում երէովք հանդերձ. եւ այնպէս հեշտական զայնժամու որսն համարեցաւ, զի ցանգ իսկ հանապազ յորժամ յորս երթալ հասանէր, ելանէր ընդ Վիւրոսի եւ զայլ եւս բազում մանկտի առնոյր վասն Վիւրոսի: Բազում ժամանակս այսպէս ի գլուխ հանէր Վիւրոս, ամենեցուն ուրախութեան եւ լաւութեան իմն պատճառք լիեալ, իսկ շարեաց, ոչ ումէք:

Յորժամ զհնգետասանամենիւք կամ զվեշտասանամենիւք ուրեմն էր, որդի արքային Ասորեստանեաց որ ամուսնանալոցն էր, ցանկացաւ ինքնին որս առնել ընդ նոյն ժամանակս: Արդ իբրեւ լուաւ եթէ ի մէջ իւրեանց սահմանաց եւ Սարացն, բազում երէ կայ, որ ոչ որսացան վասն մարտից պատերազմաց, անդր տենչացաւ ելանել: Արդ զի զգուշութեամբ իմն որսայցէ, հեծելազօրս եւս ընդ իւր առեալ երթայր եւ բազում տիգաւորս եւ սըւնաւորս, որք զգազանսն ի թանձրախուռն մայրեացն ի վարս եւ ի դելրս հանիցեն: Աւ հասեալ ուր իւր պահակապանքն էին անդէն ճաշ ուտէր որպէս թէ վաղիւ վաղորդայն որս առնիցէ:

Իսկ իբրեւ երեկոյ լինէր, պահակափոխ գային ընդ առաջին պահապանացն

ի քաղաքէ անտի հետեւակազօրք եւ  
 հեծեալք: Միա այսպէս թուեցաւ,  
 թէ բազում զօրականաց բանակք եւ  
 կեալ հասեալ կան, զի երկու գունդք  
 պահապանաց խառն էին, եւ ինքն եւս  
 բազում հեծեալ եւ հետեւակ ունէր:  
 Օմտաւ ած թէ եւս իմն լաւ այս է,  
 զՍարաստան աւար հարկանել, եւ մե-  
 ծապայծառ իմն կարծէր որսոցն երեւել  
 եւ մեհենական զոհիցն բազում յաճա-  
 խութիւն լինել: Ապա յարուցեալ ընդ  
 այգն ընդ առաւօտն ածէր հասուցա-  
 նէր զզօրսն, եւ զբազմամբօխ հետեւա-  
 կացն ի մէջ սահմանացն թողոյր, եւ  
 ինքն հեծելովքն ի Սարացն պահակն  
 մատուցեալ եւ զընտիր ընտիրսն գուն-  
 դագունդ ընդ իւր առեալ անպէն զետղ  
 առեալ կայր զի մի Սարացն պահպան-  
 քըն ի վերայ ասպատակաւորացն հաս-  
 ցեն: Իսկ զայլ եւս զպիտանիսն արձա-  
 կէր ցեղընտիր այսր անդր ասպատակ  
 դնել. եւ հրաման տայր շրջել եւ յինչ  
 ինչ ոք հանդիպէր, զայն ի բաց զեր-  
 ծանել եւ բերել առ ինքն: Արքա  
 զայն ինչ առնէին:

Ազդ եղեւ Մթղահակայ եթէ թը-  
 շնամիք եկեալ կան յաշխարհն, դիմէր  
 եւ նա ի սահմանակողմն անդր նոքօք  
 որ զիւրեւն էին. եւ նորին որդի նոյն-  
 պէս հասեալ հեծելովքն եւ այլոցն ա-  
 մենեցունց նշանակէր ի թիկունս հա-



սանել : Իսկ իբրեւ տեսին բազում մարդիկ յԱսորեստանեաց անտի առ միմեանս կարգեալ առ իրեարս ճակատեալ , եւ զվաշտս հեծելոցն անշարժ անխաղաց , պնդեցան կացին եւ Սարբ : Իսկ Վիւրոս իբրեւ ընդ այլն հայեցաւ թէ յօգնականութիւն դիմեն , եւ ինքն ի վերայ խաղայր , յայնժամ նախ զէն ընդ անձն արկեալ , զի շեւ եւս թոյլ տուեալ էին նմա վառել զարդարել սպառազէն նովին զինուքն . քանզի զէնն եւ զարդն գեղեցիկ կարի էին եւ նմին համեմատ , զոր հաւոյն գործեալ էր հանգոյն մարմնոյն : Այսպէս վառեալ պատրաստեալ հասանէր երիւարան : Աւ Աժդահակայ հայեցեալ զարմանայր , ոյր հրամանաւ իսկ եկեալ կայր . բայց պատուէր տայր նմա առ իւր կալ :

Իսկ Վիւրոս իբրեւ ետես բազում հեծելազօր ի հանդիպոյ , հարցանէր թէ դոքա՞ իցեն , ասէ , թշնամիքն , հաւ , որ ի նուս երիւարացն հեծեալ կան հանդարտեալ : Սոքա են , ասէ , հակառակորդք մեր : Մի թէ եւ նոքա որ դիմեալ գան , թշնամիք են : Աւ նոքին եւս , ասէ , թշնամիք են : Այլ սոքա , ասէ , հաւ , անզգամք թուին եւ ի վերայ յուեաց երիւարաց հեծեալ գան զմեր կարասին կրել : Արդ պարտ է սմանց ի մէնջ ի նոսա արշաւել :

Չտեսանիցես, ասէ, մանուկ դու թէ քանի ամբոխ հեծելոցն իցէ որ կարգեալ կայցեն ճակատեալ. եթէ մեք ի նոսա դիմեացուք, նոքա այսրէն գան կրճատեն զմեզ. եւ դեռ չեւ եւս կայ մեր ոյժ եւ զօրութիւն: Աիւրոս ասէ. Աթէ դու կացցես մնացես, եւ ունիցիս զդէժ այնոցիկ որ ի թիկունս հասանեն, նոքա զահի հարկանիցին եւ չխլրաիցեն, եւ որ զառն եւ զաւարն կրեն, իսկ եւ իսկ ի բաց ընկենուցուն յորժամ տեսանիցեն եթէ գան ոմանք ի վերայ նոցա:

Յորժամ զայս ասաց, հաճոյ թըւեցաւ Աթահակայ հրաման ինչ տալ, եւ միանգամայն զարմանք ունէին զնա, թէ այնպէս հոգայ եւ տքնի, եւ պատուէր տայր իւրում որդւոյն զգունդս հեծելոցն առնուլ եւ ի վերայ աւարառուաց աւարին դիմել: Ալ ես, ասէ, ի նոսա յարձակեցայց եթէ խաղայցեն ի վերայ քո. մինչեւ ի հարկէ իսկ տազնապեալ մեզ ուշ ունիցին: Աիաքսարայ առեալ զընտիր ընտիր երիւարացն եւ արս հզօրս ի վերայ դիմեր: Իսկ Աիւրոս իբրեւ ետես եթէ դիմեցին, իսկ եւ իսկ վաղվաղակի խառն յարձակեր. նախ ինքն վարեաց չոգաւ տազնապաւ եւ Աիաքսարէս զհետ խաղայր եւ ապա այլքն: Իբրեւ տեսին զնոսա աւարառուքն թէ մօտ եկին հասին,

վաղվազակի թողեալ զկարասին փախըստեայ գնային:

Իսկ որ զՎիւրոսիւն էին, հասանէին կրճատէին, եւ որոց միանգամ հասանէին վաղվազակի խոցէին, եւ առաջին Վիւրոս էր: Իսկ որք ընդ այլ ածապարեցին, զնոսա զհետ մտեալ հալածական տանէին. եւ ոչ ուրեք դադարէին մինչեւ զոմանս իսկ ի նոցանէ սատակէին: Օ, որ օրինակ շուն քաջ որ խամ եւ անտեղեակ իցէ յանդըդնագոյնս ի վարազ յարձակիցի այնպէս Վիւրոս գիմեալ երթայր. ընդ այն եւեթ հայէր թէ ըմբռնեալ խոցեսցէ, եւ այլ ինչ զմտաւ ոչ ածէր: Իբրեւ տեսին հակառակորդքն եթէ իւրեանց զօրքն վաստակեցան, զգունդն խախտէին, որպէս թէ դադարեցին այնուհետեւ զհետ մտանել յորժամ տեսին զնոսա ի վերայ յարձակեալ:

Իսկ Վիւրոս ոչ հանգչէր ի խնդու թենէ անտի, զքեռին կոչէր եւ զհետ մտեալ փախստեայ խուճապէր զհակառակորդսն. եւ Վիաքսարէս երթայր զհետ, զի թերեւս ի հօրէն իսկ ամաչէր. եւ այլքն եւս զկնի երթային յորդորեալք պնդել եւ հալածել, եւ որք չէինն իսկ ամենեւին քաջք եւ առաքինիք եւ խրախուսեալք ի թշնամիս անդր: Իսկ Վժդահակ իբրեւ ետես զնոսա խառն ի խուռն զհետ պնդեալ,

զԹՆամիսն բազմամբոխ ճակատեալ ի դիմի հարեալ, կասկածէր երկուցեալ վասն որդւոյն եւ Վիւրոսի Թէ մի գուցէ ի պնդակազմ գունդսն անկարգ անկեալ վիշաք ինչ ընդ նոսա անցանիցեն, անդէն վաղ ի ԹՆամիսն հասանէր:

Վարձեալ իբրեւ զայն նշմարէին հակառակորդքն Թէ Ս'արք շարժեցան ի տեղւոջէ անտի իւրեանց, պնդեցան կացին, կիսոց զտէգս արձակեալ, կիսոց զաղեղունս լարեալ, քանզի ցնեաւ ընկէց մի հասեալ կային, որպէս սովոր էին բազում անգամ առնել. զի յորժամ կամէին մօտ գալ, մինչեւ ցայն վայր առ միմեանս հասանէին եւ ի հեռաստանէ բազում անգամ նետ ձգէին մինչեւ ցերեկոյ: Աւ իբրեւ տեսին Թէ իւրեանց զօրքն փախստեայ գան ի նոսա, եւ զորս շուրջ զՎիւրոսին էին ի նոսա դիմեալ, եւ զՎժդահակ զի նետընկէց մի հեռի էր հեծելովք հանդերձ, խոտորեցան եւ ի փախուստ շրջեցան: Սոքա միահամուռ զհետ մտեալ զբազումս սատակէին զօրութեամբ իւրեանց, եւ զորս ի բուն անկանէին, հարկանէին զերիւարս եւ զմարդիկ, եւ զանկեալսն կոտորէին. եւ մինչ չեւ ցհետեւակս Վսորեստանեաց էին հասեալ, ոչ գաղարէին: Յայնմ վայրի զանգիտեալ Թէ մեծ եւս դարան գործեալ իցէ, կարճեցան:

Պատենայր այնուհետեւ Մովսէսի,  
 յանձն իւր առաւել զուարճացեալ լինէր  
 ընդ այրուծիոյն զօրութիւն, եւ թէ  
 զինչ ց՛կիրոս արժան էր ասել, ոչ  
 գիտէր. ի միտ առ թէ պատճառք նա  
 է գործոյն. բայց ծանեալ թէ մոլե-  
 զնեալ իմն ժպրհուլթեամբն է, զի յոր-  
 ժամ այլքն մեկնեալ զնացին յիւ-  
 րեանս, նա միայն շուրջ եկեալ զգիա-  
 կունսն անկեալս նշմարէր, եւ հազիւ  
 ձգեալ զնա յիւրեանս որոց հրամանն  
 առեալ էր վասն նորին, տարան առ  
 Մովսէսի. բայց նա առաջոյ զբերելիսն  
 արձակէր, զի ետես զգէմս երեսաց հա-  
 ւուն վայրենեալ իմն ի հայել նորա  
 ընդ նա:

Ի Մարաց աշխարհին այս ինչ գոր-  
 ծեցաւ. եւ յայլոց ամենեցունց բերանս  
 էր կիրոս եւ ի զրոյցս նոցա եւ յերգս:  
 Իսկ Մովսէսի որ յառաջագոյն մեծա-  
 րէք զնա, յայնժամ սքանչանայր եւս  
 ընդ նա: Իսկ կամբիւսէս հայր կիրոսի,  
 լուեալ զայն ամենայն ուրախ լինէր:  
 Բայց քանզի լուաւ եթէ չափոյ արու-  
 թեան գործ վճարէ կիրոս, կոչէր զնա  
 անդրէն զի Պարսս զգաւառական հրա-  
 հանգսն ի գլուխ հանիցէ: Օ կիրոսս  
 պատմեն յայնմ վայրի ասել բայ կա-  
 միմ երթալ, զի մի հայրս ինչ արը-  
 տմիցի, եւ քաղաքն բամբասիցէ: Այ-  
 նուհետեւ հարկ համարեցաւ եւ Մովս-

դաճակ արձակել զնա : Աւանդէն տայր նմա անդրուարս զորս ինքն ցանկացաւ առնուլ , եւ այլ ինչ պէսպէս ազդի ազգի կազմած պատրաստեալ յուղարկէր , եւ վասն զի սիրէր զնա , եւ մեծամեծ եւս յոյս ի նմանէ ունէր , թէ այր հոյակապ լինիցի , եւ բարեկամացն օգուտ բաւական իցէ լինել , եւ զթըշնամիս չարչարել : Աւ յորժամ մեկնէրն Վիւրոս ամենեքին յուղարկ երթային եւ մանկտին եւ հասակակիցք եւ արք եւ ծերքն հեծեալք յերիւարս , եւ Մ. ժդաճակ ինքն ի գլխովին . եւ չէր ոք , ասեն , որ ոչ զարտասուս հարկանէր յորժամ դառնայրն :

Աս զՎիւրոսէ իսկ պատմեն թէ բազում արտասուօք մեկնեցաւ , եւ յաճախ պարգեւս հասակակցացն ասեն բաշխել , զորս Մ. ժդաճակայ տուեալ էր նմա : Օմարական պատմութեանն զոր ունէր , հանեալ տայր միումն , յայտարարեալ թէ զնա քաջ սիրիցէ . եւ որ զպարգեւսն , ասեն , առին , տարան առ Մ. ժդաճակ : Աւ Մ. ժդաճակայ առեալ յղեացառ Վիւրոս , եւ նա , ասեն , միւսանգամ ի Սարս առաքեաց եւ ասէ թէ Ով հաւ եթէ կամիս զի այսրէն եկից առ քեզ ուրախութեամբ եւ ոչ եթէ ամօթով , թող զի կալցին ում զինչ ես ետու : Օայս լուեալ Մ. ժդաճակայ արար որպէս առաքեաց Վիւրոս :

Եւ եթէ զմանկութեան ինչ բանս պարտ իցէ յիշատակել, պատմեն այսպէս, թէ մինչ երթայրն Վիւրոս եւ յիրերաց մեկնէին, համազգիքն համբուրէին բերանով զՎիւրոս եւ յուղարկէին ըստ Պարսից օրինակին, քանզի եւ այժմ իմն զնոյն դործեն Պարսիկք. այր ոմն ի Սարաց անտի լաւ բարոյիւք եւ ազնիւ, բազում ժամս զարմացեալ սխրացեալ կայր ընդ գեղն Վիւրոսի: Յորժամ ետես զազգակիցսն թէ համբուրեն զնա, զտեղի առ. իբրեւ այլքն ի բաց գնացին, մատուցեալ առ Վիւրոս ասէ. Զի՞ն եւեթ ոչ ճանաչես ով Վիւրէ, ի համազգեաց այտի: Ասէ Վիւրոս. Իսկ արդ զի՞արդ, մի թէ եւ դու ազգակից իցես: Այո՛, ասէ: Վիւրոս ասէ. Ապա ուրեմն վասն նորին իսկ ընդ իս հայէիր պշուցեալ. զի թուի ինձ թէ զայդ դու բազում անզամ առնես: Օ՛հ կամէի, ասէ, ցանգ մատչել առ քեզ, այլ ամաչէի: Վիւրոս ասէ. Քեզ չէր պարտ ամաչել որ համազգի էիր. եւ մատուցեալ համբուրէր զնա:

Իբրեւ առ զհամբոյրն մարն հարցանէր. թէ եւ ի Պարսս դոյն օրէնք են զհամազգիս համբուրել: Վարի իսկ քաջ, ասէ, յորժամ զմիմեանս տեսանիցեն յետ բազում ժամանակաց կամ մեկնիցին ուրեք յիրերաց: Ապա

ուրեմն ժամ է, ասէ, քեզ միւսանդամ համբուրել զիս, զի մեկնիմ երթամ որպէս տեսանես իսկ: Ապա իբրեւ միւսանդամ համբուրեաց Վիւրոս, արձակեաց զնա, եւ մեկնեցաւ զնաց: Մինչ չեւ էին կարի բացարձակ ի միմեանց, եկն դարձեալ մարն եւ էր ձին համակ ի քրտան. իբրեւ ետես զնա Վիւրոս, թերեւս մոռացար ինչ ասէ, յորոց կամէիրն ասել: Ոչ, ասէ, այդ վասն ժամանակին եկի: Վիւրոս ասէ. Սակաւ ինչ ժամանակ է: Սարն ասէ. Չհարդ իցէ փոքր մի ժամանակ. չիցես ասէ խելամուտ թէ եւ ական թօթափել ինձ ամենեւին շատ թուի, եթէ ոչ տեսանեմ զքեզ: Յայնմ վայրի ծիծաղեցաւ Վիւրոս յառաջին արտասուացն, եւ հրամայեաց նմա երթալ, քաջալերեալ թէ դամ առ ձեզ ընդ հուպ, որպէս զի մարթիցի եթէ կամիցիս, տեսանել առանց զաչ: իսկ թարթափելոյ:

## Գ Լ Ո Ի Խ Ե

ԱՊԱ եկն եհաս Վիւրոս ի Պարսս. տարեւոր ժամանակ ասեն ի մանկուհան կալ: Օ՛ առաջինն դարովէին զնա մանրկատին, որպէս թէ դիւրութիւն ուսեալ ի Մարաց աշխարհին եկն: Իսկ իբրեւ տեսին զնա թէ որպէս նոքա նոյնպէս



եւ նա ուտէր եւ ըմպէր ուրախութեամբ,  
 եւ եթէ մեծամեծ եւս ինչ ուրախու-  
 թիւն երբեք հասանէր ի տօնս, ի միտ  
 առնուին թէ նա եւ զիւր իսկ բաժինն  
 այլոց շնորհէ եւ ոչ եթէ կարօտի: Առ-  
 սոյնս տեսանէին թէ եւ այլովք եւս ա-  
 մենեքումք նա իմն զլէր զնոսա. եւ  
 միւսանդամ ակն ածէին ի նմանէ հա-  
 սակակիցքն: Յորժամ ընդ այն խրատ  
 անց եւ ի պատանեակսն եմուտ, դար-  
 ձեալ եւ ի նոցա միջի լաւագոյն երեւէր,  
 եւ կրթէր յորս պարտ էր կրթել, եւ  
 համբերէր որոց արժան էր ժուժկալել,  
 ի ծերոցն ակն ածէր եւ իշխանացն հնա-  
 զանդ լինէր:

Իբրեւ ժամանակ ինչ ի վերայ ան-  
 ցանէր, Աժդահակ ի Սարս մեռանէր,  
 եւ Ախաքսարէս Աժդահակայ որդի,  
 Աիւրոսի մօրն եղբայրն զհարստութիւնն  
 առնոյր զՍարացն: Իսկ արքայն Ասո-  
 րեստանեաց վանեալ վկանդեալ զա-  
 մենայն Ասորնեայսն, ոչ զփոքր ազգ,  
 եւ ընդ ձեռամբ նուաճեալ զԱրաբա-  
 ցւոց թագաւորն, եւ զՎրկանացիս եւս  
 ունէր ի հնազանդութեան, պատեալ  
 պաշարեալ եւ զՎակտրիացիսն, զմտաւ  
 ած թէ յորժամ զՍարս տկարս եւ  
 անգօրս առնիցէ, դիւրաւ այնուհետեւ  
 ամենեցունց տիրիցէ, զի քան զամենայն  
 ազգսն դրացիս այն ազգ ուժգնագոյն  
 թուէր:

Ապա առաքէր առ ամենեսին որ ընդ իւրեւն էին եւ առ Արիւսոս Ախաղացոց թագաւոր, եւ առ թագաւորն Վամրաց եւ յերկոսին դաւառս փռիւզացւոցն եւ ի Վարիացիս եւ ի Պափղազոնացիս եւ ի Հընդիկս եւ ի Արղիկեցիս, աղարտէր առաջի նոցա զՎարս եւ զՊարսիկս, եւ ասէր այսպէս թէ մեծացան յաղթ եղեն զօրացան ազգքն այնոքիկ, համագունդ միախուռն ի մի վայր գումարեցան, եւ խնամութիւնս ընդ միմեանս արարին առ իրեարս հասին, եւ վիշտ վտանգի է, եթէ ոչ աճապարեալ ուրուք տկարացուցանէ զնոսա, ի միոյ միոյ իւրաքանչիւր յազգացն ի վերայ երթեալ վանիցեն զնոսա: Արտոց ընդ բանսն հաճեալ, թիկունք օգնականութեան լինէին, եւ կէդքն պատարագօք եւ ընչիւք գային ի հաւան. զի գանձք բազում էին նորա:

Իսկ Արաքսարայ Աժդահակայ որդւոյ իբրեւ զգաստ զնենգութենէն լինէր, եւ զպատրաստելոյ նոցա կազմութեամբ եւ համօրէն յիւր վերայ գումարելոյ, եւ նա իսկ եւ իսկ վաղվաղակի որչափ ինչ ձեռնհաս էր հանդերձէր կազմէր եւ ի Պարսս առաքէր, եւ առ Վամբիւսէս առ քեռն այրն որ ի Պարսից աշխարհին թագաւորէր: Յզէր եւ առ Աիւրոս, աղաչէր եւս զնա փութալ հասանել լեալ զօրավար արանցն, եթէ

առաքեացեն Պարսիկք զորս: Քանզի  
 Վիւրոս վճարեալ զտասն ամսն ի պա-  
 տանեակսն, ընդ արսն էր:

Իբրեւ յանձն առ Վիւրոս, խորհուրդ  
 առեալ ծերոցն զնա ընտրէին զօրավար  
 զօրօք Տանդերձ ի պատերազմ ի Սարս  
 երթալոյ: Աւ թոյլ ետուն նմա ըն-  
 տրել իւր երկերիւր այր ի պատուա-  
 կցացն, եւ դարձեալ միում միում իւ-  
 րաքանչիւր յերկերիւրոցն թոյլ ետուն  
 չորս չորս արս ի նմանեաց անտի ըն-  
 տրել, եւ եղեն նոքա հազարք, եւ  
 դարձեալ իւրաքանչիւր ումք ի հա-  
 զարէ անտի ետուն ի խառնիճաղանձ  
 զօրուէն Պարսից տասն տասն շերտաւոր  
 եւ տասն տասն պարսաւոր եւ տասն  
 տասն աղեղնաւոր ընտրել, եւ գումա-  
 րեցան բելր աղեղնաւորք եւ բելր շեր-  
 տաւորք եւ բելր պարսաւորք, արտա-  
 քոյ քան զսոսա էին հազարաւորքն:

Այսչափ գունդ ի ձեռն գումարեցաւ  
 Վիւրոսի: Յորժամ ընտրեցան վաղ-  
 վաղակի, սկիզբն նախ ի դիցն առնէր:  
 Վեղեցիկ գեղեցիկ նուէրս մատուցեալ  
 ապա զերկերիւրսն ընտրէր, եւ յորժամ  
 ընտրեցին եւ նոքա իւրաքանչիւր չորս  
 չորս արս, ապա խօսէր ընդ նոսա նախ  
 ձեւ զայս օրինակ:

Աքք բարեկամք ես ընտրեցի զձեզ,  
 իբր ոչ եթէ այժմ ինչ հաճեցայ ընդ  
 ձեզ, այլ զի ի մանկութենէ իսկ տեսի

զձեզ, թէ զոր լաւն համարիցի քաղաքս, փութով յօժարութեամբ ի նոյնս վաստակեցէք, եւ զոր ծանականս իմն հաշուիցի, ի նոցունց ամենեւին իսկ մերժեցէք զանձինս: Վայց թէ յոր սակս արդեւք ես ոչ ակամայ կամօք յանձին կալայ զգործդ եւ զձեզ կոչեցի, կամիմ յանդիման կացուցանել:

Վանզի զմտաւ ածի թէ մեր նախնիք ոչ ապաժամանք ինչ քան զմեզ էին. զի եւ նոքին թեւակոխեալ, որ ինչ գործք քաջութեան կարծիցին, զայն ի գլուխ հանեալ վճարեցին: Իսկ թէ զինչ ինչ լաւութիւն այնպիսիքն ստացան կամ հասարակաց Պարսից աշխարհին կամ թէ անձանց իսկ, զայն չկարեմ նշմարել: Ինձ այսպէս թուի թէ ոչ ընդ մի ինչ առաքինութեան հրահանգս մարթիցէ թեւակոխել մարդկան, եւ այնոցիկ որ ի կրթութեանէն պիտանիք լինիցին, չունել ինչ քան զչպիտանիսն առաւելութիւն:

Այլ որ ի մօտաւորն հեշտականութեանց զանձինս մերժիցեն, ոչ եթէ զի ոչ ուրախ երբէք լինիցին, վասն այնորիկ առնիցեն, այլ զի ընդ այնր համբերութեան բազմապատիկ ուրախ յառչապա ժամանակս առնիցին: Այլ որ խօսող ոք անհնարին ի բանս ախորժիցէ լինել, իբր ոչ եթէ զի ի բար-

ւոքն խօսելոյ ոչ դադարիցէ, յայն սակա ընդ այն կրթիցի, այլ ակն ունիցի եթէ ազնուագոյնն խօսելով զբազուժ մարդկան միտս հաճիցէ եւ յաճախագոյն մեծամեծ լաւութիւնս վճարիցէ: Ասարձեալ եւ ողբ ի պատերազմունսն թեւակոխեն, ոչ եթէ զի ի կռուոյ ոչ ուրեք հանգչիցին, յայն աշխատ լինիցին. այլ թուի իմն եւ սոցա, թէ յորժամ առաքինիք ի պատերազմի լինիցին, բազում մեծութիւն եւ յաճախ փառաւորութիւն եւ մեծամեծար մեծարանս եւ անձանց եւ քաղաքին յաճախիցեն:

Ապեթէ ոմանք որ ի սոյնս խոնջիցին, եւ մինչ չեւ ինչ կթեալ շահ ի նոցանէ իցէ, տեսանիցեն զանձինս ի ծերութեան, պակասեալս ի զօրութենէ, թուի ինձ թէ այնմ իմն հանգոյն անցք անցանիցեն, որպէս՝ թէ ժրագլուխ ոք մշակ իցէ եւ լինիցի յառաջամիտ եւ բարւոք զսերմանսն սերմանիցէ եւ տրնկել տնկիցէ բարւոք, եւ յորժամ զտոհմականս արդեանցն հասանիցէ առնուլ, չժողովիցէ եւ թողուցու անդէն յերկիր հոսել. կամ թէ մարտիկ ոք իցէ եւ բազում ճգանց ժուժկալ լինիցի եւ արժանի յաղթութեան գտանիցի, եւ առանց մրցութեան վախճանիցի: Անձ թուի թէ չէ իրաւացի այնպիսումն առանց անմտութեան բամբասանաց լինել:

Այլ մեք, ո՛վ արք, մի այնպիսի ինչ կրեսցուք. այլ քանզի մեզոյն իսկ զանձանց գիտեմք ի մանկութենէ սկիզբն արարեալ ընդ լաւութեան գործոց կրթութիւնս անցանել, ելեալ երթիցուք ի վերայ թշնամեացն եւ հակառակորդաց, յորոց եսս ստոյգ ի վերայ կացի, քանզի ինքնին իսկ տեսի թէ չեն հմուտ տալ ընդ մեզ ճակատս:

Օ՛հ ոչ եթէ քաջ ինչ ուրեք պատերազմօղք իցեն որ նետիցենն եւ յերիվար հեծանիցին տեղեկութեամբ, եւ եթէ աշխատ ուրեք լինել հասանիցէ, լուծանիցին լքանիցին. եւ սոքա չեն հմուտ աշխատութեանց: Աւ ոչ նոքա քաջ պատերազմօղք են որ յորժամ սկե՛ն պարտ իցէ, չկարիցեն սկել. այլ սոքա եւ ի քնոյ չմարթեն ժուժկալել: Աս եւ որք այնժ ամենայնի բաւական իցեն, բայց չիցեն խրատեալ թէ զհարդօգնականօքն պարտ իցէ վարել եւ որպէս հակառակորդօքն, չեն եւ նոքա քաջք. յայտ է թէ եւ սոքա մեծամեծ ինչ խրատուց չեն տեղեակք:

Բայց դուք զգիշեր մարթէք ի գործ վարել, զոր օրինակ այլք զտիւ. զվաստակս առաջնորդ առ կեանսն հեշտականս համարիք. զքաղց իբրեւ ուճիկ ի կիր արկանէք. իսկ ջուր ըմպելոյ քան զառեւծս եւս գիւրագոյն ժոյժ ունիք. զգեղեցիկ քան զամենայն եւ զպատե-

բողմական ստացուած յանձինս բարձեալ բերէք, զի քան այլովք ինչ ամենեքումք, առաւել յորժամ յարգիցիքն ուրախ լինիք. եւ որ ցանկացողք ոք գովութեան իցեն, հարկ է ընդ այնր զամենայն վաստակս զընաւ աշխատութիւն եւ զվիշտս ուրախութեամբ ամենեւին յանձին ունել :

Ապա թէ զայս զձէնջ ասիցեմ, եւ այլազոյնս իմն ունիցիմ ի մտի, ապա ինձէն անձամբ զանձն խաբիցեմ : Վասն զի եթէ ոչ ինչ այնպիսի առ ի ձէնջ ի զլուս ելանիցէ, յիս կրթիցին յանցանքն, այլ վատահ եմ ի փորձ արդեանցն եւ ի ձերոց կամացն մտադիւրութիւն եւ ի հակառակորդացն տրամարութիւն, թէ մի վրիպեալ կացուցանիցեն զիս այսպիսի բարութեանցն յոյսքն : Այլ խրախուսեալ դիմեցուք, քանզի հեռի է ի մէնջ կարծիս կարծել թէ զուր ինչ տարապարտուց ակնեղեալ զօտարին խնդրեմք : Վասն զի արդ իսկ խաղան դան թշնամիքն հակառակորդք եւ զըկելոյն սկիզբն առնեն. կոչեն եւ զմեզ բարեկամք ի թիկունս օգնականութեան : Աւարդ զինչ ինչ քան զարգելուլ իրաւական կայցէ, կամ քան զբարեկամացն թիկունս լինել զեղեցիկ :

Այլ ինձ թուի թէ վասն այնորիկ իսկ ոչ սակաւ քաջալերիցիք, զի ա-

ուանց զդիցն անփոյթ առնելոյ, առնի արշաւանս . զի ընդ իս իսկ էք բազում ժամանակս եւ գիտէք թէ ոչ միայն յորժամ մեծամեծս, այլ եւ թէ մանունս ինչ կամիցիմ առնել, ի դիցն առնեմ սկիզբն միշտ: Օ՛ր եւս իսկ պիտոյ իցէ խօսել, այլ դուք որ ըստ արանց ընտրեցարուք, այլով ամենայնիւ կազմեալք պատրաստեալք զնացէք ի Մարս, եւ ես երթամ առ Հայրս եւ գամ, զի վաղվաղակի իսկ ուսեալ զիրս թշնամեացն թէ որպիսի ինչ իցեն, պատրաստեցից կազմութեամբ ձեզ զոր ինչ կարօղ եւ ձեռնհաս իցեմ, զի ազնուագոյն տացուք մարտ պատերազմի դիցն օգնականութեամբ: Առքա զայն առնէին:

## Գ Լ Ո Ւ Խ Զ

ԻՍԿ Կիւրոս ի տուն երթեալ եւ յազօթս կացեալ Նստեայ եւ գաւառական Նրամազդայ եւ այլոց եւս դիցն երթայր ի բանակ անդր: Յուզարկէր զնա եւ Հայրն . իբրեւ ելին արտաքոյ քան զապարանսն, փայլատականց պատմեն ճեպել, եւ ճայթել որոտմանց բարբառոյ: Իբրեւ այն ամենայն երեւեցաւ, չեղեն այնուհետեւ հաւահարց եւ զնացին . քանզի չէր ծածկեալ յումէքէ թէ մեծին աստուածոյ նշանք են:



Այնչ դեռ գնացեալ երթայր Աիւրոս, խօսել սկսաւ հայրն ըստ սմին օրինակի բանից. թէ Արդեակ, դիքն հաշտութեամբ եւ քաղցրութեամբ յուղարկեն զքեզ, եւ յայտ ի նուիրական զոհիցն է եւ յերկնից նշանաց. նա դու իսկ ինքնին գիտես թէ զայդ իսկ ուսուցի քեզ, զի մի ի ձեռն այլոց թարգմանաց լինիցիս խելամուտ դիցն խորհրդոց. այլ ինքնին տեսեալ զտեսիլն եւ լուեալ զզրոյցսն ի միտ առնուցուս, եւ մի առ իղձսն երթայցես, ոքք եթէ կամիցին պատրիցեն զքեզ, եւ այլ ինչ խօսեսցին եւ ոչ զառ ի դիցն երեւեալ նշանսն բարբառիցին. եւ մի դարձեալ եթէ առանց ըզձի երբեք հասանիցէ լինել, ի վարանս ընդ դիցն նշանս մտանիցես, թէ զինչ ինչ պարտ իցէ գործել, այլ ըզնութեամբ գիտացեալ զառ ի դիցն խրատսն, անսայցես նոցա:

Ասէ Աիւրոս. Հայր քանզի հաշտ լեալ դիցն կամին զօրաւիզն օգնակա նութեան մեզ լինել, զոր ինչ կարօղ իցեմ ըստ քում բանիդ ի գլուխ հանից յօժարութեամբ: Յուչ առնի ինձ եթէ լուայ երբեմն ի քէն եթէ յիրաւի առ ի դից, որպէս եւ ի մարդկանէ, բարութիւնս ոք գտանէ, որ ոչ յորժամ ի վարանս եւ յաղէտս կայցէ, յայնժամ երթեալ ստիկիցէ, այլ յորժամ յաջողութիւնս իցէ, յայնժամ

մանաւանդ զդիցն յիշեացէ. զբարեկա-  
մաց եւս ասէիր թէ ըստ նմին օրինակի  
պարտ եւ պատշաճ է փոյթ առնել :

Աւարդ, ասէ, այժմիկ որդեակ նու-  
վին փութով երթայցես մտադիւրա-  
գոյնս առ դիսն պաղատել : Այն ունիս  
թէ քաջ առնուցուս զոր աղաչիցես,  
զի դիտեսդ զանձին քո եթէ ոչ երբեք  
ուրեք անփոյթ զնոցանէ արարեր : Ա-  
մենեւին, ասէ, հայր այնպիսի միտս  
ունիմ եթէ բարեկամք իմ են դիքն :

Յիշիցես արդեւք, ասէ, որդեակ,  
զոր երբեմն ասէաք թէ զոր ինչ աս-  
տուածոցն տուեալ իցէ, մարդիկ որ դի-  
տակքն իցեն ազնուագոյնս ունիցին  
քան որ շիցեն այնմ ամենայնի հմուտ.  
եւ աւելի իմն որ գործենն վճարիցեն  
քան որ ի վատութիւն հատանիցին եւ  
յանգործ դատարկութիւն. եւ որ հոգ  
ի մտի ունիցին, եւս յամրի կայցեն քան  
զայնոսիկ որ չլինիցին զգոյշ : Արդ այս-  
պէս թուէր մեզ թէ պարտուպատշաճ  
է այնպէս զանձինս ընծայեցուցանել  
որպէս պարտ իցէ ընծայեցուցանել, եւ  
ապա յետ այնորիկ խնդրել ի դիցն  
զբարութիւնսն :

Յիշեմ թէ զայս լուայ ի քէն. քան-  
զի հարկ էր անսալ բանիցն այնոցիկ.  
զի դիտեմ թէ ասէիր դու ցանգ թէ  
չէ արժան այնոցիկ որոց չիք ուսեալ  
յերիվար հեծանել, խնդրել ի դիցն

եթէ ի ձիամարտիկ կռուի յաղթիցեն . եւ ոչ որոց չիցենն աղեղնաւորութեան հմուտ , թէ նետիւք եւ աղեղամբք զաղեղնաւորութեան հմուտսն պարտիցեն . եւ ոչ որ նաւավարութեան չիցեն տեղեակք , թէ յաղթս կայցեն ճարտարապետս լինել նաւաց եւ ապրեցուցանել . եւ ոչ որ ցորեան չսերմանիցեն եւ ըղձանայցեն եթէ ցորեան ասոք բուսանիցի . եւ ոչ որ չզգուշանայցեն ի պատերազմի , թէ փրկութիւն խընդրիցեն . զի ամենայն ինչ այնպիսի ի գիցն հրամանաց լինիցի : Իսկ որ զայն յաղթս կայցեն որ չիցէ արժան , յիրաւի , ասէիր , չառնուն նոքա ի գիցն , զոր օրինակ եւ առ ի մարդկանէ չառնուն որ արտաքոյ ինչ քան զօրէնսն խնդրիցեն :

Իսկ զայն մոռացար արդեւք որդեակ , զոր ես եւ դու երբեմն ճառ արկեալ խօսէաք . թէ բարւոք այն գործ է մարդոյ , եթէ կարիցէ ոք փոյթ ի մտի ունել , զի եւ ինքն լաւ եւ ընտիր եւ պիտանի լինիցի , եւ զպիտոյսն ինքն եւ ընտանիքն ունիցին բաւական : Ապա թէ այն այնպէս մեծ ինչ գործ իցէ , իսկ գիտելն վերակացու լինել այլոց եւս մարդկան զի ունիցին զպէտան լիով եւ լինիցին ամենեքին որպէս պատշաճ իցէ լինել , այն մեզ սքանչելի եւ զարմանալի թուէր :

Այր, ասէ, եւ զայդ յիշեմ թէ ասէիր. եւ ինձ նոյն բարւոք թուէր, թէ մեծ գործ իցէ բարիօքն իշխել. եւ այժմ, ասէ, այն նոյնպէս թուի, յորժամ ինքնին միտ եղեալ զիշխանու թենէ խորհիցիմ : Յորժամ զայլոց մարդկանէ զմտաւ ասիցեմ թէ որպիսիք ոք իցեն եւ լինիցին իշխանք, եւ մեզ ասոյան ելանիցեն, թուի ինձ թէ ամենեւին իսկ ծանակու թիւն իցէ յայնպիսեացն զարհուրել, եւ չկամել երթալ նոցա ստիս. զորոց եւ ես ասէ գիտեմ սկսեալ ի մերոց բարեկամաց աստի, զի համարին իմն թէ պարտ իցէ իշխանին յիշխանաւորացն այնու ընտրել, զի ամենալից ընթրիս ուտիցէ, եւ բազում ի ներքս մթերեալ ունիցի ոսկի, եւ բազում ժամս ի քուն լինիցի, եւ զքնաւ անվաստակ գործ իցէ քան զայնոսիկ որոց իշխէն : Բայց ինձ, ասէ, այնպէս իսկ թուի թէ ոչ դիւրու թեամբ ինչ պարտ իցէ իշխանին ընտիր յայնցանէ՝ որոց իշխիցէն, լինել, այլ մտադեւրն դարմանօք եւ խոնջու թեամբ :

Բայց գոյ ինչ ինչ, ասէ որդեակ, յորս ոչ եթէ ընդ մարդկան հասանիցէ կռուել, այլ ընդ իրան իսկ ի գլխովին, որոց չէ ինչ դիւրին գերիվերոյ լինել : Աս աստատին իսկ, ասէ, գիտես, զի եթէ չգուցենս ռոճիկք զօրացն,

իսկ եւ իսկ քակիցի հարստութիւնդ :  
 Հայր, ասէ, կիաքսարէս ասաց թէ  
 զդարմանան ես տաց ամենեցուն որ ան-  
 տի եկեսցեն, որչափ եւ իցեն : Որ-  
 դեակ, ասէ, դու յայն ինչս կիաքսա-  
 րայ յուսացեալ երթայցես : Ասէ կիւ-  
 բոս . Այո : Իսկ արդ գիտիցեն, ասէ,  
 որչափ ինչք դուցեն նորա : Ասէ կիւ-  
 բոս . Ոչ : Ապա ուրեմն, ասէ, զան-  
 յայտան իմն հաւատարիմ համարիս .  
 իսկ եթէ բազմօք կարօտանայցես, եւ  
 այլ եւս ինչ յաճախագոյն հարկ իցէ  
 ծախել, զայն ո՛չ գիտես : Ասէ կիւ-  
 բոս . Գիտեմ : Արդ յորժամ պակա-  
 սիցեն համբարք նորա, կամ թէ կամաւ  
 իսկ ստեսցէ, զիարդ իցեն պէտք զօ-  
 բացն, յայտ է թէ ոչ բարւոք : Հայր,  
 ասէ, դու եթէ գիտիցես ինչ հնարս  
 շահաւորութեան, մինչ դեռ ի խաղա-  
 զութեան իցեմք, ասա :

Հարցանես, ասէ, որդեակ, զինչ օ-  
 բինակ ժողովիցես շահս : Ում մանա-  
 ւանդ ի դէպ իցէ կուտել մթերս քան  
 այնմ որ զօր ունիցի . դու աւագիկ զհե-  
 տեւակ զօրութիւնն առեալ աստի եր-  
 թաս, ընդ որում չգիտեմ թէ մար-  
 թիցի այլ ինչ զօր բազմամբոխ փոխա-  
 նակել . եւ այրուծին Մարաց, որ ազ-  
 նուագոյն է, զօրաւիզն օգնականու-  
 թեան է քեզ : Աւ արդ զուսէ՞ ազգէ  
 որ շուրջ զմեւք իցեն, կարծիցես թէ

ուչ շնորհ իմն կամեցեալ առնել ձեզ սպաս հարկանիցեն, եւ կամ առ ահի իսկ թէ մի գուցէ վիշտս ինչ կրիցեն: Օրոս պարտ է ընդ Ախաբօարայ հասարակ գիտել տեսանել, զի մի ինչ պակաս իցէ ի պիտոյից ձերոց: Աս եւ վասն սովորութեան զմտից շահան պարտ է հայթայթել: Օչայս ինչ քաջ ի մտի ունիցիս, մի երբեք տեւել մնալ զկարեւորն շահերց յայնժամ յորժամ պէտքն ի վերայ հասեալ անդէն տազնապիցեն. այլ յորժամ աջողեալ իցես շահիւք, յայնժամ պաճարեա վասն կարօտութեանն. զի առնուցուս քաջ յորոց խնդրիցես, յորժամ շտայցես կարօտութեան կարծիս եւ առանց բամբասանաց գտանիցիս ի քոց զօրաց այտի: Աովին իմն ակն ածիցեն ի քէն, եւ եթէ մնաս ումեք զօրօք կամիցիս առնել կամ օգուտ, մինչ գեռ զպաշտաճանն ունիցին զօրականքն արբանեկիցեն քեզ. եւ որպէս ճարտար գիտես, հաստատութեամբ բանս յայնժամ կարիցես բարբառել, յորժամ մարթիցես յանդիման կացուցանել, թէ եւ օգնել բաւական ես եւ մնասել:

Չայր, ասէ, թուի թէ զայդ ամենեւին բարւոք իսկ խօսեցար, քանզի զոր ինչ այժմ առցեն զօրքն, ոչ դք իցէ որ վասն նոցին շնորհակալ ինձ լինիցի. քանզի գիտեն թէ որովք բա-

նիւք կոչեաց զնոսա Կիաքսարէս ի թի-  
կունս օգնականութեան : Ապա թէ  
աւելի քան զասացեալսն առնու ոք  
ինչ, զայն պատիւ իսկ այնուհետեւ  
համարիցին, եւ ի դէպ է թէ շնորհա-  
կալ եւս այնմ որ ետ, լինիցին : Իսկ  
եթէ զօրականս ոք ունիցի որովք մար-  
թիցի երախտիս ինչ բարեկամացն առ-  
նել եւ օգուտ ինչ ի նոցանէ գտանել .  
կամ թէ թշնամիք ուրուք իցեն, եւ  
կարօղ իցէ ջանալ եւ շահել ինչ ի  
նոցունց, եւ ինքն անփոյթ զշահսն առ-  
նիցէ, սակաւ ինչ, ասէ, զայն նշաւա-  
կութիւն համարիցիս քան եթէ անդ  
եւ ազարակ ոք ունէր, եւ մշակք եւս  
էին նորա, որովք մարթէր ի գործ ար-  
կանել եւ ապա յետ այնորիկ լքեալ  
թողոյր զերկիրն դատարկ, անօգուտ  
լինել : Աս, ասէ, ոչ երբեք անփոյթ  
առնիցեմ հնարել գտանել զկարեւորն  
պէտս զօրականացն ոչ ի բարեկամաց  
միջի եւ ոչ ի թշնամեաց. եւ դու այս-  
պիսի իսկ միտս կալջիր :

Արդեակ, յիշեցնս արդեւք եւ զայլ  
եւս ամենայն որ կարեւոր հարկ թուէր  
մեզ երբեմն չառնել անփոյթ զնոքօք :  
Յիշեմ, ասէ, յորժամ վասն արծա-  
թոյ գայի առ քեզ զի տարայց տաց  
այնմ որ ինձ զօրավարութիւն ուսու-  
ցանէր. եւ քո տուեալ ցիս հարցա-  
նէիր այսպէս եւ ասէիր. թէ Սանուկ

դու ի զօրավարութեան գործս զինչ ինչ քեզ ի տան խնամակալութենէ յուշ արար այրն ում զզինսդ առեալ տանիս. զի ոչ ինչ պակաս զօրականք կարօտ կարեւորօքն իցեն քան որ ի տան գերդաստանքն են: Իբրեւ զճշմարիտն բարբառեցայ քեզ եւ ասէի թէ ոչ մի ինչ վասն նորին այնորիկ յիշեաց. միւսանգամ հարցեր դու ցիս թէ զինչ ինչ առողջութեան վասն պատուիրեաց եւ զօրութեան եւ պնդութեան. զի եւ զնոցունց իմն պատշաճ է զօրավարի իբրեւ զզօրավարութենէ հոգալ:

Իսկ իբրեւ ասացի թէ շասաց ինչ. դարձեալ հարցեր դու զիս, թէ զոր հոգաբարձութիւն ուսոյց, զի բարեկամք որ զօրաւիզն իցեն քեզ, լինիցին քաջք եւ պիտանիք յիւրաքանչիւր գործ պատերազմի: Իբրեւ ասացի թէ եւ զայն ոչ. հարցեր միւսանգամ թէ ուսոյց ինչ հնարս, զի կարիցես յօժարութիւն ի զօրսն արկանել. եւ ասէիր եւս թէ ամենեւին ի բնաւ իսկ ի գործս կրճիմ ի միջի ընդ յօժարութիւնն եւ ընդ տրտմութիւն կայ: Իսկ իբրեւ ասացի թէ ոչ. դու քննէիր եւ թէ զինչ արդեւք հնարս ուսուցեալ իցէ վասն ի հնազանդութեան զզօրսն պահելոյ:

Եւ իբրեւ յայտ լինէր թէ եւ զայն ամենեւին չիք պատուիրեալ. հարցա-



նէիր դու ցիս, թէ զինչ ուսուցեալ  
ասիցէ թէ զօրավարութիւն ուսուցա-  
նեմ: Յայնմ վայրի պատասխանի ե-  
տու թէ զճակատ առ ճակատ յարդա-  
րել եւ գունդ առ գունդ կազմել, եւ  
դու ծիծաղեալ մի ըստ միոջէ անցա-  
նէիր կարգեալ եղեալ թէ զինչ օգուտ  
իցէ կամ որ շահ զօրավարութեան ի  
ճակատուց առանց կարեւորն պիտոյից.  
եւ զինչ առանց առողջութեան, եւ  
որ օգուտ առանց զարուեստան որ վասն  
պատերազմաց դտան, գիտելոյ. կամ  
զինչ ինչ վճարիցի առանց ի հնազան-  
դութեան կալոյ. որպէս զի յայտ իմն  
այսպէս առնէիր թէ ճակատելն խուն  
ինչ մասն զօրավարութեան է: Աւ ի-  
բրեւ հարցի թէ զինչ ինչ յայնմ ամե-  
նայնէ բաւական իցես ուսուցանել դու  
ինձ, հրաման ետուր երթալ առ արսն  
որ զօրավարքն համարիցին եւ ընդ նո-  
սա խօսել եւ հարցանել թէ որպէս մի  
մի իւրաքանչիւր ի նոցանէ լինիցի:

Յայնմ հետէ ընդ նոսա էի եւ առ  
նոսա կանխէի, զորոց լսէի թէ աւելի  
իմն հանճարեղք նոքիմք են: Ա՛յ ամն  
համբարոցն ես հաւանեալ եմ եթէ  
այն շատ եւ բաւական է, զոր Աիա-  
քսարէս տալոց իցէ մեզ: Իսկ վասն ա-  
ռողջութեանն, քանզի լուայ եւ տեսի  
թէ եւ քաղաքք եւս որ բժշկութիւն  
ի կիր արկանիցեն, բժիշկս ընտրեն. եւ

զօրավարք վասն զօրականացն բժիշկս առեալ տանին. նոյնպէս եւ ես իբրեւ զայս գործ ի ձեռն առի, իսկ եւ իսկ վասն նորին հոգ յանձին կալայ. եւ թուի ինձ, ասէ, հայր, թէ արքն որ ընդ իս իցեն, ամենեւին իսկ հմուտ են բժշկական ճարտարութեան:

Առ այն հայրն ասէ. Դոքա զորոց ասես, զոր օրինակ պատառատուն ձորձոց կարկատիչք են, նոյնպէս եւ բժիշկքըն են, յորժամ յախտ ոք անկեալ դնիցի, յայնժամ բժշկիցեն. բայց դու աւելի իմն փոյթ ի մտի ունիցիս վասն առողջութեան, զի մի յառաջնումն խօթանայցէ զօրն, զայնմանէ իմն պարտ է քեզ հոգալ: Ինդ ո՞ր ճանապարհ, ասէ, հայր, յուղի անկեալ, բաւական լինիցիմ զայն վճարել: Աթէ ժամանակ ինչ ի նմին վայրի կամիցիս յամել, մի անփոյթ առնիցես նախ յազնիւ տեղիս բանակ հարկանել: Աւ ոչ սխալիցես յայնմանէ եթէ ունիցիս հոգ ի մտի. քանզի չգաղարեն մարդիկ վասն վայրաց հիւանդութեան եւ առողջութեան խօսել. եւ երկոցունց ի նոցանէ ստոյգ վկայք մօտ կան, մարմինքն եւ գոյնք երեսաց: Ապա չէ շատ վայրացն եւեթ դէտակն ունել. այլ յուշ լիցի քեզ թէ որպէս գուն գործիցես հոգ ի մտի ունել զանձնէ զի առողջագոյն լինիցիս:

Եւ կիւրոս ասէ. Նախ ջանամ մի իսկ երբեք շուայտել մի մցուել, զի այն դժընդակ իմն է: Ապա ի դժուարին աշխատութիւնս խոնջիցիմ. քանզի ինձ թուի թէ այնպէս եւ առողջութիւնն եւս քաջ լինիցի տեւական եւ ոյժ եւ պնդութիւն յաւելցի յիս: Աստ նմին օրինակի պարտ է, ասէ, որդեակ, եւ վասն այլոցն փոյթ յանձին ունել: Աթէ լիցի, ասէ, հայր պարապ կրթելոյ մարմնոց զօրացն: Ասէ հայրն. Աչ միայն պարապ, այլ եւ հարկ եւս իցէ: Քանզի պարտ է զօրականին որ զպառշաճսն կամիցի վճարել, մի երբեք դարել, այլ կամ թշնամեաց մեղանշել կամ անձանց ժողովել բարութիւնս. զի դժուարին է մարդ մի դատարկ սնուցանել եւ եւս բազմապատիկ դժընդակ զողջոյն տուն մի, եւ ամենեւին իսկ քան զքնաւ դաժանագոյն զզօր ի վատութիւն հատեալ կերակրել. քանզի բազում է ի զօրու ուտելի, եւ սակաւ ինչ եւ նուազ այն որ ուտիցի, եւ զոր գտանիցեն ինչ վատնելով ի կիր արկանիցեն, որպէս զի չէ ի դէպ երբեք զօրու դատարկ կալ:

Հայր թուի ինձ եթէ ասիցես թէ զոր օրինակ հողագործի ի վատութիւնս հատելոյ չէք շահ, նոյնպէս եւ դատարկ զօրավարի չգոն օգուտք: Աս, ասէ, ունիմ յանձին զօրավար ժիր լինել,

եթէ ոչ մնաս ինչ ոք ի գիցն առնիցէ, եւ զպաշարս զօրականացն պատրաստել, եւ յարդարել զի յաջողեալ իցեն անձինք նոցա: Այլ վասն յիւրաքանչիւր գործ պատերազմի կրթելոյ, թրւի ինձ թէ եւ հրահանգս իւրաքանչիւր ումեք սահմանելով եւ վարձս առաջի եղեալ, արարից զի բարւոք յիւրաքանչիւր ճգունս թեւակոխիցեն, մինչ զի յորժամ պիտոյ լինիցի, ունիցիմ կազմս եւ պատրաստս ի գործ վարել: Վաջ խօսեցար, ասէ, որդեակ, զի եթէ զայդ առնիցես, իբրեւ զպարս գնդաց պարաւորացն ցանգ տեսանիցես զգունդսն ի պատշաճսն կրթեալ:

Այլ վասն յօժարութիւն ի զօրան արկանելոյ, ոչ մի ինչ այնպէս ինձ բաւական թուիցի, բայց կարող լինել ի բարւոք ակնկալութիւն զարսն յորդորել: Վայց այս այնմ նման է, որդեակ, որպէս զի թէ պառականս ոք յորս կոչիցէ ցանգ իսկ եւ միշտ կոչմամբն որով կարդայցէ յորժամ երէ նշմարիցէ. զի գիտեմ եթէ յառաջնում նրւագին յորդորագոյնս լինիցին ուկնդիւք, ապեթէ բազում անգամ պատրիցին, յետոյ յորժամ ճշմարտիւ իսկ զազան տեսեալ կոչիցես, չլինին հնազանդ. եւ վասն ակնկալութեան նոյն բանք են: Այլ թէ բազում բարութեանց յոյսս խոստացեալ եւ ստիցէ ոք, ապա

եւ ոչ թէ յորժամ ճշմարիտ ինչ յոյս պատմիցէ այնպիսին, կարիցէ ածել ի հաւան: Այլ պարտ է անխայել, որդեակ, զի մի զոր ստոյգ ոք չգիտիցէ, ինքնին ասիցէ, այլ երբեմն յորժամ այլք ասիցեն, մարթի զնոյն դործ վճարել. իսկ զիւր իրատն ի մեծամեծ ինչ նեղութիւնս պահել զի առաւել հաւատարիմ լինիցի: Այր ասէ բարւոք խօսեցար, զի եւ ինձ այսպէս քաղցր է:

Իսկ զգօրականսն ի հնազանդութեան ունելոյ թուի ինձ թէ չեմ ինչ անտեղեակ. քանզի դու ինձ իսկ եւ իսկ զդոյն ի մանկութենէ ուսուցեր յորժամ ստիպէիրն քեզ հնազանդ լինել: Ապա ետուր զիս ի վարդապետաց ձեռս, եւ նոքին դարձեալ զնոյն առնէին. եւ յորժամ ի պատանեկաց միջի էի, որ իշխան էր մեր վասն նորին իսկ փոյթարար: Թուի ինձ թէ եւ բազում օրէնք են որ զայս երկուս քաջ ուսուցանեն, իշխել եւ ընդ իշխանութեամբ լինել: Այսուհետեւ զմտաւ ածեալ վասն սոցին իրաց, յամենայնի տեսանեմ զի առաւել իմն քաջալերութիւն է ի հաւանութիւն, զհնազանդն յարդել եւ մեծարել եւ զանհնազանդն աւարդել եւ ի պատիժս մատնել:

Այդ ճանապարհ, որդեակ, ի հարկէ իմն հնազանդելոյ է. այլ այլ իմն կարծոյ ճանապարհ է լաւ քան զայն, կա-

մակարն հնազանդել : Օ՛ի զումէ կարծիցեն մարդիկ թէ իմաստութեամբ քան զնոսա զնոցա օգուտն խորհիցի, նմին ախորժութեամբ կան ի հնազանդութեան : Ալ զի այդ այդպէս է, ի միտ առցես այլովք բազմօք, նա եւ ի ցաւածսն իսկ, քանզի յօժարութեամբ զայնոսիկ որ կարծիցին առնել որ ինչ պատշաճն իցէ, կոչեն . եւ ի ծովու յօժարութեամբ նաւավարացն որ նաւարկենն հնազանդ լինին . եւ ոյք զմանց կարծիցեն եթէ տեղեկագոյն քան զնոսա զճանապարհսն գիտեն, չառնուն յանձն թողուլ զնոսա : Իսկ իբրեւ կարծեն թէ յորժամ հնազանդիցին վիշտս ինչ իցեն կրելոց, չկամին յանձին ունել զվնասսն եւ ոչ պարզեւօք խտտղել, քանզի ոչ եթէ առ անձինն եղեռան որ կամաւ առցէ կաշառս :

Հայր, ասէ, ասես թէ առ ի հնազանդութեան ունելոյ չէք ինչ կարեւոր քան զիմաստնագոյնն երեւել քան զնոսա որ ընդ իշխանութեամբ իցեն : Ալ արդ ասեմ, ասէ, հայր, զհարդ որ եւ որդունակ զայնպիսի կարծիս վազվազակի զանձնէ կարիցէ ընծայեցուցանել : Չիք ասէ որդեակ կարճոյ ճանապարհ, այլ որովք իմաստունն կամիցիս երեւել, ի նոսին իմաստուն լինիցիս : Ալ թէ ընդ մի մի իւրաքանչիւր ի նոցանէ միտ եղեալ նայիցիս, ծանիցես

եթէ զճշմարիտն ասեմ ես. զի եթէ կամիցիս թէ չիցես քաջ մշակ եւ համարիցիս քաջ հողագործ կամ հեծեալ կամ բժիշկ կամ փողար կամ այլ ինչ այնպիսի, զմտաւ ամ որչափ հնարս քանի պաճարս պարտ էր պաճարել վասն այնպէսն կարծեցուցանելոյ: Աւ եթէ զբազմաց միտս հաճեսցես գովել զքեզ զի այնպիսի կարծիք կարծիցին, եւ բարւոք կազմածս առ իւրաքանչիւր ի նոցանէ ստացեալ ունիցիս, արդ խաբեբայ եւ գրթիչ լինիցիս, եւ յետ սակաւ ինչ միոյ, ուր հանդէս եւս ցուցանիցես, յանդիմանեալ լինիցիս եւ ամբարտաւան եւս երեւիցիս:

Իսկ զհարդ լինիցի ոք իմաստուն առ ի խելամուտ հանդերձելոցն լինելոյ: Յայտ է, ասէ, թէ որ ինչ մարթիցի ուսմամբ գիտել, ուսանելով, զոր օրինակ զճակատսն ուսար. իսկ որ ինչ մարդկան չիցէ ուսանելի եւ ոչ յառաջագոյն երեւելի մարդկեղէն մտաց, ըզձութեամբ ի գիցն հարցեալ իմաստնագոյն քան զայլսն լինիցիս: Աւ զոր գիտեսն եթէ լաւագոյն լաւ է առնել, փոյթ ի մտի ունիցիս զի ի գլուխ ելանիցէ: Օ ի հողալ զայնմանէ որով կարօտ իցէ եւ չառնել անփոյթ առն իմաստնոյ է:

Այլ վասն սիրելի իշխանաւորացն լինելոյ, որ մեծ իմն թուի ինձ, յայտ

է եթէ նոյն ճանապարհ է, եթէ յօժարիցէ ոք զի գուժ անկանիցի ընդ նա բարեկամացն: Վասնզի ինձ թուի թէ երախտեօքն պարտ է երեւելի լինել. բայց այն դժուարին է, ասէ, որ դեակ, միշտ առնել բարի այնոցիկ որոց կամիցի ոք. մեւս եւս ուրախ լինել ընդ նոսա եթէ լաւ ինչ նոցա դիպեսցի, եւ տրամակից, եթէ չար ինչ պատահար պատահեսցի, եւ յօժարել լինել օգնական ի վարանս նոցա, երկրնչել թէ մի սխալեսցեն, եւ փութալ խնամակալ լինել զի մի վրիպեսցին. սոքիմբք պարտ եւ պատշաճ է օգնական լինել նոցա:

Իսկ վասն գործոց եւ արւութեանց. եթէ ամարայնի իցեն, պարտ է իշխանին յայտ յանդիման տապոյ արեգական յաղթել. եւ եթէ ի կարեձմեռն ձմերայնի իցեն, ընդ ցուրտ ոգորել. եւ եթէ վաստակել հասանիցէ, առւել լինել աշխատութեամբ. զի այս ամենայն նպատ լինիցի առ ի սիրելի իշխանաւորացն լինելոյ: Հայր, ասէ, ասես թէ պարտ է իշխանին յամենայն հզօրագոյն քան զիշխանաւորսն լինել: Արդարեւ, ասէ, զայդ ասեմ. բայց դու քաջալերեաց որդեակ, զայդ գիտասջիր, թէ մարմնոց նմանեաց աշխատութիւնք ոչ հանգոյն միմեանց են, առն իշխանի եւ շինականի. այլ



փոփոգէ իմն զցաւս իշխանին պատիւն ,  
եւ զիտելն թէ ոչ թագչի որ ինչ գործ  
գործէ :

Այր յորժամ զուռճիկսն ունիցի զօ-  
րականն եւ ողջ իցեն եւ վաստակել  
մարթիցեն եւ ի պատերազմաց արուես-  
տրս թեքեալք եւ կրթեալք իցեն , եւ  
համարիցին պատիւ պարծանաց քաջ  
եւ առաքինի երեւել , քան զանաս-  
տելն հնազանդելն հեշտական թուիցի  
նոցա . ոչ ապաքէն իմաստուն թուիցի  
քեզ որ կամիցի ոք վաղվաղակի ընդ  
թշնամիս մարտ եղեալ կուուել : Այո ,  
ասէ , եթէ ունելոց իցէ առաւելութիւն .  
ապա թէ ոչ եւ ես որչափ թուիմս թէ  
ինքնին ազնուագոյն իցեմ եւ սպասա-  
ւորս պիտանիս ունիցիմ , դոյնչափ եւս  
աւելի զգոյշ լինիցիմ . զոր օրինակ եւ  
զայլ եւս ինչ զոր մեծագինն համա-  
րիմք , զայն ջանամք յամուր վայրի  
պահել :

Իսկ զիւրոք ոք մարթիցի զօրագոյն  
քան զթշնամիս լինել : Աչ զթեթեւ  
ինչ եւ զդոյզն գործոյ հարցանես , որ-  
դեակ . այլ գիտասջիր թէ որ զայն կա-  
միցի գործել , հարկ է նենդաւոր լինել  
եւ կեղծաւոր եւ խաբեբայ եւ պատրիչ  
եւ գող եւ յափշտակող եւ ամենեւին  
ժլատել ի թշնամիսն : Աւ Կիւրոսի  
ծիծաղեալ ասէ . Ահ որպիսի իսկ ոք  
այր հրամայես ինձ լինել : Թէ այնպի-

սի լինիցիս որդեակ, ապա այր արդար  
եւ օրինաւոր լինիցիս:

Բայց զիա՞րդ, ասէ, մինչ մանկտին  
էաք զնոցին հակառակսն մեզ ուսու-  
ցէք, նա աւանիկ եւ այժմ, առ բա-  
րեկամս եւ առ քաղաքացիս: Աչ գի-  
տես, ասէ, եթէ բազում խարդախու-  
թիւն ուսայք եւ մեղմեխանս զի թշնա-  
մեացն կարիցէք չար առնել: Աչ, ա-  
սէ, հայր: Իսկ արդ վասն էր իրիք,  
ասէ, ուսանէիք նետ ձգել, հի՞մ գե-  
ղարդն առնուլ, ընդէ՞ր վարազաց վայրի  
նենգէիք կարս մանեալ երագագ ձգեալ  
փոս հատեալ, եւ այժեմանցն որոգայթ  
սփռեալ: Ինդէ՞ր եւ ընդ առիւծուց եւ  
արջուց եւ ընծուց ոչ կշիռ զնոյն օրի-  
նակ կռուէիք, այդ աւելի իմն ընդ նո-  
սա ջանայիք ոգորել: Թէ ո՞չ գիտիցես  
եթէ այս ամենայն խարդախութիւնք  
են եւ խաբէութիւնք եւ նենգութիւն  
եւ ժլատութիւն:

Արէոց, ասէ, է խաբէութիւնն: Ա-  
պա թէ կարծիցիմ եթէ ի մարդկանէ  
զոք կամիմ խաբել, բազում գան ըմ-  
պիցեմ: Թուի ինձ, ասէ, թէ չհա-  
մարձակէաք ձեզ նետալից զմարդ առ-  
նել. այլ ուսուցանէաք ձգել ի նպա-  
տակ անդր, զի մի այժմ բարեկամաց  
մեղանչիցէք. իսկ եթէ պատերազմ ի  
վերայ հասանիցէ, մարդիկ եւս կարի-  
ցէք հարկանել, եւ ուսուցաք ձեզ

խաբել եւ պատրել եւ յաղթել, ոչ  
եթէ մարդկամբ այլ գազանօքն, զի մի  
եւ նոքիմբք բարեկամաց վնասիցէք .  
իսկ եթէ լինիցի երբեմն մարտ պատե-  
րազմի, մի առանց կրթութեան այնր  
ամենայնի իցէք :

Այր ասէ, եթէ արդարեւ պիտա-  
նացու իցէ երկոցունց կողմանց հմուտ  
լինել, բարի ինչ եւ չար առնելոյ մար-  
դկան, պարտ էր զերկոսեան իսկ ու-  
սուցանել ի մարդկան միջի: Պատմեն,  
ասէ, որդեակ, առ մերովք նախնեօք  
եւ հարբք եւ հաւուք լեալ այր վար-  
դապետ մանկտւոյ, որ ուսուցանիցէ  
մանկտւոյ զիրաւն եւ զարժանն, որպէս  
դուդ տաս հրաման, եւ զզրկանան, մի  
ստել եւ ստել, եւ մի խաբել եւ խա-  
բել, մի բամբասել եւ բամբասել, մի ա-  
գահել եւ ագահել. եւ զատանէր զայն  
ինչ որ առ բարեկաման առնելի էր, եւ  
զայն զոր առ թշնամիս: Աւ եւս յա-  
ռաջ մատուցեալ զայս ուսուցանէր թէ  
զբարեկաման արժան է խաբել ի բա-  
րիս, եւ գողանալ զբարեկամացն ի լաւ:

Աւ որ զայսն ուսուցանէր, հարկ էր  
եւ զմանկտին ի հանդիսի անցուցանել  
զնոյն ընդ միմեանս առնել. զոր օրինակ  
եւ ի հրահանգս կռուանոցացն զՅու-  
նաց պատմեն ուսուցանել պատրանս  
խաբէութեան, եւ վարժել զմանկտին  
զդոյն առ միմեանս առնել: Արդ ոմանք

քանզի մտավարժ էին եւ առ պատրել  
եւ առ ազահել, թերեւս եւ առ շա-  
հել իսկ, ոչ կարճէին եւ ոչ ի բարե-  
կամաց առ ի չյաղթահարելոյ զնոսա:  
Յայնմ հետէ հրաման լինէր, որով  
եւ այժմ վարիմք, ուսուցանել լոկ  
զմանկտին, որպէս զճառայս ուսուցա-  
նեմք ճշմարիտս լինել նոցա առ մեզ  
եւ մի խաբել եւ մի գողանալ եւ մի  
ազահել. եւ եթէ արտաքոյ քան զայս  
գործիցեն, պատիժս ի վերայ ածել,  
որպէս զի ընդ այնպիսի բարս ընդե-  
լեալք, զգօնագոյնք քաղաքացիքն  
լինիցին:

Յետոյ իբրեւ յայն տիս հասանի-  
ցեն, յորում դու այժմիկ իցես, եւ  
զօրէնս եւս պատերազմացն ուսուցանել  
զգուշութիւն կարծեցաւ. զի այսպէս  
թուիք եթէ չէք այսուհետեւ խոտո-  
րելոց խակ քաղաքացիս լինել: Որպէս  
եւ զաստղկան ցանկութենէ ընդ հա-  
մօրէն երիտասարդսն չխօսիմք, զի մի  
ի սաստիկ ցանկութիւն անդր նոցա  
յաւելցի դիւրութիւնն, եւ առանց չա-  
փոյ նովին վարեսցին երիտասարդքն:  
Եւ արդ քանզի զայն ես անագան ու-  
սանիմ. հայր, մի խնայեր յինէն եթէ  
կարիցես ուսուցանել ինչ զի առաւել  
լինիցիմ քան զթշնամիսն:

Եւ արդ հնարեսջիր, ասէ, որչափ  
կար իցէ քո, քոյովքն ճակատելովք

զանկարդ եւ զչճակատեալ թշնամիսն ըմբռնել, եւ վառելովք զանզէնսն, եւ արթնովք զքուն եղեալսն, եւ երեւեսցին նոքա քեզ, եւ դունոցա աներեւոյթ իցես, նոքա ի դժուարս իցեն եւ դու յամուր վայրի:

Իսկ զհարդ իցէ, ասէ, հայր, թէ կարիցէ ոք ըմբռնել զթշնամիսն որ այնպիսիինչ յանցուցեալ իցեն: Քանզի բազում ինչ յայսցանէ, ասէ, որդեակ, հարկ է եւ ձեզ եւ հակառակորդաց ձերոց կրել. հարկ է երկոցունցդ հաց ուտել, երկոցունցդ ի քուն լինել, եւ ընդ առաւօտն գրեթէ ամենեցուն միանգամայն պարտ է մեկնել վասն պիտոյից, եւ որպիսի ինչ ճանապարհքն իցեն, սակայն հարկ է ընդ այն յուղի անկեալ երթալ: Օրս պարտ է քեզ զամենայն մի ըստ միոջէ ածել զմտաւ, եւ յորս գիտեսն թէ տկար եւ անզօր էք դուք, այնմ իմն առաւել պահունել, իսկ յորժամ ազգ լինիցի քեզ զթշնամեացն եթէ դիւրին է ի բուռն առնուլ զնոսա, յայնժամ մանաւանդ ի դիմի հարկանել:

Ասէ կիւրոս. Մի՞ թէ սոքօք եւեթ մարթիցի առաւել լինել, թէ այլովք եւս ինչ իրօք: Աւ կարի քաջ, ասէ, որդեակ այլովք իրօք. զի ի դոսա բազում անգամ ամենեքին սաստիկ պահպանութիւնս առնիցեն, քանզի գիտեն

Թէ կարօտանան: Իսկ որք զթշնամիսն պատրեն, մարթեն վստահս առնել զնոսա եւ զեղծս ըմբռնել, եւ թոյլ տուեալ զկնի մտանել, զկարգսն յանկարդութիւն հանիցեն, եւ փախստեամբ ի դժուարս ածեալ անդ ի դիմի հարկանիցին:

Պարտ եւ պատշաճ է, ասէ, որդեակ, քեզ որ զայս ամենայն սիրես ուսանել, ոչ զոր ուսանիցիսն, նոքիմբք եւեթ վարել, այլ եւ ինքնին իսկ ընդ հակառակորդսն մենքենայել հնարս, որպէս եւ գուսանականքն, ոչ զոր ուսանն զայն եւեթ արկանեն ի կիր այլ այլ եւս նուագս գեղգեղեն բաղմախառն տաւղօքն. եւ կարի յերաժիշտսն որ նորքն իցեն եւ ի ծաղկի, այն հաճոյ թուիցին. եւ բաղմապատիկ իսկ աւելի ի մարտինոր մենքենայք. զի սոքա առաւել մարթեն զթշնամիսն պատրել:

Իայց դու ասէ, որդեակ, եթէ ոչ այլ ինչ հասուցանիցես մարդկան, այլ զհնարս մենքենաւորութեանն զոր բնամանր մանր գազանաց մենքենայէիր, կարծիցես թէ չլինիցիս ամենեւին գամագիտ թշնամեացն: Քանզի դու ի սաստիկ ձմերայնի յարուցեալ ի հաւուց որսս, երթայիր գիշերի. եւ մինչ չեւ հաւուցն շարժեալ յիւրաքանչիւր բունոց թակարդք ձգէին խուճապականք սփռէին, եւ երկիրն պեղեալ

Նման էր կորդացեալ գետնոյ: Աւհաւքն խրատեալ էին ի քէն, մինչ զի քում օգտութեանց սպասաւոր լեալ արբանեկէին եւ զհամազգի թռչունան պատրել. եւ դու դարանեալ նստէիր, որպէս զի դու նշմարէիր զնոսա եւ նոցա շլինէիր երեւելի. եւ ունէիր հոգ ի մտի աճապարել եւ ձգել զթռչունան մինչ չեւ փախուցեալ նոցա:

Վարձեալ եւ առ նապաստական քանզի ի խաւարի արածին եւ զցերեկ խուսխուսեն, պառական բուծանէիր, որք հոտոտելովն գտանէին զնոսա. եւ քանզի երազ փախուցեալ ապրին յորժամ գտանին, այլ եւս պառական պատրաստական ունէիր ի փախստեան ըմբռնել. ապա թէ անտի եւս զերծանիցին, ուսեալ զճանապարհս նոցա, եւ թէ յոր վայր ասորժիցեն գիմել նապաստակքն, անդէն զաներեւոյթ վարմնն տարածանէիր, զի ի սաստիկ փախստեանն ինքն զինքն շաղեալ պատիցէ: Աւ առ անտի եւս չապրելոյ փախստեայ, դէտս իրացն կացուցանէիր, որք ի մօտոյ իսկ վաղվաղակի ի վերայ գիմիցեն. եւ դու յետոյ կուսէ աղաղակ եղեալ ի նապաստակ անդր զարհուրեցուցանէիր զնա, որպէս զի յանդգաստից ի բուռն անկանիցի. եւ ցայնոսիկ որ յառաջոյ դարանամուտ լեալ իցեն պատուէր տայիր լուռ լի-

նեւ, եւ այնպէս թագուցանէիր զնոսս :

Արդ որպէս կանխագոյն ասէի, եթէ այսպիսի հնարս եւ ի մարդիկ հնարիցիս, չգիտեմ թէ թողուցուս զոք ի հակառակորդաց անտի : Ապա թէ հարկ հասանիցէ երբեմն ի դիւրի եւ ի դաշտի յայտյանդիման վառեալ երկուցունց կողմանց ի մարտ պատերազմի ընդ միմեանս բախել յայնմ վայրի, որդեակ, առաւելութիւնքն որ ի բազում ժամանակաց պատրաստեալ կայցեն մեծ իմն զօրութիւն ունիցին : Աւես, ասէ, յայնժամ ասեմ թէ առաւելութիւնք են, յորժամ զօրականացն անձինք կիրթք իցեն եւ ողիքն զուարթացեալք, եւ զպատերազմական ճարտարութեանց փոյթ լեալ :

Պարտ է եւ այնմ եւս քաջ գիտակ լինել, թէ զորս ստիպես հնազանդ լինել քեզ, եւ նոքա ամենեքին այսպէս համարին թէ եւ քեզ պարտ է զնոցանէ խորհել : Աւարդ մի անհոգ կայցես, այլ գիշերայն տեսջիր թէ զինչ իշխանաւորքն առնիցեն յորժամ տիւ լինիցի. իսկ զցերեկ թէ զհարդ բարւոք իցեն ցայգութեանն պէտքն :

Բայց թէ զհարդ պարտ իցէ ի կռիւ զզօրսն ճակատեցուցանել կամ որպէս տանել զցերեկ կամ զցայգ կամ ընդ նեղ կամ ընդ լայն ինչ ճանապարհ




կամ ընդ լեռնականս կամ ընդ դաշտականս, կամ որգունակ զօրաժողովի պատերազմ երթալ կամ զհարդ ցայգուլթեան եւ ցերեկուլթեան պահակապանս կացուցանել, կամ որպէս առ թշնամիսն հակառակորդս մատուցանել, կամ ի բաց տանել ի նոցանէ, կամ որպէս առ պատերազմօղ քաղաքաւ տանել կամ ի պարիսպսն մատուցանել, կամ մեկուսի ի պարսպաց անտի տանել, կամ ընդ խոխոմս եւ ընդ սորս եւ ընդ գետս անցանել, կամ զգոյշ լինել հեծելազօրուն կամ տիգաւորացն կամ աղեղնաւորացն: Աւելեթէ դու յորժամ թեւ ի թեւ առեալ տանիցիս, յանդիման լինիցին թշնամիքն, որպէս պարտ իցէ ի դիմի հարկանել. եւ եթէ կարգեալ ճակատեալ տանիցիս այլուստ ուստեք թշնամիքն յայտնիցին եւ ոչ ի հանդիպոյ, զհարդ պարտ իցէ տանել ընդ նոցա դէմ. կամ որպէս զիրս թշնամեացն ոք զգայցէ եւ զքոյսն թշնամիք չգիտիցեն. եւ զի՞ իսկ ես զայս ամենայն քեզ յաճախիցեմ. զոր ինչ գիտէի, զայն բազում անգամ լուար: Աւելեթէ թուեր ոք միոյ իրիք յայնցանէ հմուտ, չառնէիր անփոյթ զնմանէ, եւ չլինէիր անտեղեակ. այսուհետեւ պարտ է ըստ դիպացն պատահելոց նոքիմք վարել, որ ինչ քեզ միշտ օգուտ թուիցի:

**Ն**ւ զայս եւս մեծամեծս ուսիր յինէն որդեակ: Մի երբեք առանց զոհից եւ հմայից մի անձամբ եւ մի զօրօք ի վիշտս մխիցիս, ի միտ առեալ թէ մարդիկ յօժարեն ի գործս յորժամ զգործան նկատեն, թէպէտ եւ գիտիցեն իսկ ոչ թէ ուստի արդեւք լինիցին նոցա բարութիւնքն: **Ն**ւ ծանիցես իսկ յարդեանց իրացն եղելոց. քանզի բազումք ածին ի հաւան, եւ այն զի իմաստնաւ գոյնք եւս թուէին թէ իցեն, զի ի պատերազմ ընդ նոսա գրգռիցին, յորոց որք հաւանեցանն երթալ եւ ի գիմի հարկանել, սատակեցան: Եւ ասք զբազում արս շինականս եւ քաղաքս մեծացուցին, եւ յայնցանէ որ մեծացանն եւ աճեցին զմեծամեծ չարիսն կրեցին: **Ն**ւ բազումք իսկ, զորս մարթեր իբրեւ բարեկամս վարել եւ երախտիս առնել եւ ի նոցունց երախտիս գտանել, կամեցեալ ծառայս վարել զնոսա եւ ոչ բարեկամս, անդստին ի նոցունց իսկ ետուն վրէժս: **Ն**ւ բազմաց որ զկողմն մի ունէին. չեղեւ բաւական կեալն հեշտականութեամբ, այլ ցանկացան ամենեցունց տեարս լինել, յայն սակս իսկ եւ յորոց ունէինն վրիպեցին. եւ յլլովք որ զցանկալի ոսկին ունէին, վասն նորին կորեան:

**Ա**յսպէս մարդկեղէն իմաստութիւնս ոչ մի ինչ ազնուագոյն գիտէ ընտրել,

բայց յորժամ որ ինչ վիճակ ելանիցէ,  
 զայն առնիցէ ոք: Իսկ զիքն, որդեակ,  
 քանզի միշտ իսկ են եւ յաւէժ կենդա-  
 նականք զընաւ զիտեն որ ինչ եղեւն  
 եւ որ էն եւ որ զինչ անցք ընդ իւ-  
 րաքանչիւր ոք ի նոցանէ անցանիցեն .  
 եւ մարդկան որ հարցանեն զնոսա եթէ  
 հաշտ իցեն ընդ նոսա, գուշակեն թէ  
 զինչ պարտ իցէ առնել եւ զինչ չիցէ  
 պարտ: Ապա եթէ ոչ ամենեցուն կա-  
 միցին օգնական լինել, չեն ինչ զար-  
 մանք, քանզի չգոյ ինչ նոցա հարկ ի  
 վերայ, զորոց ոչն կամիցին, հոգալ:





ፊርድ

ጥያቄዎች



# ՎՍԵՆՈՓՈՐԵՏԵԱՅ

## ԿԻՒՐՈՍԻ ԽՐԸՏՈՒ

ՊԸՏՄՈՒԹԵԱՆՑ

Ի ԳՊՐՈՒԹԻՒՆ

Գ Լ Ո Ւ Խ Ա

ԱՅՍՊԷՍ ճառ արկեալ ընդ միմեանս  
գային հասանէին ի սահմանս Պարսից  
աշխարհին. եւ իբրեւ արծուի յաջողակ  
յայտ յանդիման ընթանայր առաջի  
նոցա, յաղօթս կացեալ դիցն եւ դիւց-  
ազանց որ զՊարսից աշխարհն ունէին,  
ուրախութեամբ յուղարկել զնոսա,  
այնպէս ընդ սահմանսն անցանէին: Աւ  
իբրեւ անցին, դարձեալ աղօթս դիցն  
մատուցանէին այնոցիկ որ զՄարաստան  
երկիրն ունիցին մտադիւրութեամբ ըն-  
դունել զնոսա: Օայս արարեալ ողջոյն  
ետուն միմեանց որպէս ի դէպ էր. եւ  
հայրն միւսանգամ ի Պարսս մեկնեալ  
երթայր եւ Վիւրոս ի Մարս առ Վիաքսա-  
րէս չոգաւ:

Իբրեւ եհաս Վիւրոս ի Մարս առ  
Վիաքսարէս, զառաջինն որպէս արժան  
էր, միմեանց ողջոյն տային. ապա հար-

ցանէր զԿիւրոս Կիաքսարէս թէ ո՞րչափ  
 զօրս ածեր: Աւ նա ասէ թէ երիս  
 հազարս, որ յառաջ ժամանակաւ վարձ-  
 կանութեամբ գային առ քեզ. եւ  
 այլք եւս ի հանգիտապատուաց անտի,  
 որոց ոչ երբէք ելեալ է, եկեալ կան:  
 Ասէ Կիաքսարէս. Ո՞րչափ են: Ասէ  
 Կիւրոս. Ոչ համարն ինչ ուրախ առնի-  
 ցէ զքեզ յորժամ լսիցես, այլ զայն  
 ած դու զմտաւ, եթէ սոքա սակաւքս  
 որ պատուակիցքն կոչիցին, այլոց բազ-  
 մաց Պարսից իշխեն: Պարօտ ինչ ար-  
 դեւք նոքօք իցես, եթէ զուր երկըն-  
 չիցիս ընդ վայր կասկածիցիս եւ չգայ-  
 ցեն թշնամիքն: Գալոց են ասէ, եւ  
 բազումք իսկ: Բայց այն ուստի՞ յայտ  
 իցէ: Օ՛հ բազումք, ասէ, որ անտի  
 եկին, այլ ոք այլ ինչ օրինակ, սակայն  
 ամենեքին զդոյն իմն ասեն: Ապա ու-  
 բեմն, ասէ, պարտ իցէ կռուել ընդ  
 արանցն: Հարկ է, ասէ, կռուել:

Ասէ Կիւրոս. Օ՛հ իսկ չասացեր ինձ  
 զզօրացն, եթէ գիտէիր թէ քանի ինչ  
 եկեալ հասեալ զօրքն իցեն եւ հմուտ  
 էիր մերոց զօրութեանց. որպէս զի տե-  
 ղեկացեալ երկոցունց կողմանց, ընդ  
 այն խորհեսցուք զի ազնուագոյն մար-  
 տիցեմք: Ասէ Կիաքսարէս. Ըղէ դու  
 լուր. Կրիւսոս զիւդացի ասեն ածէ բեր  
 հեծեալ եւ շերտաւորս եւ աղեղնաւորս  
 աւելի քան զչորս բիւրաւորս: Աւ զԱր-



տամանայ զմեծի փռիւզացոց աշխարհին  
 իշխանէ ասեն ածեալ այրուծի ութհա-  
 զար մի, եւ նիզակաւորս շերտաւորօք  
 հանդերձ ոչ ինչ ընդհատ ի քառասուն  
 հազարաց. եւ զԱրիբեայ Վամրաց թա-  
 գաւորէ, վեց հազարս առնելծիոյ, իսկ  
 աղեղնաւորս եւ շերտաւորս ոչ ինչ  
 սխալ յերկից հազարաց. զՄարագդեայ  
 արաբացոյ բեր հեծեալ պատմեն բե-  
 րել եւ կառս հարեր, եւ պարսաւորաց  
 բազում իմն ամբոխ: Իսկ զՅունաց որ  
 յԱսիացոց աշխարհին բնակիցեն ոչ  
 ինչ ճշդիւ ուրեք պատմի թէ գայցեն  
 զհետ. եւ զայնոսիկ որ ի փռիւզա-  
 տանէ իցեն որ առ Աղղէսպոնտոս ծո-  
 վու կայ, Վաբէոս ասեն նպաստ լինի-  
 ցի, որոյ ի Ասիատրոս դաշտի վեց հա-  
 զար հեծեալք եւ բեր շերտաւորք ի-  
 ցեն: Օ Ասիացոց եւ զԱրիղիկեցոց եւ  
 զՊափղագոնացոց ասեն թէ կոչեցեալ  
 շեկին: Իսկ ասորեստանեայն որ զՎա-  
 բիղացոց քաղաքն ունի եւ զայլ եւս  
 զԱսորեստան, թուի ինձ թէ հեծելա-  
 զօրս ածիցէ ոչ պակաս յերկուց բիւ-  
 րուց եւ կառս ոչ ինչ աւելի քան զեր-  
 կերիւր, եւ հետեւակս բազումս. քան-  
 զի այնպէս իսկ սովոր էր յորժամ այսր  
 դիմեալ գայր:

Ասէ Աիւրոս. Գու զթշնամեացդ ա-  
 լադիկ պատմես թէ վեց բեր հեծեալք  
 են, եւ շերտաւորք եւ աղեղնաւորք ա-

ւելի քան զքսան բերս: Ան առ այս  
սուհետեւ զինչ բազմութիւն ասիցես  
զքո զօրացն: Ան, ասէ, Սարաց այ-  
րուծին աւելի քան զբերս, շերտաւորք  
եւ աղեղնաւորք իցեն առ մեզ վեց  
բեր: Ի Հայոց ի մերոց արուարձանեաց  
հասցեն չորեքհազար հեծեալք եւ հե-  
տեւակք երկու բեր: Ասէ Վիւրոս.  
Ասես թէ մեր այրուծին պակաս քան  
զերի մասն հեծելազօրու թշնամեացն  
են, եւ հետեւակք գոգ կէս իսկ նու-  
ցա: Վիաքսարէս ասէ. Իսկ արդ զի-  
ւորդ սակաւաւորս համարիցիս զՊար-  
սիկս, զորոց դուդ ասես թէ ածեմ:  
Վիւրոս ասէ. Այլ թէ իցէ արդեւք  
մեզ կարօտութիւն արանց եթէ ոչ,  
աստատին իսկ զայն խորհեսցուք: Բայց  
զկուին, ասէ, պատմեա թէ զինչ  
կուիլ իցէ:

Վիաքսարէս ասէ. Գրեթէ ամենե-  
ցուն նոյն պատերազմ է. քանզի ա-  
ղեղնաւորք եւ տիգաւորք են եւ նոցայն  
եւ մերքն: Ասէ Վիւրոս. Ապա ուրեմն  
հարկ է ի մեծ հեռաստանէ կուուել,  
եթէ այնպիսի զէնք իցեն: Ասէ Վիա-  
քսարէս. Հարկ է թէ ի հեռաստանէ  
կուուիցիմք: Վիւրոս ասէ. Ապա ու-  
րեմն, յայնժամ բազմացն լինիցի յաղ-  
թութիւն. քանզի կարի քաջ արագ  
սակաւաւորացն ի բազմաց անտի խո-  
ցեալ սատակիցին եւ ոչ եթէ ի սակա-

ւուցն բազումքն: Ապա թէ այդ այդպէս իցէ, ասէ, ովք Վիւրէ, զինչ այլ ինչ լաւ ինչ ոք գտանիցէ, այլ առաքել ի Պարսս, եւ տեղեկացուցանել եթէ վշտանայցեն ինչ Սարքն, աղէտք ի Պարսիկս հասանիցեն, եւ խնդրել բազում եւս զօր: Իսկ Վիւրոս. օայս, ասէ, ի միտ առ թէ եւ ոչ եթէ ամենայն իսկ Պարսիկքն միաժողով գայցեն, բազմութեամբ չառաւելումք քան զթշնամիսն:

Իսկ դու զի՞նչ ազնուագոյն քան զսոյն ածիցես զմտաւ: Աս, ասէ Վիւրոս, եթէ իբրեւ զքեզդ էի, վաղվաղակի զէն եւ զարդ գործէի ամենայն Պարսից որ եկեալ հասեալ կան, զոր օրինակ որ ընդ մեզն իցեն, ունին, որ հանգիտապատիւքն անուանեալ կոչիցին. այն իսկ է, զրահապատ պատեանք զլանջօքն եւ ասպար յահեակ ձեռին, եւ սուսեր պողովատիկ կամ թուր յաջում. եթէ զայդ պատրաստիցես, մեղտայցես մօտ երթալ հակառակորդացն զգուշութեամբ, եւ թշնամիքն փախչել լաւ համարիցին քան կալ մնալ: Աւ մէք ինքնին կացցուք ճակատեսցուք ընդ մնացելոցն. եւ որք փախրատեայ ելանեն ի նոցանէ, զնոսա ձեզ եւ հեծելոց ապաստան առնեմք, որպէս զի չլինիցի նոցա պարապ ոչ փախչելոյ եւ ոչ դառնալոյ յեսս:

Օջայս խօսեցաւ Աիւրոս . եւ Հաճոյ  
 Թուեցաւ բանն Աիւքսարայ . եւ ոչ եւս  
 այնուհետեւ յիշէր առաքել կոչել ամ-  
 բոխ , եւ կազմէր պատրաստէր զզէնսն  
 որ յառաջագոյն ասացան , եւ գող  
 պատրաստ իմն էր եւ ի Պարսից անախ  
 գային Հասանէին պատուակիցքն որք  
 զՊարսից զօրսն ունէին : Յայնմ վայրի  
 Աիւրոս , ասեն , ի մի վայր գումարեալ  
 զնոսա խօսէր զսոյն ձեւ օրինակի բանից :

Արք բարեկամք , իմ տեսեալ զձեզ  
 այսպէս վառեալ ի զէն եւ ի զարդ եւ  
 կազմն եւ պատրաստս ողւովք եւ մտօք  
 որպէս թէ գիրկ ընդ գիրկ խառնելոց  
 իցէք ախոյենիցն . եւ գիտացի թէ Պար-  
 սիկք որ զհետ ձեր գան այնպէս վա-  
 ռեալ են , զի ի հեռաստանէ եւեթ  
 ճակատեալ մարթեն կռուել , երկեայ  
 թէ մի վասն զի սակաւաւորք իցէք եւ  
 լսկ եւ թափուր յօգնականաց , անկեալ  
 ի բազմամբոխ թշնամիսն , վիշտս ինչ  
 կրիցէք : Արդ այժմիկ արս հուժկուս  
 ընդ ձեզ առեալ գայք . լինիցին եւ  
 նոցա զէնք հանգոյն մերոց զինուց . իսկ  
 զմիտս նոցա յորդորել , այն մեր գործ  
 լիցի : Վանզի իշխանի գործ այն է , ոչ  
 ինքն եւեթ առաքիւնի լինել , այլ եւ  
 զայնցանէ որ ընդ իշխանութեամբ ի-  
 ցեն , հոգալ , զի լաւագոյնք լինիցին :

Իբրեւ նա զայն խօսէր , նոքա ամե-  
 նէքին ուրախ լինէին , զմտաւ ածեալ

Եթէ ընդ բազմաց կռուիցին . եւ մի ոմն  
 խօսէր այսպէս . Թերեւս , ասէ , զար-  
 մանալի ինչ թուիցիմ բարբառել , ե-  
 թէ Վիւրոսի խրատ տայցեմ խօսել ինչ  
 զմէնջ , յորժամ զղէնսն առնուցուն որք  
 մեզ թիկունք օգնականութեան լինե-  
 լոց իցեն : Վանզի գիտեմ ես , ասէ ,  
 զի ճառք այնոցիկ որ բարի ինչ կամ  
 չար բաւական իցեն հասուցանել , նո-  
 քին առաւել յորդորեն զմիտս լսողացն :  
 Աւ պարգեւս եթէ տայցեն այնպիսիքն ,  
 թէպէտ եւ նուազագոյն եւս գիպեցի  
 քան զառ ի հաւասարիցն պարգեւս ,  
 սակայն մեծամեծար զնոյնս առնլիքն  
 մեծարիցեն : Աւ այժմ , ասէ , Պար-  
 սիկք թէ ի Վիւրոսէ քաջալերիցին ,  
 կարի իսկ անսայցեն , քան ի մէնջ մխի-  
 թարութիւն գտեալ : Աւ եթէ ընդ  
 հանգիտապատիւսն կարգիցին , հաս-  
 տատագոյն զայն համարիցին յորժամ  
 ի թագաւորի որդւոյ եւ իսպարապե-  
 տէ , քան եթէ ի մէնջ յայս եւ ի սոյն  
 հասանիցեն . թէպէտ եւ ոչ մերոցն  
 ինչ պարտ է հեռի լինել , այլ արժան  
 է ամենայն հնարիւք զմիտս արանցն  
 յորդորել ամենեւին , զի դոյն մեզ օգ-  
 տակար եւ շահաւոր է թէ սոքա լա-  
 ւագոյնք եւ առաքինիք լինիցին :

Ապա զղէնսն ի միջի անդ դնէր Վիւ-  
 րոս , եւ կոչեցեալ զամենայն զօրսն  
 Պարսից , խօսէր զայս գոյն օրինակ բա-

նից . Աւք պարսիկք դուք անդէն ի նմին աշխարհի ծնայք սնայք, եւ մարմինս ոչ ի վայր ինչ քան զմեզ ունիք, ըմբոն եւ ի դէպ է մի եւ միտս ապաժաման քան զմեզ ունել : Ասկ արդ թէպէտ եւ այսպիսիք ոքք էիք, բայց ի մերում աշխարհին չունէիք հաղորդութիւն հաւասար ընդ մեզ, ոչ զի ի մէջ մերժեալ էիք, այլ զի հարկ ի վերայ կայր ձեր զպէտան կարեւորս շահել : Բայց զի զպէտան ունիցիք, ինձ փոյթ լիցի հանդերձ աստուածովքն : Այսուհետեւ իշխանութիւն է եւ ձեզ, եթէ կամիք, առնուլ զէն որպէս եւ մերն ունիմք, եւ թէպէտ եւ ի վայր եւս քան զմեզ իցէք, ի նոյն վիշտս ընդ մեզ մխել, եւ եթէ լաւութիւն ինչ եւ շահ ի նոցունց գործիցի, այնմ հանդոյն մեզ արժանի լինիցիք :

Օգտաջին ժամանակն եւ դուք աղեղնաւորք եւ տիգաւորք էիք եւ մեք, եւ եթէ նուազագոյն քան զմեզ ժրանայիք, ընդ այն չեն ինչ զարմանք, քանզի չէր ձեր պարապ իբրեւ զմեզ ընդ նոյնս կրթել . բայց զինուքդ այդոքիւք ոչ մի ինչ աւելի մեք քան զձեզ ունիցիմք : Վանզի գոն զրահք զլանջօք ըստ իւրաքանչիւր պատշաճի, ասպար յահեկի, զոր ամենեքին իսկ սովոր իցեմք կրել, սուսեր կամ թուր յաջում ձեռին որով զհակառակորդսն

պարտ իցէ խոցել եւ այնմ եւեթ զգոյշ լինիցիմք թէ մի ի հարկանելն վրիպիցիմք : Աւարդ զինչ իցէ յայտմ ամենայնէ, իւ այր քան զընկեր լաւ իցէ, բայց քաջութեամբ, զոր եւ ձեզ անկ է ոչ ինչ ընդհատ ի մէնջ յանդգնել. զի յաղթութեան ցանկանալ, որ զընաւ իսկ զբարութիւնսն ծնանի եւ պահէ, զի՞ մեզ առաւել քան ձեզ դէպ իցէ : Աւ յետ յաղթութեանն յորժամ ամենայն որ ինչ պարտելոցն իցէ այն յաղթողացն լինիցի, զինչ նման է եթէ մեք աւելի իմն քան զձեզ կարօտ յաղթութեանն իցեմք :

Աւ ապա ասէ. Ասէք զամենայն, տեսանէք զզէնդ եւ զզարդդ, որ կամիցի ոք ի կիր արկանել, առցէ զգոսա, եւ գրեսցի ի հազարապետէն ի նոյն կարգ հաւասար մեզ : Ասկ որ բաւական համարիցի ի վարձկանաց համարի լինել, կացցէ մնասցէ ի զէնս սպասաւորութեանն :

Աս այսպէս ըստ սմին բանից խօսեցաւ. եւ լուեալ Պարսից զմտաւ ածէին թէ աղաչեցեալք զի ի նոյն վաստակս աշխատեալ նոցին պսակաց հասանիցեն եւ չկամիցին յանձին ունել, յիրաւի եւ յարժանի այնուհետեւ ցանդ իսկ զանհնարին տառապանաց զկեանսըն կեցցեն, եւ այնպէս ամենեքին գրէին ի մատենին, առնուին եւ զէն

բողորեքին : Այլ ի ժամանակի զի ասէին  
 թէ թշնամիք մօտ են , եւ չեւ եւս էին  
 եկեալ հասեալ , ջանայր Աիւրոս զան-  
 ձինս այնոցիկ որ ընդ իւրն լեալ էին ի  
 զօրութիւն կրթել , զճակատսն ուսու-  
 ցանել եւ յորդորել զմիտս նոցա ի  
 կռիւ :

Այլ նախ սպասաւորս ի Աիաքսարայ  
 առեալ հրաման տայր նոցա իւրաքան-  
 չիւր ումէք ի զօրականացն զամենայն  
 մատուցանել պատրաստական , որովք  
 կարօտ իցեն : Իբրեւ զայն կազմէր պա-  
 տրաստէր , չէր ինչ այնուհետեւ նոցա  
 պակաս , այլ ի մարտի հրահանգս թե-  
 ւակոխել , զի այսպէս իսկ ածէր զմտաւ ,  
 թէ նոքին քաջք յիւրաքանչիւր գործս  
 լինիցին , որք ի բաց մերժեալ ի բազ-  
 մաց միտ դնելոյ , ի մի ինչ գործ ուչ  
 առնիցեն : Այլ ի պատերազմականաց  
 անտի արդել զաղեղնաւորութեանն  
 կրթութիւն , եւ զայս եւեթ թողոյր  
 նոցա , սուսերաւ եւ նիզակաւ զրահա-  
 պատ մարտ եղեալ կռուել , որպէս զի  
 իսկ եւ իսկ վաղվաղակի զնոցունց զմիտսն  
 յարդարէր , զի կամ ի մօտոյ կամիցին  
 կռուել ընդ թշնամեացն կամ յանձին  
 ունիցին թէ չեն ինչ արժանի զօրա-  
 ւիզն օգնականութեան լինելոյ , եւ  
 զայս դժուարին էր յանձն առնուլ նո-  
 ցա , որք հմուտ էին , եթէ ոչ վասն  
 այլ ինչ իրիք կերակրիցին , այլ զի ի



վերայ այնոցիկ՝ որ կերակրենն, կը-  
աուիցին:

Եւ զայն եւս ածեալ զմտաւ թէ  
վասն որոց հակառակութիւնքն լինի-  
ցին ի մարդիկ, կարի իսկ քաջ ընդ  
նոյնս կամիցին թեւակոխել, մրցու-  
թեան հրահանգս հրամայէր նոցա, ա-  
մենայնի որ ինչ գիտէր եթէ լաւ է  
կրթել ընդ նոյնս զօրացն: Եւ զորպա-  
սուիրէրն, այսպիսի ինչ էր: Վոյզն զօ-  
րականի լաւ զանձն ընծայեցուցանել,  
եւ հլու իշխանացն լինել եւ աշխատա-  
սէր եւ վշտասէր հանդերձ յօրինուա-  
ծութեամբն եւ զինուորութեան հմուտ  
եւ զզինուցն սրբութիւն սիրել եւ առ-  
այնպիսի ինչ ամենայն առատանալ:  
Եւ հնգապետին պատուիրէր ըստ դոյզն  
զօրականի առաքինւոյ նոյնպէս եւ նմա  
լինել, եւ զհինգսն ըստ իւրումն կարի  
նոյնգունակ ընծայեցուցանել. եւ տա-  
սնապետին զտասունսն. նոյնպէս եւ  
զօրագլխին զվաշան, ըստ նմին օրինակի  
եւ սպարապետին զիւրաքանչիւր յայլոց  
իշխանացն, զի եւ ինքն առանց բամ-  
բասանաց իցէ, եւ զայնցանէ որ ըստ  
նմանէ իշխանք իցեն հոգ ի մտի ու-  
նիցի զի եւ նոքին այնոցիկ որոց արի-  
ցեն, տայցեն զպատշաճսն գործել:

Եւ վարձս եւս խոստանայր զօրավա-  
րացն եթէ զգունդսն ազնուադոյն կազ-  
միցեն, հազարապետս լինել, եւ զօ-

րագլխացն որ լաւագոյն զգունդսն ցուցանիցեն, ի զօրավարաց տեղիս ելանիցեն. դարձեալ եւ ազնուազունաց ի տասնապետաց անտի ի զօրագլխաց տեղիս կալ. եւ հնգապետացն նոյնպէս ի տասնապետաց տեղիս. եւ ի գոյզն զօրականաց որ յաղթիցենն ի հնգապետաց կարգս անցանել: Ամարձակ էր ամենեցուն իշխանացն այնոցիկ նախ իշխանաւորացն պաշտօն առնուլ. եւ ապա այլ եւս ինչ պատիւք որ իւրաքանչիւր ումէք վայելէին, զայնր զհետ դային, եւ մեծ եւս ակնկալութիւն գովութեան արժանաւորացն ցուցանէր, եթէ յապա ժամանակսն յաճախեսցեն բարութիւնքն:

Աստատանայր յաղթութեան պարգեւս ամենեցուն գնդացն եւ ողջոյն իսկ վաշտուց եւ տասանցն որպէս եւ հնգիցն, եթէ հպատակագոյնք իշխանացն երեւիցին, եւ յօժարագոյնս կրթեալ յայնոսիկ որ արգ ճառեցան. եւ էիննոցա յաղթութեան պարգեւքն, որպէս ինչ վայելիցեն բազմամբօխն բազմութեան. զայս ինչ պատուիրէր եւ սոյն էր կրթութիւն զօրացն:

Ասորանս եւս կազմէր, որչափ զօրագլուխքն էին, մեծամեծս որպէս զի բաւական լինիցին իւրաքանչիւր գնդացն. իսկ գունդն հարեւր այր էր. եւ հարկանէին վրանս ըստ գնդաց գնդաց,

Եւ առ միմեանս զխորանսն հարկանելով համարէր ի միտս թէ այն օգուտ առ յապա պատերազմին լինիցի, զի յորժամ տեսանիցեն զիրեարս նոյնպէս զմի օրինակ կերակրեալ, եւ չգուցեն ի միջի նուազութեան բարուրք առ ի Լքանելոյ ոմանց եւ ի վայր քան զմիմեանս լինելոյ ի թշնամիս անդր. եւ այնմ եւս շահ համարէր ճանաչել զմիմեանս յորժամ առ իրեարս խորան հարեալ նստիցին: Օ՛հ այսպէս կարծէր թէ ճանաչելովն ամենեցուն առաւել իմն լինիցի ամաչել. զի որ անձանօթքն իցեն, դիւրին իմն զչարիսն գործիցեն իբրեւ զայնոսիկ որ ի խաւարի կայցեն:

Վա եւ խորանակից բնակութեամբն մեծ իմն օգուտ համարէր լինել առ ի կարգել ճշդիւ զգունդսն. քանզի ունէին ընդ իւրեամբք զօրավարքն զգունդսրն կազմեալս վառեալս ի զարդ, որպէս յորժամ մի մի յուղի անկեալ երթայցէ գունդն, եւ զօրագլուխքն զվաշտան ունէին, ըստ նմին օրինակի եւ տասնապետքն զտասունսն եւ հինգապետքն զհինգսն: Իսկ զգնդացն համար ստոյգ գիտել, յոյժ իսկ լաւ թուէր նմա առ չամբոխելոյ եւ խռովելոյ, եւ եթէ ամբոխիցի առ վաղվաղակի յարդարելոյ. զոր օրինակ քար եւ փայտ յորժամ ընդ միմեանս հասանիցէ պատշաճեցուցանել, թէպէտ

եւ աստ անդ վայրավատին կայցէ, դիւրին իցէ առ իրեարս մատուցանել, եթէ ունիցին ծանօթս, որպէս զի յայտ առնիցի քաջ թէ յորոց վայրաց իւրաքանչիւր ի նոցանէ իցեն: Աւ այնմ իմն եւս օգուտ համարէր զի ի միասին միանգամայն սնեալք զմիմեանս չկամիցին թողուլ, քանզի եւ զգազանսն տեսանէր զայնոսիկ որ առ միմեանս պառակ պառակ արածիցին, դժկամակ լինիցին եթէ քակեսցէ ոք զնոսա յիրերաց:

Աւ զայնմանէ եւս փոյթ առնէր Աիւրոս, զի մի երբեք առանց քրտանց ի ճաշ կամ յընթրիս մատչիցին. զի կամ յորս հանեալ տայր նոցա ընդ քիրտն մտանել, կամ այնպիսի խաղուց հնարագիւտ լինէր որք քիրտն բերիցեն. կամ եթէ գործոց ինչ պէտք լինէին, այնպէս առաջնորդէր գործոյն զի մի առանց քրտանց ի բաց գնայցեն. զի եւ զսոյն լաւ համարէր առ յօժարութեամբ ուտել եւ ողջ լինել եւ առ կարօղ լինել ի գործ ինչ վաստակել: Աւ զգօնագոյնս առ միմեանս լինելոյ հնարս զաշխատութիւնսն համարէր. քանզի եւ երիւարք որ ընդ միմեանս վաստակիցին, հանդարտագոյնք լինիցին: Աւ ի թշնամիս անդր յորդորագոյնք լինիցին որք գիտիցեն զանձանց թէ քաջք են եւ կրթեալք:

Իւր եւս վրան կազմէր Աիւրոս , առ ի բաւական լինելոյ տանել զորս յընթրիս կոչիցէ : Առչէր զբազումս ի զօրագլխացն զոր ինքն ի դէպ համարէր . էր զի եւ ի հազարապետաց եւ ի տասնապետաց , զոմանս եւ ի հնգապետաց կոչէր . էր երբեք զի եւ ի զօրաց անտի , էր զի եւ զհինգսն ողջոյն եւ զտասունսն բովանդակ , եւ զբնաւ վաշտն եւ զողջ իսկ գունդն : Առչէր եւ մեծաշուք մեծապատիւ մեծարէր յորժամ զոմանս տեսանէր այնպիսի ինչ գործեալ , զի զամենեսին կամէր թէ գործէին : Ալ որ ինչ առաջի յօրինէր հանապազ հասարակաց էր նմա եւ հրաւիրելոց յընթրիս անդր :

Իսկ զսպասուաւորս շուրջ զզօրօքն բաժանակիցս միշտ ամենայնի առնէր . զի ոչ խուն ինչ պատուոյ արժանի զսպասուորս զօրականացն հաշուէր քան զքարողսն եւ զհրեշտակս : Օ՛ի պարտ եւ պատշաճ համարէր լինել նոցա հաւատարիմս եւ խելամուտս զինուորութեան եւ հանճարեղս եւ սաստիկս եւ երագունս եւ անդանդաղս եւ աներկեւղս : Ալ առ սոյնս գիտէր Աիւրոս թէ որ ինչ ազնուագոյնքն ունիցին պարտ է եւ սպասուորացն ունել եւ ընդ նոյն կըթել , զի մի իցէ թէ չառնուցուն գործ ինչ յանձին , այլ զամենայն անձանց վայելուչ համարիցին որ ինչ իշխանն հրաման տայցէ :

## Գ Լ Ո Ւ Խ Բ

ՅԱՆԳ իսկ փոյթ առնէր Վիւրոս յորժամ առ միմեանս խորան հարեալ նստէին, զի ուրախութեան ճառք ի մէջ անկանիցին որ եւ ի լաւութիւն յորդորիցեն: Արդ հասանէր երբեմն յայսպիսի ինչ բանս: Միժէ, ասէ, ով արք, ապաժամանք ինչ ընկերքն քան զմեզ յայն սակս թուիցին, զի ոչ զնոյն օրինակ հանգոյն մեզ խրատեալ իցեն, կամ շիցէ ինչ ի միջի խրտրոց ի մէնջ, ոչ յորժամ ի միասին իցեմք եւ ոչ յորժամ ընդ թշնամիս հասանիցէ մարտընչել:

Ա ըշտասպէս պատասխանի տուեալ ասէ. Այլ թէ որպիսիք ոք ի թշնամիսն լինիցին, ես չեւ եւս կացի ի վերայ, զի եւ ի հաղորդութեանն ոմանք ի նուցանէ դժուարինք երեւէին: Արէկ, ասէ, առաքեաց Վիաքսարէս նուէրս առ գունդ գունդ, եւ եղեն իւրաքանչիւր ումեք ի մէնջ երեք երեք բաժինք կամ թէ աւելի եւս, եւ զայն շրջեցուցանէին. յինէն սկիզբն արար խոհակերն զառաջինն շրջեցուցանել. իսկ յորժամ առ երկրորդն մատեալ շրջեցուցանել, հրաման ետու ի վերջնոյն առնել սկիզբն եւ ներքուստ ի վեր շրջեցուցանել, մի ոմն ի զօրականաց անտի բազմելոց ի մի-

ջին տեղւոջն, զբողոք բարձեալ ասէ,  
 Աստամենեւին չիք իսկ հաւասարութիւն  
 եթէ ի մէնջ որ ի միջիս կամք շառնիցէ  
 ոք սկիզբն:

Աւ իմ լուեալ արտմեցայ եթէ նը-  
 ւազեալ ինչ իւիք իցեն, վաղվաղակի  
 կոչեցի զնա առ իս, եւ նա փութով  
 ունկնդիր եղեւ: Իսկ իբրեւ զոր շրջե-  
 ցուցանէինն եհաս առ մեզ, մանունքն  
 մնացեալ էին. նա յայնմ վայրի ամե-  
 նեւին իսկ արամեալ ատրեալ երեւէր  
 եւ ասէր ցիւր անձն. Ո՛հ ո՛հ զի այժմ  
 կոչեցայ զալ այսր. եւ ես ասէի թէ մի  
 հոգար, զի վաղվաղակի ի մէնջ սկիզբն  
 լինիցի եւ դու նախ զմեծն առնուցուս:  
 Ապա զերրորդն շրջեցուցանէին, եւ այն  
 եւեթ մնացեալ էր. առ նա յետ իմ,  
 եւ յորժամ առնոյր եւ երրորդն, եւ թը-  
 ւեցաւ նմա թէ մեծ եւս քան զիւրն առ,  
 ընկէց զոր առն զի այլ առցէ:

Իսկ խոհակերին կարծեալ, թէ չիցէ  
 ինչ նմա պիտոյ խորտիկ, գնայր եւ  
 շրջեցուցանէր մինչ չեւէր նորա առեալ  
 այլ: Յայնմ վայրի այնպէս աղէտին  
 չժուժեաց զի հանաւ ի նմանէ խորտիկն  
 զոր առ, եւ որ ինչ նշխար կայր ի կե-  
 րակրոյն, զայն իսքանչանալոյ անտի եւ  
 ի ցասնոյ ընդ բախան գլարեալ տա-  
 պալեաց: Իսկ զօրագլուխն որ մօտ առ  
 մեզ կայր, իբրեւ ետես ծափ զծափի  
 հարկանէր եւ ուրախ լինէր ծաղու.

բայց ես, ասէ, հազալ պատճառէի. քանզի եւ ես չկարէի կարճել զճաղըն: Յուցանեմ քեզ, Վիւրոս, թէ մի ոք յընկերաց անտի այնպիսի ոք է:

Ընդ այն որպէս ի դէպ էր ծիծաղեցան. եւ այլ ոմն ի զօրավարաց անտի խօսել սկսաւ եւ ասէ. Այս այր ով Վիւրոս որպէս թուի իսկ խստի ումեք դիպեցաւ: Իսկ ես, յորժամ ուսուցեալ զկարգս ճակատուցն առաքեցեր զմեզ, եւ պատուէր ետուր իւրաքանչիւր ումեք իւրում գնդին զոր ինչ միանգամ առ ի քէն ուսաք, ուսուցանել. այսպէս եւ ես, որպէս եւ այլքն առնէին, երթեալ ուսուցանէի գունդ մի. եւ կացուցեալ զզօրագլուխն յառաջ եւ ըստ նմանէ կարգէի այր մի երիտասարդ եւ զայլն եւս մի ըստ միողէ ըստ իւրաքանչիւր պատշաճի. ապա կացեալ հանդէպ դէտակն ունէի գնդին, եւ յորժամ այսպէս թուեցաւ ինձ թէ ժամ իսկ է, հրաման ետու խաղալ գնալ:

Իսկ այրն երիտասարդ քան զզօրագլուխն յառաջեալ ընթացաւ. եւ իմ տեսեալ ասէի, Ով այր դու զի՞նչ գործեսդ. եւ նա ասէ. Արթամ որպէս դուն հրամայեցեր. եւ ես ասեմ, թէ Աս ոչ քեզ միայն հրաման ետու գնալ այլ ամենեցուն իսկ: Նորա զայս լուեալ դարձեալ առ գունդն ասեր.



Չլսիցէք, ասէ, զի պատուիրէ ամենե-  
ցուն խաղալ զնալ, եւ արքն ամենե-  
քին անցեալ զզօրագլխաւն հասին առ  
իս: Իբրեւ դարձուցանէր զնոսա զօ-  
րագլուխն, դժկամակ լինէին զայրա-  
նային եւ ասէին. թէ ո՛ւմ պարտ իցէ  
հնազանդել. զի մին արդ հրաման տայ  
զնալ եւ մեւսն՝ ոչ: Եւ ես ժուժեցի  
այնմ ամենայնի հանդարտութեամբ,  
միւսանգամ զետեղեալ ասէի թէ մի  
ոք յայնցանէ որ յետոյ կայցեն, խա-  
ղայցէ ի տեղւոջէ, մինչ չեւառաջնոյն  
խաղացեալ. եւ այնմ եւեթ միտ ե-  
ղեալ նայիցին զի զառաջնոյն զկնի  
երթայցեն:

Եւ յորժամ կամեցեալ ուրուք ի  
Պարսս երթալ, եկն առ իս, եւ հրա-  
մայեաց տալ զթուղթն զոր գրեցի ի  
տուն իմ. եւ ես, քանզի զօրագլուխն  
գիտէր թէ ուր կայր հրովարտակն,  
հրաման ետու նմա երթալ բերել  
զթուղթն. մինչ դեռ նա երթայր,  
դհեա խաղայր զօրագլխին երիտասարդն  
զրահապատ հանդերձ սուսերաւն եւ ի-  
բրեւ ետես զնա այլ եւս գունդն ամե-  
նայն, խուռն դիմէին, եւ զային արքն  
բերէին զթուղթն: Այսպէս, ասէ, իմ  
գունդն զամենայն ինչ որ ի քեն պա-  
տուիրեցաւ, հաստատուն ունին:

Ամենէքին որպէս ի դէպ իսկ էր ընդ  
օպասաւորութիւն թղթոյն ծիծաղե-

ցան: Իսկ Աիւրոս ասէր. Ահ, որպիսի արս բարեկամս ունի՞՞ք, եւ այնչափ հպատակ միտս ունին, մինչ զի սակաւիկ ինչ ռոճկաւ բազում բարեկամս ի նոցանէ մարթիցի ստանալ: Աւ այնչափ հլուք ոմանք են, զի մինչ չեւ դիտացեալ զհրամանն, հնազանդին: Աս չգիտեմ թէ որպիսի զօրականս պարտ իցէ խնդրել առաւել քան զդոսս:

Ի միասին ծիծաղեալ ապա յարգէր զզօրականսն: Աէպ եղեւ զի էր ոմն ի վրանի անդ ի զօրագլխաց անտի Ագլայիտադաս անուն, այր խիստ բարոյիւք. սա այսպիսի ինչ խօսէր. Թէ կարծիցես ասէ, ով Աիւրէ եթէ դոքա ճշմարիտ ասեն քեզ զայդ: Ասէ Աիւրոս. Իսկ զինչ կամիցին ստելովն. զինչ այլ ինչ ասէ, եթէ ոչ ծաղր կամին գործել, վասն որոյ եւ ասենն իսկ զայս ամենայն եւ ամբարտաւանեն:

Իսկ Աիւրոս Վովեա, ասէ, մի կոչեր ամբարտաւանս զդոսս, զի ինձ այսպէս թուի թէ ամբարտաւանն անուն ի վերայ այնոցիկ է որ կերպարանիցին ընչաւետագոյնս լինել եւ չիցեն, եւ որ քաջքն իցեն եւ խոստանայցեն առնել ինչ որում չիցեն բաւական. եւ այն յորժամ յայտ դայցէ եթէ առնլոյ վասն եւ շահելոյ առնիցեն: Աայց որ զծաղրդ հնարին, ոչ յանձանց ինչ շահս եւ

ոչ ի վնաս լսելեացն կամ վասն վնասակարութեան իրիք. զխաճոյ ոչ առաքինիս մանաւանդ եւ ուրախութեան պատճառս յիրաւի անուանիցին քան եթէ ամբարտաւանս: Աիւրոս այսպէս զիրաւունս ցուցանէր զայնոցիկ որ ետուն ծիծաղել:

Վարձեալ զօրագլուխն որ զուրախութեան պատմութիւն զնդին ճառեաց, ասէր Ով Ազգայիտադա եթէ մեր ջանացեալ էր լացուցանել զքեզ, կարի իսկ եպերէիր զմեզ, զոր օրինակ ոմանք եւ նուագօք եւ բանիւք վիպագործքն ճառս յարդարեն եւ յարտասուս փութան ածել. ուր եւ այժմ իսկ ինքնին զիտես եթէ կամիմք ուրախ առնել զքեզ եւ վնասել ոչ, սակայն եւ այնպէս անարգես շատ եւ անպատուես:

Ասէ Ազգայիտադաս, թէ Յիրաւի իսկ. քանզի բազում անգամ թուի ինձ թէ քան զայն որ հնարս հնարիցի նստել լալ բարեկամացն, յոռութեան գործ գործիցէ որ զծաղըն հնարիցի նոցա: Աւ գտանես եթէ զճշմարիտն խօսիմ եթէ ուղիղ ածիցես զմտաւ: Ալով եւ աշխարանօք հարք, որդւոց զգգաստութեան հրահանգսն հնարին, եւ վարդապետք, մանկտւոյ ընտիր ընտիր ուսումն, եւ օրէնք ստիպեն նստել եւ լալ, եւ յորդորեն յիրաւունսն: Օ՛ի զայնցանէ որ զծաղըն մենքենայի-

յեն կարիցեն՝ ինչ ասել թէ մարմնոցն օգուտ իցեն կամ զոգիսն խնամակալս գործիցեն կամ առաքինիս :

Ասէ այսպէս Վրշտասպէս . Ով Ագղայիտադա , եթէ անսայցես դու ինձ , խրախուսեաց ի թշնամիս անդր , արա զայդ զոր մեծ իսկ համարիս , եւ դուն ի վերայ դնիջիր զի թշնամիքն նստեալ լայցեն . եւ բնաւ մեզ բարեկամացս , զանարգ ծաղրդ շնորհեսցես . քանզի գիտեմ թէ բազում ծաղր մթերեալ կայ ի քեզ . ոչ դու ի կիր արկեալ ծախես եւ ոչ բարեկամաց եւ ոչ օտարացն կամաւ տաս ծիծաղել . որպէս զի ոչ մի ինչ բարուրք դոն առ ի չշնորհելոյ քեզ մեզ ծաղր : Ագղայիտադաս ասէ . Աւ դու դարձեալ ով Վրշտասպէ ջանաս ի ծաղր ածել զիս : Աւ զօրագլուխն ասէ . Այն ամենեւին իսկ անմտի գործ է . զի կարծեմ թէ հուր ումեք ի քէն դիւրին է հանել քան եթէ ծաղր :

Բնդ այն ամենեքին գբբբիջ բարձին զի գիտէին զբարսն նորա . եւ ինքն իսկ գլխովին Ագղայիտադաս ժպտէր : Աիւրոս իբրեւ ետես զնա զուարճացեալ . Ապիրատութիւն գործես ասէ ով զօրագլուխ դու զի զայրդ առաքինի զեղծուցանես զի հաւանեցուցանեսդ ծիծաղել . եւ այն զի այնչափ ծաղու թշնամի իցէ : Այս ցոյս վայր ասացաւ :

Այս խօսէր այսպէս Քրիստոնոսաւ .  
 Բայց ես, ասէ, ով կիւրոս եւ ամենե-  
 քին որ աստ կայք, զմտաւ ածեմ թէ  
 եւ քաջք եւ ապաժամանք ելին ընդ  
 մեզ. եւ եթէ լաւութիւն ինչ գործի-  
 ցի, պահանջիցեն ամենեքին դռքա հա-  
 սարակ բաժինս առնուլ: Բայց ես յիրս  
 մարդկօրէնս ոչ ինչ անհարթութիւն  
 քան զայն չար համարիմ, չարի եւ  
 բարւոյ զոյգ ի պատիւս վայելել: Առ-  
 այն կիւրոս ասէ, Սեզ լաւ այսպէս  
 է, արք, խորհուրդ ի ներքս արկանել  
 ի զօր անդր, խորհել թէ որ հաճոյ  
 թուիցի, եթէ զինչ բարութիւն յաշ-  
 խատութեանցն դիքն տայցեն, այնմ  
 զամենեսեան հասարակօրդս առնել, ե-  
 թէ նայեցեալ ընդ գործս արդեանց  
 իւրաքանչիւր ուրուք, ըստ գործոցն  
 նոյնպէս զպատիւ մեծարանացն կար-  
 դել դնել առաջի:

Ասէ Քրիստոնոսաւ. Գի՞նչ պարտ  
 իցէ արկանել ի մէջ վասն նորին բանս  
 եւ չասել թէ այսպէս ես առնելոց.  
 միթէ ո՞չ դու եւ զմրցութեան հրա-  
 հանգսն, ասէ, կանխաւ ասացեր եւ  
 զպարգեւան: Ասէ կիւրոս. Այլ չէ այս  
 այնմ նման. զի զոր ինչ ի պատերազմի  
 ստանայցեն, թուի ինձ թէ առ հասա-  
 րակ անձանց հաշուիցին. սակայն զիշ-  
 խանութիւն զօրավարութեանն եւ յաշ-  
 խարհէ իսկ ինձ համարին. որպէս զի

Եթէ ոստիկանս կարգիցեմ չկարծեն ինչ եթէ զրկեմ:

Ասէ Վրիւսանտաս. Եթէ կարծիցե՞ս թէ ի մի վայր եկեալ բազմութեանն, վճիռ տայցեն թէ մի իւրաքանչիւր հաւասար առնուցու, այլ ազնուագոյնքն եւ պատուովք եւ պարգեւօք առաւել լինիցին: Աիւրոս ասէ. Ինձ թուի թէ յորժամ դուք ջատագով մտանիցէք, եւ զի ամօթ եւս իցէ ընդդէմ դառնալ թէ մի որ բազումն գործիցէ եւ հասարակաց շահ առնիցէ, նա եւ մեծամեծաց արժանի լինիցի: Աարծեմ, ասէ, եւ չարացն այն պատշաճ թուիցի, առաւել լինել լաւացն:

Բայց Աիւրոս եւ վասն նոցին իսկ պատուակցացն կամէր ընդ վճիռն. զի եւ զնոսին ազնուագոյնս լինել կարծէր, եթէ տեսանիցեն զի եւ ինքեանք յարգեանցն դատիցին եւ ապա պատուոց հասանիցեն. նմա դիպօղ թուէր յայնժամ իսկ արկանել վասն նորին վճիռ, յորժամ եւ հանգիտապատիւքն իսկ տաղտկային ընդ ամբօխին հաւասարութիւնն. եւ այնպէս ամենեցուն որ ի վրանի անդ էին հաճոյ թուեցաւ, բանս վասն նորին ի ներքս արկանել. եւ ասէին թէ որ համարիցի ոք այր լինել, պարտ եւ պատշաճ է այնմ մտանել ջատագով:

Մի ոմն ի զօրագլխացն ժպտեցաւ եւ ասէ. Ես, ասէ, գիտեմ զայր մի ի խառնիճաղանճ զօրուէ այտի, որ հաւանեցուցանէ, որպէս թէ մի ընդ վայր ինչ այնպէս հաւասարութիւն լինիցի: Եհարց այլ ոք ցնա թէ զումէ ասիցէ. նա ետ պատասխանի թէ այրն մեր վրանակից է, որ յամենայնի իսկ եւ ի բնաւի խնդրէ առաւել ունել: Այլ ոմն գարձեալ եհարց զնա. Սի՞թէ եւ առաւել վաստակիցի: Այ, ասէ. յայդմ եւեթ սուտ գտայ, զի ի վաստակս եւ յայլ եւս ինչ նոյնպիսիս, ամենեւին իսկ հանդարտագոյնս ցանգ թողուայնմ որ կամիցի, աւելի ինչ ունել:

Եսէ Կիւրոս. Եւ ես գիտեմ ով արք զայնպիսի մարդիկ, որպիսի ինչ այժմ սա պատմէ, եթէ պարտ իցէ գործօն եւ հնազանդ զօրս ունել, մերժել զնոսա ի զօրաց անտի: Օ՛հ թուի ինձ թէ մեծ մասն զօրացն, զհետ գան յո ոք ածիցէ զնոսա. լաւքն եւ առաքինիք ձեռն ի գործ արկանեն ի լաւութիւնսն տանել, իսկ չարքն եւ չարաչարք ի յուսն. նա աւանիկ բազում անգամ բազում միամտեալս անզգամքն գումարիցեն քան զժրագլուխսրն: Վրանզի չարութիւն ընդ մօտաւոր իսկ ցանկութիւնսն յուզի անկեալ, զնոսին իսկ զցանկութիւնսն ունիցի հաւանեցուցիչս հաճեալ միա-

մտել ընդ նմա: Իսկ առաքինութիւն քանզի ընդ ուղղորդն տանի, բնաւ իսկ չէ ձեռնհաս անդէն խառն ի խուռն ձգել կուտել: Այլազգ եւս, եթէ իցեն եւ ոմանք որ ի գրգութիւն կոչիցեն, եւ այնուհետեւ եթէ ոմանք եւ անձնդիւրութեամբ եւ ծուլութեամբ զգածեալ իցեն, ես այսպէս համարիմ զնոցանէ եթէ պիծակաց պէս, ծախուքն եւեթ փնաս զովողացն առնիցեն: Աւ որք շարաշար կցորդք վատակոց իցեն եւ առ ազահել սաստիկք եւ անամօթք, նոքին եւ ի յուութիւնսն առաջնորդք լինիցին: Վանդի մարթեն բազում անգամ զչարութիւնն առաւելեալ ցուցանել: Արպէս զի ամենեւին իսկ մերժելի են այնպիսիքն ի մէջ:

Իայց զայն ինչ ածիցէք զմտաւ թէ զգունդսն զիւրդ ընուցուք քաղաքացեօք. այլ զոր օրինակ յորժամ երիւարս խնդրիցէք, զի ազնիւ երիւարքն իցեն, խնդրէք, եւ ոչ եթէ զի հայրենիք իցեն. նոյնպէս եւ արս յամենեցունց որք ձեզ հաճոյ թուիցին զօրութեամբ եւ պնդութեամբ եւ զարդու, զնոսա առէք. նա եւ այս եւս վկայ է ինձ թէ այն բարւոք է, զի եւ ոչ կառք ուրեք երազ սուրայցեն յորժամ յամրագնաց երիւարքն իցեն եւ ոչ ուղղորդ գնայցեն եթէ թերավարժք



լուծք ջորւոցն իցեն, եւ ոչ տան մարթէ շէն լինել որ չար ծառայիւքն վարիցի. լաւ իցէ ծառայիւք կարօտ լինել քան յանիրաւացն աղմուկ կրել: Վա եւ զայս ի միտ առէք, ասէ, արք բարեկամք, զի ոչ այն եւեթ օգուտ գործիցի յորժամ չարքն ի միջոյ բառնայցին, զի չարք մերժեցան. այլ եւ ի մնացելոցն որք դեռ չարեօք լի իցեն, միւսանգամ ի չարեացն սրբիցին. եւ յորժամ զչարսն լաւքն տեսանիցեն արհամարհեալս եւ անարգեալս, յոյժ իսկ յօժարութեամբ զքաջութենէ բուռն հարկանիցեն:

Վա զայս ասաց, եւ բարեկամացն ամենեցուն նոյն հաճոյ թուեցաւ եւ ըստ նմին օրինակի առնէին: Ապա դարձեալ խաղալ սկսաւ Կիւրոս: Ատես զի ոմն ի զօրագլխացն ածեալ էր բազմականակից եւ կոչնական զայր մի թաւ եւ սոգեղ երեսօք, կարդաց զզօրագլուխն յականէ եւ ասէ այսպէս. Ով Սամբաւղա, ասէ, եւ դու ըստ յունական օրինակին, վասն զի գեղեցիկ է, շրջեցուցանես զպատանեակդ որ առքեզ բազմեալ կայ: Սամբաւղաս ասէ. Ուրախ լինիմ յորժամ ընդ նմա իցեմ եւ տեսանիցեմ զնա. իբրեւ զայն լուան խորանակիցքն խոնարհեալ մանր նայէին. եւ տեսեալ զառնն տեսին առաւել ժանդ, ամենեքին քրքջէին:

Մի ոմն անդուատ ասէ . Ով Սամբաւա զինչ գործէ այրդ եւ զոր սպաս հարկանէ նա քեզ . եւ նա ասէ . Պատմեցից ձեզ ով արք : Վանիցս անգամ թէ կոչեցի զնա եթէ գիշերի եթէ զցերեկ, ոչ երբեք ուրեք զանպարապուծիւնն բարուրս արար, եւ ոչ հեղգացաւ հնազանդել, այլ դիմեալ գայր միշտ, եւ քանիցս անգամ իրս ինչ կամ գործս հրամայեցի դմա, ոչ ուրեք տեսի զնա թէ առանց քրտանց առնիցէ : Արար եւ տասունս ամենեւին նոյնպիսիս ոչ բանիւ այլ արդեամբք յայտ արարեալ թէ որպէս պարտ իցէ լինել : Ասէ ոմն . Աթէ այդպէս իցէ ոչ համբուրես դու զնա որպէս եւ զազգակիցսն : Առ այն տգեղն ասէ . Զիչէ, ասէ, աշխատասէր . քանզի եթէ համբուրել զիս կամիցի, շատ է նմա այն փոխանակ ընդ ամենայն մրցու թեանցն հրահանգաց :

## Գ Լ Ո Ւ Խ Գ

ԱՅՍՊԻՍ մերթ ծաղու մերթ կարեւոր բանք եւ գործք ի վրանի անդ լինէին : Աւ ապա զերրորդ նուէրսն արարեալ եւ յաղօթս կացեալ դիցն վասն բարեաց ինչ աւճան գտանելոյ, եւ մեկնեցան ի միմեանց երթալ յիւրաքանչիւր անկողինս : Ի վաղիւ անդր Վիւրոս

զգօրսն ամենայն ե մի վայր գումարէր,  
եւ սկիզբն առնէր խօսել այսպէս:

Աւք բարեկամք պատերազմն մօտ  
կայ, քանզի մերձեանն թշնամիքն, եւ  
պարզեւք յաղթութեան, եթէ մեք  
յաղթիցեմք, յայտ է թէ եւ թշնա-  
միքն մեր իցեն եւ ամենայն բարու-  
թիւնք թշնամեացն: Աւ եթէ մեք  
յաղթիցիմք, քանզի եւ զայն միշտ  
պարտ եւ պատշաճ է ասել, բնաւ իսկ  
արարք պարտելոցն որոց յաղթիցեն  
ցանգ յաղթութեան վարձք լինիցին:  
Պարտ է ձեզ ի միտ առնուլ թէ յոր-  
ժամ մարդիկն, որք կցորդք պատերազ-  
մին իցեն, զմտաւ ածիցեն իւրաքան-  
չիւր յանձինս իւրեանց զի եթէ ոչ  
ինքն իսկ յօժարիցէ, ոչ մի ինչ ի պատ-  
շաճիցն լինիցի, վաղվաղակի բազում  
ինչ եւ գեղեցիկ գործք գործիցին, եւ  
ոչ մի ինչ անգործ մնայցէ յայնմ ա-  
մենայնէ զոր պարտ իցէ վճարել: Իսկ  
յորժամ իւրաքանչիւր ոք զմտաւ ա-  
ծիցէ թէ է այլ ոք որ վճարիցէ եւ  
կռուիցի, թէպէտ եւ ինքն յուզու-  
թիւն եւ ի ծուղութիւն հարեալ հա-  
տանիցի. այնպիսեացն, ասէ, ամենեւին  
իսկ համօրէն դժբնդակքն ի վերայ հա-  
սանիցեն: Աւ դիք իսկ զնոյն օրինակ  
առնիցեն բնդ նոսա, զի որոց չկամինն  
անձանց հրաման տալ ի լաւութիւնս  
վաստակել, զայլս հրամանատուս կա-

ցուցանեն նոցա: Ալ արդ, ասէ, յա-  
րուցեալ խօսեսցի ոք աստ վասն նորին  
իսկ այնորիկ, թէ զիարդ յառաքինու-  
թիւնս առաւելագոյն լինիցի մեզ թե-  
ւակոխել, արդեւք թէ որ կամիցի ոք  
վաստակել եւ վշտանալ շատ, բազում  
եւ պատուոյ հասանիցէ, եթէ յորժամ  
զիտիցեմքն թէ չիցէ ինչ խտիր յո-  
ռութիւնսն հատանել: Քանզի ամե-  
նեքին նոյնգունակ ի նոյն կշիռ պատիւ  
հասանիցեմք:

Յայնմ վայրի յոտն եկաց Քրիստոս-  
տաս, մի ոմն ի հանգիտապատուաց ան-  
տի, ոչ յաղթ ոք էր այրն եւ ոչ ուժ-  
գին տեսանելով, բայց ընտիր իմաս-  
տութեամբ, եւ խօսէր այսպէս ըստ  
սմին բանից: Թուի ինձ ով Աիւրոս,  
թէ ոչ վասն զի զմտաւ ածեր, թէ  
պարտ է չարացն եւ լաւացն զկշիռ հա-  
սարակ ունել, յայն սակս ինչ արկեր  
զճառօդ, այլ կամիս իմն զչափ առնուլ  
զհանդէս տեսանել, եթէ իցէ ոք այր,  
որ կամիցի յայտ զանձնէ առնել թէ  
խորհիցի ոչ մի գործ լաւութեան գոր-  
ծել, եւ զոր ինչ այլքն քաջութեամբ  
վճարիցեն, նոցին հասարակորդ լինել  
եւ զնոյն բաժինս առնուլ: Բայց ես,  
ասէ, ոտիւք չեմ ինչ թեթեւագնաց  
եւ ոչ ձեռօք հուժկու. եւ գիտեմ  
թէ նոքիմք զոր ես իմով մարմնովս  
գործիցեմ, ոչ առաջին ընտրիցիմ եւ

ոչ երկրորդ, թուի ինձ թէ եւ ոչ ի հազարսն իսկ, թերեւս եւ ի բերսն ոչ: Աւ այնմ եւս խելամուտ հաստատութեամբ եմ, զի թէպէտ եւ հարուստքն իրս մեծամեծս վճարիցեն զօրութեամբ, կայցէ եւ ինձ մասն մի ինչ ի բարութենէ անտի որչափ արժանն իցէ: Իսկ եթէ շարքն ոչ ինչ գործ գործիցեն, եւ առաքինիքն եւ հարուստքն անյօժարք լինիցին կասկածիմ, ասէ, մի դուցէ մանաւանդ այլոց ինչ իրիք եւ ոչ եթէ արարոց բաժնի կցորդ աւելի քան զայն զոր կամիմն, լինիցիմ:

Օայս ինչ խօսեցաւ Քրիստոստաս, կանգնեցաւ կաց յետ նորա Փերաւղաս պարսիկ ի խառնադանձ ռամկէն, յաշխարհի անդ ընտելակից Աիւրոսի, եւ առաքինի այր, մարմնովն ոչինչ գծուծ, եւ մտօքն չէր նման անտոհմ մարդոյ, եւ խօսեցաւ այսպէս:

Աս այսպէս հաշուիմ Աիւրոս եւ ամենայն Պարսիկք՝ որ աստղ կայք, թէ մեք ամենեքին հասարակ դիմելոց իցեմք վասն առաքինութեան պատերազմել, զի տեսանեմ զամենեսին զմեզ միով դարմանով զմարմինս կրթեալ, եւ նմին հաղորդութեան զամենեսին արժանի լիեալ, եւ նոյն բարութիւնք մեր ամենեցուն առաջի կան: Քանզի հնազանդեւ իշխանացն հասարակաց

ամենեցուն է, եւ որ առանց բարրանաց վճարիցէ տեսանեմ զայնպիսին ի պատիւս հասեալ առ ի Աիւրոսէ. իսկ սաստիկ առ թշնամիսն լինել՝ ոչ եթէ միումն ի դէպ իցէ, եւ միւսումն ոչ, այլ ամենեցուն նոյն պատշաճական է:

Աւ այժմիկ, ասէ, մեզ պատերազմ ի դիմի հարկանի. եթէ տեսանիցեմ զամենայն մարդիկ ի բնէ իսկ խելամուտս որպէս եւ այլ եւս անասունք պատերազմի իրիք իւրաքանչիւր հմուտ են ոչ յայլմէ ինչ ումէքէ ուսեալ, այլ յախտարակաց, որպէս զուարակի եղջերօքն խեթկել, եւ ձիոյն ամբակաւ, եւ շան երախօքն եւ վարազի ժանեօք:

Աւ գիտեն պահել զանձինս նոյնպիսիքն յորոց պարտն իցէ առաւել պահել. եւ այն զի ոչ ի վարդապետի ուրուք հրահանգս յաճախեալ իցեն:

Աւ ես ի մանկութենէ իսկ եւ իսկ գիտէի ի դիմի հարկանել այնորիկ, յորմէ թուէր ինձ հարկանել. եւ եթէ այլ ինչ ոչ ինչ ունէի, զձեռս եւեթ հանդէպ ունէի խափանել որչափ ինչ կարօղ էի, զայն որ հարկանիցէ: Օ, այս առնէի իբր ոչ եթէ ուսեալ, այլ եւ վասն նորին իսկ դան ըմպէի թէ մի ի դիմի հարկանիցիմ: Օ, սուսեր պողովատիկ յորժամ համօրէն մանուկ էի, յափշտակէի ուր եւ տեսանէի, եւ ոչ յայլմէ ումէքէ զայն թէ զիարդ պարս

իցէ զսուսերն ունել՝ ուսեալ, եթէ ոչ ի բնութենէ, որպէս եւ ասեմ: Արդ զնոյն գործէի արգելեալ եւ ոչ եթէ ուսեալ յումեքէ: զոր օրինակ եւ այլ ինչ գոյ զոր յետ արգելոյ հօր բնութեամբ իսկ ի հարկէն գործէի: Աւհարկանէի սուսերաւ զամենայն զոր ինչ կարէի թագուցանել: Օ, ի ոչ եթէ բնութեամբ եւեթ էր զոր օրինակ գնալն եւ ընթանալ, այլ եւ հեշտականութիւն եւսնոյն թուէր:

Աւարդ որովհետեւ, ասէ, կայ մնայ այս պատերազմ, յորում յօժարութեան մանաւանդ եւ ոչ եթէ արուեստի գործ է, զիւրդ չիցէ մեզ յօժարութեամբ ընդ պատուակիցոսն մրցել ուր եւ առաքինութեանն պարգեւք հասարակ առաջի կան. բայց ոչ նոյնպէս արկեալ կամք ի վիշտս, այլ սոքա զմեծարանաց կեանս կեան, որ քան զամենայն կեանս հեշտականագոյն իցէ, որ միայն կեանքն իցէ, իսկ մեք զաշխատութեանն եւ զանարգանաց եւ որպէս կարծեմ դժընդակազոյն քան զամենայն կեանս է: Մանաւանդ, ով արք, սոյն իսկ յորդորագոյնս ի կռիւ գրգռէ զիս ընդ նոսա, զի դատաւոր իրաւընտիր Վիւրոս է, որ ոչ խանտաւորութեամբ դատի: Այլ զիցն իսկ երդմամբ ասեմ թէ թուի ինձ եթէ զորս ի լաւութեան տեսանիցէ Վիւրոս ոչ

ինչ ընդ հատ յիւրմէ անձնէ սիրիցէ:  
 Օ ի տեսանեմք զնա թէ զոր ինչ ու-  
 նիցի, տայ նոցա յօժարութեամբ առ-  
 աւել քան եթէ ինքն ունի:

Վիտեմ, ասէ, զի մեծամտեն իմն  
 դոքա թէ կրթեալ են ի քաղց եւ ի  
 ծարաւ եւ ցրտոյ տոկալ, եւ գիտեն  
 իսկ ոչ թէ զնոյնս մէք ի լաւագոյն  
 վարդապետէ ուսեալ եմք եւ ոչ նոքա  
 Վանզի այնր ամենայնի ազնուագոյն  
 վարդապետ քան զհարկն չիք որ մեզ  
 զնոյնս ուսոյց ճշգրիտ: Արթեալ են  
 նոքա զէն կրել, որոց ամենայն մարդիկ  
 հնարագիւտ լինին զի դիւրինք առ  
 կրել լինիցին: Իսկ մէք, ասէ, ընդ  
 մեծամեծ բեռամբք մտեալ ստիպէաք  
 եւ զնալ եւ արշաւել, որպէս զի այժմ  
 թուի ինձ թէ զզէնսն կրել թեւոց  
 քաջ նման է եւ ոչ բեռանց:

Արդ եւ ես պատերազմեցայց եւ որ-  
 պիսի ոք եւ իցեմ, ըստ արժանաւո-  
 թութեան խնդրիցեմ պատուել. այս-  
 պէս գիտասջիր, ասէ, ով Աիւրէ. պարտ  
 է եւ ձեզ ով արք զօրականք յանդըզ-  
 նել դիմագրաւ ի կռիւդ ընդ խրա-  
 տելոցդ այդոցիկ. զի արդ իսկ, ասէ,  
 բմբռնեալ են արքն յընկերահաշտեաց  
 կռուին: Սոյնգունակ ըստ սմին բա-  
 նից խօսէր Փերաւղաս. յարեան կացին  
 այլ եւս բազումք երկոցունց ջատա-  
 գով մտանել: Արդ հաճոյ թուեցաւ



իւրաքանչիւր ըստ անձնիւր արժանաւորութեան մեծարել, եւ Վիւրոսի գատաւոր լինել :

Այս ամենայն այսպէս վճարեցաւ : Վիւրոս զողջոյն իսկ գունդն զօրագլխաւն հանդերձ տեսանէր զիկէս արանց գնդին յերկոցունց կողմանց հանդէպ միմեանց ճակատեալ, եւ զի երկուքին զրահապատք էին եւ սուսեր յահեակ ձեռոսն եւ կիսոցն տայր յաջ ձեռոսն դաւազանս ստուարս, եւ ցայլոն ասէր կոշտս բռնալ եւ ընկենուլ : Ալ իբրեւ կազմեցան պատրաստեցան կացին, նշանակէր նոցա կռուել : Յայնմ վայրի կէսք կոշտս ընկենուին եւ ի զրահսն եւս եւ յասպարսն հարկանէին եւ ի բարձս : Իսկ իբրեւ համագունդ եղեն որ զգաւազանսն ունէին զոմանց բարձս, զայլոց ձեռս, զկիսոց պճղունս հարկանէին, եւ զայնոցիկ որ ի կոշտսն խոնարհէին զպարանոցս եւ զականջս հարկանէին : Ապա դառնային հալածական առնէին, որ զգաւազանսն կրէին, եւ բազում ծաղու եւ խաղալով հարկանէին կարգաւ եւ այլքն եւս միւսանգամ զգաւազանսն առեալ զնոյն առնէին այնոցիկ որ զկոշտսն արկանէին :

Օչարմանայր Վիւրոս ընդ զօրագլխին հնարագիտութիւն եւ ընդ նոցա հնազանդութիւնն, զի եւ կրթէին եւ ուրախ լինէին եւ զի յաղթեցին որք պար-

սից սպառազինութեանն նմանեալ էին: Այսու ամենայնիւ զուարճայեալ յընթրիս կոչէր զնոսա, եւ տեսեալ ի վրանի անդ զոմանս ի նոցանէ, զի միայն սրունք եւ միւսոյն ձեռք կապեալ էին, հարցանէր թէ զինչ անցք անցին. եւ նոքա ասէին թէ ի կոշտոյն խոցեցաք, եւ նա միւսանգամ եհարց, թէ արդեւք յորժամ խունեցանն թէ հեռին էին, եւ նոքա ասեն թէ յորժամ ի բացեայ էաք. զի յորժամ ի միմեանս հասաք, ասէին, որ զգաւազանսն տանէին, թէ խաղ իմն եւ խընճոյ էր: Ասոյ որ ի գաւազանացն խոցեցան աղաղակէին թէ ոչ խաղ թուի նոցա հարկանելն ի հեռաստանէ, միանգամայն եւ ցուցանէին զգաւազանացն հարուածսն եւ ի ձեռս եւ ի պարանոցս, սմանք յերեսս իսկ, եւ յայնժամ որպէս ի դէպ էր, ծիծաղէին ի վերայ միմեանց. ի վաղիւ անդր լի էր գաշան ամենեւին յայնցանէ որ նման նոցա էին. եւ միշտ իսկ իբրեւ ոչինչ եւս պիտանացու գործ ունէին, նովին խրատու վարէին:

Տեսեալ զայլ ոմն զօրագլուխ զի տանէր զգունդն ի գետոյ անտի ի ճաշ, մի առ մի, եւ յորժամ դէպ թուէր նմա հրաման տայր հուսկ յետին գնդին զերրորդ եւ զչորրորդ գնդաւն անցեալ կալ ի ճակատուն: Աւ իբրեւ կացին ի ճակատու զօրագլուխքն, հրաման ետ

յերկուս թեւս զվաշտն տանել: Այնու-  
 հետեւ տաննապետքն զային հասանէին  
 ի ճակատ անդր, եւ յորժամ ժամ  
 թուեցաւ նմա, հրամայեաց ի չորս  
 թեւս զվաշտն տանել: Այնպէս ապա  
 միւսանգամ հնդապետքն հասանէին զի  
 ի չորս չորս երթայցէ վաշտն: Իբրեւ  
 մօտ ի դրունս խորանին եղեն, հրաման  
 տայր երկուս երկուս երթալ, եւ մու-  
 ծանէր զառաջին դունդն եւ երկրորդին  
 պատուիրէր զալ զնորին հետ, եւ եր-  
 րորդին եւ չորրորդին նոյնպէս պատուէր  
 տուեալ ի ներքս մուծանէր, եւ այնպէս  
 ի ներքս ածեալ յընթրիս բազմեցոյց  
 որպէս մտանէինն: Օչարմացեալ Վիւրոսի  
 ընդ հանդարտութիւնն եւ ընդ ուսումնն  
 եւ ընդ խնամսն եւ ընդ հոգաբարձու-  
 թիւնս կոչեաց եւ զգունդն զայն յըն-  
 թրիս զօրագլխաւն հանդերձ:

Այր անդ եւ այլ զօրագլուխ որ յըն-  
 թրիս էր կոչեցեալ. Օխմ, ասէ, գունդ  
 ով Վիւրոս չկոչիցես ի վրանս: Օ ի յոր-  
 ժամ յընթրիս գայցեն զայդ ամենայն  
 յայնժամ առնեն, եւ յորժամ զրաւ  
 լինիցի ի վրանի նստելոյ, եւ յետոյ  
 ուրեմն քան զամենայն վաշտս հանէ  
 զվաշտն զայն վերջապահն, որ հուսկ  
 յետինս ունի զկարգեալ առաջինսն ի  
 պատերազմ. յետնոցա որ վերջապահն  
 է այլոյ վաշտու, եւ երրորդն եւ չոր-  
 րորդն նոյնպէս: Օ իարդ եւ երբ պարտ

իցէ ի թշնամեացն մեկնել գիտեմ եւ որպէս հեռանալ, եւ յորժամ ուրեք գնայցեմք, ես տանիմ, եւ առաջին գունդն առաջին, եւ երկրորդն որպէս պարտ իցէ եւ երրորդն եւ չորրորդն եւ վաշտուցն տասուներն եւ հինգէքն մինչեւ հրաման տամ ես: Աւ յորժամ, ասէ, յարեւմուտս երթայցեմք վերջապահն եւ յետինքն յառաջ անցանեն, սակայն ինձ անսան, որ յետոյն երթամ, զի ուսեալ են, եւ զհետ խաղալ եւ զանցանել, նոյնպէս հնազանդութեամբ:

Աիւրոս ասէ, եթէ զայդ միշտ առնէք: Վանիցս անգամ, ասէ, ճաշ ուտեմք: Այսուհետեւ, ասէ, եւ զձեզ կոչեցից, զի զգնդացն փոյթ յանձին ունիք եւ ի մերձենալ եւ ի հեռանալ, միանգամայն զի եւ զցայդ եւ զցերեկ, եւ զի զմարմինս շրջելով կրթէք, եւ ոգւոցն օգուտ գործէք ուսուցանելով: Աւ արդ քանզի զամենայն կրկնակի առնէք, արժան է ձեզ կրկին եւ զխրախութիւնն առնել: Ասէ զօրագլուխն. Սի ի միում աւուր, թէ ոչ եւ կրկին որովայնս տայցես մեզ: Աւ յայնժամ զբաւ առնէին ի վրանին նստելոյ: Ի վաղիւ անդր կոչեաց Աիւրոս զգունդն զայն, որպէս եւ խօսեցաւ, եւ ի միւսում եւս աւուրն: Աւ այլոցն զայն զգացեալ, այնուհետեւ ամենեքին նմանօղ նախանձաւոր լինէին նոցա:

Գ Լ Ո Ւ Խ Դ

ԵՐԲԵՄՆ մինչ հարց եւ խնդիր առնէր  
 Վիւրոս ամենեցուն զինուն զարդուն եւ  
 կարգաց, պատգամաւոր եկն ի Վիաքսա-  
 րայ, ասէ թէ եկեալ հասեալ կայ ի  
 Հնդկաց հրեշտակութիւն, արդ հրա-  
 ման տայ գալ քեզ վաղվաղակի: Բե-  
 րեալ եմ քեզ, ասէ, պատմուճան գե-  
 ղեցիկ ի Վիաքսարայ. այսպէս կամի ասէ,  
 զի զարդարեալ մեծապայծառ գայցես  
 զի նշմարելոց են Հնդիկք, թէ որպէս  
 գայցես: Իբրեւ զայն լուաւ Վիւրոս  
 պատուէր ետ զօրագլխին որ յառաջ-  
 նում գնդին կայր, զի ի ճակատու իմն  
 կայցէ, եւ մի մի ածեալ զգունդն զա-  
 ջակողմնն ունիցի, եւ պատուիրեաց  
 նմա զնոյն եւ երկրորդ զօրագլխին պատ-  
 մել, եւ հրաման ետ նոյնպէս ամենե-  
 ցուն մի ըստ միոջէ ասել:

Եւ նորա հաճեալք եւ հաւանեալք  
 վաղվաղակի պատմէին, եւ առնէին  
 զհրամանսն: Սակաւ ինչ ժամանակաւ  
 կարգեցան կացին ճակատեալ երկերիւր  
 այր. քանզի այնչափ էին զօրագլուխքն,  
 եւ թանձրութիւնն հարեւր: Եւ իբրեւ  
 կարգեցան, հրաման ետ զհետ գալ  
 որպէս ինքն տանիցի եւ անդէն ճեպեալ  
 երթայր: Ապա ի միտ առ եթէ փո-  
 շոցն որ յարքունիսն տանի նուրբ եւ

անձուկ է առ ի շգնալոյ ընդ այն ամե-  
նեցուն ճակատեալ, հրաման տուեալ  
առաջնոյ հազարաւորին եւ երկրորդ  
հազարաւորին խաղալ զառաջնոյն կնի  
եւ այսպէս մի ըստ միոջէ:

Ինքն անդադար տանէր, եւ այլ եւս  
հազարաւորքն գային կարգ ըստ կարգէ  
զառաջնոյն զհետ: Առաքեաց երկուս  
սպասաւորս ի գլուխ փողոցին, որպէս  
զի թէ անպէտ ոք իցէ ազդ առնիցեն  
զոր ինչ պարտն իցէ առնել: Աւ իբրեւ  
հասին ի դուրս անդ Աիաքսարայ, հրա-  
մայեաց առաջնոյ զօրագլխին յերկո-  
տասան արանց թանձրութիւն կարգել  
զգունդն եւ զերկոտասանապետսն ի  
ճակատու շուրջ զարքունեօքն կացու-  
ցանել. եւ հրամայեաց զնոյն երկրոր-  
դին պատմել եւ նոյնպէս մի ըստ միոջէ:  
Աւ նոքա ի գլուխ հանէին որպէս խօ-  
սեցաւն իսկ Աիւրոս:

Ամուտ նա առաջի Աիաքսարայ  
պարսիկ պատմուճանաւն առանց իրիք  
պաճուճանաց: Տեսեալ զնա Աիաքսա-  
րայ, ընդ արագութիւնն զարմացաւ եւ  
ընդ յոռութիւն հանդերձին զայրացաւ  
եւ ասէ. Զինչ իցէ այս, ով Աիւրոս.  
զինչ գործեսդ զի այդպէս երեւիս դու  
չնդկաց. ես կամէի, ասէ, թէ մեծա-  
պայծառ եւ լուսաւոր երեւէիր. զի  
եւ այն ինձ զարդ էր, քեռն իմոյ սրդ-  
ւոյ մեծապայելուչ երեւել:

Առ այն Վիւրոս ասէ. Իսկ զԽաբէսէ, ով Վիւրոս ասէ, ով Վիւրոս ասէ, քաջ զարդարէի զքեզ, եթէ ծիրանի զգեցեալ եւ ապարանջանս առեալ եւ մեհեմանդս եղեալ դանդաղէի հնազանդել քում հրամանին, եթէ այժմ զի այսչափ ինչ եւ այսպիսի զօրութեամբ այնպէս տազնապաւ հնազանդ եղէ քեզ վասն քեզ շուք դնելոյ, քրտամբք եւ փութով եւ ես ինքնին գլխովին զարդարեալ եմ եւ զքեզ զարդարեմ, եւ ցուցանեմ եւ զայլն ըստ նմին օրինակի հնազանդեալս արագ արագ քոց հրամանաց առանց դանդաղելոյ: Վիւրոս զայս ինչ ասաց. եւ Վիւրոս ասէ զմտաւ ած եթէ ուղիղ իսկ խօսեցաւ եւ հրամայեաց զշնդիկան բերել:

Ստին շնդիկքն եւ ասեն, եթէ Վուրքեաց զմեզ արքայն շնդկաց եւ հրամայեաց հարցանել թէ զմե՞ մարտ պատերազմի իցէ Վարաց ընդ ասորեստանւոյն, եւ յորժամ լսիցեմք ձեզ, հրաման ետ երթալ այսրէն առ ասորեստանեայն եւ նմա եւս զնոյն հարցանել. եւ ձեզ երկոցունցդ ասել թէ թագաւորն շնդկաց ընդ իրաւունսն հայեցեալ, ընդ այնմ է որ զրկիցի:

Ասէ Վիւրոս ասէ. Աւ արդ լուարուք ինձ եթէ չզրկեմք զասորեստանեայն եւ ոչ իւրք. ցնա իսկ հարցէք յորժամ երթայցէք թէ զինչ ասիցէ: Իսկ Վիւ-

րոս որ մօտն կայր եհարց ցՎիաքսարէս  
 եթէ եւ ես, ասէ, ասացից ինչ զոր  
 գիտիցեմ: Աւ Վիաքսարէս հրաման  
 ետ: Վուք զրոյց տուք ասէ, Հնդկաց  
 թագաւորին այսպէս, եթէ ոչ այլազգ  
 ինչ հաճոյ թուիցի Վիաքսարայ, թէ  
 մեք ասեմք, եթէ զըկեալ ինչ ի մէնջ  
 զանձն ասիցէ ասորեստանեայն, զՀըն-  
 դկաց իսկ արքայն ընտրեմք դատաւոր:  
 Նոքա զայն լուեալ գնացին: Աւ  
 իբրեւ ելին Հնդիկքն խօսել սկսաւ Վիւ-  
 րոս ընդ Վիաքսարեայ: Ո Վիաքսարէ,  
 յորժամ դայի, ոչ բազում գանձս  
 առանձինն բերի յաշխարհէ, եւ որ-  
 չափ էրն, բնաւ սակաւ ինչ մնաց  
 յայնմանէ. քանզի ի զօրսն, ասէ, ծա-  
 խեցի. թերեւս ընդ այն զարմանայցես,  
 թէ զիմորդ ծախեցի ես, ուր դու իսկ  
 կերակրես զնոսա. գիտասջիր, ասէ,  
 թէ ոչ այլ ինչ գործելով, բայց միայն  
 պատուելով եւ շնորհելով յորժամ  
 ցասնոյր ոք ի զօրականացն: Օ ի թուի  
 ինձ թէ զամենեսին զորս կամիցի ոք  
 բարուք գործակիցս կատարել յամե-  
 նայն իրս, եւս առաւել քաղցր իցէ  
 գովելովն եւ բարի առնելով քաջալերս  
 տալ քան եթէ տրտմեցուցանել եւ  
 բռնադատել: Իսկ զորս պատերազմա-  
 կան գործոց գործակիցս ոք կամիցի  
 առնել յօժարս մտօք, ինձ թուի թէ  
 զնոսա ամենեւին յորդորել պարտ է



բանիւք բարեօք եւ գործովք: Վանզի բարեկամս պարտէ լինել եւ ոչ թշնամիս այնոցիկ որ առանց բարրանաց զօրաւիզն լինելոց իցեն, ոչ ի բարութիւնս իշխանին խանտանալ եւ ոչ ի վիշտան մասն լինել:

Աւ զի զայս այսպէս գիտեմ, ընչիւք կարօտ եմ: Արդ յամենայնի ընդ քեզ հայել, դժպատեհ իմն է, քանզի գիտեմ թէ բազում ծախս առնես: Ասան որոյ արժան համարիմ առ հասարակ քեզ եւ ինձ զմտաւ ածել թէ զհարդ իցէ եթէ չպակասեցին գանձք քո: Այ ի եթէ դու առատ լինիցիս, գիտեմ թէ եւ ինձ լինիցի թողութիւն առնուլ, զի յայնպիսի ինչ առնուցում զի եւ քեզ լաւ իցէ եւ օգուտ յորժամ յայն ծախիցի:

Արդ իսկ երբեմն յիշեմ թէ լուայ ի քէնեթէ թագաւորն շայոցանգոսնեաց զքեզ, այժմ զի լուաւ եթէ թշնամիք հասեալ գանն ի վերայ մեր, ոչ զօր յղէ, եւ ոչ զհարկն զոր պարտէր, տայ: Այսպէս իսկ առնէ, ասէ, ով կիւրոս, մինչ զի եւ ես ի վարանս մտեալ տարակուսեալ կամ եթէ պարտ իցէ արդեւք զօրաժողով ի մարտպատերազմի գումարել եւ ստիպեալ տագնապել, թէ լաւ իցէ առ ժամանակ մի թողուլ, զի մի եւ զսա յաւելուցումք ի վերայ այլոցն թշնամեացն:

Հարցանէր Աիւրոս թէ բնակուածիւնք նոցա յամուր տեղիս իցեն եթէ ի դիւրի: Աւ Աիաքսարէս ասէ. Բնակուածիւնք նոցա չեն ամենեւին յամուրս, զի ես վասն նորին ոչ հեղգացայ: Բայց լերինք կան նորա, մարթի անդր անկանել եւ վաղվաղակի ամրանալ, զի ոչ ինքն մարթիցի ի բուռն անկանել եւ ոչ առնուլ կրել որ ինչ անդ իցէ, թէ ոչ նստեալ ոք անդէն արգելեալ պաշարիցէ, որպէս իմ հայրն երբեմն արար: Ապա ասէ Աիւրոս այսպէս. Այլ եթէ զիս կամիցիս առաքել, եւ յաւելուցուս ինձ հեծեալս որչափ բաւականն թրւիցի, արարից հանդերձ աստուածովքն զի եւ զզօրսն առաքիցէ եւ զհարկն տայցէ քեզ. եւ ակն ունիմ թէ առաւել եւս բարեկամ մեզ լինիցի նա քան որչափ այժմն է:

Իսկ Աիաքսարէս ասէ. Աս եւս ակն ունիմ թէ նոքա առաւել առ քեզ եկեսցեն քան եթէ առ մեզ: Վանզի լսեմ թէ ոմանք ի մանկաւոյ անտինորա քո որսակիցք լեալ իցեն, թերեւս եւ միւսանգամ առ քեզ գայցեն եւ իբրեւ ոմանք ի նոցանէ ձեռս տայցեն, ամենայն ինչ վճարեսցի որպէս ինչ մեք կամիցիմք: Ասէ Աիւրոս. Աւ արդ զիսորդ թուիցի քեզ, պատշաճ իցէ թագուդանել զայն թէ այսպիսի ինչ խորհուրդ խորհիցիմք: Ասէ Աիաքսարէս. Այ՛

եւ կարի քաջ, զի այսպէս մարթի նոցա անկանելի բուռն, եւ եթէ յարձակեացուք ի նոսա, անկազմք առանց պատրաստութեան ըմբռնիցին :

Աւարդ լուր ասէ Աիւրոս, եթէ թըւեցայց ասել ինչ քեզ բան : Բազում անգամ ամենայն պարտիկ արամբք որ ընդ իս էին որսացայ զքոյոյ աշխարհիդ լերամբք եւ զհայաստան աշխարհին, եւ այրուծի եւս առեալ ի բարեկամաց աստի, անդր հասի : Ասէ Աիաքսարէս. Աթէ նոյնպիսի ինչ եւ այժմ առնիցես շլինիցիս կասկածելի. ապա թէ կարի իսկ առաւել զօրօք երեւիցիս որովք շիցես սովոր որսալ այնուհետեւ կասկած լինիցի :

Այդ մարթի, ասէ Աիւրոս, եւ պատճառս եւ բարուրս կազմել աստէն որ շիցէ ինչ անհաւանութեան. եթէ պատմիցէ ոք անդ որպէս թէ ես որս ինչ մեծ կամիցիմ առնել եւ ի քէն, ասէ, խնդրիցեմ հեծեալս յայտ յանդիման : Ասէ Աիաքսարէս. Բարևոք խօսիս, եւ ես, ասէ, չառից յանձն տալ քեզ աւելի քան զսակաւս ոմանս, որպէս թէ ի պահակսն կամիցիմ երթալ որ առ Ասորեստանեաց աշխարհին կան. եւ արդարեւ, ասէ, կամիմ երթալ պատրաստել եւ ամրացուցանել : Այդու զօրօքն հանդերձ որ ընդ քեզ իցեն որս առնիցես, եւ զերկուս աւուրս

Ծախիցես: Յղեցից քեզ բաւական այրուծի եւ հետեւակս յայնցանէ որ առ իս գումարեալ կայցեն զորս գու առցես եւ երթայցես վաղվաղակի. եւ ես հանդերձ այլովք եւս ջանացայց զօրօք մի ի բացեայ ի ձէնջ լինել, զի յորժամ ժամ եւ դէպ իցէ յայտնիցիմ:

Ապա վաղվաղակի գումարեաց Ախաբսարէս առ պահակին զայրուծին եւ զհետեւակագօրն, եւ սայլս ռոճկի արձակեաց ի ճանապարհ պահակապանացն: Իսկ Աիւրոս վաղվաղակի զօհս ի վերայ ճանապարհին մատուցանէր, եւ առաքեալ խնդրէր ի Ախաբսարայ մանկունս հեծեալս յերիւարս. եւ նա թէպէտ եւ բնաւ բազումք իսկ կամէին, չետ բազմաց երթալ զհետ: Իբրեւ յառաջ մատեաւ Ախաբսարէս հետեւակ եւ ձիական զօրութեամբն ի ճանապարհ անդր պահակին, մատչէին նուէրքն Աիւրոսի վասնողջանդամ անվնաս երթալոյ յաշխարհն Հայոց. եւ ապա զբանակն հանէր, որպէս թէ յորս կազմիցի:

Յորժամ երթայր անդէն յառաջնում վայրին նապաստակ մի յառնէր. եւ արծուոյ թռուցելոյ տեսեալ սրացեալ զնապաստակն յարձակեալ եհար զնա եւ յափշտակեալ ամբարձ տարաւ ի բլուր ինչ ոչ հեռի, եւ արար բնդ առն իւր որպէս ինչ կամէր: Աիւրոսի հայեցեալ ի նշան անդր, ուրախ եղև

եւ երկիր եպագ Լճամագղայ թագա-  
ւորի, եւ ասէ ցայնոսիկ որ մօտն կային  
թէ որս բարւոք լինիցի եթէ դիքն  
կամիցին :

Եւ իբրեւ մօտ ի լերինսն եղեն, ան-  
դէն որպէս սովորն էր որսայր, իսկ  
բազմամբօխ հետեւակացն եւ հեծելոց  
այնմ ուշ առնէին զի երթեալ զգա-  
զանսն յիւրաքանչիւր տեղեացն յա-  
րուցանիցեն, եւ հեծեալքն եւ հետե-  
ւակքն քաջք զատան կացին, եւ զգա-  
զանաց յարուցելոց զհետ պնդէին, եւ  
վարազ շատ եւ եղջերուս եւ այծեմունս  
եւ ցիւսըմբունէին, զի բազում եւ այժմ  
ի տեղիսն յայնս կան էջք :

Իբրեւ հանգեան յորոյ անտի մօտ  
հասեալ ի սահմանակողմն Հայոց աշ-  
խարհին, ընթրիս առնէր, եւ ի վաղիւն  
իսկ եւ իսկ որս որսայր, մատուցեալ ի  
սահմանսն յոր դիմեալ երթայր. եւ  
յորժամ հանգեաւ, ընթրէր. եւ իբրեւ  
ազդ լինէր նմա զՎիաքսարայ զօրաց թէ  
մօտ ուրեմն են, առաքեաց առ նոսա  
պատուիրեաց մեկնել յիւրմէ իբրեւ եր-  
կու իրասախ եւ ճաշ ուտել. յառաջա-  
գոյն ի միտ առեալ թէ այն նպաստ ի  
գաղանութիւնն լինիցի. եւ իբրեւ եկեր  
զճաշն, հրաման ետ իշխանին նոցա  
գալ առ իւր. եւ յետ ճաշուն կոչէր  
առ ինքն զհազարապետսն. եւ իբրեւ  
եկին խօսեցաւ զայս ձեւ օրինակի բանից :

Արք բարեկամք, հայաստանեայն յառաջ ժամանակաւ թիկունք օգնակա նութեան էր եւ անսայր Աիաքսարայ, իսկ այժմ իբրեւ ազդ եղեւ նմա զլժըշնամեաց դալոյ, անգոսնեաց ոչ զօրս առաքէ մեզ եւ ոչ զհարկն տայ ի դուրս. արդ զնա պարտ է որսալ, թէ կարող իցեմք. ինձ թուի թէ այսպիսի ինչ ի դէպ է առնել: Առ Արիւսանտա. յորժամ փոքր մի ի քուն լինիցիս առ զկէսս ի Վարսից աստի. որ ընդ մեզ իցեն, եւ երթ դու ի լեռնակողմն, եւ հաս ի լերինսն, յորս ասեն թէ յորժամ երկուցեալ յումեքէ իցէ, անդր փախստական ելանէ. առաջնորդս ես ասց քեզ:

Արդ ասեն թէ թանձրախիտ եւս են լերինքն, որպէս զի դուցէ յոյս չանկանելոյ ձեր յակն: Սակայն քան զզօրսն յառաջագոյն արձակիցես արս պնդակազմն որ աւազակաց իսկ նման իցեն բազմութեամբ եւ հանդերձիւք, եւ եթէ պատահիցեն ոմանց ի Հայոց անտի, զկէսս ի նոցանէ ըմբռնեալ խափանեսցեն երթալ զոյժ տալ. իսկ զոր չկարիցեն ըմբռնել, ահ արկեալ արգել լինիցին տեսանելոյ նոցա զողջոյն իսկ բանակս զօրականաց, այլ իբրեւ զգողոց իմն խորհուրդ խորհեսցին:

Առ, ասէ, այսպէս առնիջիր, եւ ես զտիւ առեալ զկէս հետեւակացն եւ

զամենայն այրուծին յուզի անկեալ եր-  
թայց ընդ դաշտակողմն վաղվազակի  
յարքունիսն : Աւ եթէ դիմադարձինձ  
լինիցի , յայտ է եթէ հասանէ այնու-  
հետեւ կռուել . ապա թէ մերժիցի ի  
դաշտէ անտի , ապա յայտ իցէ եթէ  
պարտ է զհետ մտանել . իսկ եթէ  
փախստական մազապուր ի լերինս ան-  
կանիցի , յայնմ վայրի , ասէ , քո իսկ  
գործ լիցի այնուհետեւ մի զոք ի հա-  
սելոց անտի առ քեզ արձակել :  
Վրեսջիր թէ որպէս յորսն մեք յու-  
զակք եւ խնդրակք եմք , եւ դու ի վերայ  
ցանցացն . այս յուշ լիցի քեզ , թէ  
պարտ է աճապարել եւ զճանապարհս  
խնուլ մինչ չեւ գազանին շարժեալ  
ի տեղւոջէ անտի իւրմէ . եւ պարտ է  
զաւղել այնոցիկ որ ի վերայ երէոյն  
կայցեն թէ չկամիցին զեկեալսն խոր-  
տուցանել :

Վայց մի , ասէ , ո՞ր թիսանտա , այն-  
պիսի ինչ առներ , որպէս սովոր էիր  
վասն որսոյն գթոյ . քանզի բազում  
անգամ զգիշերն իսկ ողջոյն առանց ի  
քուն լինելոյ ի նոյն զքօսեալ էիր , այլ  
այժմիկ պարտ իսկ է թողուլ արանցն  
սակաւիկ ինչ ի քուն լինել զի մար-  
թիցեն առնուլ վիճակ զքունն<sup>1</sup> . եւ մի  
դու , քանզի չգոն ընդ քեզ արք ա-  
ռաջնորդք , մոլորեալ շրջիցիս ի վերայ  
լերանցն , այլ ուր գազանքն վարիցին ,

անդր երթեալ հասանիցես զի մի  
 եւ այժմիկ ընդ դժուարս եւ ընդ  
 անհետ ամառայս ի ճանապարհ ան-  
 կեալ գնայցես . այլ հրաման տուր դու  
 առաջնորդացն եթէ չիցէ բնաւ կարի  
 ինչ կարճոյ ճանապարհ , ընդ դիւրին  
 ճանապարհս տանիցին , քանզի զօրացն  
 դիւրին ճանապարհն երազ է : Աւ մի ,  
 վասն զի դու ուսեալ իցես ի վերայ  
 լերանց արշաւել , առաջնորդ լինիցիս  
 փութով առաջի ընթանալ , այլ որ-  
 չափ մարտիցի գքո կնի խաղայցեն  
 զօրն , բայց սակաւիկ ինչ փութա յա-  
 ուջ անցանել : Աւ է եւ զօրաւորացն  
 երբեմն քաջալերս մատուցանել համ-  
 բերողացն . յորժամ փութանակի ան-  
 ցանիցէ թեւն , ամենեքին իբրեւ յար-  
 շաւանի գնացողացն երեւիցին :

Օայն լուեալ Քրիւսանտայ եւ քա-  
 ջալերեալ ի հրամանաց անտի Աիւրոսիա-  
 ուեալ առաջնորդս , երթեալ պատուիրէր  
 որ ինչ պիտոյն էր այնոցիկ որ ընդ նմա  
 իսկ երթալոց էին եւ հանգչէր : Իբրեւ  
 ի քուն եղեն որչափ ինչ չափով թը-  
 ւէր , յուղի անկեալ երթայր ի լերինան :  
 Իսկ Աիւրոս , իբրեւ տիւ եղեւ , հրեշտակս  
 արձակեաց առ հայաստանեայն , եւ  
 պատուէր տայր նմա խօսել ըստ սմին  
 օրինակի բանից : Աիւրոս , ով հայաս-  
 տանեայդ , հրաման տայ քեզ այսպէս  
 առնել , զի վաղվաղակի իսկ առեալ



զհարկն եւ զզօրականն եկեացես. եւ եթէ հարցանիցէ թէ ուր իցեմ, զճշմարիտն պատմեսցիր, եթէ ի վերայ սահմանացն եմ. ապա թէ հարցանիցէ թէ գամ ես. ասա եւ անդ զճշմարիտն թէ ոչ գիտեմ. եւ եթէ հարցանիցէ թէ որչափ իցեմք, հրաման տուր առաքել զոմն ընդ քեզ եւ ուսանել :

Օչայս ամենայն պատուիրեալ առաքեաց զպատգամաւորն, զմտաւ ամ եթէ այսպէս խնամով լինիցի քան եթէ առանց յառաջագոյն պատմելոյ երթեալ հասանիցէ, եւ ինքն կարգեալ ճակատեալ քաջ եւ ի գնալ զճանապարհն եւ ի տալ մարտ պատերազմի եթէ պիտոյ ինչ լինիցի, երթայր Պատուէր տայր զօրականացն մի զոք խուել. եւ եթէ ոք ումեք ի Հայոց պատահեսցէ, քաջալերել եւ աղաչել վաճառս եւս զոր կամիցին, բերել ի տեղին յորում կանն, եթէ ռոճիկ ոք կամ ըմպելի կամիցի գնոց տալ :





ԵՐՐՈՐԴ

ԿՊՐՈՒԹՒՒՆ



# ՎԱՆՆՈՓՈՐՆՏԵԼՅ

## ԿԻՒՐՈՍԻ ԽՐԵՏՈՒ

ՊԱՏՄՈՒԹԵԱՆՑ

Գ Գ Պ Ր ՈՒ Թ Ի Ի Ն

Գ Լ ՈՒ Խ Ա

ՄԻՆՉ դեռ Կիւրոս զայնու էր, իբրեւ լուաւ հայաստանեայն ի պատգամաւորէ անտի զբանսն Կիւրոսի, ապշեցաւ զահի հարաւ, զմտաւ ածեթէ զըկեաց զի զհարկն եթող եւ զզօրն ոչ առաքեաց: Եւ առաւել եւս երկրնչէր թէ յայտնի լինելոց է եթէ արքունիս շինէ առ ի բաւական լինելոյ բախել ի մարտ պատերազմի, վասն այսր ամենայնի դանդաղեալ վեհերէր, առաքէր անդէն զիւր զօրսն գումարէր, եւ զկրտսեր որդին զՇաւարշ եւ զկանայսն յղէր ի լերինսն, զիւր կինն եւ զիւրոյ որդւոյն եւ զգստերսն, եւ զամենայն զզարդ եւ զսպաս մեծագին ընդ նոսա յղէր, եւ առաջնորդս եւս տայր նոցա. եւ ինքն անդէն դէտս արձակէր զիտել թէ զինչ դործիցէ Կիւրոս, եւ զորս եկեալ հասեալ կային

ի Հայոց անտի կարգէր եւ կազմէր :  
**Վ**աղ այլք հասին եւ ասեն թէ ինքն  
 իսկ Վիւրոս միանգամայն եհաս. յայնմ  
 վայրի շիշխեաց ձեռնամուխ լինել, այլ  
 անդէն խոյս տայր :

Իբրեւ տեսին զնա Հայք թէ այս  
 պիտի ինչ առնէ. դիմեալ երթայր իւ  
 րաքանչիւր ոք յիւրս անդր, եւ կամէին  
 իմն զինչս ի բաց կրել : Իսկ Վիւրոս ի  
 բրեւ ետես զդաշտն լցեալ ի խուճա  
 պելոց եւ ի փախստէից, առաքեաց ա  
 սել թէ ոչ ումեք ի մնացելոց անդի  
 թշնամի եմ, եւ եթէ ըմբռնիցեմ զդք  
 ի փախստի, զնա թշնամի եւ հակառա  
 կորդ համարիցիմ : Բազումք կացին  
 մնացին. եւ ոմանք խոյս ետուն հան  
 դերձ թագաւորան : Իսկ որք ընդ կա  
 նացն երթեալ էին պատահեցին այնու  
 ցիկ որ ի լերինս անդ էին, եւ վաղվա  
 զակի ճիչ բարձեալ գոչէին, եւ ի փախ  
 չելն շատք ըմբռնեցան ի նոցանէ : Աւ  
 ապա մանուկն եւ կանայքն եւ դստերքն  
 ի բուռն անկան, եւ որչափ ինչ կարասի  
 բերեալ էր ընդ նոսա. իսկ թագաւորն  
 նոցա իբրեւ զգաց զերսն որ եղեն, ի  
 վարանս մտանէր տարակուսանայր թէ  
 յոր վայր դիմիցէ, եւ ի բլուր ինչ  
 փախստեայ մազապուր ելանէր :

**Օ**այն տեսեալ Վիւրոսի բակ առեալ  
 կայր զբլրովն զօրօքն որ անդէն մօտ  
 էին եւ առ Վրիսանտաս յղեալ պա-

տուէր տայր զպահպանութիւն լերինն  
 թողուլ եւ չուել զալ : Մինչ դեռ  
 զօրն Վիւրոսի գումարէր, նորա առա-  
 քեալ քարոզ առ հայաստանեայն հար-  
 ցանէր զայս պէս զսոյն գոյն : Աղէ ասա  
 դու ցիս, ասէ, ով հայաստանեայդ,  
 աստ արդեւք կամիցիս կալ մնալ, եւ  
 ընդ ծարաւոյ մարտ եղեալ կռուել, եթէ  
 ի հարթ տեղիս իջեալ ի դիւրօջ կռուել  
 ընդ մեզ : Այտ պատասխանի հայաս-  
 տանեայն եթէ ոչ ընդ միում ի նո-  
 ցանէ կամիմ տալ պատերազմ : Միւս-  
 անգամ առաքեաց եհարց Վիւրոս .  
 թէ հի՞մ նստիս այդր եւ ոչ իջանես :  
 Արանեալ կամ, ասէ, թէ զինչ  
 պարտ իցէ գործել : Այլ չէ ինչ քեզ  
 պարտ, ասէ, յանհնարս մտանել . քան-  
 զի համարձակ է քեզ, ասէ, իջանել ի  
 դաշտ այսր : Ո՞րք, ասէ, կայցէ իրաւ-  
 արար : Յայտ է թէ որում ետունն  
 դիքն, եւ առանց իսկ դատաստանի  
 առնել ընդ քեզ զինչ եւ կամիցի :

Յայնմ վայրի հայոյն ի միտ առեալ  
 զտագնապ հարկին, էջ : Իսկ Վիւրոսի  
 ի մէջ առեալ զնա եւ զայլս եւս ամե-  
 նայն, շուրջ կայր զօրօքն, քանզի հա-  
 մագունդ ի միում վայրի էին զօրքն :  
 Յայնմ վայրի երէց որդի հայոյն Տի-  
 գրանէս ի տարաշխարհական ճանապար-  
 հէ հասեալ զայր, որ որսակից իսկ եր-  
 բեմն լեալ էր Վիւրոսի. եւ իբրեւ լուաւ

զիրան որ գործեցան, անդէն երթայր  
առ Վիւրոս այնպէս իսկ որպէս էրն :  
Իբրեւ ետես զՏայրն եւ զմայրն եւ  
զՎերուրոյն կին վտարանդի ի գերու-  
թեան վարեալ, զարտասուս հարաւ որ-  
պէս ի դէպ էր իսկ : Իսկ Վիւրոսի տե-  
սեալ զնա, ոչ այլ ինչ մարդասիրու-  
թիւն արարեալ ընդ նմա ասէր. թէ ի  
դէպ ժամու հասեր, զի լուիցես դու  
աստ զիրաւունս որ վասն հօրն քո իցէ :  
Իսկ եւ իսկ ի մի վայր կոչէր զգօրավարս  
Պարսից եւ Մարաց, կոչէր ի Հայոց  
անտի որ ի պատուականաց ոք անդ  
կայր, եւ զկանանին որ սայլակօքն հա-  
սեալ էին ոչ մերժեաց, այլ թող լսել :

Եւ յորժամ պատշաճ էր սկիզբն  
արար խօսելոյ . Ով հայաստանեայդ,  
ասէ, նախ խրատ տամ քեզ ի դատաւ-  
տանի զճշմարիտն բարբառել . զի այս  
մի ինչ հեռի լիցի ի քէն, որ ամենե-  
ւին իսկ ատելութեան է : Վիտասլիր  
զի սուտն խօսել արդահատանաց եւ  
ներելոյ իրիք թողութեան մարդկան  
արդել լինիցի : Յետ այնորիկ, ասէ,  
մանկունքդ եւ կանայքդ իրագէտ են ա-  
մենայնի զոր քո գործեալ իցէ, եւ ի  
Հայոց անտի որ աստ կան : Եթէ ի-  
մասոցին թէ այլ ինչ իմն պատմես եւ ոչ  
զեղեալսն, համարեսցին թէ դու քե-  
զէն քոյին դատապարտ զանձն առնի-  
ցես զընաւ իսկ զյետին վիշտս կրել :



Եթէ եւ զճշմարիտն լսիցեմ : Այլ  
 հարց, ասէ ով կիւրոս, զինչ եւ կամի-  
 ցիս, զի զճշմարիտն պատմեցից քեզ .  
 զինչ ինչ վասն ճշմարտութեանն կա-  
 միցի լինել, լինիցի :

Պատմեա դու ցիս, ասէ, ետո՞ւր  
 երբեմն մարտ պատերազմի ընդ Աժդա-  
 հակայ ընդ հօր մօր իմոյ եւ ընդ այլոց  
 եւս Սարաց : Պատերազմեցայ, ասէ :  
 Ի պարտութիւն մատնեալ ի նմանէ  
 խոստացա՞ր հարկ հարկանել եւ ընդ  
 նմա ի մարտ պատերազմի դումարել  
 ուր եւ հրաման տայցէ, եւ ամուրս մի  
 ունել : Այդպէս էր : Իսկ արդ այժմ  
 ոչ զհարկն հարկանես եւ ոչ զզօրն ա-  
 ռաքես եւ զամուրսն պարսպես որ-  
 մովք : Ազատութեան, ասէ, ցանկա-  
 ցայ . զիբարևոք թուի ինձ ազատանալ  
 եւ որդւոց զազատութիւն թողուլ :  
 Կիւրոս, ասէ, Ապա ուրեմն գեղեցիկ է  
 կուռելզի մի ծառայ ոք երբեք լինիցի :  
 Աթէ պատերազմաւ ի պարտութիւն  
 մատնեալ իցէ կամ այլ ինչ օրինակ ծա-  
 ռայ լեալ, ձեռն ի գործ արկանիցէ ի  
 տերանց զանձն թափել : Վու զայն  
 ասա նախ թէ արդեւք զլաւ այր եւ  
 զբարեգործ ի պատի՞ւ ամես, կամ  
 զզրկօղ, թէ ըմբռնիցես, տանջե՞ս :  
 Տանջեմ, ասէ, քանզի շտառ ինձ ստել :

Ասէ կիւրոս . Ասա դու հաւաստեաւ  
 այսպէս մի մի : Աթէ իշխան ոք այր

իցէ եւ յանցանիցէ, թողուցնու իշխել եթէ զայլ ոք ընդ այնր կացուցանիցես: Օչայլ ոք, ասէ, կացուցանիցեմ: Իսկ արդ եթէ եւ կարասի եւս բազում գուցէ նորա, տայցե՞ս մեծանալ, եթէ ի տնանկութիւն եւ ի տառապանս իջուցանես: Հանեմ, ասէ, զոր ինչ ունիցի: Ապա թէ ի միտ առցես թէ կապարճս դարձոյց յետս եւ կաց նա յապստամբութիւն ի թշնամիս անդր, զի՞նչ գործիցես: Սպանանեմ, ասէ, զի՞ սուտ յանդիմանեալ մեռանիցիմ եւ ոչ զճշմարիտն խօսելով:

Յայնմ վայրի իբրեւ զայս ամենայն լուաւ որդեակն նորա, հան զխոյրն ի գլխոյ իւրմէ եւ քակեաց ընկէց զվերջաւորսն փողփողեալս, եւ կանայքն ճչէին կանչէին կառաչէին զերեսս ցտէին որպէս թէ կորեաւ հայրն եւ ինքեանք ամենեքին կորեան սատակեցան: Աիւրոս հրաման տայր լուռ լինել եւ խօսէր միւսանգամ: Թող, քո իրաւունք այնպէս իցեն, իսկ մեզ զի՞ խրատ տաս ըստ դմին իրաւանց առնել: Առ եւեթ կայր թագաւորն քանզի տարակուսեալ էր թէ զինչ խրատ տայցէ Աիւրոսի, սպանանել, եթէ զնոցին հակառակսն ուսուցանիցէ, զոր ինքն իսկ ասաց թէ առնեմ: Իսկ որդի նորա Տիգրանէս հարցանէր զԱիւրոս, ասէ, Ասա

դու ցիւս Աիւրոս , որովհետեւ հայրս  
 թուի թէ վարանեալ կայ , տաց խրատ  
 վասն նորա զոր ինչ լաւագոյնն համա-  
 ըիցիմ : Աիւրոս զմտաւ ած թէ յոր-  
 ժամ որսակից էր նորա Տիգրանէս , էր  
 ընդ նմա եւ ճարտար ոմն եւ զարմա-  
 նալի թուէր Տիգրանայ . ցանկացաւ  
 լսել նմա թէ զինչ ասելոց իցէ . եւ  
 հրաման ետ խօսել զոր ինչ գիտիցէ :

Ասէ Տիգրանէս . Աթէ արդարեւ  
 գովութեան համարիս զոր ինչ խորհե-  
 ցաւ հայրս կամ զոր գործեաց , ամենե-  
 լին խրատ տամ քեզ նմանօղ նմին լի-  
 նել . ապա թէ յանցուցեալ թուիցի  
 քեզ , խրատ տամ մի նմա նմանել : Ա-  
 սէ Աիւրոս զիրաւն եւ զարժանն առնե-  
 լով շնմանիցիմ այնմ որ յանցեաւ :  
 Այոայդ այդպէս է ասէ : Ապա ուրեմն,  
 ասէ , պատժելի է ըստ քում բանիդ  
 զհայրն քո , քանզի զայն որ զրկեացն ,  
 յիրաւի է տանջել : Օհր լաւ համա-  
 ըիցիս , ո Աիւրոս , առ քոյոյ բարութեան  
 զպատիժսն առնել եթէ առ ի քո  
 վնաս : Աթէ անձամբ անձին ինձէն  
 ասէ , այնպէս պատիժս պատուհասից ի  
 վերայ ածիցեմ : Ասէ Տիգրանէս դու  
 իսկ առաւել վնասիցիս , եթէ զքոյսն  
 կոտորես յայնժամ յորժամ մեծագնի  
 իցէ քեզ ստանալ : Ասէ Աիւրոս , Օի-  
 ա՛րդ իցէ եթէ մեծագնիք լինիցին  
 մարդիկն . յորժամ յապիրատութիւն

ըմբռնիցին : Թուրի ինձ եթէ յայնժամ  
 զգաստագոյնք լինիցին . զի ինձ այսպէս  
 թուրի Վիւրոս , թէ առանց ցածութեան  
 չիք ինչ յայլմէ առաքինութենէ շահ .  
 քանզի զի՞նչ օգուտ ումք հուժկուն  
 կամ քաջն իցէ որ ոչ ցածուն իցէ մտօք ,  
 կամ զի՞նչ օգուտ հեծեալն , զի՞նչ մե-  
 ծատունն , զի՞նչ ճոխն ի քաղաքի . ցա-  
 ծութեամբ ամենայն բարեկամ պիտա-  
 նի է , եւ ամենայն պաշտօնեայ ընտիր :

Չայդ ասես , ասէ , որպէս թէ եւ  
 քոյ հայրն ի միում աւուր աստ յայս-  
 միկ յանմտութենէ անտի զգաստացաւ  
 Այո ասէ : Ապա ուրեմն կարիս իմն  
 ոգւոցն ասիցես զգգաստութիւնն իբրեւ  
 ցաւս եւ ոչ ուսումն . քանզի ոչ ուրեք  
 յանկարծակի յանմտութենէ ցածուն  
 ոք առնիցի , եթէ պարտ եւ պատշաճ  
 իցէ հանճարեղ լինել այնմ որ զգաստն  
 լինելոց իցէ : Տակաւին զայն ո՞չ գիտի-  
 ցես ո Վիւրոս թէ այր մի որ առ անմտու-  
 թեան ձեռնամուխ լինիցի ընդ այնմ որ  
 զօրագոյն քան զնա իցէ ի մարտ պա-  
 տերազմի բախել , յորժամ վատթա-  
 րեալ ի պարտութիւն մասնիցի , անգէն  
 յանմտութենէ անտի ցածնու . եւ  
 դարձեալ չիցէ , ասէ , տեսեալ քո զքա-  
 ղաք ի պատերազմ գրգռեալ ընդ այ-  
 լում քաղաքի . որ պարտիցի ոք յան-  
 կարծակի փոխանակ մարտ եղեալ կոր-  
 ւելոյ , անսալ կամի քաղաքին այնմիկ :

Ասէ կիւրոս . Դու զո՞ր պարտութիւն պատմես զՏօրդ, եւ այնպէս հաստատուն ցուցանես թէ զգաստացաւ : Օայն վատթարութիւն զոր եւ ինքն իսկ գիտէ, զի ազատութեանն տենչանօք ծառայ եղել որպէս չէրն երբեք ծառայացեալ : Աւ զոր կարծեաց թէ պարտ իցէ թագուցանել կամ գողանալ կամ բռնաբարել ոչ մի ինչ ի նոցանէ բաւական եղել ի գլուխ հանել : Աւ գիտէ զքէն թէ որովք պատրելն կամէիր, այնպէս խաբեցեր, զոր օրինակ զկոյրս ոք կամ զհամերս եւ զանկեալս ի մտաց պատրիցէ . եւ զոր ինչ պատշաճ համարէիր դու թագուցանել, հմուտ է թէ այնպէս թաքուցեր, զի զոր ամուր վայրսն անձին համարէր, զայն դու անդէն ղօղեալ արգելեր . եւ այնչափ գերիվերոյ եղեր նմին երագութեամբն քով, զի ի հեռաստանէ ճեպեալ եկիր բազում բանակօք մինչ չեւ նորա զիւր զօրսն գումարեալ :

Ասէ կիւրոս . Այսպէս թուիցի քեզ թէ այնպիսի ինչ վատթարութիւն բաւական է զգաստացուցանել զմարդիկ, զայլս աղնուագոյնս քան զանձինս ճանաչել : Ասէ Տիգրանէս . թէ յոյժ իսկ առաւել քան եթէ ի ճակատու ոք ի պարտութիւն մատնէր . զի որ զօրութեամբ ապաժաման իցէ, համարիցի թէ յորժամ զմարմինն թէքիցէ

վերստին տայցէ մարտ պատերազմի. եւ քաղաք եթէ առցին, յորժամ զօրաւիզն օգնականութեան գտանիցեն միւսանգամ տայցեն մարտ պատերազմի. իսկ զորս ազնուագոյնս քան զանձինս հաշուիցին, նոցին բազում անգամ եւ առանց հարկի եւ տազնապի կամիցին հնազանդել: Թուիս դու, ասէ, կարծել թէ շուայլեալքն զայնոսիկ որ եւս ցածունք քան զնոսա իցեն, չճանաչեն, եւ ոչ գողք որ ոչն գողանայցեն եւ ոչ սուտք զճշմարտութեան խօսօղսն, եւ ոչ զրկօղք զայնոսիկ որք զիրաւանցն առնիցեն: Աչ գիտես, ասէ, թէ եւ քո հայր այժմ ստեաց եւ ոչ պահեաց զդաշնն որ ընդ մեզ էր, գիտէր թէ մեք ոչ իւիք զուխտիւք զոր եդ ընդ նմա Վժդահակ, անցաք: Այլ եւ ոչ եւ ես ինչ զայս ասեմ թէ ճանաչելն եւ եթ զլաւագոյնսն ի զգաստութիւն ածիցէ, առանց վրէժս տալոյ ի ձեռն ազնուագունացն, որպէս եւ հայրս այժմ ետ:

Աիւրոս ասէ. Հայր քո կրեաց ոչ մի ինչ տակաւին վիշտս. գիտեմ զանգիտեաց թէ մի զքնաւ զյետին իսկ վիշտսն կրիցէ: Տիգրանէս ասէ. Համարիցի՞ս եթէ գուցէ ինչ որ քան զաստիկ ահն առաւել ի ծառայութիւն զմարդիկ վտարանդիցէ: Չիցես ակահ զի որ երկաթովն հարկանիցին որ

սաստիկ պատիժքն կարծին, սակայն կամին միւսանդամ ընդ նոսին մարտնչել: Ալ որոց սաստիկ ահ եւ երկեւղարկեալ իցէ մարդկան, նոցա եւ ոչ թէ յորժամ սփոփիցենն ողորելով, յերեսն իշխեն նայել: Վառ զայն սիցես, ասէ, թէ քան զչարչարելն արդեամբք, եւս չար ահն զմարդիկ տանջէ:

Ալ գիտեա դու, ասէ, թէ զճշմարիտն ասեմ: Վանդի խելամուտ ես, ասէ, թէ որք յահի եւ յերկիւղի իցեն թէ մի վտարանդի յաշխարհէ լինիցին, եւ որք կռուելոց իցեն կասկածեալք սրտաբախ սրտաթունդ թէ մի վատթարեալ ի պարտութիւն մատնիցին, տրտում տխուր կան: Ալ որ նաւակոծ լինիցին, եւ որ ի ծառայութենէ երկրնչիցին կամ ի պարաւանդաց զանգիտիցեն, նոքա ոչ ի կերակրիկն եւ ոչ ի կաթ մի քուն մարթեն վայելել: Իսկ վտարանդիքն եւ որ վատթարեալքն իսկ իցեն, եւ որք ի ծառայութեան հարկի կայցեն, երբեմն մարթեն քաջ քան զաջողեալն ուտել եւ ի քուն լինել: Յայսմ ամենայնէ յայտ է ասէ որպիսի ինչ բեռն երկեւղն իցէ. զի եւ ոմանք առ ահի թէ մի ի բուռն անկեալ մեռանիցին, յառաջագոյն կանխեալ յահէ անտի մեռանին. կէսք դարահոս ի վախէ զանձինս արկաննն

եւ կիսոցն խեղդ ընդ անձն արկեալ, եւ այլք ընդ իւրեանց սուրն ելանեն: Վան զամենայն տաղնապ եւս չար երկեւղն զմիտան խուճապէ: Յի՞նչ միտս, ասէ, յի՞նչ խորհուրդս կարծիցես զհայր իմ, որ ոչ վասն իւրոյ անձինն եւեթ, այլ եւ վասն իմ եւ վասն կնոջն եւ վասն որդւոցն իւրոց ամենեցունց ծառայու թեան յահի կայ:

Աիւրոս ասէ, ինձ չէ ինչ անհաւատ թէ այժմ այնպիսի ինչ միտս ունիցի: Վայց թուի ինձ թէ նոյն այր յորժամ ի փառաւորութեան իցէ, հպարտացեալ անգոսնիցէ եւ յորժամ ի թշուառութիւնս հասանիցէ, վաղվաղակի ցածնուցու եւ եթէ ամբառնայցի դարձեալ մեծամտեալ ամբարհաւածիցէ, դարձեալ նենգութիւն նիւթիցէ: Այո, ասէ, Աիւրոս, են ի միջի այնպիսի ինչ պատճառք մերոցն յանցանացն առ ի թերահաւատելոյ ի մէնջ: Վայց գոյքեզ հնար զպահակսն պատուարաւ եւ զամուրսն գրաւեալ ունել, եւ զայլ եւս ինչ զոր կամիցիս առնուլ հաւատ. եւ մեք, ասէ, ոչ ինչ ընդ այն տրամիցիմք կարի, քանզի յուշ լինիցի մեզ թէ այնր ամենայնի պատճառք մեք եմք: Ապեթէ ումեք ի չյանցուցելոցն տայցես զիշխանութիւնն, դու իսկ թերահաւատ գտանիցիս. տես մի իցէ թէ եւ երախտիս ցուցանիցես եւ բա-



րեկամ չհամարիցին զքեզ . եւ եթէ զգոյշ կամիցիս լինել ի թշնամի եւ ատելի լինելոյ, ապա մի լուծ ի վերայ դնիցես նոցա, զի մի անգոսնիցեն, տես մի պիտոյ լինիցի քեզ եւ զնոսա ի զգաստութիւն ածել առաւել եւս քան զմեզ :

Այլ զայնպիսի սպասաւորս, ասէ, զորս գիտեմ թէ ի հարկէ սպասաւորութիւն հարկանեն, չախորժելով ի կիր արկեալ վարեմ : Իսկ զորոց գիտեմ եթէ մտադիւրութեամբ եւ զթով զպատշաճսն կատարեն, թուի թէ նոցա, թէպէտ եւ յանցանիցեն եւս, դիւրին իցէ համբերել, քան եթէ ատելեացն որ լիովն զամենայն ի հարկէ վճարիցեն : Առ այն Տիգրանէս ասէ . Յումէ՞ այնպիսի բարեկամութիւն կարիցես գտանել, որպիսի ինչ այժմ առ ի մէջ մարթի ստանալ : Յայնցանէ, ասէ, ակն ունիմ որոց ոչն երբեք թշնամի լիեալ իցէ, եթէ կամիցիմ երախտաւոր լինել նոցա որպէս դուն այժմիկ ինձ տաս հրաման առնել ձեզ երախտիս :

Մարթիցէս, ասէ, ով Աիւրոս, այժմ ի ժամանակի աստ յայսմիկ գտանել զոք ում շնորհս առնիցես, որչափ հօրն իմում : Աթէ յանկարծ տայցես ումեք յայնցանէ որոց չիցէ ինչ զրկեալ զքեզ, զարեւ տեսանել, զոր շնորհ համարի-

ցիս թէ ունիցի քեզ: Աւ զինչ, թէ եւ զորդիս եւս նորա եւ զկին չհանես, ո իցէ որ վասն նորին քաջ սիրիցէ զքեզ քան զայն որ համարիցի եթէ վայելէր բառնալ նոցա յիւրմէ: Աւ եթէ ոչ կալցի նա զւայոց թագաւորութիւն, դիտիցես դու զոք որ եւս չար քան զմեզ տրտմիցի: Ապա յայտ ուրեմն է թէ որ առաւելն տրտմիցի եթէ չկայցէ թագաւոր, նա եւ յորժամ զիշխանութիւնն առնուցու աւելի լինիցի քեզ շնորհակալ: Աթէ փոյթ իցէ քեզ թէ մի զայս ամենայն խռովեալ եւ աղմկեալ թողցես յորժամ ի բաց մեկնեսցիս, միտ դիր, ասէ, ո՞ր աստ հանդարտութեամբ է, թէնոր իցէ հարստութիւնն եթէ կայցէ մնայցէ ընդելականն: Աւ եթէ փոյթ իցէ քեզ բազում զօրս հանել, զո՞ ոք համարիցիս հանդէս առնել զօրացն աջող քան զայն որոյ բազում անգամ արարեալ է: Իսկ եւ թէ ինչք պիտոյ իցեն քեզ, զումէ՞ կարծիցես թէ քաջ մատուցանիցէ քան զնոյն, որ զամենայն իսկ արարան դիտէ: Ով Վիւրէ, ասէ, զգոյշ լեր մի զմեզ մերժելով քեզոյն իսկ անձին մնաս գործիցես եւս աւելի քան զայն զոր հայրս ձեռնհաս էր քեզ մնասել:

Վա զայն խօսէր, եւ ունկն դնէր Վիւրոս ախորժելով, քանզի զմտաւած էր թէ ամենայն ի գլուխ ել, զոր

ինչ միանգամ յանձն առ Վիաքսարայ առնել. զի յիշեաց եթէ ասէր, թէ եւս աւելի բարեկամ արարից զնա քան որչափ յառաջն էր : Յայնմ հետէ հարցանէր նա զհայաստանեայն . Նթէ յանձն առից ձեզ զայդ, ասա դու ցիս թէ որչափ զօրս առաքես, որչափ գանձս տաս ի պատերազմն : Ասէ հայաստանեայն . Չկարեմ ինչ ասել առաւել միամիտ արդարութեամբ, բայց ցուցանել յանդիման զզօրս ամենայն որչափ ենն, եւ քո տեսեալ, քանի ինչ զօրս հաճոյ թուիցի քեզ տանել, տար. եւ որչափ թողուլ յաշխարհին պահպանութիւն, թող : Նոյնպէս եւ վասն գանձուցն արժան է զամենայն ինչ որ է, ցուցանել, եւ դու գիտացեալ զայն ամենայն որչափ եւ կամիցիս տարցիս, եւ որչափ կամիցիս, թողցես :

Աւ Վիւրոս ասէ. Վեր ցոյց ինձ քանի զօրութիւն իցէ քո, ասա, որչափ ինչք : Յայնմ վայրի ասէ . Հայոց ութ հազար հեծեալք են եւ հեւտեւակք չորք բեւրք : Աւ ինչք, ասէ, գանձիւքն հանդերձ զոր հայրս թող, են ի համար արծաթոյ տաղանդք աւելի քան զերիս հազարս : Իսկ Վիւրոս ոչ յապաղեաց այլ ասէ . Թկէս զօրացդ առաքեսջիր ընդ մեզ, քանզի Քաղդեացիք սահմանորդք պատերազմ տան ընդ ձեզ :

Իսկ յընչից անտի փոխանակ յիտուն տաղանդացն զոր հարկանէիր հարկս, երկպատիկ տայցես Վիաքսարայ, քան զի թողեր զհարկն: Բայց ինձ, ասէ, տուր այլ եւս հարելը քանքար փոխ, եւ ես խոստանամ քեզ, եթէ աստուած տայցէ, փոխանակ ընդ որոց ինձ փոխ տայցես, կամ եւս բազմապատիկ առնիցեմ երախտիս, կամ զինչսն իսկ տաց համարով եթէ կարիցեմ, եւ եթէ ոչ կարիցեմ, ապա յայտնապէս իսկ երեւիցիմ եթէ չիցեմ ձեռնհաս, եւ անիրաւ յիրաւի ոչ դատիցիմ: Ասէ հայաստանեայն. Ով Վիւրէ, մի այնպիսի ինչ խօսիր, ապա թէ ոչ չտաս ինձ համար ձակեւ. այդ այսպէս համարեաց թէ զոր թողուան, այն քո է, ոչ ինչ ընդհատ յայնցանէ զոր առեալ երթաս:

Ասէ Վիւրոս. Բայց զի զկինդ առցես քանի՞ ինչս տաս: Որչափ ինչ, ասէ, կարող իցեմ: Օրհնչ տայցես եւ ազմանկտիդ առնլոյ: Աւ ընդ նոցա, ասէ, որչափ ձեռնհաս իցեմ: Վիւրոս ասէ, Այս ամենայն երկպատիկ իցէ քան զգոյսն քո: Բայց դու եկ ասա ջիսով Տիգրանէ, որչափ տայցես փրկանս վասն զկինդ առնլոյ. եւ նանորոգ եւս ամուսնացեալ դիպեցաւ, եւ գուրթ անկեալ էր նորա ընդ կնոջն: Աս, ասէ, Վիւրոս եթէ զանձն եւս հասանիցէ տալ փրկանս, տամ. զի մի յաղախնու-

Թիւն անկանիցի: Այսուհետեւ, ասէ, դու զքո կինդ ի բաց տար. չհամարիմ զնա ես ըմբռնեալ ի գերութեան, քանզի ոչ ուրեք հեռացար դու ի մէնջ: Այլ դու ոչ հայաստանեայդ, առ տար ի բաց զկինդ եւ զմանկունսն եւ ոչ տայցես ընդ նոցա փրկանս, զի գիտացեն եւ թէ ազատացեալք զան առքեզ: Այժմ ասէ, կերայք դուք ընթրիս առ իս, եւ յետ ընթրեացն լիցի կամակարութիւն երթալ յո կամ իցէ ձեր. ապա կացին անդէն:

Յետ ընթրեացն յորժամ ի վրանին էին, եհարց Վիւրոս ցՏիգրանէս եւ ասէ. Աղէ ասա դու ցիս, ո՞ւր է այրն այն որ որսակից էր մեր, եւ դու աւելի զարմանալի համարէիր զնա: Ոչ իսկ, ասէ, հայր իմ սպան զնա: Յոր ապիրատութեան ըմբռնեալ: Ասաց, թէ խորդաւանեաց նա զիս: Բայց այսպէս լաւ եւ ընտիր էր նա զի եւ յորժամ մեռանելոցն էր, կոչեաց նա զիս առ իւր, ասէ. Մի դու ինչ ով Տիգրանէս, զի սպանանէ զիս, դժկամակ ընդ հայրդ լինիցիս, քանզի ոչ եթէ առ վատամտութեան ինչ զայն գործէ այլ առ անգիտութեան. զոր ինչ առ ի չգիտանս յանցանիցեն մարդիկ, զայն ամենայն ես ակամայ եւ ի հարկէ համարիմ: Ինդ այն ասէ այսպէս Վիւրոս. Ո՛հ առնն:

Խօսեցաւ եւ թագաւորն Հայոց ըստ սոցին բանից այսպէս . Ով Աիւրոս որ զարս օտարոտիս ընդ իւրեանց կանանց ըմբռնիցեն, ոչ եթէ զայն ինչ պատճառեալ սպանանիցեն զնոսա զի զգաստագոյնս զկանայսն առնիցեն, այլ զի համարինն թէ բառնան նոքա զայն որ առ նոսա գութն էր, եւ նմին իրի իսկ թշնամութեամբ են ընդ նոսա : Աւ ես, ասէ, խանտացայ ընդ նա, զի թուէր ինձ թէ տայցէ նա առաւել ընդ ինքն զարմանալ քան ընդ իս : Աւ Աիւրոս ասէ . Թուի ինձ թէ մարդկօրէնս յանցուցեալ իցես, եւ դու Տիգրանէս, ներեա հօրն քում :

Ապա յետ զայս ամենայն ընդ միւս մեանս խօսելոյ եւ գութ եւ խնամ ցուցանելոյ, որպէս ի դէպ էր ի հաշտութենէ անտի, ելեալ ի դեսպակսն կանամբն հանդերձ երթային ուրախութեամբ . եւ իբրեւ գային հասանէին յիւրեանս, ոմն զիմաստութիւնն Աառսի, ոմն զժուժկալութիւնն, եւ այլ ոմն զմեղմական զգօնութիւնն, մեւ ոմն զգեղն եւ զյաղթանդամութիւնն պատմէր : Անդ հարցանէր Տիգրանէս ցկինն, Աւ քեզ, ասէ, գեղեցիկ թըւեցաւ Աիւրոս : Չհայեցայ, ասէ, ընդ նա : Ասէ Տիգրանէս . Իսկ ընդ ո՞նայեցար : Ընդ այն որ ասացն, ասէ, թէ զիմ իսկ անձն տամ փրկանս առ ի չի-

նեւոյ նորա աղախին : Ապա որպէս ի դէպ իսկ էր, հանգեան առ միմեանս :

Ի վաղիւ անդր պատարագս առաքէր թագաւորն Հայոց Աիւրոսի եւ զօրացն ամենեցուն . եւ իւրոցն պատուէր տայր թէ որք ի մարտ պատերազմի երթալոց իցեն, եկեալ յանդիման լինիցին յերիւ աւուր : Աւ զինչսն զոր ասաց Աիւրոս, երկպատիկ համարեցաւ ետ . իսկ Աիւրոս որչափ ասացեալն էր առ, եւ զայն առաքեաց : Հարցանէր թէ ո՞րք կայցէ զօրավար զօրացն, որդի՞ն եթէ ինքն : Ատուն պատասխանի, հայրն ասէր, թէ զոր դուն հրամայիցես . եւ որդին, եթէ ես ոչ թողից զքեզ Աիւրոս, եւ ոչ թէ կապարճակիր եւս հասանիցէ լինել քեզ եւ գալ զինի քո : Աւ Աիւրոսի ծիծաղեալ ասէր . Քանոյ ասէ կամիցիս զի լուիցէ կինդ եթէ կահ կրես : Այլ չիցէ ինչ ասէ պիտոյ լսել . ածից զնա, ասէ, զի մարթիցի տեսանել զոր ինչ ես գործեմ : Ապա ուրեմն ժամ է ասէ, զկահ ժողովել : Համարեաց, ասէ, թէ ժողովեալ զամենայն անօթ զոր հօր իմոյ տուեալ իցէ, հասեալ կամք : Ապա զօրքն հիւրացեալ ննջեցին :

## Գ Լ ՈՒ Խ Բ

Ի ԱԵՂԻՒՆ առեալ Աիւրոսի զՏիգրանէս եւ զընտիր ընտիր հեծելոցն Սարայ,

եւ ի բարեկամաց անտի իւրոց որչափ ի դէպ համարէր, պարզեալ անցանէր ընդ աշխարհն, նշմարէր տեսանել թէ ուր զպահակն շինիցէ, եւ ի բարձաւանդակ ինչ երթեալ, կայր հարցանէր զՏիգրանէս թէ որ լերինք ի լերանցն իցեն ուստի Քաղդեացիքն դիմեալ կապուտ կողովուտ զաշխարհն առնիցեն. եւ Տիգրանէս եցոյց: Ալ նա միւսանգամ հարցանէր թէ այժմ այն լերինք ամայի իցեն: Ալ, ասէ, այլ միշտ իսկ դէտք գոն նոցա որ այլոց գուշակեն, զոր ինչ տեսանենն: Ալ զի՞նչ, ասէ, գործեն եթէ զգան: Ինթանան, ասէ, ի բարձաւանդական որչափ իւրաքանչիւր ոք բաւական իցէ: Օայս ամենայն լուեալ Վիւրոսի, նայեցեալ տեսանէր զբազում կողմանս հայաստան աշխարհին անապատ զի չեն ի գործ անկեալ վասն թշնամւոյն. եւ ապա դառնայր ի բանակ անդր, եւ յետ ընթրեացն ի քուն եղեն:

Ի վաղիւ անդր ինքն իսկ գլխովին Տիգրանէս եկեալ հասեալ կայր պնդակազմն, եւ չորեքհազար հեծեալք գումարեալ էին եւ բեր աղեղնաւորք, եւ այլ եւս շերտաւորք նոյնչափ: Իսկ Վիւրոս մինչ դեռ ի մի վայր ժողովէին, յաշտ առնէր, եւ իբրեւ բարւոք էին նուէրքն, կոչէր զՊարսից զօրավարս եւ զՄարաց. իբրեւ միահամուռ եկին կա-



ցին, այսպիսի ինչ ճառ արկեալ խօսէր: Արք բարեկամք, լերինքս զոր նշմարեմք Վաղդեացւոց են. եթէ զսոսա ըմբռնիցեմք եւ լինիցի ի բարձու անդ մեր ամուրս, հարկ է այնուհետեւ երկոցունց իսկ եւ Հայոց եւ Վաղդեացւոց անսալ մեզ: Արդ նուէրքն բարւոք են մեզ. իսկ առ ի վճարելոյ դործոյն այնմիկ ճարդկօրէն յօժարութեամբ ոչ ինչ այնպէս մեծ զօրաւիզն օգնականութեան իցէ իբրեւ զերագութիւնն: Օ ի եթէ աճապարիցեմք կանխել մինչ չեւ թշնամեացն դումարեալ իցէ, եւ ելանեմք, կամ ամենեւին իսկ անջան պատերազմաւ ըմբռնիցեմք զբարձունսն, կամ սակաւաւորք իսկ եւ անզօրք թշնամիքն իցեն. եւ արդ չիք ինչ ի վաստակոց անտի դիւրագոյն եւ առանց վշտաց աշխատութիւն քան զժուժկալէն ի փութալն: Այսուհետեւ ի զէն ընթացարուք. եւ դուք, Մարք, երթայք յահեակ կողման մերում. եւ դուք Հայք, կէսք յաջմէ եւ կէսքդ յառաջոյ ընթացարուք. եւ դուք հեծեալքդ ի թիկանց կուսէ եկայք ստեպ զհետ, զի վարեալ տանիցիք զմեզ ի վեր եւ մի տայցէք ումեք մեղկել:

Օ այս ասէր Աիւրոս եւ վարեալ երթայր ուղղորդ զգունդսն կարգեալ: Իսկ Վաղդեացիքն իբրեւ գիտացին թէ գիմեալ գան ի վեր. իսկ եւ իսկ վաղ-

վաղակի նշանակէին եւ զաղաղակ եւ  
դեալ առ միմեանս գոչէին, եւ անդէն  
առ միմեանս համագունդ միանգամայն  
ժողովէին: Իսկ Վիւրոս յորդորէր. Վրք  
Պարսիկք, սոքա նշանակեն մեզ ճե-  
պել. զի եթէ աճապարեսցուք ի վեր  
ելանել, ոչ ինչ ստնանել կարիցէ թշնա-  
մեացն բռնութիւնն: Ունէին Վաղղէա-  
ցիքն ասպարս եւ սրւինս երկուս եր-  
կուս. եւ պատմեն թէ նոքա պատե-  
րազմօղք քան զամենեսին որ յաշ-  
խարհի անդ են, իցեն. եւ վարձկանու-  
թեամբ երթայցեն ի ճակատս, յորժամ  
կարօտ դքնոքօք իցէ. վասն զի պատե-  
րազմօղք իսկ են եւ աղքատք եւ տա-  
ռապեալք. քանզի եւ աշխարհն իսկ  
նոցա լեռնային է. եւ սակաւ ինչ մասն  
է յորում արարք գոն:

Իբրեւ որ շուրջ զՎիւրոսիւն էին ի  
բարձաւանդակսն մօտ հասանէին, Տի-  
գրանէս որ ընդ Վիւրոսի երթայր, ասէ.  
Վիտեմ, ասէ, զի ընդ հուպ իսկ հա-  
սանէ կռուել, եւ շայք չլինին դիմա-  
կալ թշնամեացն. եւ Վիւրոս, ասէ, թէ  
գիտեմ. եւ անդէն հրաման տայր Պար-  
սից կազմ եւ պատրաստ լինել, զի ան-  
դէն պիտոյ իցէ զհետ մտանել, քան-  
զի շայք փախստեամբն ածցեն զհա-  
կառակորդս մինչ զի մօտ եկեսցեն հաս-  
ցեն առ մեզ. ապա վարեալ խաղային  
շայք: Իսկ ի Վաղղեացւոց անտի որ

անդն կային, իբրեւ մօտ հասանէին  
 Հայքն վաղվաղակի յարձակէին, որպէս  
 սովորն էին, ի նոսա. եւ Հայք զոր  
 օրինակ սովորքն իսկ էին, զդէմ ոչ  
 կալան:

Իսկ իբրեւ Քաղղեացիքն որ զհետն  
 պնդեալ էին տեսին զհակառակորդսն  
 սուսեր ի ձեռս դիմեալ ի վեր, ոմանք  
 որ մօտն կային վաղվաղակի սատակէին,  
 կէսք փախստեայ ելանէին, եւ կէսք  
 բմբռնեցան իսկ ի նոցանէ, եւ փութա-  
 նակի զբարձունսն հասեալ ունէին: Աւ  
 իբրեւ հասին կալան զբարձաւանդակսն,  
 որ շուրջ զՎիւրոսիւ էին հայեցեալ տե-  
 սանէին զՔաղղեացւոցն բնակութիւնսն  
 եւ ազդ լինէր նոցա թէ ի մօտաւոր  
 տանց անտի գնան փախստեայք: Ի-  
 բրեւ ամենայն զօրքն ի մի վայր հասին  
 հրամայեաց Վիւրոս ճաշ ուտել. եւ ի-  
 բրեւ ճաշեցին, ի միտ առեալ թէ յու-  
 րում վայրի Քաղղեացւոց դէպքն էին,  
 տեղին ամուր է եւ յուռթի, անդէն որմ  
 ածեալ պարսպէր պահակս, եւ Տի-  
 գրանայ հրաման տայր առաքել առ  
 հայր իւր եւ պատուիրել թէ որչափ  
 հիւսունք իցեն եւ գաղատոսք ա-  
 ռեալ հասցէ:

Արթայր պատգամաւորն առ թա-  
 գաւորն Հայոց, բայց Վիւրոս այնու-  
 քիւք որ մօտ էին, պարսպ ածէր:  
 Յայնմ վայրի ածին առ Վիւրոս զգե-

րին կապեալ, եւ զոմանս եւս վիրաւորս, իբրեւ ետես վաղվաղակի հրամայեաց զկապանսն լուծանել, եւ վիրաւորացն բժիշկս կոչել եւ դարման տանել: Ապա խօսէր ընդ Վաղղէացւոցն, թէ եկեալ եմ ոչ զի կորուսանել ինչ զձեզ կամիցիմ, եւ ոչ կարօտեալ ինչ տալոյ պատերազմ, այլ զի կամիմ Հայոց եւ Վաղղէացւոց խաղաղութիւն առնել: Արդ մինչ չեւ կալեալ բարձանցդ, գիտեմ զի ոչ ինչ դուք կարօտ խաղաղութեան էք, քանզի ձերն յամրի կայ, եւ զՀայոցն ամէք բերէք տանիք: Վայց այժմ տեսէք թէ յորում վայրի իցէք. արդ ես արձակեմ զձեզ ի տունս ձեր որ ըմբռնեցայքդ, եւ տամ ձեզ ընդ այլոց եւս Վաղղէացւոց խորհուրդ առնուլ, թէ կամիցիք տալ ընդ մեզ մարտ պատերազմի եթէ բարեկամս լինել: Այլ թէ ընդ պատերազմ կամիցիք, մի գայցէք յետս առանց զինուց, եթէ իմաստունք իցէք: Այլ թէ խաղաղութիւն ձեզ պիտոյ համարիցիք, եկայք առանց զինուց. եւ եթէ բարեկամք լինիջիք փոյթ լիցի ինձ այնուհետեւ զի ամենայն ինչ ձեր բարուք իցէ:

Իբրեւ զայս լուան Վաղղէացիքն առաւել գովեցին եւ բուռն հարին զաջոյ ձեռանէ Աիւրոսի եւ մեկնեցան գնացին յիւրեանս: Իսկ թագաւորն Հայոց իբրեւ լուաւ զկոչն Աիւրոսի եւ

զիրս եւ զարուժիւնս առեալ զՏիւ-  
 սունսն եւ զայլն եւս ամենայն որչափ  
 ինչ պիտոյն համարեցաւ, չու արարելն  
 առ Վիւրոս վաղվաղակի: Յորժամ ետես  
 զՎիւրոս ասէ. Ո՛վ Վիւրէ զիարդ մարդիկ  
 սակաւ ինչ մարթեն ի հանդերձելոց ան-  
 տի կանուխ տեսանել եւ բազում ինչ  
 ձեռնամուխ լինին ժտել եւ գործել:  
 Վրանզի եւ իմ այժմ ձեռն ի գործ ար-  
 կեալ ազատութեան հնարս մենքենայ-  
 ել, ծառայ եղէ որպէս ոչն լիեալ եր-  
 բեք: Այլ ապա յորժամ եկաք անկաք ի  
 բուռն, հաստատութեամբ կարծեաք  
 թէ սատակեցաք կորեաք, իսկ այժմ  
 հոյակապք եւ երեւելիք եղեաք որչափ  
 ոչ երբեք լեալ էր մեր: Օ՛ ի որոց ոչ եր-  
 բեք դադարեալ էր ի բազում չարիս  
 մեզ առնելոյ, այնպէս տեսանեմ այժմ  
 զնոսա որպէս եսն ըղձանայի: Այլ դու,  
 ասէ, այդմ գիտակ լիջիր, Վիւրոս, թէ  
 ես առ ի մերժելոյ զՎաղդէացիսդ ի  
 բարձաւանդակաց աստի, բազմապա-  
 տիկ ետու ինչս, քան զոր դուդ այժմ  
 առ յինէն ունիս. եւ զոր խոստացար  
 առնել բարութիւնս մեզ, յորժամ  
 զինչսն առնոյիր, ի գլուխ ելին: Ար-  
 պէս զի օգտեալք այլ եւս երախտեաց  
 շնորհս քեզ ցուցանիցեմք, զորս ա-  
 մօթ իսկ համարիմ չհատուցանել քեզ,  
 եթէ արդարեւ չարք չիցեմք, եւ եթէ  
 հատուցանիցեմք եւս ոչ այնպէս ար-

ժանի ինչ երախտագործիդ գտանիցիմք այնպիսի ինչ արարեալ :

Օայն խօսէր թագաւորն Հայոց, եւ գային հասանէին Քաղղեացիքն, ազաչէին զՎիւրոս խաղաղութիւն առնել ընդ նոսա. եւ Վիւրոս հարցանէր ցնոսա. Բնդէր կամ վասն ո՞յր, ով Քաղղեացիք այժմիկ խաղաղութեան ցանկացեալ էք, բայց յայն սակս զի համարիք իմն թէ եւս զգուշագոյն հասանիցէ կեալ յետ խաղաղութեան լինելոյ քան եթէ ի պատերազմի, քանզի եւ մէք զդոյն ասէաք: Ասեն Քաղղեացիքն թէ ունիմք այլ եւս ինչ: Աւնա ասէ. Իսկ արդ զի՞նչ թէ եւ այլ եւս բարութիւնք յաւելցին ի ձեզ խաղաղութեամբն: Առաւել եւս, ասեն, քաջ ուրախ լինիցիմք: Հի՞մաղքատք իցէք, ասէ, բայց զի չէք ձեր երկիր քաջաբեր: Յանձին կալան եւ զայն: Վիւրոս ասէ. Կամիք տալ զմաքսն, զի իշխանութիւն լիցի ձեզ զՀայոց երկիրն ի գործ արկանել որչափ եւ կամիցիք: Ասեն Քաղղեացիքն եթէ գիտիցեմք թէ չզրկիմք:

Իսկ դու ասէ, ով հայաստանեայդ. կամի՞ս եթէ որ այժմ դատարկ երկիրս է արդիւնական լինիցի, եւ որ ի գործ արկցեն տացեն զսակ համարոյն: Ասէ թագաւորն Հայոց թէ բազում օգուտ է այն, քանզի բազմապատիկ յաճա-

խեսցէ հասն: Ղուբ, ասէ, ով Քաղ-  
 դէացիք զազնիւ լերինսն ունիք, կամի՞ք  
 տալ արօտս զնոսա շայոց, թէ որ ա-  
 րածենն հատուցանիցեն ձեզ զգինսն .  
 ասեն Քաղդեացիքն, թէ յաճախ օ-  
 գուտ շահիմք առանց վաստակոց :  
 Աւ դու, ասէ, ով հայաստանեայդ, կա-  
 մի՞ս զնոցա արօտս ի կիր արկեալ վա-  
 րել, ընդ սակաւիկ ինչ Քաղդեացւոց  
 շահից առաւել եւս յոյժ իցես շահելոց :  
 Այո, ասէ, եթէ կարիցեմք զգուշու-  
 թեամբ արածել : Այնուհետեւ, ասէ,  
 զգուշութեամբ արածէք, եթէ զբար-  
 ձունսն ունիցիք թիկունս : Ապա յանձն  
 առ թագաւորն շայոց :

Այլ ասեն Քաղդէացիքն, թէ չկա-  
 րեմք մեք զգուշութեամբ ի գործ ար-  
 կանել ոչ եթէ զնոցա այլ ոչ թէ զմեր  
 իսկ երկիրն, եթէ զբարձաւանդակսն  
 նոքա ունիցին : Ապա թէ ձեզ, ասէ,  
 բարձունքն թիկունք իցեն : Մեզ, ա-  
 սեն, այսպէս բարւոք իցէ : Ասէ թա-  
 գաւորն շայոց . Իայց ոչ մեզ, ասէ,  
 յայնժամ լաւ իցէ, եթէ դոքա կալցին  
 զբարձունսն, մանաւանդ իսկ թէ պա-  
 րսպեալ եւս իցէ : Աւ կիրոս ասէ . Եւ  
 արդ ես այսպիսի ինչ գործեցից, ոչ  
 միում ի ձէնջ տաց զբարձաւանդակսն,  
 այլ մեք պահիցեմք զնոսա . եթէ զրկի-  
 ցէ դք ի ձէնջ, մեք ընդ նոսա որ զրկինն  
 լինիցիմք :

Իբրեւ լուան զայն երկոքեան, զովեցին եւ ասեն, թէ այնպէս եւեթ հաստատուն խաղաղութիւն լինիցի, եւ յետ այնորիկ հաւատ տային եւ առնոյին, եւ դաշինք ի միջի կռէին ազատս ի միմեանց լինել երկոցունց կողմանց, եւ ամուսնութեան եւ մշակութեան եւ ճարակաց եւ հասարակաց թիկանց օգնականութեան, եթէ զրկիցի ինչ մի կողմն: Յայնժամ այսպէս վճարեցաւ, եւ այժմ նոյնպէս կան մնան որ յայնժամն եղեն ուխտք Քաղղէացոց եւ Հայոց թագաւորին: Աւ իբրեւ դաշինք ի միջի կատարէին, իսկ եւ իսկ երկոքին կողմանքն մտադեւր ածէին պարիսպ զպահապանօքն, եւ զպէտս պէտս կարեւորս համօրէն ի ներքս տանէին:

Իբրեւ եհաս երեկոյն, զերկոսին կողմանսն առնոյր ընդ իւր ուտել ընթրիս ի միասին իբրեւ բարեկամս: Աւ ընթրիս անդ ասէ մի ոմն ի Քաղղէացոց թէ ամենեցուն ի մէջ ցանկալի է այս ամենայն, բայց իցեն ոմանք ի Քաղղէացոցն որք յառէ եւ յաւարէ կեան եւ գործել չգիտեն, եւ կարեն իսկ ոչ. քանզի սովոր են ի պատերազմէ կեալ: Քանզի միշտ իսկ աւար հարկանէին եւ վարձկանք լինէին Հնդկաց թագաւորին, քանզի ընչաւէտ է, ասեն, այրն, բազում անդամ եւ լճգա-



Հակայ: Եւ կիւրոս ասէ. Զի՞ է, զի եւ ոչ այժմ իմ վարձկանք լինիցին, զի ես տաց այնչափ որչափ այլոյ ուրուք չիք տուեալ երբեք աւելի ինչ: Յանձն առին եւ ասեն թէ բազումք են որ կամին:

Եւ այսպէս ճառ արկեալ խօսէին ընդ միմեանս: Իսկ կիւրոս իբրեւ լուաւ եթէ Վաղղէացիքն բազում անգամ գնան առ արքայն Հնդկաց, յիշեաց եթէ եկեալ էին ի նմանէ լրտեսք ի Սարս լրտեսել զիրս Սարացն եւ գնացին առ թշնամիան, զի եւ զնոցայն տեսցեն, եւ կամեցաւ ուսանել թէ զինչ վասն նորա գործիցէ թագաւորն Հնդկաց: Ակիզբն արար բանիցն այսպիսի ինչ օրինակ: Ով Հայաստանեայդ եւ դուք Վաղղէացիքդ, ասացէք զիս գողէք, եթէ առաքիցեմ ես զոմն յիմոց աստի առ արքայն Հնդկաց, առաքիցէք եւ ի ձերոց այտի առաջնորդս ի ճանապարհին, որք լինիցին գործակիցք, զի առնիցի մեզ ի թագաւորէն Հնդկաց զոր ինչ եսն կամիմ: Վանզի կամիմ ես թէ յաւելցին ինչք մեր. զի եւ զվարձան աննախանձ տաց որոց պարտ իցէ տալ, եւ մեծարել եւ պարգեւս արժանաւորաց ի զօրականացն բաշխել: Ասան այսր ամենայնի կամիմ յաճախ ինչս ունել. դանձք պիտոյ են ինձ: Ի ձերդ մտադիւրութիւն

անխայեմ, քանզի բարեկամս համարիմ զձեզ, բայց ի Հնդկաց թագաւորէն յօժարութեամբ առնում, եթէ տայցէ: Արդ հրեշտակն, որում առաջնորդս իսկ տալ հրամայեմ ձեզ, եւ գործակիցս լինել; անդր երթեալ խօսեսցի այսպէս զսոյն ձեւ օրինակի բանից:

Աիւրոս առաքեաց զիս առ քեզ, Հնդկաց արքայ, ասէ. Վանձք պիտոյ են ինձ, զի առից այլ եւս զօրս անդրստին ի Պարսից աշխարհէն. քանզի եւ առից իսկ, ասէ: Աւարդ եթէ յղեսցես գու նմա որչափ քեզ հաճոյ թուեսցի, եթէ վախճան բարութեան շնորհեսցեն նմա դիքն, ջան ի մտի ունիցի այսպէս առնել, զի գաւոր զշնորհսրդ առնիցես նմա, ի բարութեան իցես: Իմն զայս ինչ ասիցէ: Իսկ ձերովքն դուք որ ինչ օգուտ ձեզ թուիցի, զայն առաքեցէք: Աւարդ եթէ առնումք, ասէ, ի նմանէ, յառատութենէ անտի արկանիցեմք ի կիր, եթէ ոչ առնուցումք, գիտասցուք թէ եւ ոչ մի շնորհ նմա պարտիցիմք, այլ իշխանութիւն իցէ մեզ վասն նորա, առ ի մեր օգուտ զամենայն կարգել:

Օայս ասէր Աիւրոսի, քանզի համարէր թէ որք երթանն ի Հայոց անտի եւ ի Քաղղեսացւոց զայնպիսի ինչ պատմեսցեն զնմանէ, որպիսի ինչ եւ ինքն ցանկայր թէ ամենայն մարդիկ

խօսիցին զնմանէ եւ լուիցեն : Ապա յորժամ պատշաճն էր, մեկնեցան ի միմեանց եւ հանդեան :

## Գ Լ Ո Ւ Խ Գ

Ի ՂԱՂԻ անդր առաքէր Վիւրոս զպատգամաւորն պատուիրեալ որ ինչ յառաջագոյնն խօսեալ էր . իսկ թագաւորն Հայոց եւ Քաղղէացիքն յղէին ընդ նմա զորս բաւականս իսկ համարէին գործակիցս լինել եւ զպատշաճսն զՎիւրոսէ խօսել : Յայնմ հետէ ի գլուխ հանեալ Վիւրոս զպահակն բազում պահպանօք եւ ամենայն կարեւորն պիտոյիւք , եւ իշխան մար թողեալ նոցա , քանզի Վիաքսարայ իսկ զայն առաւել հաճոյ համարէր , ելեալ ի բաց գնայր հանդերձ մեւս եւս զորօք զոր ունէր ընդ իւր ի գալն իւրում , եւ զոր ի Հայոց առ , եւ ի Քաղղէացւոց անտի չորս հազարս որ քան զայլսն ամենեսին ազնուագոյնք թուէին :

Իբրեւ ի շէնն էջ, ոչ ոք կայր ի ներքս ի Հայոց ոչ այր եւ ոչ կին , ամենեքին ընդ առաջ ելանէին , ուրախ լեալք ընդ խաղաղութիւնն, եւ բերէին ածէին առաջի թէ արժանի ինչ իւրաքանչիւր ոք ունէր : Բայց թագաւորն Հայոց շլինէր ընդ այն դժկամակ , քանզի գիտէր թէ առաւել ուրախ առնի Վիւրոս

ընդ ամենեցունցն մեծարանս : Ալ ապա ընդ առաջ ելանէր եւ կին թագաւորին շայոց դստերօքն եւ կրտսեր որդւոյն եւ օրիորդք թագաւորազունք, եւ հանդերձ այլովք պատարագօք բերէր ոսկի զոր յառաջնում նուագին շառ յանձն ընդունել կիւրոս :

Ալ կիւրոսի տեսեալ ասէ . Ոչ եթէ այսպիսի ինչ առնիցէք , ասէ , զի ես վարձու անցեալ շրջեալ ընդ այս երախտիս առնիցեմ . այլ կին դու որ զինչսդ զայդ ունիս զոր բերեսդ , տար , եւ մի տայցես շայոց թագաւորին զնոյն փորել հանել : Առաքեա զորդին քո նօքիմք գեղեցիկ յօրինեալ եւ կազմեալ ի մարտ պատերազմի : Ալ ի մնացորդաց անտի ստացիր եւ քեզ եւ առն քում եւ դստերաց քոց եւ ուստերաց , զոր ստացեալ եւ նովին ընդ զարդ եկեալ բարւոք եւ հեշտական զաշխարհս անցուցանիցեն . եւ բաւական լինիցի , ասէ , զգիականս ընդ հողով ծածկելոյ , յորժամ իւրաքանչիւր ոք ի կենաց վճարիցի :

Օայս ասէր եւ անցեալ երթայր : Յուզարկ երթայր թագաւորն շայոց եւ այլ եւս ամենայն մարդիկն եւ անուանեալ կոչէին զնա բարերար եւ երախտաւոր եւ այր ընտիր . եւ զայս առնէին մինչեւ յաշխարհէն արձակեցին : Առաքեաց ընդ նմա թագաւորն շայոց ա-

ւելի զօրս զի խաղաղութիւն եղեւ յաշխարհին: Աւ այնպէս երթայր բազում ընչիւք ոչ որովք առն եւեթ, այլ եւս յաճախագոյն քան զնոյնս ամբարեալ մթերս ի ձեռն կարգաց պարկեշտն գնացից, առ առնլոյ յորժամ պիտոյ լինիցի. եւ ապա զօրաժողով ի սահմանսն եղեն:

Ի վաղիւ անդր զզօրսն եւ զգանձսն առ Ախաքսարէս յղէր. եւ նա մօտ էր որպէս եւ ասաց իսկ. ինքն ընդ Տիրանայ եւ ընդ քաջացն Պարսից որս առնէր ուր եւ երէոց պատահէին եւ ուրախ լինէր: Յորժամ ի Մարս հասանէր, զինչսն իւրոց հազարապետացն տայր. որչափ բաւական իւրաքանչիւր ումեք համարէր. որպէս զի եւ նոքա պատուեսցեն եթէ մեծացուցեն զօմանս յայնցանէ որ ընդ իւրեամբք իցեն: Վանզի այսպէս իսկ համարէր, եթէ իւրաքանչիւր զիւր մասն գովութեան արժանի առնիցէ, համօրէն իսկ բարւոք իցեն: Աւ ինքն իսկ թէ լաւ ինչ ուրեք տեսանէր ի զօրու, պարգեւս արժանաւորացն տայր, զմտաւ ածեալ թէ որ ինչ լաւութիւն զօրացն իցէ, նովին ամենեւին ինքն զարդարիցի: Աւ յորժամ տայրն նոցա զոր առեալ էր, խօսէր այսպիսի ինչ ի մէջ հազարապետացն եւ զօրագլխացն եւ ամենեցուն զոր պատուականս համարէր:

Առք բարեկամք, մեզ թուի թէ այժմ ուրախութիւն իմն եկեալ հասեալ է, եւ գոյաւորութիւն եւս քան զեւս յաճախէ, քանզի ունիմք որով եւ պատուել մարթայցեմք զորս կամիցիմք պատուել. եւ ի պատիւս եւ ի մեծարանս վայելիցեն ամենեքին որպէս իւրաքանչիւր ոք արժանաւոր իցէ: Ամենեւին զմտաւ ածցուք թէ որպիսիինչ գործք այնպիսի բարութեանց իցեն պատճառք: Օ ի եթէ միտ եղեալ նայիցիք, գտանէք թէ տքնելն ուր պիտոյ էր, եւ վաստակելն եւ ճեպել եւ շտալ տեղի հակառակորդացն: Այսպէս պարտ եւ պատշաճ է այսուհետեւ արս ընտիրս լինել, ի միտ առեալ եւ թէ մեծամեծար հեշտականութիւն եւ լաւութիւնս մեծամեծս հնազանդութիւնն եւ ժուժկալութիւնն եւ որ ի դէպ ժամու աշխատութիւնք են եւ վիշտք, զայն նոքա մատուցանեն:

Քանզի զմտաւ ածէր Աիւրոս եթէ քաջ կազմեալ պատրաստեալ են զօրականացն անձինք առ զինուորութեան աշխատութեանց համբերել, եւ ոգիք նոցա առ քամահել զթշնամիսն, զի եւ խելամուտ եւս էին իւրաքանչիւր իւրում սպառազինութեանն պատշաճիցն, եւ զամենեւին իսկ տեսանէր կազմս հնազանդ իշխանացն լինել: Առքիմք իմն ցանկայր գործ ինչ ընդ

Թշնամիս վճարել, ի միտ առեալ թէ ի յամեն բազում անգամ եղծանիցի ինչ ի գեղեցիկ կազմածոյ անտի իշխանացն: Աւ հայեր եւս եթէ բազումք պարծին այնոքիւք որովք միմեանց ոսոխ ելանեն, եւ խանտան ընդ միմեանս զօրքն. եւ վասն այսր ամենայնի իսկ կամեր տանել զնոսա վաղվազակի յերկիր Թշնամեացն, քանզի գիտեր թէ հասարակաց վիշտք սիրելիս առնիցեն, եւ ոչ եւս այնուհետեւ այնոցիկ որ զինուքն զարդարեալ իցեն, չարակնիցեն եւ ոչ որոց ի փառաւորութեան վայելիցեն, այլ մանաւանդ յարդեն եւս այնպիսիքն եւ սիրեն զնմանիսն, զի համարին իսկ զնոսա հասարակաց բարութեան գործակիցս:

Սախ զզօրսն սպառազէն վառեալ զարդարեր, կարգեր կազմեր ազնուագոյն ճակատ յարդարեր. ապա ի մի վայր կոչեր զիշխանս բիւրաւորացն եւ զհազարապետսն եւ զզօրավարս եւ զզօրագլուխս. քանզի նոքա զատ եւ ուրոյն էին ի համարոյ անտի զնդացն: Աւ յորժամ հասաներ զօրավարին հնազանդ լինել կամ երթալ ազդ առնել ինչ, ոչ եթէ անտէրունչ թողոյին, այլ երկոտասանապետօքն եւ վեշտասանապետօք բնաւ իսկ մնացեալքն յարդարէին: Իբրեւ եկին ժողովեցան որ աւագքն էին, ածեալ ցուցանէր

նոցա որ ինչ բարւոյն էր, եւ ցուցանէր թէ ուր ամուր են եւ հօր թիկունք օգնականութեանն: Այլ իբրեւ նոցա եւս արար ցանկալ գործել գործ ինչ հրաման տայր այնուհետեւ երթալ ի գունդան եւ ուսուցանել իւրաքանչիւր իւրոց զոր ինչ իւրն ուսուցեալ էր նոցա, եւ փութալ յօժարութիւն ամենեցուն ի միտս արկանել ի պատերազմ գնալոյ, զի մտադիւրագոյնս ամենեքին դիմեսցեն եւ ի վաղորդայն անդր հասեալ կայցեն ի դրունս Ախաքսարայ: Ապա երթեալ նոյնպէս առնէին:

Ի վաղիւ անդր եկին հասին որ աւագքն էին ի դրունսն: Անդ նոսա եմուտ եւ Աիւրոս առ Ախաքսարէս, եւ սկիզբն առնէր խօսելոյ այսպէս: Վիտեմ, ասէ, « Ախաքսարէ, թէ զոր ասելոց իցեմ, ոչ սակաւ ինչ հաճոյ թուիցի քեզ որպէս եւ մեզ: Այլ թերեւս պատկառիցես ասել զի ծանրացեալ նեղեալ ինչ կարծիցիս զի կերակրեսն զմեզ, յորժամ յիշեսցես ասպատակ դնել: Վանզի դու լուռ իսկ կաս, ես ընդ քո եւ ընդ մեր խօսեցայց:

Մեզ ամենեցուն այսպէս թուի. քանզի կազմեցաք պատրաստեցաք, մի յորժամ հասանիցեն թշնամիք յաշխարհն մեր, յայնժամ կռուիցիմք, եւ մի նստիցիմք աստ անսալ մնալ նոցա, այլ խաղալ գնալ վաղվաղակէ



յերկիր թշնամեաց : Օ, ի այժմ քան-  
զի ի քում աշխարհին կամք բազում  
ինչ ի քոյոց անտի ահամայ եղծանեմք  
ի հարկէ : Ապա թէ ի թշնամեաց եր-  
կիր երթայցեմք զնոցայն խանգարեմք .  
քանզի այժմ դու մեզ տաս համբարս  
եւ առնես յաճախ ծախս . եթէ զօրա-  
ժողով ի մարտ պատերազմի գնայցեմք,  
ի թշնամեաց անտի կերակրիցիմք : Աւս  
եթէ մեծ եւս ինչ վիշտք անդ լինե-  
լոցէին քան աստ , թերեւս յիրաւի  
զգգուշութիւնն ընարէր դք : Բայց  
այժմ ընդ մի համար է , թէպէտ աստ  
կայցեմք թէպէտ ինոցա երկիր երթեալ  
ընդ առաջ պատահիցեմք նոցա : Աւ  
մեք նոյնպիսիք իցեմք յորժամ պատե-  
րազմիցիմք , եթէ յետ այսր գալոյ ի  
գիմի հարկանիցիմք նոցա , եթէ ի նո-  
սա երթեալ ճակատ յարդարիցեմք :

Յոյժ իսկ ազնուագոյնք եւ զօրա-  
գոյնք զօրականացն ոգիքն լինիցին ե-  
թէ ի թշնամեաց վերայ երթայցեմք ,  
եւ ոչ ահամայ թուիցիմք տեսանել  
զհակառակորդսն : Աւ կարի մանաւանդ  
եւ նոքա ի մէնջ զահի հարկանիցին ,  
յորժամ լսիցեն թէ ոչ երկուցեալ զար-  
հուրեցաք ի նոցանէ եւ ի մերում աշ-  
խարհին նստաք , այլ յորժամ զգաստ  
լինիցի մեզ զնոցանէ թէ մօտ հասեալ  
կան , երթեալ պատահիցեմք նոցա ,  
զի վաղվաղակի իսկ գիրկ ընդ խառն

լինիցիմք, եւ մի մնայցեմք մինչեւ խան-  
գարելոյ աշխարհիս մերում, այլ աճա-  
պարեալ կապուտ կողոպուտ զաշխարհն  
նոցա առնիցեմք: Սա եւ զնոսա երկիւ-  
ղածս առնիցեմք, եւ զմեզ իսկ համար-  
ձակագոյնս. բազում իմն մեզ զայն ես  
առաւելուլթիւն համարիմ, եւ զվիշտսն  
մեզ փոքր հաշուիմ եւ հակառակոր-  
դացն մեծամեծ տագնապ, մանաւանդ  
թէ յաճախ վիշտս: Հայրս ցանգ ասէր  
եւ դու ասես եւ այլք ամենեքին խո-  
ստանան, թէ պատերազմունք ի մտաց  
ընտրին, քան թէ ի մարմնոցն ուժոյ:

Սա այսպէս զսոյն ձեւ խօսեցաւ:  
Տայր պատասխանի Ախաբսարէս. թէ  
նեղիմ ես ի կերակրելոյ զձեզ, չէք ինչ  
կարծեօք: Պնալ յերկիր թշնամեաց  
եւ ինձ ամենեւին բարւոք իսկ թուի  
թէ իցէ: Ասէ Աիւրոս. Արդ քանզի  
զնոյն միտս ունիմք, ժողովեսցուք միան-  
գամայն զկահ եւ զկազմած, եւ եթէ  
հրամանք դիցն բարբառիցին փութա-  
նակի երթալ, ելցուք վաղվաղակի:

Ապա զօրացն պատուէր տուեալ  
զկահ եւ զկազմած ամփոփել, զոհս  
մատուցանէր զառաջինն Արամազդայ  
թագաւորի, ապա եւ այլոց եւս դիցն  
աղաչէր հաշտ լինել, եւ զօրացն զօրա-  
վար լինել եւ թիկունս եւ զօրաւիզն  
օգնականութեան, եւ լաւութեանց  
խրատիչս: Արքօք հանդերձ եւ զդիւ-

ցազունսն աղաչէր եւ փարելի առնէր զՍարաց աշխարհին բնական եւ զինամակալս: Աւ իբրեւ սրբեաց նուիրեաց, եւ գումարեալ կայր զօրն առ սահմանօքն, ապա հմայիւք մտանէր յերկիրն թշնամեաց: Աւ յորժամ անց տագնապաւ ընդ սահմանսն անդէն զերկիր հաշտ առնէր նուիրօք եւ զդիսն զոհիւք, եւ զդիւցազունս զՍորեստանեաց կողմանց բնակիչս ցածուցանէր: Իբրեւ զայս առնէր, միւսանգամ զոհս գաւառական Նրամազդայ մատուցանէր, եւ որ այլ ոք ի դիցն երեւեցաւ, չարար զնմանէ անփոյթ:

Իբրեւ ամենայն ինչ ի գլուխ ելանէր, իսկ եւ իսկ զհետեւական յառաջ մատուցեալ ոչ բազում ճանապարհ, խաղացեալ երթային: Աւ երիւարօքն ասպատակ եղեալ բազում եւ ազգի ազգի առ աւարապուռ ժողովէին ապա այսրէն արշաւեալ զային եւ ունէին ընդ իւրեանս առատութեամբ զպէտսն կարելորս, եւ կապուտ կողոպուտ զաշխարհն առնէին. եւ կային մնային թշնամեացն: Յորժամ պատմեցաւ թէ մերձեցան թշնամիքն, եւ չեն քան զտասն աւուրց դնաց ճանապարհի ի բացեայ. ասէ յայնժամ Վիւրոս. Ո Վիաքսարէ, ժամ է ընդ առաջ երթալ, եւ մի կարծիս տալ հակառակորդացն, եւ մի մերոցն եթէ առ ահի չհարկանիմք ի

դիմի. այլ յայտ յանդիման երեւիցիմք  
եթէ ոչ ակամայ մարտընչիմք :

Իբրեւ հաճոյ թուեցաւ այն Կիւ-  
քսարայ. այնպէս միշտ ճակատեալ եր-  
թային օր ըստ օրէ այնչափ որչափ հա-  
ճոյ թուէր նոցա. եւ ընթրիս ցանդ  
յարեւու անդ առնէին. իսկ կրակ դի-  
շերայն ի բանակի չվառէին : Առե-  
ին առաջի բանակին զի նշմարիցեն ի  
ձեռն հրոյն եթէ մերձենայցեն ոմանք  
գիշերի, եւ ինքեանք մերձեցելոցն շերե-  
ւիցին : Քաղում անգամ եւ յետոյ կու-  
սէ բանակին խարոյկ լուցանէին, վասն  
զթշնամիսն խաբելոյ. որպէս երբեմն լը-  
տեւքն առաջին պահապանացն դիպէին.  
վասն յետուստ կողմանէ խարուկացն  
լուցանելոյ, եւս հեռադոյն ի բանակէ  
անտի համարէին լեալ :

Ասորեստանեայքն. եւ որ ընդ նոսա  
էին, յորժամ մօտ միմեանց բանակքն  
եղեն, շուրջանակի փոս հատանէին,  
զոր եւ այժմ իսկ խուժ թագաւորքն  
առնեն յորժամ ի մարտ պատերազմի  
երթայցեն շուրջ փոս խորացուցանեն  
դիւրաւ վասն բազմաձեռնն լինելոյ :  
Քանզի գիտեն թէ ձիական զօրն զցայդ  
խռովութեամբ է եւ անհաւան, մանա-  
ւանդ թէ խուժադուժ եւս իցէ : Քան-  
զի ունին նոքա զերիւարսն ի մուրս  
արկեալ պարաւանդս ոտիցն. եւ եթէ  
հեծանել դք ի նոսա կամիցի, աշխա-

տուժիւնն է սանձս ի բերան դնել եւ դարմանել եւ զզրահան ազուցանել : Իսկ յորժամ ի նուս երիւարացն հեծանիցին , անցանել ընդ բանակն ամենեւին չիք իսկ հնար : Ասան այսր ամենայնի նոքա եւ այլք եւս ամբուժիւնս արկանեն շուրջանակի . եւ նոցա թուի թէ յապահոյս իցեն , եւ իշխանուժիւն ունիցին յորժամ կամիցին չպատերազմելոյ :

Օայս առնէին եւ առ միմեանս հասանէին , եւ մօտեալք ի բացեայ էին յիրերաց որչափ թէ խրասախ մի : Ասորքեստանեայքն այնպէս խաղային ի պատերազմ որպէս ճառեցաւ , շուրջ փոս հատեալ յերեւելոջ : Իսկ Աիւրոս որչափ ձեռնհաս էր յաներեւոյթ տեղիս գեղս եւ հողաբլուրս ի հանդիպոյ անտի արկանէր , զի զմտաւ ածէր թէ ամենայն իրք պատերազմի որ յանկարծակի երեւիցին , ահագին հակառակորդացն լինիցին : Աւ զայն դիշեր որպէս վայել էր իսկ , առաջապահս կուցուցեալ երկոցունց կողմանցն , ի քուն եղեն :

Ի վաղիւ անդր Ասորքեստանեայն եւ Արիւսոս եւ այլ եւս զօրավարք հանգուցանէին զզօրսն յամուր վայրի : Աիւրոս եւ Աիաքսարէս ճակատեալ բակ առեալ կային շուրջանակի , զի յորժամ մօտ դայցեն թշնամիքն , կուռիցին :

Իսկ իբրեւ յայտ եղեւ եթէ չելանեն  
 հակառակորդք ընդ ամուրսն եւ ոչ  
 տայցեն պատերազմ յաւուր յայնմիկ,  
 կոչէր Ախաքսարէս զԱիւրոս եւ զամե-  
 նայն աւագսն եւ խօսէր այսպէս: Ինձ  
 բարւոք իսկ թուի, ասէ, ով արք, որ  
 պէս կարդեալ եւ ճակատեալ դիպե-  
 ցաք, այնպէս երթալ յամբուժիւնսն  
 արանցն, եւ յայտ առնել եթէ կամիմք  
 կուուել: Քանզի այնպէս, ասէ, որով  
 հետեւ նոքա չհարան ի դիմի, մերքն  
 առաւել քաջալերեսցին ի վերայ եր-  
 թալ, եւ թշնամեացն զյանդգնու-  
 թիւնն տեսեալ, առաւել եւս զահի  
 հարկանիցին ի մէնջ:

Սմա այսպէս թուեցաւ: Բայց Աիւ-  
 րոս ասէ. Մի, ասէ, այսպիսի ինչ առ-  
 նիցեմք ո՞ր Ախաքսարէ: Օ՛ր եթէ յայտ  
 իսկ երթամք յո դու հրաման տաս, տես-  
 ցեն զմեզ թշնամիք յորժամ մօտ իցեմք  
 եւ ոչ երկիցեն, տեսեալ եթէ ին-  
 քեանք յապահովս են չկրել ինչ վիշտս:  
 Աթէ ոչ ինչ գործ վճարեալ մեկնիմք,  
 միւսանգամ հայեցեալ ընդ մեր բազ-  
 մուժիւնն որ կարի իսկ նուազագոյն  
 քան զնոցայն է, յընչաց քերիցեն եւ  
 վաղիւ ելանիցեն զօրութեամբ: Բայց  
 այժմ, ասէ, դիտեն թէ մօտ եմք եւ  
 ոչ տեսանեն զմեզ. զոյս ճարտար գի-  
 տեմ թէ ոչ քամահեն զմեզ, այլ  
 հոգան եւ տատամսին թէ զինչ իցէ:

եւ ոչ դադարին իսկ զմէնջ խօսել: Աւ-  
 յորժամ ելանիցեն, յայնժամ պարտ ի-  
 ցէ եւ մեզ երեւել նոցա եւ վաղվաղակի  
 ի վերայ դիմել ըմբռնեալ նոցա յորում  
 վայրի եւ յառաջագոյնն կամէաք: Օչայս  
 իբրեւ ասաց Աիւրոս, հաճոյ թուեցաւ  
 Աիաքսարայ եւ այլոցն, եւ ապա ընթրիս  
 արարեալ կարգէին կացուցանէին պա-  
 հակապանս եւ խարոյկս բազումս ա-  
 ռաջի պահապանացն վառեալ ննջէին:

Ի վաղիւ ի վաղորդայն անդր Աիւրոս  
 թագ ի գլուխ զոհս մատուցանէր, հրա-  
 ման տայր եւ այլոցն եւս հանգիտապա-  
 տուացն պսակաւորս կալ առ ընթեր  
 զոհիցն եւ պատարագաց: Իբրեւ զրաւ  
 լինէր զենմանն, կոչեցեալ զնոսա մի-  
 անգամայն ասէր. Արք, աստուածքն,  
 որպէս իղձքն պատմեն եւ ինձ իսկ թուի  
 կանխագոյն պատմեն թէ պատերազմ  
 լինիցի, եւ յաղթուի իւն շնորհեսցեն,  
 եւ փրկուի իւն նուիրօքն յառաջագոյն  
 խոստանան: Աայց ձեզ խրատ տալ թէ  
 որպիսիս պարտ իցէ ի ժամանակի աստ  
 յայսմիկ լինել, ես ամաչեմ, քանզի  
 գիտեմ թէ նոցին եւ դուք հմուտ էք  
 հանգոյն ինձ, ի նոսին կանխեալք ընդ  
 նոյնս կրթեալք եւ վայելեալք յունկըն-  
 դրու թեանն եւ վայելէք իսպառ, յոր եւ  
 եսն, որպէս զի յիրաւի իսկ եւ այլոց  
 զնոյն ուսուցանիցէք: Ապա թէ չիցէք  
 ի միտ առեալ լուարուք:

**Օ**, ի զորս նորոգ զօրաւիգն օգնակա-  
 նու թեան ունիմք եւ փռ թամք հանգոյն  
 մեզ առնել, պարտ եւ պատշաճ է մեզ  
 յիշեցուցանել նոցա, թէ վասն էր ի Կի-  
 աքսարայ կերակրեցաք, յի՞նչ թեւակո-  
 խեցաք եւ ընդէր իսկ քաջալերեցաք եւ  
 մխիթարեցաք զնոսա, եւ յանձին կալան  
 առաքինի ախոյանս լինել: **Օ** այս յուշ  
 առնիցէք նոցա, եթէ օրս այս յայտ  
 առնիցէ թէ ի՞մ իմիք արժանի իւրա-  
 քանչիւր ոք ի մէնջ իցէ: **Օ** որ ինչ  
 անագան ուրեմն ուսանիցին մարդիկ.  
 չեն ինչ զարմանք եթէ ոմանց ի նոցանէ  
 յուշարար յիշատակի լինիցին պէտք.  
 բայց սիրելի էր թէ եւ ի թելադրու-  
 թենէ մարթէին արս առաքինիս լինել:  
**Եւ** եթէ զայդ առնիցէք եւ զձեր իսկ  
 հանգէս առեալ հմուտ լինիցիք: **Օ**, ի  
 որ զայլսն մարթի ի ժամանակին յայն-  
 միկ ազնուագոյնս կատարել, նմանա-  
 գոյն եւ զիւրոյ անձինն գիտիցէ թէ կա-  
 տարեալ իսկ այր առաքինի է: Իսկ որ  
 զայնր ամենայնի զյիշատակ յուշարար  
 ինքնին եւ եթ ունիցի, եւ զնոյն սիրիցէ  
 յիրաւի այնուհետեւ թերակատար զան-  
 ձրն հաշուիցի: **Յ** այն սակս, ասէ, ես չա-  
 սեմ նոցա, այլ ձեզ հրաման տամ ասել,  
 զի եւ ձեզ հաճոյ լինել փութայցեն.  
 քանզի դուք մօտ իսկ էք նոցա. իւրա-  
 քանչիւր ոք իւրում բաժնին. գիտա-  
 ջիք, ասէ, թէ մինչ խրախուսեալ



զանձինս ցուցանիցէք, սոցա եւ այլոց  
եւս բազմաց ոչ բանիւք, այլ արդեամբք  
իսկ ուսուցանիցէք համարձակել եւ  
խրախուսել :

Աւ ապա հրամայէր երթալ ճաշ  
ուտել պսակ ի գլուխ եւ զոհս մատու-  
ցեալ գնալ ի գունդան նովին պսակօքն:  
Իբրեւ նոքա գնացին, միւսանգամ  
զվերջապահսն առ հւր կոչէր, եւ խօ-  
սէր ընդ նոսա սպիտի ինչ. Աբք  
Պարսիկք, դուք ի հ նպիտապատուաց  
անտի եղերուք, եւ նտրեալ եւս էք  
որք այլով ամենայն, թէպէտ եւ  
հանգոյն քաջացն իցէք, բայց տիօք  
եւս իմաստնագոյնք: Այսուհետեւ  
զպատուական տեղին ունիք ոչ ինչ ընդ-  
հատ ի հրամանատարացն: Աուք քան-  
զի յետոյ կուսէ էք, զընտիրսն յոր-  
ժամ տեսանիցէք եւ հրամայիցէք նոցա  
եւս ազնուագոյն գործիցէք: Աւ եթէ  
մեղկիցի ոք, դէտակն ունիցիք ի վերայ  
նորա եւ մի համարձակեցուցանիցէք  
նմա: Չեզ իսկ պատշաճ է առաւել քան  
այլում ումք յաղթելն եւ վասն տիու-  
ցըն եւ վասն ձորձոյն թանձրութեան:  
Աւ եթէ որք յառաջոյ իցեն կոչիցեն  
զձեզ գալ զհետ, անսացէք նոցա: Աւ  
զի մի յայնմ նուազեալ գտանիցիք ի  
նոցանէ, անտուստ քաջալերս տայցէք  
նոցա, վաղվաղակի ի թշնամիսն գնալ,  
մեկնեցարուք եւ դուք, ասէ, եւ ճա-

շեալ ապա գնացէք հանդերձ այլովքն  
պսակաւորք ի գունդսն :

Առք զՎիւրոսիւն էին, զայնու էին :  
Ասորեստանեայքն իբրեւ կերան զճաշն,  
եւանէին յանդգնագոյնս եւ ճակա-  
տեալ կային սաստկութեամբ. կարգէր  
կազմէր թագաւորն եկեալ կառօք  
եւ անդրուարօք, եւ այսպիսի ինչ  
հրաման տայր. Առք ասորեստանեայք,  
այժմ պարտուպատշաճ է արս առա-  
քինիս լինել, քանզի այժմ իսկ ի վերայ  
ոգւոց մերոց կռիւս է. եւ վասն երկրին  
յորում ծնայք, վասնտանց յորս սնայք  
եւ ի վերայ կանանց եւ որդւոց եւ ա-  
մենայն արարոց զոր ստացեալ իցէք.  
զի եթէ յաղթիցէք, այնր ամենայնի  
տեարք, զոր օրինակ յառաջն իսկ դուք  
լինիցիք : Ապէթէ ի պարտութիւն  
մատնիցիք, գիտասջիք թէ զայն ամե-  
նայն վտարանդի թշնամեացն տայցէք :  
Աւարդ որ յաղթութեանն ցանկա-  
ցեալ էք, կացէք պատերազմեցարուք :  
Վանզի մորոսութիւն է թէ որք յաղ-  
թելն կամիցին զկոյր կողմանս մարմնոյն  
եւ զանզէնս եւ զանձեռս, զայն հակա-  
ռակ թշնամեացն արկանիցեն յորժամ  
փախուցեալ երթայցեն : Յիմար է ե-  
թէ կենդանի ոք կամիցի լինել եւ ի  
փախուստ մտաբերիցէ, որ գիտակն  
իցէ թէ որ յաղթեն ապրին, եւ քան  
զմնացեալսն առաւել փախստեայք մե-

ուանին : Անմիտ է եթէ ընչից ոք ցանկանայցէ եւ յանձին ունիցի ի պարտութիւն մատնել : Վրանդի ո՞ իցէ որ ոչ գիտիցէ թէ որք յաղթենն զիւրեանցն ապրեցուցանեն եւ զթշնամեացն պարտելոց առնուն : Այլ որ ի պարտութիւնն մատնիցին զանձինս եւ զամենայն ինչ որ իւրեանց իցէ զայն ի բաց ընկեցեալ ասն վտարանդի :

Ատրեստանեայն զայնու էր . իսկ Ախաքսարէս առաքեալ առ Աիւրոս ասէր թէ ժամ է ի թշնամիսն գիմել : Վրանդի այժմ, ասէ, եթէ սակաւք եւս իցեն արտաքոյ ամրին, յորժամ մօտն երթայցեմք, բազում իցեն . եւ արդ կայցեմք մնայցեմք մինչեւ առաւել քան զմեզ լինիցին, այլ երթիցուք մինչ դեռ գիւրին համարիցիմք յաղթելնոցա : Տայր պատասխանի Աիւրոս . Ախաքսարէ, եթէ ոչ աւելի քան զկէս իսկնոցա իցեն որ պարտիցինն, գիտասջիր զի այսպէս խօսիցին զմէնջ թէ երկեան ի բազմամբօխ բազմութենէ եւ ձեռնամուխ ի սակաւաւորսն եղեն . եւ ինքեանք չհամարիցին թէ ի պարտութիւն մատնեցան, այլ այլոյ պատերազմի լինիցին պէտք . յորում թերեւս քաջ պատսպարիցին քան այժմ զի վտարանդիս տան մեզ զանձինս ընտրել որպէս զի ընդ քանիս իսկ ի նոցանէ կամիցիմք կռուել, կռուիցիմք :

Օայն լուեալ հրեշտակացն գնացին, յայնմ վայրի գայր Քրիստոսանտաս պարսիկ եւ ոմանք ի պատուակցաց անտի, բերէին հատուածեալս: Աւ որպէս ի դէպ էր հարցանէր զհատուածեալն զիրաց թշնամեացն: Աւ նոքա պատմէին թէ ելցեն հանդերձ զինուք եւ սպառազինօք, եւ ճակատեցուցանիցէ զնոսա թագաւորն արտաքս ելեալ, եւ բազում քաջալերս տայցէ որոց միշտն ելանեն արտաքս, որպէս պատմեցին, աւսեն, որ լուանն:

Յայնմ վայրի ասէ Քրիստոսանտաս. Իսկ արդ, ասէ, իցէ ինչ եթէ եւ դու ի մի վայր կոչիցես, մինչ դեռ իցէ իշխանութիւն մսիթարեւոյ, մի՞թէ եւ դու ոչ ազնուագոյն զգորսն կատարիցես: Աւ կիւրոս ասէ. Ավ Քրիստոսա, մի տրտմեցուցէ զքեզ Ասորեստանոյն քաջալերութիւնն, չիք ինչ ուրեք այնպէս գեղեցիկ թելագորութիւն որ զայնոսիկ որք չիցենն պիտանիք, նոյն օրին յորժամ լսիցենն, ընտիրս կատարիցէ, ոչ զաղեղնաւորս եթէ չիցեն յառաջագոյն ընդ նոյն կրթեալք եւ ոչ զտիգաւորս եւ ոչ զհեծեալս, նա եւ ոչ մարմինք անգամ բաւական լինիցին վաստակել, թէ ոչ կրթեալ յառաջագոյն իցեն:

Աւ Քրիստոսանտաս ասէ. Շատ է, ասէ, կիւրէ, եթէ զմիտս նոցա քա-

ջալերութեամբն ազնուագոյնս գործեացես : Ասէ կիւրոս . Սի՛թէ մարթինչ իցէ, մի բան ճառեալ նոյն օրին պատկառանօք լի առնել զոգիս լողացն կամ ի քարուականացն կարճել եւ յորդորել որպէս պարտ իցէ, գովութեան եւ յարգանաց վասն զամենայն աշխատութիւն եւ զհամօրէն վիշտս յանձին ունել, եւ ունել զնոյն հաստատութեամբ ի մտի եթէ ցանկալի է ի ճակատու իսկ մեռանել քան փախստեայ ապրել : Ո՛չ ապաքէն եթէ այնպիսի միտք ի մարդիկ լինելոց էին եւ տեւականք եւս, նախ պարտ էր թէ այսպիսի ինչ օրէնք էին, որովք լաւացն եւ առաքինեացն մեծարոյ եւ ազատութեան կեանք յարդարէին, իսկ չարացն չուռ եւ ցաւագին եւ անկեաց կեանք ի վերայ կային : Քանզի եւ վարդապետաց եւս եւ իշխանաց պարտ էր կալ ի վերայ նոցա, որ ուղղորդ ցուցանիցեն եւ ուսուցանիցեն եւ ընդելուցանիցեն զնոյնս առնել, մինչեւ լինիցի նոցա սերտիւ համարել թէ առաքինիքն եւ փառաւորք արդարեւ յաջողութեան են, իսկ չարքն եւ չարաբարոյք քան զամենեսեան իսկ հիքագոյնք լինիցին : Քանզի պարտուպատշաճ է այսպիսի միտս ունել այնոցիկ որ քան զթշնամեաց ահն ազնուագոյն զուսումնն ընծայեցուցանելոց իցեն :

Եթէ յերթալն սպառազինօք ի մարտ պատերազմի, յորժամ բազումք առաջին ուսմանցն մոռացօնս արարեալ իցեն, յայնժամ մարթի ոք ճառ արկեալ յանկարծակի վաղվաղակի արս պատերազմօղս կատարել, ապա քան զամենայն ինչ դիւրագոյն էր եւ ուսանել եւ ուսուցանել զմեծն քան զամենայն առաքինութիւնս որ ի մարդիկ իցեն: Օ՛ի ես, ասէ, եւ ոչ նոցա յանձն առնուի աւատալ թէ տեւեն բաւեն զորս այժմ ունիմք առ մեզ եւ կրթեմք զնոսա եթէ ոչ եւ զձեզ տեսանէի եկեալ հասեալ, որ եւ օրինակք նոցին լինիցիք, թէ որպէս պարտ իցէ լինել եւ թելադիր կարօղ էք լինել, եթէ զաւղիցն իմն: Իսկ զանխրատիցն, ասէ, բնաւ իսկ ամենեւին զարմանք ունիցին զիս ով Քրիստոսա, եթէ ինչ աւելի օգուտ առ ի քաջութիւն գործիցեն բանք բարւոքք, քան այնոցիկ որոց զերաժիշտս չիք ուսեալ գեղեցիկ երգք արուեստականաց օգուտ ի գուսանութիւնն իցէ:

Նորա զայս ինչ ընդ միմեանս խօսելին. բայց Կիաքսարէս միւսանգամ առաքեալ ասէր, եթէ սխալէ զի գեղերէ, եւ շտանի զզօրսն վաղվաղակի ի թշնամիս անդր. յայնժամ տայր Կիւրոս պատասխանի հրեշտակացն. Կիտասցէ, ասէ, զի դեռ եւս չեն արտաքոյ որ-

չափ պարտ իցէ . եւ զայս պատմեցէք նմա ամենեցուն առաջի: Բայց սակայն քանզի նմա այնպէս հաճոյ թուի, հանից արտաքս . զայս ասէր եւ յաղօթս կացեալ դիցն զզօրսն հանէր: Ալ իբրեւ սկսաւ տանել աազնապաւ, ինքն առաջի ընթանայր եւ նոքա ստէպ զհետ դային յօրինուածութեամբ, վասն խելամուտն լինելոյ եւ կրթելոյ խաղալ կարգաւ . եւ սաստկութեամբ եւս վասն առ միմեանս հակառակութեանն, եւ վասն կրթելոյ մարմնոցն յաշխատութիւնս, եւ վասն ամենեցուն իշխանացն յառաջակաց լինելոյ . եւ առաւել եւս յօժարութեամբ վասն հանճարեղ մտացն . քանզի խելամուտ իսկ էին եւ ի բազմաց հետէ նոյնպէս ուսեալ թէ առաւել զգուշութեան է եւ դիւրին ի հեռաստանէ ի դիմի հարկանել թշնամեացն ի բացուստ, մանաւանդ ազեղնաւորօք եւ տիգաւորօք եւ հեծելովք:

Այնչ գեռ արտաքոյ իսկ քան զնետընկէց մի էին, երեւեցուցանէր կիւրոս դրօշ մի այսպէս . ԱՐԱՐԱԶԴ ԶԱՒԱՒԻԳՆ ԱՒԳՆԱԿԱՆՈՒԹԵԱՆ Է ԵՒ ԶԱՒԱՎԱՐ . եւ իբրեւ միսանգամ դառնայր գայր դրօշն, սկսանէր դիտսկուրացւոց արուեստականս, եւ նոքա ամենէքին դիւցապաշտ մտօք միանգամայն նուագեալ հնչէին մեծագոչ բար-

բառով . քանզի յայնպիսումն ժամանակի որ դիւցապաշտքն են, դուն ինչ ի մարդկանէ երկրնչին : Իբրեւ երգք արուեստականացն ի դլուխ ելին, միանգամայն յուղի անկեալ պատուակիցքն արթունք եւ զուարթունք եւ խրատեալք, զմիմեամբք հայէին, եւ զայնուսիկ որ առ ընթեր եւ առաջի երթային յանուանէ կարդային, ստէպ ստէպ ասէին . թէ Նուէք արք բարեկամք, առէք արք քաջք, եւ զմիմեանս քաջալերէին զալ զկնի : Աւ որ յետոյն երթային լուեալ ի նոցանէ անդրէն քաջալերս տային առաջնոցն առաջնորդել արութեամբ : Ի ի էր զօրն կառսի յօժարութեամբ պարծանօք զօրութեամբ համարձակութեամբ քաջալերութեամբ զգաստութեամբ հնազանդութեամբ . զոր դժընդակագոյն իսկ համարիմ հակառակորդացն :

Իսկ յԱսորեստանեաց անտի որք ի կառացն մարտ եղեալ կռուէին, իբրեւ մօտ հասանէր պարսկական ամբոխն, ի կառսն ելանէին եւ մեկնեալ երթային յիւրեանց ամբոխն : Աղեղնաւորք նոցա եւ տիգաւորք եւ պարսաւորք զնետն արձակեցին մինչ չեւ ի միմեանս հասեալ, զի յորժամ խաղացեալ գային Պարսիկքն կոխէին զնետն արձակեալս : Իբօսէր Աիւրոս . Արք առաքինիք, այսուհետեւ եկեսցէ կացցէ ոք յառաջ



վաղվաղակի, եւ այլոց զնոյն պատմեսցէ: Մինչ դեռ զայն բան միմեանց աւանդէին, ոմանք առ յօժարութեան եւ առ ճեպ ընդխառնելոյ սկսան ընթանալ: Միահամուռ ամենայն գունդն զՏեա երթայր արշաւեալ. եւ ինքն իսկ Վիւրոս զընթացսն մոռացեալ, դիմեալ երթայր յարշաւանի եւ բարբառէր թէ ո՞ զՏեա ելցէ, ո՞ր քաջ. ո՞ նախայր մի տապաստ արկանիցէ. եւ նոցա լուեալ զնոյն երկրորդէին, եւ ընդ ամենեօին որպէս նայն ասէր, նոյնպէս դնայր, թէ ո՞ ոք առաքինի իցէ:

Այսպէս դիմեալ դային Պարսիկք, իսկ հակառակորդքն այնուհետեւ չկարէին տեւել մնալ, այլ շրջեալ փախըստեայ յամուրն անկանէին, զՏեա մտեալ նոցա Պարսից ի մուտս անդ, մինչ դեռ զմիմեանս մղէին ընկենուին անդէն զբազումս սատակէին, եւ զանկեալսն ի փոսսն որք ի վերայ յարձակէին, կոտորէին զարս երիւարօքն: Քանզի կառք ինչ ի կառացն ի փախստի անդ ի հարկէ ի փոսսն անկանէին. զայն տեսեալ Մարացն հեծելոց ի թշնամեաց այրուծին դիմեցին. նոքա իբրեւ խոտորէին ի նոցանէ, յայնմ վայրի գերիւարաց եւ զարանց լինէր զՏեա մտանել, եւ կոտորած յերկոցունց:

Իսկ որք ի ներքս յամրի անդ Ասորեստանեացն կային ի գլուխ փոսին

չածէին իսկ զմտաւ նետաձիգ լինել ի նոսա որ կոտորէինն, եւ կարէին իսկ ոչ վասն անհնարին տեղեանն եւ վասն երկեղին: Աւ վաղվաղակի իբրեւ ի միտ առին թէ ոմանք ի Վարսից անտի դիմեն ի մուտս պատնիշին, մեկնէին եւ փախստական գնային ի գլխոց անտի, Իսկ իբրեւ տեսին կանայք Նսորեստանեացն եւ օգնականացն նոցա զփախուստն, անդէն ի բանակի անդ ճիչ բարձեալ գոչէին, եւ ընթանային զարհուրեալք, ոմանք եւ որդեակս եւս ունէին, եւ կէսքն մանկամարդք, զօձիս պատառեալք, եւ զերեսս ցտէին, խաղապատէին եւ աղաչէին զամենեօին ում եւ պատահէին մի փախչել եւ թողուլ զնոսա, այլ որդւոց եւ անձանց եւ նոցա իսկ ի գլխավին զվրէժ խնդրել: Յայնմ վայրի ինքեանք իսկ թաղաւորքն հաւատարմօքն հանդերձ եկեալ կային ի մուտսն եւ ելեալ ի գլուխ փոսին եւ ինքնին մարտ եղեալ կռուէին եւ այլոց եւս տային քաջալերա զամենեսին յորդորելով:

Իբրեւ գիտաց Վիւրոս զիրան որ եղեն, զանգիտեալ թէ գուցէ, եթէ ի ներքս բռնանայցեն, քանզի սակաւաւորք են, ի բազմաց անտի վրիպակ ինչ հասանիցէ. հրաման ետ թէ ի բաց կացցեն արտաքոյ քան զնետրնկէց մի, եւ հնազանդ ինիցին:

Անդէն առնոյր ոք ի միտ թէ արդարեւ խրատեալ էին հանգիտապատիւքն որպէս պարտ եւ պատշաճ էր: Քանզի նոքին վաղվաղակի հնազանդ լինէին, եւ այլոց արագ արագ պատմէին. եւ յորժամ արտաքոյ քան զնետրնկէց մի եղեն, կանգնեցան կացին ըստ իւրաքանչիւր տեղեաց քաջ քան զգունդս պարուցն, քանզի ճշդիւ գիտէին թէ ուր իւրաքանչիւր ումեք հասանիցէ լինել:





Հ Ո Ր Ր Ո Ր Գ

Կ Պ Ր Ո Ւ Թ Ի Ի Ն



# ՎՄՆՆՈՓՈՆՏԵԱՅ

## ԿԻՒՐՈՍԻ ԽՐԵՏՈՒ

ՊԱՏՄՈՒԹԵԱՆՅ

Գ Գ Պ Ր ՈՒ Թ Ի Ի Ն

Գ Լ ՈՒ Խ Ա

**ՊԱՑԵԱԼ** կիւրոսի սակաւ մի ինչ ժամանակ զօրօքն իւրովք, եւ յայտ առնէր թէ պատրաստ լինիցին ի մարտ պատերազմի, եթէ կամիցի ելանել ոք ելցէ: Իբրեւ ոչ ոք ել, ի բաց տարաւ զնոսա որչափ ի գէպ թուէր նմա, եւ անդէն բանակ հարկանէր: Պահապանս կացուցանէր, դէտս յառաջագոյն արձակէր, եւ կացեալ ի մէջ գետին՝ զիւր զօրն ի մի վայր կոչէր, եւ խօսէր պէս զայս գոյն օրինակի բանից:

Արք պարսիկք նախ, զդիան իսկ յարգեալ գովեմ որչափ կարօղ եւ ձեռնհաս իցեմ, կարծեմ թէ եւ դուք եւս ամենէքին: Վանդի յաղթութեան հասաք եւ փրկութեան. արդ պարտ եւ պառշաճ է գոհութիւնս նոքիմք զոր ունիցիմք, դիցն կատարել: Աս զամենեսին իսկ զձեզ դրուատեմ. քանզի

գործս որ գործեցաւ յամենեցունց ի ձէնջ բարւոք ել ի դլուխ . եւ եթէ յորոց ակն կայցէ, հարցանիցիմ թէ իմ իմիք արժանի իւրաքանչիւր ոք իցէ, յայնժամ զանցնիւր պատիւն եւ բանիք եւ արդեամբք ջանացայց հատուցանել :

Օ՛րբիւսանտայ զօրագլխէ որ մտառ իս կայր, ինձ չէ ինչ պիտոյ զայլս հարցանել, այդ եւ ինքնին գիտեմ թէ որպիսի ոք էր . զի եւ զայլն ամենայն զոր դուք ամենեքին արարէք, արար եւ նա . եւ ապա յորժամ ես հրամայեցի ի բաց մեկնել կարդայեալ զնա յականէ, նա վերացուցեալ ունէր զուսերն զի հարկանիցէ զթշնամին, լուաւ ինձ վաղվաղակի, եւ թողեալ զոր ինչ առնելոցն էր, զհրամանն առնէր : Այւ ինքն դարձաւ եւ այլոց պատուիրեաց հաստատութեամբ . որպէս զի ձեպեցին արտաքոյ քան զնեարնկէցս զզօրսն հանել, մինչ չեւ իմացեալ թշնամեացն թէ մեկնիմք եւ նետս արձակեալ . զի եւ ինքն անվնաս եւ զիւրսն եւս առանց վնասու հնազանդութեամբ բն ապրեցոյց . բայց զայլսն, ասէ, տեսանեմ խոցեալս, զորոց յորժամ զմտաւ ածեմ, թէ յորում ժամանակի խոցեցան, ապա զիմ միտս յայտ առնիցեմ : Օ՛րբիւսանտաս զժիր ի պատերազմի եւ զհանձարեղ եւ բաւական



կալ ընդ իշխանութեամբ եւ իշխել, հազարապետութեամբ պատուեմ: Ալ եթէ այլ եւս ինչ բարութիւնք գիւքն շնորհեսցեն, եւ ոչ յայնժամ մոռացայց զնա:

Ալ ձեզ ամենեցուն կամիմ ասէ, յիշեցուցանել: Օ, որ ինչ այժմիկ տեսէք ի պատերազմի աստ յայսմիկ, զայն մի երբեք դադարիցէք ածել զմտաւ, զի յանձանց իսկ ձեզէն ընտրիցէք, թէ ո՞ր արդեւք, քաջութիւնն եթէ փախուստն զոգիսն ապրեցուցանիցէ, եւ թէ արդեւք որ մարտընչելն կամիցին դիւրապուր արագազերծ լինիցին, թէ որ ոչն կամիցին մարտընչել. կամ թէ զո՞ր հեշտականութիւն յաղթելն բերիցէ: Օ, այս ամենայն քաջ մարթէք ընտրել, քանզի զփորձ իսկ արդեանցն ունիք եւ զհանդէս իրացն, որ այն ինչ կատարեցան: Ալ թէ զայս, ասէ, ցանգ զմտաւ ածիցէք, եւս ազնուագոյնք լինիցիք: Այժմ իբրեւ սիրելիք դիցն եւ արք պիտանիք եւ ցածունք, կերայք ընթրիս, եւ զո՞հս դից մատուցէք, եւ սկիզբն արարէք երգոց արուեստակաւնացն, եւ տեսջիք զայն որ հրամայեցաւն:

Օ, այս ասէր եւ հեծեալ յանդրըւար երթեալ հասանէր եւ եկեալ առ Վիաքսարէս, եւ ուրախ լինէր ընդ նմա որպէս պատշաճ էր, եւ տեսեալ որ ինչ անդ էր, եւ հարցեալ եթէ իցեն

ինչ պէտք դարձաւ յիւր բանակն: Իսկ կիւրոսեանքն ընթրիս արարեալ եւ պահապանս կացուցեալ, որպէս պարտիսկ էր, ի քուն եղեալ ննջէին: Իսկ Ասորեստանեայքն յետ զօրավարին մեռանելոյ եւ դրեթէ ամենայն քաջացն, տրտմեալ էին ամենեքեան: Այլ բազումք ի նոցանէ զցայգ դէմ եղեալ տարադէմ ի բանակէ անտի ի բաց գնային: Օջն տեսեալ Աիւրոսի եւ այլոց եւս օգնականացն նոցա ամենեքին տրտմեալ տխրէին: Օ ի ամենայն ինչ դրժընդակ էր. եւ առաւել յայն սակտրտում եւ տխուր էին, զի ցեղն որ առաջնորդ էր զօրուն, կործանեալ վհատեալ թուէր: Ապա թողուն զբանակն եւ մեկնեալ երթան դիշերի:

Իբրեւ տիւ եղեւ, եւ թափուր ի մարդկանէ երեւէր բանակ թշնամեացն, իսկ եւ իսկ Աիւրոս զՊարսիկս նախ անցոյց: Թողեալ էր թշնամեացն հօտս բազումս եւ բազում նախիրս, եւ յուրով սայլք լցեալք բազմապատիկ բարութեամբք: Բստ նմանէ անցին եւ որ զԱիաքսարեաւ Սարքն էին, ամենեքին անդէն ճաշ կերան, եւ իբրեւ ճաշեցին, կոչեաց Աիւրոս զիւր զօրագլուխան, եւ խօսեցաւ այսպիսի ինչ:

Արպիսի՞ ինչ բարութիւնս թողումք ուլ արք, աստուածոց իսկ տուեալ մեզ զնոսա: Այժմ զի թշնամիք զահի

Հարեալ ի մէնջ դիմեալ զնային, դուք իսկ ինչքնին տեսանէք, որք յամբի էին, եւ թողեալ ելին փախստեայք, զի արդ կարծիցէ որ զնոցանէ եթէ հանդարտեւ կարիցեն թէ տեսանիցեն զմեզ ի դաշտագետին վայրի. որք մինչ չէինն մեզ հմուտ, չլինէին ժուժկալ, զի արդ եւ որդունակ այժմ տեւել բաւել կարիցեն, յորժամ ի պարտութիւն մատնեալ իցեն եւ բազում չարիս ի մէնջ կրեալ. որոց եւ քաջքն ի կենաց վճարեցան, որպէս սր անպիտանքն իցեն կամիցին մարտընչել ընդ մեզ:

Ասէ ոմն. Աւարդ զի է զի ոչ վաղ վաղակի պնդիմք զհետ, ուր յայտնի իսկ եւ դուշակաւոր բարութիւնքն իցեն: Աւ նա ասէ, եթէ ձիոց պէտք են մեզ. զի քաջք ի թշնամեաց անտի, զորս իդէպ էր ըմբռնել, կամ սատակել, նոքին ի վերայ երիւարաց գնան. զորս մեք հանդերձ աստուածովքն բաւական եմք ի փախուստ դարձուցանել, եւ զհետ մտեալ ըմբռնել ոչ կարեմք: Իսկ ընդէր, ասեն, երթեալ առ Ախաքսարէս չասես զայդ: Աս ասէ. Ամենեքին զհետ իմ եկայք, զի տեսցէ թէ ամենեցուն մեզ նոյն հաճոյ թուի:

Ապա բոլորեքին զկնի երթային եւ ասէին զոր ինչ միանգամ կարեւոր համարէին այնմ ամենայնի վասն որոյ աղաչէին: Բայց երբեւ չարակնէր իմն

Ախաքսարէս, քանզի նոքա սկիզբն աւարարին բանիցն, սակայն այսպէս բարւոյք թուէր նմա մի միւսանգամ կալի տազնապի, զի եւ ինքն զուարճացեալ էր եւ զբազումս յայլոց եւս Սարայ տեսանէր թէ զուարթացան զուարճացան, եւ արդ ասէր այսպէս :

Ո Աիւրէ, թէ քան զամենայն մարդիկ դուք Պարսիկք կրթեալ էք, եւ ոչ առ մի ինչ ցանկութիւն անյագս լինել, գիտացի. զի եւ տեսի եւ լուայ : Ինձ թուի թէ յոյժ իսկ առաւել օգուտ է ժուժկալս լինել ի մեծի ինչ հեշտականութեան : Օ ինչ ինչ քան զաջողութիւն եւս մեծ հեշտականութիւն մարդկան կայցէ, որ այժմիկ մեզ ի գլուխ ել : Աւ արդ եթէ յորժամ ի փառաւորութեան իցեմք իմաստութեամբ մտօք զգուշացուք փառաւորութեանն, թերեւս կարիցեմք առանց վշտաց յաջողեալք ի ծերութիւն հասանել : Իսկ եթէ անյագ վարիցիմք նովաւ, փութայցեմք այնուհետեւ այլոց եւս մի բստ միօջէ զհետ մտանել. տեսէք մի վիշտս կրիցէք, զոր եւ զբազմաց ասեն ի ծովու փաշաման կրել, քանզի վասն շահից ինչ չկամեցան դադարել ի նաւարկելոյ մինչեւ կորեանն. եւ բազմաց յաղթութեան հասեալ, յորժամ այլոց եւս յաղթութեանց ոչ արարին զառաջին յաղթութիւն յանձանց մերժեցին :

Օ ի թշնամիքն եթէ նուազագոյնք քան զմեզ էին եւ փախչէին, թերեւս հալածելն զնուազունսն զգուշութեամբ էր: Բայց այժմ զմտաւ ած, թէ ընդ քաներորդ բաժնի նոցա ամենեքին մարտ եղեալ յաղթեցաք. իսկ այլքն առանց կռուելոյ են, զորս եթէ չբռնադատիցեմք պատերազմել, քանզի ոչ զմեզ գիտեն եւ ոչ զանձինս, առ տխմարութեան եւ մեղկութեան ի բաց գնան. իսկ եթէ դիտասցեն եթէ ի գնալն իւրեանց ի բաց ոչ սակաւ կրիցեն վիշտս, քան եթէ ի տեւելն եւ ի տոկալ, մի գուցէ բռնադատիցեմք զնոսա ի հարկէ թէպէտ եւ չկամիցին, առաքինիս լինել: Աչ, ասէ, դու աւելի ցանկացեալ ես զկանայսնոցա եւ զմանկունս ըմբռնել, քան նոքա պրծեալ ապրեցուցանել զնոսա: Օ մտաւ ած, թէ եւ վարազք յորժամ յակն անկանիցին, թէպէտ եւ բազումք եւս իցեն, խոճկորօքն փախուցեալ երթան. իսկ յորժամ որսայ ոք ինչ ի խոճկորաց նորա, չփախչի, թէպէտ եւ մի խոճկոր իցէ, այլ յայն որ առնուլն փութայր, դիմէ:

Այժմ փակեալ զանձինս յամբուութեան անդ դարանեալ կային, մինչ զի ընդ քանիս իսկ ի նոցանէ կամիցիմք կռուել կռուիցիմք. ապա թէ յարձակ վայրի մերձենայցեմք առ նոսա, եւ ի միտ առցեն թէ մեկնեալ եւ զատեալ

եմք, ոմանք յառաջոյ, որպէս եւ այժմ  
կռուիցին եւ կէսք ի կողմանէ, եւ այլք  
ի միւսմէ կողմանէ, եւ կէսք յետուստ  
կուսէ: Տես մի իւրաքանչիւր ումք ի  
մէնջ բազում աչաց եւ ձեռաց շինիցին  
պէտք: Աւստ ասէ, չկամիմ ես տեսեալ  
ղլ՝արս զի յուրախուլթեան են, թէ  
յարուցեալ բռնադատիցեմ ի վիշտս  
երթալ:

Աիւրոս ասէ. Դու մի զոք բռնա-  
դատիցես, այլ զայնոսիկ որ կամինն  
գալ զՏեստ իմ, տուր. թերեւս իսկ գայ-  
ցեմք այսրէն եւ բերիցեմք քեզ եւ իւ-  
րաքանչիւր ումք ի բարեկամացն քոյ  
այնպիսի ինչ յորոյ վերայ ամենեքեան  
ուրախ առնիցիք: Օ, ի մէք զբազմամ-  
բոխ բազմութեան զՏեստ ոչ մտանեմք,  
քանզի զիարդ իսկ ըմբռնիցեմք զնոսա-  
եւ եթէ իցէ ինչ մնացեալ յետս ի բա-  
նակսն, ըմբռնիցեմք. եւ եթէ իցէ ինչ  
մնացեալ զայն եկեալ բերցուք առ քեզ:  
Օ մտաւ ած, ասէ, զի եւ մէք, քան-  
զի դու իսկ աղաչեցեր եկաք զայն եր-  
կայն ճանապարհն, վասն զի քեզ կա-  
մեցաք շնորհս առնել, այսուհետեւ եւ  
քեզ յիրաւի է եթէ փոխարէն շնորհս  
առնիցես զի ունիցիմք ինչ ընդ մեզ  
յորժամ երթայցեմք յաշխարհն մեր,  
եւ մի ի գանձդ ամենեքին նայիցիմք:

Յայնժամ ասէ Ախաբսարէս. Աթէ  
յօժարեալ ուրուք զՏեստ քո գայցէ, ես

Հնորհակալ եւս եմ քեզ: Արդ առաքեա, ասէ, ընդ իս զմի ոմն ի հաւատարմաց անտի, որ ասացէ զամենայն զոր դուն հրամայիցես: Առ, ասէ, զս ոք ի դոցանէ կամիցիս. անդ դիպեցաւ որ ասացն երբեմն թէ ազգակից եմ նորա եւ համբուրեաց: Ասէ անդէն Վիւրոս. Սա, ասէ, բաւական է ինձ: Սա ասէ, երթիցէ զհետ քո, եւ դու ասա թէ որ կամիցի երթայցէ ընդ Վիւրոսի:

Առեալ զայրն եւ գնաց. եւ իբրեւ շոգաւ, ասէ վաղվաղակի Վիւրոս: Ի ու այժմ իսկ յայտ առնիցես թէ ճշմարիտ խօսեցար եթէ ուրախ լինիս յորժամ զիս տեսանես: Ասէ մարն ոչ թողից զքեզ, եթէ զայդ ասես: Իսկ Վիւրոս ասէ. Ասիցես եւ այլոց յօժարութեամբ: Սորա երդուեալ յհրամագդ ասէ. արարից, ասէ, զի եւ դու խնդութեամբ նայիցիս ընդ իս: Ապա առաքեալ ի Վիաքսարայ պատմեաց զամենայն փութով յօժարութեամբ Սարացն. եւ յաւել թէ եւ ոչ թողից զայրն ազնիւ եւ գեղեցիկ, եւ որ մեծ իսկ քան զամենայն է զճնեալն ի դիցն:

## Գ Լ Ո Ւ Խ Բ

ՄԻՆՉ դեռ զայն առնէր Վիւրոս, իբրեւ յաստուածակոյս կողմանէ հասին ի Վրկանացւոց հրեշտակք: Վրկանացիքն սահմանորդք են Վսորեստանեացն, ազգ ոչ բազում. վասն որոյ եւ Վսորեստանեայս ձեռս տուեալ էին. հեծեալք էին ի ժամանակին եւ այժմ հեծեալք են: Յայն սակս իսկ ի կիր արկանեն զնոսա Վսորեստանեայքն, զոր օրինակ Վակեդեմոնացիք զՎկիրիտացիսն, ոչ ինչ զընդացեալ խնայեալ ի նոսա, ոչ յաշխատութիւնսն եւ ոչ ի վիշտս. եւ յայնժամ հրաման տուեալ էին նոցա վերջապահս լինել, որք իբրեւ հազար երիւար էին, զի եթէ վիշտք ինչ յետուս կուսէ հասանիցեն, նոքա փոխանակ ընդ նոցա վշտանայցեն:

Իսկ Վրկանացիքն քանզի հետուս երթալոց էին, զկառսն իւրեանց եւ զընտանիս յետոյ թողուին. քանզի բազումք յասիացւոց հանդերձ ընտանեօքն երթան ի մարտ պատերազմի, եւ յայնժամ նոյնպէս երթային ի պատերազմ Վրկանացիքն: Բայց զմտաւածեալ թէ որպիսի վիշտք են զոր Վսորեստանեաց անտի կրեն, եւ թէ այժմ մեռաւ զօրավար զօրաց նոցա, եւ վատթարեալ ի պարտութիւն մատնեցան,



եւ յաճախ երկեւղ է ի բանակի անդ, եւ օգնականք նոցա տրտմեալ եւ լքեալ են. իբրեւ զայս ամենայն ածին զմթտաւ, լաւ թուեցաւ նոցա այժմիկ իսկ յետս կալ յապստամբութիւն, եթէ կամիցին կիւրոսեանքն համահաղոյն յարձակել. եւ առաքեն հրեշտակս առ Վիւրոս, քանզի ի պատերազմէ անտի մեծացաւ անուն նորա :

Եւ որ առաքեցանն ասեն ց՛կիւրոս եթէ զ՛ստրեստանեայս յիրաւիատեան, այժմ եթէ կամ լիցի ձեզ խաղալ ի վերայ նոցա, եւ մեք զօրաւիզն օգնականութեան եմք եւ առաջնորդք : Եւ պատմէին եւս նոցա թէ որպէս իցեն իւք թշնամեացն, զի կամէին յօժարեցուցանել թէ երթայցէ նա ի պատերազմ : Վիւրոս հարցանէր զնոսա. Համարիցի՞ք, ասէ, հառանել մեզ նոցա մինչ չեւ յամուր անկեալ նոցա. զի մեք առաւել վիշտս զայն համարիմք, զի վազվազակի պրծեալ զնայցեն ի մէնջ. զայս ասէր զի կամէր թէ նոքա վստահ լինիցին ի նոսա : Վոքատային պատասխանի թէ եւ վաղիւ եթէ ընդ այդն երթայցեն պնդակազմքն, հասցեն. քանզի յամբօխէ անտի եւ ի կռացն եւ ի սայլից պարապով երթան նոքա. եւ ասեն եւս թէ քանզի զառաջին գիշերն տքնեցան, այժմ առ սակաւ սակաւ երթան բանակքն :

Եւ Վիւրոս ասէ. Ունի՞ք ինչ նշանակ  
ցուցանել թէ հաւատարիմ են զոր խո-  
սիքդ : Պատանդս, ասեն, կամիմք ա-  
ստէն իսկ զիշերայն երթալ բերել :  
միայն եւ դու ընդ մեզ գաշինս կուե-  
ջիր եւ տուր ձեռն, զի տանիցիմք եւ  
այլոց զայն զոր ինչ առ ի քէն առնու-  
ցումք : Եպա հաւատ տայր նոցա եթէ  
ի գլուխ հանիցեն զոր ասենն առ բարե-  
կամս եւ հաւատարիմս ունել զնոս,  
որպէս զի ոչ քան զՊարսիկսն եւ ոչ  
քան զՄարս նուազագոյնք իցեն առ  
նմա : Եւ ցայժմ եւս գոյ տեսանել  
զՎրկանացիսն զի հաւատարիմք են եւ  
իշխանս ունին, զոր օրինակ եւ ի Պար-  
սից եւ ի Մարաց որք արժանաւորքն  
թուիցին :

Եբրեւ ընթրիս կերան, հան զգօրսն  
մինչ դեռ եւս առուր կայր, եւ Վրկա-  
նացւոցն հրաման ետ կալ մնալ զի ի  
միասին երթայցեն : Եմենայն Պարսիկք  
որպէս ի դէպ էր, վաղվաղակի արտաքս  
ելին, եւ Տիգրանէս ունէր զիւր գունդն.  
Ելին եւ ոմանք ի Մարացն վասն ի ման-  
կութեան բարեկամս լինելոյ Վիւրոսի  
յորժամ մանուկն էր. կէսք վասն զար-  
մանալի համարելոյ զբարս նորա զի  
յորասն ընդ նմա իսկ լեալ էին. եւ  
կէսք վասն շնորհակալ լինելոյ, զի ըզ-  
մեծ երկեւղն որ շուրջ փետէր ի բաց  
փարատեցոյց. եւ այլք քանզի ակն

ունեին թէ վասն զի պիտանի ոք էր այրն, բախտաւոր լինիցի եւ մեծ իսկ յոյժ . եւ ոմանք, զի յորժամ ի Մարտ սնանէր, եթէ բարի ինչ ումէք էր արարեալ, կամէին ընդ այնր առնել շնորհս : Բազմաց բազում ինչ բարութիւնս էր ընկալեալ առ ի հաւոյն մարդասիրութեամբն. բազումք եւս քանզի զՎրկանացիսն տեսին եւ բան եւս ի միջի լինէր եթէ ի բազում բարութիւնս առաջնորդեսցեն, ելին եւ առնլոյ ինչ աղագաւ :

Եւ այնպէս գրեթէ ամենեքին իսկ Մարքն ելին, բայց ի նոցանէ որ ընդ Վիաքսարայ ի վրանի անդ դիպեցան . նոքա անդէն մնացին եւ նոցին սպասաւորքն . իսկ այլքն ամենեքին զուարթութեամբ եւ յորդորագոյնս դիմեալ երթային, իբր ոչ եթէ ի հարկէ ինչ, այլ կամակար մտօք, վասն նմա շնորհս առնելոյ : Իբրեւ արտաքս ելին, նախ առ Մարտն երթեալ, յարգեալ դովէր զնոսա . եւ աղօթս եւս մատուցանէր զի առաւել հաշտ իցեն ընդ նոսա դիքն, եւ նոցին առաջնորդք լինիցին, եւ յետ այնորիկ զի եւ ինքն ձեռնհաս իցէ նոցա շնորհս ընդ այնր յօժարութեան հատուցանել : Ապա ասէր թէ առաջնորդեսցեն նոցա հետեւակքն, եւ հրամանս ետ զնոցունց ստէպ զհետ խաղալ երիւարօք . եւ ուր դադարիցեն կամ

կայցեն ի ճանապարհի, պատուէր ետ նոցա թէ ոմանք եկեացեն առ նա զի ծանիցեն զդէպն միշտ :

Ապա հրամայեաց առ աջնորդել Վրլկանացւոցն . եւ նոքա ընդէր ոչ բաւես մնաս, ասեն, մինչեւ զպատանդսն ածիցեմք, զի եւ քո առեալ հաւատս ի մէնջ երթայցես . եւ զնմանէ ասեն տուեալ պատասխանի . Քանզի զմտաւ ածեմ, ասէ, թէ ունիմք ամենեքին հաւատս ի մեր իսկ անձինս եւ ի ձեռս : Քանզի այսպէս կազմք եւ պատրաստք եմք, զի եթէ ճշմարիտք իցէք, բաւականք իցեմք երախտաւոր լինել ձեզ . իսկ թէ խաբեալ պատրեալ կացուցանիցէք, այսպէս իսկ համարիմ եթէ ոչ մեք ընդ ձեւք իցեմք, այլ մանաւանդ առաւել, եթէ դիք կամիցին, դուք ընդ մեւք լինիցիք : Ո՞ր կանացիք, որովհետեւ ասէք, եթէ ձերքն յետուստ երթան, յորժամ տեսանիցէք զնոսա, գուշակեցէք մեզ, եթէ ձերքն են, զի անխայեացուք ի նոսա :

Չայն լուեալ Վրկանացւոցն, առ աջնորդ լինէին ճանապարհին, որպէս հրամայեացն, եւ ընդ մտացն կորովութիւն զարմացեալ էին, եւ այնուհետեւ ոչ յԱսորեստանեաց ոչ ի Վիւղացւոց եւ ոչ ի նոցա օգնականաց զանդիտէին, այլ ընդ այն կասկածէին, թէ մի ամենեւին Վիւրոս սակաւիկ ինչ մէտ

կշռոց համարիցի զնոսա եթէ մօտ իցեն  
 եթէ հեռի: Աւ իբրեւ երթային, քան-  
 զի գիշեր էր, լուսոյ, ասեն, յերկնից  
 Վիւրոսի եւ զօրացն յայտնի իսկ երե-  
 ւել, որպէս զի ամենեցուն դողումն եւ  
 սոսկումն առ աստուածութիւն անդր  
 լինել, եւ քաջալերութիւն առ թշնա-  
 միս: Բայց քանզի պնդակազմն եւ  
 երազ զճանապարհն երթային, նման  
 է եթէ ընդ բազում ճանապարհ անցին,  
 եւ ընդ արշալուրշսն մօտ գային հասա-  
 նէին Վրկանացոց զօրուն:

Իսկ իբրեւ գիտացին հրեշտակքն ա-  
 սեն ցՎիւրոս թէ սոքա են մերքն, զի  
 ի յետոյն լինելոյ ծանեաք, ասեն, եւ  
 ի բազում նշուլիցն. ապա առաքէ զմեւս  
 եւս զումն ի նոցանէ առ նոսա, հրաման  
 տուեալ ասել, եթէ բարեկամք իցեն  
 վաղվաղակի ընդ առաջ եկեալ զձեռս ի  
 վեր ամբառնայցեն: Յղէր ընդ նմա եւ  
 զումանս յորոց ընդ իւրն էին, եւ հրա-  
 մայեաց ասել ցՎրկանացիսն, թէ որ-  
 պէս տեսանիցեն զնոսա մատուցեալս,  
 եւ նոքա ըստ նմին օրինակի առնիցեն.  
 եւ այնպէս մին ի հրեշտակաց անտի  
 մնաց առ Վիւրոսի, եւ մեւսն առ Վրկա-  
 նացիս երթեալ հասանէ:

Յայնմ վայրի կայր դէտ ակն ունէր  
 Վրկանացոցն Վիւրոս, թէ զինչ գոր-  
 ծիցեն եւ կարգեաց կացոյց զզօրսն:  
 Սատեան առ նա Մարացն յառաջա-

կացքն եւ Տիգրանէս, հարցանէին թէ զինչ հասանիցէ գործել: Սա ասէ ցնուսա. Այս իսկ է մօտաւոր բանակ Վրկանացւոցն եւ երթայ մեւս եւս ի հրեշտակաց անտի առ նոսա եւ ի մերոցն ոմանք ընդ նմա ասել եթէ բարեկամք իցեն ընդ առաջ եկեսցեն ամենեքին զձեռս ի վեր ամբարձեալ: Արդ եթէ այնպէս դայցեն, ընկալարուք զնոսա յորում վայրի եւ իցէ իւրաքանչիւր ոք, եւ խրախուսեցէք. եթէ զէն վերացուցանիցեն կամ ի փախուստ մտաբերիցեն, նախ, ասէ ջանացարուք վաղվազակի մի զոք ի նոցանէ թողուլ:

Սա զայս ինչ պատուիրէր, եւ Վրկանացւոց լուեալ ի հրեշտակաց, ուրախ եղեն եւ սրացեալ եկին հասին երիւարօքն, զաջս որպէս ասացաւն, ի վեր կարկառեալ. եւ Մարք եւ Պարսիկք ընդունէին զնոսա եւ քաջալերէին: Այնուհետեւ ասէ Վիւրոս. Մէք ո Վրկանացիք հաւատամք իսկ ի ձեզ, եւ ձեզ պարտ եւ պատշաճ է նոյնպիսի միտս զմէնջ ունել: Բայց նախ, ասէ, զայն ասացէք մեզ թէ սրչափ ի բացեայ իցեն աստի անդր վանք իշխանաց թշնամեացն եւ ամբօխն նոցա: Սոքատային պատասխանի թէ սակաւ ինչ աւելի քան զխրասախ մի:

Արդ ասէ Վիւրոս. Առէք. ասէ, արք Պարսիկք եւ մարք եւ դուք Վրկա-

նացիր, զի եւ ընդ ձեզ իբրեւ ընդ օգնականս եւ զովօղս խօսիմ. պարտ եւ պատշաճ է առնուլ ի միտ թէ յայն հասեալ կամք, զի եթէ ի մեղկութիւն հատանիցիմք, ամենեւին իսկ բնաւին դժընդակացն հասանիցեմք. քանզի գիտեն հակառակորդքն թէ յէր վերայ երթամք. այդ եթէ սաստիկ ուժգնութեամբ դիմեալ երթայցեմք ի վերայ թշնամեացն, անդէն տեսանիցէք ըստ օրինակի ծառայից փախստականաց գտելոց, զոմանս զի աղաչիցեն, զկէսս զի փախստեայ գնայցեն, եւ զայլս եւս որք եւ զայն չկարիցեն ածել զմտաւ: Վանզի ի պարտութիւն մասնեալ տեսցեն զմեզ, եւ չկարծիցեն եթէ մեք հասեալ իցեմք, անդէն ոչ ճակատեալք եւ ոչ պատրաստեալք անկանիցին ի բուռն: Աւարդ եթէ ուրախութեամբ կամիցիմք ընթրիս ուտել եւ գիշերել, եւ կեալ յայսմ հետէ, մի տացուք նոցա պարապութիւն մի խորհել եւ մի պատրաստել ինչ անձանց օգնականութիւն. եւ ամենեւին իսկ մի դիտացեն եթէ մարդիկ իցեմք. այլ համարիցին թէ բնաւ ասպար եւ սուսեր եւ թուր եւ հարուածք դայցեն հասանիցեն:

Աւ դուք, ասէ, ով Վրկանացիք, ձեզէն կանխեալ քան զմեզ յառաջադոյն ընթացարուք, զի յերեւել ձերոց

զինուցն բազում ժամանակս զողեալ  
կայցեմք: Այս յորժամ առ բանակս  
Թշնամեացն հասանիցեմ, դուք իւրա-  
քանչիւր զգունդ հեծելոցն առ իս Թո-  
ղէք, որպէս զի եթէ պիտոյ ինչ լինիցի,  
կացեալ առ բանակին նոքօք վարիցիմ:  
Իսկ որ իշխանք իցեն ի ձէնջ եւ ծերա-  
գոյնք ի գնդի անդ միաժողով գնայցեն,  
եթէ իմաստունք իցեն, զի մի ուրեք  
աւբօխի իմէք դիպեալ բռնադատիցին:  
Բայց զմանկագոյնսն արձակեցէք զի  
զհետ պնդիցին. եւ նոքին կոտորեա-  
ցեն. զի այն իմն այժմ առաւել զգու-  
շութեան է, նուազունս Թողուլ ի  
Թշնամեացն:

Իսկ եթէ լինիցի զբախտն մղել եւ  
յերկիր կործանել, զոր եւ բազում իշխա-  
նաց դէպք ետուն, պարտ է զգոյշ լինել  
մի ի յափշտակութիւն անդր ընթանալ.  
զի որ զայն առնիցէ, ոչ եւս այր իցէ պ-  
նուհետեւ, այլ կապարձակիր. եւ համ-  
արձակ է այնմ որ կամին իբրեւ ծառայ  
ի կիր արկեալ վարել զնա. բայց եւ զայն  
պատշաճ է ի միտ առնուլ Թէ քան  
զյաղթութիւն չիք իսկ ինչ շահաւորա-  
գոյն: Օ՛ր որ յաղթէն զբնաւ միան-  
գամայն յափշտակէ, զարս եւ զկանայս  
եւ զինչս եւ զամենայն իսկ համօրէն  
աշխարհն: Բնդ այն եւ եթ հայեցարուք.  
Թէ զիսորդ զյաղթութիւնն ողջ ապրե-  
ցուցանիցեմք, քանզի եւ ի նմին ապաս-



տանեալ կայ եւ այն որ յափշտակէ :  
Եւ զայս յիշեսցիք յորժամ զհետ  
մտեալ հալածիցէք, դալ միւսանգամ  
առ իս, մինչ դեռ եւս աւուր կայցէ, զի  
յորժամ խաւար լինիցի ոչ եւս ընդունի-  
ցիմք զոք :

Օչայս ասացեալ, զիւրաքանչիւր ոք  
յանցնիւր գունդն առաքէր, եւ պա-  
տուէր տայր երթելոցն իւրաքանչիւր  
տասնապետացն զնոյն յայտ առնել զի  
ի ճակատուանդ տասնապետքն էին, զի  
լիցեն, եւ հրամայէին տասնապետացն  
պատմել տասանցն : Ապա յառաջեալ  
երթային Վրկանացիքն, եւ ինքն ի միջի  
անդ գնայր ընդ Պարսիցն, եւ զայրու-  
ծին յերկուց կողմանց ճակատեցուցա-  
նէր :

Իբրեւ իրքն համարձակ յայտնեցան,  
ոմանք ի թշնամեաց անտի զարմացեալ  
կային ընդ իրսն որ երեւեցան, ոմանք  
վհատեալ լքանէին, կիսոց գոյժ տը-  
ւեալ եւ կիսոցն աղաղակ եղեալ գոչէին,  
ոմանք զերիւարսն լուծանէին զկահ եւ  
զկազմած ի մի վայր ժողովէին, ոմանք  
զզէնն եւ զզարդ ի ջորւոցն ընկենուին,  
այլք վառէին պատրաստէին, եւ կէսք  
սրացեալ երթային ի վերայ երիւա-  
րացն, եւ կէսք սանձս ի բերան դնէին,  
իսկ զկանայսն ի դեսպակսն ճեպէին, եւ  
զամենայն ինչ զմեծագին առնոյին, որ-  
պէս զի պրծեալ ապրեցուցանիցեն եւ

ոմանք որ զայն պիտի ինչ խուզէին, ան-  
դէն ի բուռն անկանէին, բայց բազումք  
ի փախուստ դարձան: Այսպէս պարտ  
է համարել թէ այլ եւս բազում ինչ  
եւ ազգի ազգի արարին նոքա, բայց  
միայն պատերազմեցաւ ոք ոչ այլ ա-  
ռանց կռուոյ կորեան:

Իսկ Արիւսոս Ա իւզացւոց թագաւոր,  
քանզի ժամանակ ամարայնւոյ էր, զկա-  
նայսն ժանուարօք յառաջագոյն ար-  
ձակեաց գիշերի, զի դիւրաւ զնայցեն  
զճանապարհն ի ցուրտ, եւ ինքն առ-  
եալ զՏեճեալն զՏետ երթայր. եւ  
զփոխագացոյն ասեն թէ զնոյն եւնա  
արար, որ Եղլեսպոնտացւոց փոխագաս-  
տանի իշխան էր: Իբրեւ զգաստ եղել  
նոցա զփախստեիցն եւ զհասելոց առ  
նոսա, հարցեալ զիրացն որ եղեն, եւ ին-  
քեանք տաղնապաւ փախստեայ գնային:

Իսկ զՎամրաց արքայն եւ զԱրաբացւոց,  
քանզի տակաւին մօտ էին եւ առանց  
զրահից, սպանին Վրկանացիքն. եւ մեծ  
մասն յԱսորեստանեաց եւ յԱրաբացւոց  
սպանելոցն էր, քանզի մտեալ իսկ էին  
յաշխարհն իւրեանց եւ վասն այնորիկ  
յամրագոյնս երթային զճանապարհն:

Բայց Սարքն եւ Վրկանացիքն, որ-  
պիտի ինչ ի դէպ էր ի յաղթութեանն  
առնել, զայն առնէին ի հալածելն: Իսկ  
Արիւսոս հեծելոց որ առ իւրն մնացեալ  
էին, հրաման ետ շրջել շուրջ զբանա-

կաւն եւ եթէ զոմանս զինուէք հանդերձ ելեալս տեսանիցեն, կոտորել . եւ մնացելոցն քարոզ կարդայր , թէ որք ի զօրաց անտի թշնամեացն հեծեալքն իցեն կամ ասպարաւորք կամ աղեղնաւորք, ժողովեալ ի բաց տայցեն զզէնսն , եւ զերիւարսն ի վրանսն թողուցուն . եւ որ զայն ոչ առնիցէ , անդէն հարկանիցի կառափն նորա , եւ բախ առեալ պատեալ կային զզնդաւն եւ սուսերք ի ձեռս իւրեանց : Այլ որոց զէնք էին ի բաց թօթափէին ի տեղի մի ուր հրամայեաց . եւ որոց հրաման տուեալ էր , այրեցին :

Բայց կիւրոս զմտաւ ած եթէ ոչ ռոճիկ եւ ոչ բմպելի ունին մինչ երթանն , եւ թէ առանց այնր ամենայնի չիք ինչ հնար ի պատերազմ երթալոյ եւ ոչ այլ ինչ գործ գործելոյ : Օմտաւ ածեալ թէ զհաճող վաղվազակի եւ բարւոք իրքն վճարիցին , խորհեցաւ եթէ հարկ իսկ է համօրէն զօրուն լինել առն միում , ում հոգ ի մտի իցէ վասն վրանին եւ թէ ռոճիկքն պատրաստեալ կայցեն զօրացն հասելոյ : Ապա գիտաց եթէ ի դէպ է թէ առաւել քան զամենեսին նոքա բմբոնեալ իցեն ի բանակի անդ որք զկահ եւ զկազմած ժողովիցեն , քարոզ կարդայր զի եկեսցեն հասցեն ամենայն ոստիկանք , եւ ուր չիցէ յան-

ձանձիչ, որ ծերագոյնն իցէ ի խորանի անդ, նա : Նոքա իբրեւ տեսին թէ եւ տեսարքն իսկ հնազանդ լինին, վաղվազակի անսային :

Իբրեւ եկին, նախ հրամայեաց նոցա նստել որոց աւելի քան զերկուց ամսոց պաշարք էին ի վրանի անդ : Յորժամ ետեսն զնոսա, անդէն հրամայեաց եւ նոցա որոց ամսոյ միոջ պաշար էր, նստել. ապա գրեթէ ամենեքին իսկ նստան : Իբրեւ ի միտ առ զայս ամենայն, ասէր այսպէս ցնոսա. Առէք այսուհետեւ, ասէ, ո՞ւրք որ զձերոց իսկ զանձանց չարիս ատեայք, եւ երախտեաց ինչ առ ի մէնջ կամիք հասանել, յօժարութեամբ փոյթ յանձին կալայք, զի երկպատիկ յիւրաքանչիւր վրանս կերակուր եւ ըմպելի պատրաստական կայցէ տերանց եւ ծառայից, քան զոր օր ըստ օրէ պատրաստէք. եւ զայլ եւս ամենայն որ ինչ բարւոք հացկերոյթ յօրինիցէ, կազմեալ պատրաստեալ առնիցէք, զի անդէն իսկ եկեսցեն հասցեն ոյք յաղթելոցն իցեն, եւ պահանջեսցեն լիով ունել զքնաւ իսկ զկարեւորսն : Օայս գիտասջիք, ասէ, եթէ լաւ իցէ ձեզ եթէ առանց տրանջելոյ զարսն ընդունիցիք :

Նոքա զայն լուեալ բազում փուլթով եւ յօժարութեամբ զհրամայեալսն ի գլուխ հանէին, եւ նորա միւս-

անդամ կոչեցեալ զգօրագլուխսն խօսէր այսպիսի ինչ օրինակ: Արք բարեկամք, դիտեմք եթէ մարթի այժմ ձեզ յառաջագոյն իսկ մինչ դեռ հեռի իցեն նիզակակիցք ձեր, ճաշ ուտել, եւ ազգի ազգի կերակրովք եւ ըմպելեօք վարել. այլ չթուի ինձ թէ այն ճաշ աւելի ինչ օգուտ իցէ մեզ քան զայն զի երեւիցիմք եթէ ունիմք հոգի մտի վասն նիզակակցաց մերոց. եւ ոչ խրատութիւնն այն այնչափ ուժգնագոյնս կատարիցէ, որչափ եթէ կարօղ իցեմք նիզակակիցսն մեր յորդորագոյնս առնել: Ապա թէ արդ իսկ զնոցունց որ հալածիցենն եւ սպանանիցեն զթշնամիսն մեր, եւ մարտ եղեալ կռուիցին եթէ ընդ հակառակս ի կռիւ ոք կայցէ, կարծեցուցանիցեմք անփոյթ առնել, որպէս զի մինչ շեւ իսկ դիտացեալ եթէ զինչ գործ գործիցեն, մեք ճաշ ուտիցեմք. մի իցէ եթէ անամօթք իսկ երեւիցիմք եւ տկարք եւ անզօրք լինիցիմք ի նիզակակցաց մերոց չքաւորեալք. այլ զվաստակաւորաց եւ զվըտացելոց հոգի մտի ունել ումեք, զի յորժամ գայցեն, զկարեւորն պէտս գտանիցեն. այս սեղան քաջ ուրախ առնիցէ զմեզ, որպէս ես ասեմ, քան եթէ վաղվաղակի յորկորստութիւն հատանիցիմք:

Օ մտաւ ածէք, ասէ, թէ եւ ի նո-

ցանէ չէր պարտ ամաչել, սակայն եւ ոչ այնպէս վայելուչ էր զմայլութիւնն եւ ոչ արբեցութիւնն. զի չեւ եւս ի գլուխ ել զոր կամէաքն, այլ ամենայն այժմ տեւեալ բաւէ եւ կարօտ է մերով հոգաբարձութեամբ: Օ՛ ի ունիմք ի բանակի աստ թշնամիս բազմապատիկ քան զմեզ, եւ զնոսա քակեալս ի միմեանց, յորոց թերեւս ի դէպ իցէ տակաւին զգոյշ լինել եւ պահել զնոսա, զի իցեն եւ որք զպիտոյից կարեւորաց մեզ սպասաւորութիւն հարկանիցեն: Ղեռ եւս ի բացեայ են ի մէնջ այրուձին, եւ տան հոգալ եթէ ուր իցեն, եւ եթէ գայցեն եւս, կայցեն մնասցեն: Արպէս զի, ով արք, ինձ այսպէս լաւ թուի եթէ այնչափ կերակուր եւ այնչափ ըմպելի պարտ իցէ առնուլ, որչափ ոք համարիցի առաւել օգուտ լինել առ ի մի քնով եւ մի ապշութեամբ լի լինելոյ:

Այս գիտեմ ես, եթէ բազում ինչք գոն ի զօրու անդ, եւ չեմ ինչ անտեղեակ թէ վասն զի հասարակաց են այնոցիկ որ ըմբռնիցին, մարթի մեզ առնուլ որչափ ինչ կամիցիմք, այլ ինձ չթուի շահաւորագոյն առնուլն քան զարդարն երեւել յաչս նոցա եւ նովին իմն շահել առաւել եւս գիրկս արկանել նոցա զմեւք: Ինձ հաճոյ թուի, ասէ, եւ զբաշխել կարասւոյն, յորժամ եկեսցեն, Վարաց եւ Վրկանա-

ցւոց եւ Տիգրանայ առնել յանձն : Թէպէտ եւ բնաւ սակաւ ինչ մեզ տայցեն , շահ պարտ է համարել , զի վասն շահիցն յօժարագոյնս եւս կայցեն մնայցեն ընդ մեզ : Օ՛ր այժմ ազահել , սակաւ ժամանակեան տայցէ մեզ զմեծութիւն . զի եթէ ժոյժ ունիցիմք զայն ստանայցեմք , ուստի մեծութիւնն ծնանի . այս իսկ է , որպէս ինձ թուի , որ զյաւիտենից մեծութիւնն մեզ եւ մերոցն ամենեցունց մարթի մատուցանել : Թուի ինձ , ասէ , զի եւ յաշխարհի անդ մերում մեք վասն նորին իսկ կրթեաք , եւ ժուժկալս պորտոյ էաք եւ անդէպն շահից , զի յորժամ պիտոյ լինիցի , նոքօք մարթայցեմք յօգուտ վարել : Մեր ի մեծամեծս եւս քան զսոյնս որ առաջիս կան զխրատն ցուցանիցեմք , ես ոչ տեսանեմ :

Սա զայս ինչ խօսեցաւ : Յանձն առ Վշտասպաս այր պարսիկ ի պատուակցաց անտի , եւ ասէ այսպէս . Քանզի անպատեհ է , ասէ , ով Աիւրէ , եթէ յորսն բազում անգամ նօթի եւ անսուաղ համբերիցեմք , զի դազան ինչ արկանիցեմք ի բուռն , թերեւս եւ զփոքրագին իսկ , եւ այժմ մինչ զողջոյն իսկ փառաւորութիւնն կամիմք որսալ , եթէ արգել ինչ եւ խափան զայն առնիցեմք անձանց , որ շարաց մարդոց տիրէ , իսկ լաւացն հնազանդ լինի . եւ

արդ մի թուիցիմք առնել զոր մեզ չվայելիցէ : Ա շտասպաս այսպէս յանձին կալաւ, եւ այլք եւս ամենեքին գովէին : Եւ Վիւրոս ասէ . Ըռէք, ասէ, որովհետեւ միամտեալ եմք, առաքեցէք ամենեքին ի վաշտէ արս հինգ ի փութոցն. նոքա շուրջ երթայցեն, եւ զորս տեսանիցեն զի զուճիկսն ամբարեն գովեսցեն, եւ զորս տեսանիցեն յանփութութեան տանջիցեն յանխնայ իբրեւ տեարք :

## Գ Լ Ո Ւ Խ Գ

ՆՈՔԱ զայն առնէին. եւ ի Սարաց անտի ոմանք հասեալ դարձուցանէին զկառսն լցեալս, որովք կարօտ իսկ էին զօրքն, եւ ոմանք զժանուարս կանանց ազնուաց յորոց կէսք ճշմարիտ իսկ կանայք էին եւ կէսքն հարձք, զնոսա ըմբռնէին : Վանզի եւ ցայժմ իսկ ամենայն Նսիացիքն յորժամ ի մարտ պատերազմի երթայցեն, առեալ զամենայն ինչ զմեծագին, երթան, ասեն իմն այսպէս, թէ առաւել եւս պատերազմիցին եթէ մօտ կայցեն սիրեցեալքն. զինոցին իմն ասեն հարկ ի վերայ կայ վերակացու լինել յօժարութեամբ : Երդ թերեւս այդ այդպէս իցէ, բայց թերեւս հեշտականութեանն իմն շնորհելով կամիցին առնել :



Բայց Աիւրոս տեսեալ զգործս Սա-  
րայն եւ Արկանացւոց, իբրեւ մեզ իմն  
անձինն եւ իւրոցն զնէր, թէ այլք ի ժա-  
մանակին յայնմիկանցուցանեն զնոքօք  
եւ ստանան ինչ, եւ ինքեանք կան մնան  
ի դատարկ վայրսն: Օ՛ի եւ աւարողքն  
ցուցանէին Աիւրոսի զոր ածէինն, եւ  
միւսանգամ երթային զայլս հալածել.  
զայս առնել, ասեն, հրաման առաք  
յիշխանացն: Ի խոր խոցեալ կայր Աիւ-  
րոս, սակայն ունէր յանձին զայն ամե-  
նայն: Ի մի վայր կոչէր զզօրագլուխսն,  
եւ կացեալ ուր մարթ էր լսելի լինել  
բանիցն ասացելոց, ասէր այսպէս:

Թէ մեծամեծ բարութիւնք առնին  
ամենայն Պարսից, եթէ ըմբռնիցեմք  
զոր երեւինս, մանաւանդ յիրաւի իսկ  
մեզ զի մեք գործին. զայն ամենեքին  
իսկ գիտեմք: Բայց զիարդ եւ ո՞ր գու-  
նակ մեք նոցա տեարք լինիցիմք որ չի-  
ցեմքն բաւական ստանալ զնոսա, եթէ  
չիցէ սեպհական այրուծի Պարսից, զայն  
ես դեռ եւս ոչ տեսանեմ: Օ՛մտաւ  
ածէք, ասէ, զի ունիմք մեք Պարսիկքս  
զէնս որովք զթշնամիսն ի յարձակել  
անդ իւրեանց ի փախուստ դարձուցա-  
նիցեմք: Ալ յորժամ ի փախուստ դար-  
ձուցանիցեմք, զօրս հեծեալս կամ ա-  
ղեղնաւորս կամ ասպարաւորս կամ տի-  
գաւորս. մեք որ առանց երիւարաց ի-  
ցեմք կարիցեմք ի փախստի կամ ըմբռ-

նել կամ սպանանել. ո՞յք իցեն որ երկընչիցին ի մէնջ յորժամ յարձակիցին չար ինչ առնել կամ աղեղամբ կամ գեղարդեամբք կամ հեծելովք, քանզի գիտեն եթէ ոչ մի ինչ վիշտս ի մէնջ հասանիցէ կրել առաւել քան ի ծառոցն տնկելոց :

Ապա թէ այդ այդպէս իցէ, ո՞չ ապաքէն յայտ իցէ, ասէ, թէ որ այժմ առ մեզ հեծեալք իցեն զայս ամենայն որ ի բուռն անկեալ իցէ, ոչ սակաւ նոցա իցէ քան եթէ մեր. թերեւս եւ աւելի իսկ : Արդ այս այսպէս է ի հարկէ. իսկ եթէ եւ մեք ունիցիմք այրուծի ոչ ինչ ընդհատ ի նոցանէ, ո՞չ ապաքէն ամենեւին իսկ յայտ իցէ, եթէ զթշնամիսն կարիցեմք առանց նոցա հարկանել, որպէս եւ այժմ հանդերձ նոքօք, եւ զնոսա ի չափու ունիցիմք շմեծամտել առ մեւք. զի եթէ մերձ լինել կամիցին եթէ հեռի, ոչ ինչ փոյթ իցէ մեր, եթէ մեք առանց նոցա անձանց իսկ բաւական իցեմք : Բայց զայն իսկ թողցուք. կարծեմ թէ չիք իսկ ոք որ հակառակ ինչ ասիցէ, եթէ չէ ինչ ամենեւին օգուտ լինել Պարսից սեպհական այրուծի :

Այլ թերեւս զայն ածիցէք զմտաւ, թէ զիւրդ այն լինիցի. արդ գիտեսցուք տեսցուք, եթէ կամիցիմք այրուծի կարգել, զինչ ինչ գուցէ մեր եւ

էր իրիք կարօտութիւն իցէ: Աազում երիւարք կան ըմբռնեալ ի բանակի անդ եւ սանձք որովք նուաճին, եւ այլ եւս ամենայն որովք վարին որք զերիւարսն ունին. եւ սապազէն եւս ունիմք, զբաՏս եւ սանձանց ամրութիւնս եւ տէգս, զոր եւ արձակել մարթեմք եւ ունել: Իսկ զինչ պակաս իցէ. յայտ է եթէ արանց պէտք են. մանաւանդ զայն իսկ ունիմք, քանզի շիցէ ինչ այնպէս մեր, որպէս մեք մերոց իսկ անձանց:

Այլ թերեւս ասիցէ իսկ ոք, եթէ չեմք հմուտ. բայց եւ ոչ յայնցանէ որ այժմ գիտիցեն, մինչ չեւ ուսեալ, հմուտ էր ոք: Թերեւս ասիցէ ոք եթէ ի մանկութեան ուսան. միթէ մանրկտին իմաստնագոյնք իցեն առ ուսանել զասացեալս եւ զցուցեալս, քան զարս. եւ ոյք իսկ, եթէ ուսանիցին, բաւականք եցեն մարմնովք ի գործ վաստակոց, մանկտին եթէ արք: Սա եւ պարապութիւն եւս է մեզ ուսանել որ ոչ մանկտոյ եւ ոչ այլոց արանց գոյ. քանզի չէ իսկ հարկ մեզ ուսանել նետաձիգ լինել զոր օրինակ մանկտին. զի այնմ յառաջագոյն իսկ խելամուտ եմք, եւ ոչ նիզակ առնուլ, քանզի եւ այնմ հմուտ եմք: Սա եւ ոչ հանգոյն այլոց արանց, ոմանց մշակութեան պարապութիւնք են, եւ այլոց արուեստից հանգամանք, եւ կիսոց այլ ինչ տան

իրք: Իսկ մեզ ի պատերազմն երթալ, ոչ պարապուծիւն եւեթ է, այլ եւ հարկ իսկ:

Եւ ոչ իբրեւ զայլ եւս բազում իրս պատերազմի դժուարինք են, այլ եւ քաղցր եւս: Ոչ ապաքէն հեշտականագոյն իցէ ի ճանապարհի երիւար քան զհետիոտան ընթանալ. ոչ եւ ի փուծալն քաղցր իցէ, վաղվաղակի առ բարեկամն հասանել, եթէ պիտոյ լինիցի, եւ արագ եթէ զմարդոյ եթէ զզազանի պարտ իցէ զհետ մտեալ հասանել. եւ այն եւս չիցէ դիւրութեան զի զզէնն եւ զզարդն զոր պարտ իցէ կրել, զայն երիւարն խառն ընդ մեզ կրիցէ. քանզի եւ ունելն իսկ զէնս եւ տանելն նոյն է: Եւ յորմէ առաւել ոք երկընչիցի, այս է, թէ մի գուցէ եթէ հասանիցէ մեզ յառաջագոյն ի տագնապի անկանել երիվարաւ մինչ չեւ ճշդրիտ ուսեալ զգործն, եւ այնուհետեւ ոչ հետեւակք իցեմք եւ ոչ քաջ հեծեալք: Բայց եւ այն չէ ինչ առանց պաճարանաց. զի ուր եւ կամիցիմք մարթ է մեզ անդէն ընդ հետեւակացն իսկ կռուել. քանզի ոչ եթէ զհետեւակաց մարտան մոռանայցեմք յորժամ յերիւար հեծանել ուսանիցիմք:

Աիւրոս այսպէս ըստ սմին բանից խօսէր: Իսկ Վրիւսանտաս յանձին կալեալ խօսէր այսպէս. Աս, ասէ, այն

չափ ցանկամ ուսանել յերկվար հեծանել, զի համարիմ եթէ յորժամ հեծեալ լինիցիմ, մարդ թռչուն լինիցիմ: Օ՛ր ես այժմ սիրէի, թէ միայն յանդըզնեալ դիմագրաւեալ զոյգ ընթանալ ընդ մարդոյ, իմով եւեթ անձամբ յաղթել կարիցիմ, եւ եթէ գազան տեսանիցեմ զի անցանիցէ, կարիցեմ ձգեալ անապարել առ ի նիզակ առնուլ կամ նետածիգ լինել մինչ չեւ ամենեւին հեռացեալ նորա: Ապա թէ հեծեալ լինիցիմ, կարիցեմ սպանանել զայր յերկայնութենէ տեսլեան աչաց հայելոյ, եւ ձեռնհաս իցեմ, յորժամ գազանաց զհետ մտանիցեմ, զկէսս ի մօտոյ խոցել եւ ըմբռնել եւ զկէսս նիզակաւ հարկանել որպէս թէ կայցեն իսկ: Օ՛ր եթէ երկու արագունք իցեն սակայն մօտ հասեալ միմեանց, իբրեւ կացեալ երեւիցին:

Քան զամենայն գազանսն, ասէ, առաւել զարմանալի զյուշկապարիկ գազանսն համարիմ, եթէ գուցեն: Օ՛ր խորհիցին մարդկեղէն հանձարոյն, եւ ձեռօք զարժանն վճարիցեն, եւ զծիոց երագութիւն եւ սաստկութիւն ունիցին մինչեւ զփախստականն սպանանել եւ զդիմակացն ի փախուստ դարձուցանել: Արդ զայն ամենայն միանգամայն եւ ես եթէ հեծեալ լինիցիմ, յանձին բարձեալ բերիցեմ: Օ՛րնա-

մակալութիւնն ունիցիմ ամենեւին ի մոյն մարդկեղէն մաօքն եւ ձեռամբք զզէնսն կրիցեմ, եւ երիւարաւ զհետ մտանիցեմ, եւ զհակառակորդն ի փախուստ դարձուցանիցեմ երիւարին ուժգնութեամբն, բայց ոչ եթէ ի բնէ ինչ կապեալ կայցեմ որպէս ձիացուլքն զի այս իսկ քան զբունն լաւ է:

Քանզի զձիացլուց կարծեմ թէ բազում բարուք գիւտից մարդկան չեն հմուտ թէ զխաբի պարտ իցէ ի կիրարկանել. եւ բազում հեշտականութիւն տնկեալ կայ ի բնութեան երիւարաց, որպէս պարտ իցէ վայելել ի նոսա, զայն ոչ գիտեն: Բայց ես յորժամ ուսանիցիմ յերիւար հեծանել, յորժամ նստիցիմ ի նուս երիւարաց, զձիացլու իրս վճարիցեմ, եւ յորժամ իջանիցեմ, ընթրիս ուտիցեմ եւ հանդերձ ազանիցիմ եւ ննջիցեմ, որպէս եւ այլ եւս մարդիկն: Օ՛ի՛նչ այլ ինչ իցեմ եթէ ոչ ձիացուլ, որ զատ իցեմ եւ միւսանգամ կցիցիմ:

Աւ եւս աւելի, ասէ, ունիցիմ քան զյուշկապարիկ գազանն. զի նա երկուք աչօք տեսանիցէ, եւ երկուք ականջօք լսիցէ. բայց ես չորիւք աչօք նշմարիցեմ, եւ չորիւք ականջօք զգայցեմ: Օ՛ի բազում ինչ ասեն ձիոյն յառաջագոյն տեսեալ մարդկան յայտ առնել, եւ բազում ինչ ականջօք յառաջագոյն

լուեալ գուշակել : Արդ զիս , ասէ ,  
գրեսջիր ընդ այնոսիկ որ ցանկանայ-  
ցեն յերիւար հեծանել :

Ասեն եւ այլքն ամենեքին թէ եւ  
զմեզ ընդ նոսա գրեսջիր : Ապա , ասէ ,  
Վիւրոս . Զինչ իցէ , որովհետեւ ամե-  
նեցուն այս հաճոյ թուի , եթէ օրէնս  
անձանց առնիցեմք թէ ամօթ է այնու-  
ցիկ որոց ես տաց երիւարս , եթէ երե-  
ւիցի գնացեալ հետիոտս , եթէ բազում  
ճանապարհ հասանիցէ վնալ եթէ սա-  
կաւ , զի ամենեւին իսկ համարիցին  
զմեզ մարդիկ ձիացուլս իսկ լինել : Աս  
զայս խօսէր , եւ ամենեքին միաբան  
գովէին : Որպէս զի մինչեւ ցայժմ  
յայնմ ժամանակէ հետէ նոյնպէս վա-  
րին Պարսիկք , եւ ոչ ոք յազնուացն  
Պարսից կամակար երեւիցի ուրեք հե-  
տիոտս երթեալ :

## Գ Լ Ո Ւ Խ Դ

ՆՈՒՅԱ մինչ դեռ զբանիւքն էին : Յոր-  
ժամ հասարակ օր անցանէր , եկին հա-  
սին Սարքն հեծեալք եւ վրկանա-  
ցիքն , երիւարս ի գերութեան վարեալ  
եւ զարս . զի որք զզէնսն ի ձեռս տայ-  
ին , ոչ սպանանէին : Աւ իբրեւ մա-  
տեան , նախ եհարց զնոսա Վիւրոս թէ  
ամենեքին ողջ իցեն . եւ իբրեւ ասացին  
թէ ողջ եմք , այնուհետեւ հարցանէր

Թէ զինչ գործ վճարիցեն . եւ նորա կային պատմէին զոր ինչ գործեցինն , եւ որչափ արութեամբ քաջութեամբ իւրաքանչիւր , եւ մեծաբանէին : Աւնա լսէր զամենայն ախորժութեամբ զոր ինչ կամէինն ասել : Ապա դրուատէր զնոսա այսպէս . Յայտ իսկ է , ասէ , եթէ արք քաջք եղերուք , քանզի մեծամեծք իսկ երեւիք եւ գեղեցիկք եւ երեւելիք քան զառաջինն : Ապա հարցանէր ցնոսա թէ զոր ճանապարհ զնային , եւ թէ բնակեալ իցէ աշխարհն . եւ նորա պատմէին թէ ընդ բազում կողմանս անցաք եւ ամենեւին իսկ շէն է երկիրն , եւ լի է օգեօք եւ ուլօք եւ երրնջովք եւ ձիովք եւ ցորենովք եւ ամենայն բարութեամբք :

Արկուս ինչս , ասէ , պարտ է մեզ հոգալ , զի յաղթօղ լինիցիմք այնոցիկ որ ունինն զնոսա , եւ զի ինքեանք անդէն կայցեն : Քանզի շէն երկիր մեծագին ստացուած է , իսկ որ թափուր ի մարդկանէ իցէ , սին եւ թափուր ի բարութեանց իցէ : Արդ գիտեմ , ասէ , զի զգիմադարձսն սպանէք եւ ուղղութեամբ արարէք . քանզի դոյն իսկ ողջ գոյաղթութիւնն պահիցէ , եւ զորս անձնատուրն եղեն գերիս առէք , զորս եթէ արձակիցեմք , զնոյն դարձեալ օգուտ գործիցեմք , որպէս ես կարծեմ : Ասխ զի ոչ զգուշանալ պի-



տոյ լինիցի մեզ եւ ոչ պահել զնոսա եւ ոչ կերակրել զնոսա, զի ոչ եթէ սով սպանանիցեմք զնոսա : **Օ** ի յորժամ զնոսա արձակիցեմք զեւս բազումս վտարանդեալս ի գերութեան ունիցիմք . զի եթէ տիրիցեմք աշխարհին, ամենեքին որ ի նմին աշխարհի բանակիցեն, գերի լինիցին : **Մ**անաւանդ իսկ զի որ կենդանիս տեսանիցեն զնոսա եւ արձակեալս, կացցեն եւ այլք եւ լաւ համարիցին հնազանդել քան պատերազմել : **Ա**րդ ես այսպէս գիտեմ . ապա թէ այլ ինչ ազնուագոյն ոք տեսանիցէ, ասացէ : **Ի**սկ նոցա լուեալ յանձն առնոյին զգոյն առնել :

**Ա**պա կոչեցեալ Վիւրոսի զգերին, ասէ այսպէս . **Ա**րք, ասէ, այժմիկ զի հնազանդեցարուք . մի ինչ չար լինիցի ձեզ այսուհետեւ եթէ նոյնպէս առնիցէք, ոչ մի ինչ չար լինիցի ձեզ, այլ ոչ նոյն տիրեսցէ ձեզ որ յառաջն տիրէր : **Բ**նակեցարուք ի նոյն տունս, եւ զերկիր զնոյն արկէք ի գործ, եւ ընդ նոցին կանաց բնակեցարուք, եւ որդւոցն ձերոց իշխեցէք որպէս եւ այժմ . բայց միայն ընդ մեզ մի մարտընջիցիք եւ ոչ ընդ այլում ումեք . եւ եթէ զըրկեսցէ ոք զձեզ, մեք փոխանակ ընդ ձեզ տացուք մարտ պատերազմի ընդ նոսա :

**Ե**ւ զի մի հրամայեսցէ ոք ձեզ զօրաժողով երթալ ի պատերազմ, զզէնս

առ մեզ բերէք, եւ որոյ բերենն եղիցի խաղաղութիւն, եւ զոր խօսիմքն առանց նենգութեան խօսիմք. իսկ որ ոչն թողուցուն ի բաց զզէնս պատերազմի, մեք երթայցեմք ի վերայ նոցա ի պատերազմ: Աւ եթէ ոք ի ձէնջ մատուցուցեմք եկեցէ առ մեզ եւ գործիցէ ինչ եւ ուսուցանիցէ, զնա մեք առ երախտաւորս եւ բարեկամս ունիցիմք եւ ոչ առ ծառայս: Օայս, ասէ, դուք ի միտ առէք եւ այլոց զրոյց տուք. եւ եթէ մեք, ասէ, ընդ այս կամիցիմք, եւ ոմանք ոչ հնազանդեսցին, տարայք զմեզ ի վերայ նոցա, զի մեք նոցա իշխիցեմք եւ ոչ նոքա մեզ: Աս զայս ասէր, եւ նոքա երկիր պագին նմա, եւ յանձին կալան առնել այնպէս:

## Գ Լ Ո Ւ Խ Ե

ԻՅԻՅԻ նոքա գնային ասէ Կիւրոս. յամ է ով Մարք եւ Հայք ընթրիս ուտել մեզ ամենեցուն. պատրաստեսցին ձեզ պէտքն կարեւորք, որչափ մեք ձեռնհաս իցեմք: Այլ երթայք եւ առաքեցէք մեզ զարարելոյ հացիդ զկէս եւ լինիցի բաւական ձեզ եւ մեզ. խորտիկ մի յղեցէք եւ մի ըմպելի, զի ունիմք բաւականութեամբ առ մեզ պատ-

րաստեալ . եւ դուք, ասէ, Վրկանացիք, ածէք զդոսա ի վրանսն, զիշխանսն ի մեծամեծ խորանս զոր եւ գիտէք իսկ, եւ զայլն որպէս ինչ ձեզ հաճոյ թուիցի: Աւ դուք ընթրիս կերայք, ուր ձեզ քաղցր իցէ . քանզի ողջ իսկ խորանք են ձեր կազմեալք պատրաստեալք անդ որպէս եւ սոցա: Բայց զայս ինչ գիտասջիք թէ զարտաքինսն մեզ հասանէ պահել գիշերի, եւ զորս ի վրանսն իցեն, դուք տեսէք եւ զինուք ի դիմի հարկանիցիք նոցա . քանզի որ ի վրանսն են դեռ եւս չեն մեր բարեկամք:

Մարքն եւ տիգրանեանքն լուացան, զի ամենայն ինչ կազմ եւ պատրաստ էր, եւ զհանդերձս փոխեալ, ընթրիս ուտէին, եւ էր կերակուր երիւարաց նոցա, եւ առաքէին Պարսից ի հացէ անտի զկէսն, եւ խորտիկ ոչ առաքէին եւ ոչ գինի, զի կարծեցին թէ ունին կիւրոսեանքն, զի ասացն թէ խորտիկ առատութեամբ ունիմք: Բայց Վիւրոս զայս ասէր, խորտիկ զքաղցն, եւ ըմպելի ի գետոյն որ ընդ այն հոսէր:

Վիւրոս իբրեւ ընթրիս արար Պարսից, եւ խաւար եղեւ, զբազումս ի նոցանէ հինգ հինգ եւ տասն տասն արձակէր, եւ հրաման տայր շուրջանակի զբանակաւն զօղել, զմտաւ ածեալ թէ պահ լինիցի եթէ արտաքուստ դք

մերձենայցէ, եւ եթէ արտաքս ոք զնայցէ հատուածեալ առնեալ ինչս, ի բուռն անկանիցի. եւ այնպէս ի զլուխ ել. քանզի բազումք էին որ հատուած երթային եւ բմբռնեցան բազումք: Աիւրոս թոյլ ետ զի կարասին բմբռնելեացն լինիցի, եւ զարսն հրամայեաց սուր ի վերայ եդեալ կոտորել. որպէս զի յայնմ հեատ, եւ ոչ թէ կամէր ոք, գտանէր զիւրաւ զոք որ երթայցէ զիշերի. այսպէս կային Պարսիկքն: Բայց Մարք արբենային եւ ուրախ լինէին եւ հարկանէին սրինգս եւ ամենայն ուրախութեամբ լի լինէին: Վանզի բազում ինչ ի բուռն անկաւ, առ ի չգատարկանալոյ դործոյ այնոցիկ որ սկէինն:

Իսկ Աիաքսարէո Մարաց արքայ, ի զիշերին, յորում Աիւրոս զնաց, արբեցաւ հանդերձ նոքօք որ ի վրանի անդ էին իբրեւ ի փառաւոր յաղթութենէ անտի, եւ զայլոց եւս Մարաց կարծէր թէ ի բանակի անդ են բաց ի սակաւաւորացն, զի բազում աղմուկ լուէր. քանզի Մարաց ծառայքն յորժամ թողինն զնոսա աեարքն անհնարին բմպէին եւ աղմկէին, մանաւանդ զի եւ ի բանակէ ասորեստանւոյն զինի բազում եւ այլ նոյնպիսի ինչ առին:

Իբրեւ տիւն լուսացաւ եւ ոչ ոք ի դրունսն չոգաւ, բայց միայն որ ընդ

նմա իսկ ընթրիս՝ կերան, եւ լսէր թէ թափեալ է բանակն ի Սարացն եւ ի հեծելոցն, եւ յորժամ ելն, ետես թէ այնպէս է, զայրացաւ Վիւրոսի եւ Սարացն, զի թողին զնա ամայի եւ զնացին. եւ անդէն վաղվաղակի, որպէս անագորոյն էր, ասեն, եւ ապախտաւոր մտօք, հրաման տայ միում ումէք ի մտակացացն առնուլ զհեծեալսն որ առ իւր իցեն եւ երթալ առ զօրն որ զՎիւրոսի էր, եւ ասել այսպէս: Արծէի ես, ասէ, զքէն ով Վիւրոս եթէ ոչ այնպէս անմտութեան խորհուրդ խորհիս դու զինէն: Իսկ եթէ Վիւրոս այնպէս կամիցի, չհամարէի ձեզ ով Սարք եթէ կամիցիք թողուլ զիս. եւ այժմ եթէ Վիւրոսի այն կամ իցէ, կացցէ. իսկ եթէ ոչ. դուք վաղվաղակի իսկ հասէք:

Օյայդ հրաման ետ. եւ որ զհրամանն առ երթալ, ասէ. Օ իա՛րդ ես, տէր, գտանիցեմ զնոսա: Օ իա՛րդ, ասէ, Վիւրոս եւ որ ընդ նմայն էին զնացին յորոց վերայ գնացինն: Օ ի լսեմ, ասէ, զոմանց Վրկանացւոց թէ ապստամբեցին ի թշնամեացն եւ եկեալ յետս առաջնորդք եղեն նոցա: Իբրեւ զայս լուաւ Վիաքսարէս առաւել եւս ցատուցեալ ընդ Վիւրոս զի զայն չեհան նմա ի վեր, բազում տազնապաւ առաքէր առ Սարս զի զնա լոկ եւ թափուր առնիցէ. եւ եւս սաստկագոյն քան զա-

ուաջինն սպառնացեալ կոչէր զՍարս . եւ առաքելոյն սպառնացաւ եթէ ոչ սաստկութեամբ պատմեսցէ :

Գնաց առաքեալն, առեալ ընդ իւր զհեծեալս իւր իբրեւ հարեւր հեծեալ տրտմեալ զի եւ ինքն ոչ չողաւ ընդ Վիւրոսի . եւ իբրեւ գնացին ի ճանապարհ, եւ բաժանէին ճանապարհքն ի շաւղաց, մուրեցան, եւ ոչ հասին ի բանակն Վիւրոսի մինչեւ պատահեալ նոցա ոմանց յԱսորեստանեաց եւ բռնադատեալ զնոսա առաջնորդս լինել . եւ այնպէս երթեալ հասանէին զխարոյկս նշմարեալ զհասարակածաւ գիշերոյ : Իբրեւ մօտ եղեն ի բանակ անդր, պահապանքն, որպէս ի Վիւրոսէ ասացեալ էր, ոչ թողին զնոսա ի ներքս յառաջքան զօրն : Իբրեւ տիւ ծագեաց, նախ զմոզսն կոչէր եւ հրաման տայր դիցն ըստ օրինացն հաշտ առնել վասն ի վերայ այնպիսի բարութեանցն : Իբրեւ նոքա զայնու էին, նորա կոչեցեալ զպատուակիցսն, ասէ :

Աբբ յաճախագոյն բարութիւնս դիքն ցուցանեն . բայց մէք ով Պարսիկք սակաւաւորք եմք ի ժամանակիս յայսմիկ առ ի ժուժկալ լինելոյ նոցա . զի եթէ զոր ստացաքն, զայն ոչ պահիցեմք, միւսանգամ օտարաց լինիցի, եւ եթէ թողուցումք զոմանս ի մէնջ արարոցն պահապանս, անգէն կարծիս տայցեմք

Թէ ոչ գուցէ ինչ մեր զօրութիւն : Արդ-  
 հաճոյ թուի ինձ վաղվաղակի երթալ  
 միում ումեք ի մէնջ ի Պարսս եւ յայտ  
 առնել զոր ինչ են խօսիմ, եւ հրաման  
 տալ փութանակի առաքել զօրս ե-  
 թէ արդարեւ ցանկանայցեն Պարսիկք,  
 զհարստութիւն Ասիացւոց աշխարհին  
 եւ զշահս նոցա լինել : Արթ, ասէ,  
 դու ով ծերդ, եւ երթեալ խօսեաց  
 զայս ամենայն, եւ թէ զզօրականացն  
 զոր առաքեսցեն, յորժամ գայցեն առ  
 իս, ինձ փոյթ լիցի այնուհետեւ վասն  
 ռոճկի նոցա : Աւ որ ինչ է մեր, զայն  
 դու ինքնին տեսանես, ծածկիցես իսկ  
 ի նոցանէ եւ ոչ մի. եւ եթէ առաքի-  
 ցեմ ինչ ի նոցանէ ի Պարսս բարւոք  
 եւ օրինօք առնիցեմ. զդիցն ցիմ հայրն  
 հարց, եւ զհասարակաց իրաց ցիշխանսն :  
 Առաքեսցեն եւ լրտեսս իրացն զոր  
 գործիցեմք եւ քննիչս զորոց հարցանի-  
 ցեմք. եւ դու, ասէ, կազմ եւ պա-  
 տրաստ լինիջիր. եւ զգունդն տար  
 յուղարկաւոր :

Ապա զՍարսն կոչէր, եւ եկեալ հա-  
 սեալ կայր հրեշտակն Վիաքսարեայ,  
 եւ ամենեցուն լու ի լու զառ Վիւրոս ցա-  
 սումն եւ առ Սարս զսպառնալիսն պատ-  
 մեր, եւ գլուխ իսկ ամենայնի ասէր ե-  
 թէ հրաման է դառնալ գալ Սարաց,  
 թէպէտ եւ Վիւրոս կամիցի մնալ :  
 Սարք իբրեւ լուան ի հրեշտակէ անտի

լուռ եղեն ի վարանս մտեալ թէ զհարդ պարտ իցէ անսաստել կոչելեացն, եւ երկուցեալ թէ որպէս ունկնդիր լինիցին այնմ որ սպառնայրն. մանաւանդ զի գիտէին զանագորոյն միտս նորա:

Բայց Աիւրոս ասէ. Թիս ով պատգամաւոր, ո՞ր Սարք ոչ ինչ զարմանք ունին եթէ Աիաքսարէս բազում թշնամիս յայնժամ տեսեալ, եւ զի չգիտէ զոր ինչ մեքն գործեմք, տաղտապի վասն մեր եւ վասն իւրոյ անձինն: Այլ եթէ ազդ լինիցի նմա թէ բազումք ի թշնամեացն սատակեցան եւ ամենեքին քակտեալք եւ պառակտեալք են, նախ իսկ յերկեղէ անտի դադարիցէ, ապա ի միտ առցէ եթէ այժմ ամայի ոչ իցէ յորժամ բարեկամք նորա զթշնամիս նորա սատակիցեն: Այլ եւ պարսաւանաց զհարդ իցեմ արժանի, ուր բարի առնիցեմ նմա. եւ ոչ զայս ամենայն ինքնակամն. այլ ես ածի զնա ի հաւան թոյլ տալ ինձ առնուլ զձեզ եւ երթալ: Եւ դուք ոչ եթէ արշաւանի ցանկացեալ անշացարուք եթէ ելանիցէք, եւ այժմ յետս դառնայցէք, այլ ի նմանէ հրաման առէք ելանել ում ի ձէնջ չիցէ տաղտուկ: Արդ ես ճարտար գիտեմ թէ այն ցատումն ի բարութեանց աստի ցածնուցու եւ ընդ երկեղին ի բաց փարատիցի: Արդ այժմիկ ասէ, ով պատգամաւորդ հանգիր



քանզի վաստակեալ ես: Աւ մեք ով  
Պարսիկք, քանզի ակն ունիմք զալոյ  
Թշնամեացն կամ ի մարտ պատերազմի  
կամ ի հնազանդութիւն, ազնուազոյնս  
ճակատեսցուք: Օ, ի եթէ այնպէս եր-  
թայցեմք, ի դէպ է թէ առաւել եւս  
քաջ վճարիցեմք որ ինչ պիտոյն իցէ  
մեզ: Առ, ասէ, որ Արկանացւոց իշ-  
խանդ ես, դադարեա կաց պատուէր  
տուր զօրավարաց զօրաց քոց զզօրսն  
վառել:

Իսկ իբրեւ զայս ամենայն ի գլուխ  
հանեալ զայր վրկանացին, ասէ Աիւրոս:  
Աս, ասէ, ով վրկանացիդ, ուրախ առ-  
նիմ յորժամ զգամ եթէ ոչ միայն  
զբարեկամութիւնն յայտ արարեալ  
զաս, այլ թուի ինձ թէ հանճար եւս  
եւ իմաստութիւն ունիցիս: Աւ զի մեզ  
օգուտ իցէ այն ամենայն, յայտ է. զի  
ինձ թշնամիք Ասորեստանեայքն են,  
այժմ քեզ եւս առաւել թշնամի է  
քան եթէ ինձ: Այսպէս մեզ երկո-  
ցունցս խորհուրդ հասանէ խորհել թէ  
զիսորդ յօգնականաց որ այժմ մօտ  
իցեն, մի ոք ապստամբիցէ. եւ զայս  
եւս եթէ կարիցեմք ի բուռն արկցուք:  
Առար դու զմարէն զի կոչեաց զայր-  
ուձին. եւ եթէ նոքա մեկնեսցին, որ-  
պէս մեք միայն հետեւակքս կայցեմք  
մնայցեմք, արդ այսպէս պարտ է առ-  
նել ինձ եւ քեզ, զի նա որ կոչեաց եւ

ինքն կամեսցի առ մեզ մնալ : Այլ դու  
Գորբիաս վրան տուր նմա ուր եւ պարտ  
իցէ եւ զամենայն զպիտոյսն ունիցի,  
եւ ես փութացայց գործ ինչ ի ձեռն  
տալ նմա զոր ասոր ժելով գործիցէ եւ  
ոչ մեկնեսցի . եւ խօսեաց ընդ նմա թէ  
որչափ ինչ բարւոք ակնկալութիւն է  
բարեկամացն ամենեցուն եթէ պատ-  
շաճքն ի գլուխ ելանիցեն : Օայս յոր-  
ժամ առնիցես միւսանգամ եկ առ իս :

Չոգաւ վրկանացին եւ զմարն ած ի  
վրան անդր եւ որ ի Պարսսն երթալոց  
էր, անդէն կայր կազմ եւ պատրաստ,  
եւ Աիւրոս պատուիրեաց ասել ցՊար-  
սիկսն որ ինչ յայտ յառաջին բանսն  
եղեւ, եւ տալ Աիաքսարայ զգիրն, կա-  
միմ, ասէ, զի զոր ինչ ի թղթի աստ  
գրեալ իցէ իմ, ընթեռնուցուս, զի  
գիտացեալ խոստովան լինիցիս եթէ ոք  
զքեզ վասն նոցին հարցանիցէ . եւ է-  
ին ի հրովարտակի անդ այսպիսի ինչ  
բանք :

Աիւրոս Աիաքսարայ ողջոյն : Մեք  
զքեզ լոկ ոչ թողաք, քանզի ոչ եթէ  
յորժամ ժուժկալ ոք թշնամեաց լինի-  
ցի, յայնժամ թափուր ի բարեկամաց  
լինիցի . եւ ոչ զի մեկնեցաքն ի քէն  
դու ի վիշտս կաս եւ ի տագնապի . այլ  
որչափ առաւել հեռի իցեմք ի քէն,  
դոյնչափ յաճախագոյն քեզ զամբու-  
թիւնն գործիցեմք : Վանզի ոչ եթէ

ի բարեկամաց անտի որք մօտն նստիցին  
աւելի ինչ յամրի զսիրելիսն առնիցեն  
այլ որք զթշնամիս ի բաց մերժիցեն,  
նոքա զբարեկամսն յապահոյս կացու-  
ցանիցեն: Միտ դիր թէ որպիսի ոք եղէ  
ես քեզ եւ դու որպիսի ոք ինձ լինիս,  
դի ինձ մեղ դնես: Աս ածի քեզ զօ-  
րաւիզն օգնականութեան, ոչ որչափ  
դուն հաւանեցուցեր, այլ որչափ ես  
ձեռնհաս եղէ յաճախագոյնս: Պու  
ետուր ինձ յորժամ յերկրին խաղաղու-  
թեան էին, այնչափ որչափ կարօղ էի  
աժեւ ի հաւան, այժմ յերկրի աստ  
թշնամեաց, ոչ զայն որ կամիցի այլ զա-  
մենեսին իսկ կոչես: Քանզի յայնժամ  
ձեզ պարտիմք շնորհս, եւ այժմ բռնա-  
դատես մոռանալ զքեզ, եւ այնոցիկ  
որ զհետ իմ եկին ջանալ զբնաւ իսկ  
զշնորհսն հատուցանել: Քայց ես քեզ  
նման չկարեմ լինել. այլ եւ այժմ ա-  
ռաքեալ զգօրուէ ի Պարսս, պատուէր  
ետու թէ որք դայցենն առ իս, եթէ  
կարօտ ինչ նոքօք իցես, մինչ չեւ եկ-  
եալ նոցա առ մեզ, որպէս դուն կամիցիս,  
վարել նոքօք: Քայց խրատ տամ քեզ,  
թէպէտ եւ կրտսեր եւս իցեմ, մի հա-  
նել զոր ետուրն, դի մի թշնամութիւնք  
քեզ փոխանակ շնորհացն հասանիցեն,  
եւ ոչ յորժամ կամիցիս թէ վաղվա-  
ղակի դայցէ ոք առ քեզ առաքեսցես  
սպառնալիս, եւ մի ասել թէ լոկ մնա-

ցի եւ բազմաց սպառնալիս յաճախիցես , զի մի ուսուցանիցես զնոսա չառնել ինչ փոյթ այնուհետեւ զքէն : Աւմէք փութասցուք հասանել յորժամ վաղվաղակի ի գլուխ հանեալ վճարիցեմք զոր ինչ քեզ եւ մեզ առհասարակ բարութիւնս համարիցիմք . ողջ լերո

Օգայս թուղթ տայցես դու նմա եւ եթէ հարցանիցէ ինչ ի սոցանէ քեզ , որպէս գրեալ կայ այնպէս ասա . զի եւ զՊարսից պատուիրեմք քեզ որպէս եւ գրեալ է . զայս ասէր նմա եւ տուեալ զթուղթն արձակէր պատուէր տուեալ այնպէս ճեպել որպէս գիտէրն եթէ օգուտ իսկ է վաղվաղակի հասանել :

Ապա հայեցեալ տեսանէր զամենեսեան զՎրկանացիսն եւ զայնոսիկ որ զՏիգրանաւն էին : Աւ Պարսիկքն սպառազէն վառեալ էին . եւ այլք ի մօտաւոր աշխարհացն երիւարս ածէին եւ զէնս բերէին , եւ նա զասպարսն ուր զառաջինսն ընկեցեալ էին , հրամայեաց այնոցիկ որոց նոյն դործ էր ընկենուլ եւ այրել որովք չէին իսկ ինքեանք կարօա : Բայց զերիվարսն հրամայեաց կալ մնալ պահել բերելեացն մինչեւ յայտ իմն առնիցի նոցա : Իսկ զիշխանս հեծելոցն եւ Վրկանացւոցն կոչեցեալ խօսէր այսպէս :

Աւք բարեկամք եւ պատերազմակիցք , մի զարմանայցէք , ասէ , թէ բա-

զում անգամ կոչիցեմ զձեզ, քանզի նոր են որ առաջիս կան. հարկ է թէ աշխատութիւնս հասուցանիցեն, մինչեւ կայցեն կարգեալ յիւրաքանչիւր տեղւոջ: Այժմ բազում կարասի է ձեր ի գերութենէ անտի եւ արք բազումք. եւ առ չգիտելոյ մեր թէ որ ի նոցանէ իւրաքանչիւր ուրուք ի մէնջ իցէ, եւ զի ոչ նոքա գիտեն ո՞րք իւրաքանչիւր ուրուք ի նոցանէ տէր իցէ, բնաւ չիք իսկ զբազումս ի նոցանէ տեսանել զպատշաճսն վճարեալս. բայց գրեթէ ամենեքին իսկ տարակուսեալ են եթէ զինչ արժան իցէ առնել: Աւարդ զի մի այնպէս ինչ լինիցի, զայն սահմանիցէք:

Աւ որ սա ոք վրան յորում գուցէ ամենայն ինչ բաւական, եւ կերակուր եւ ըմպելի եւ սպասաւորք եւ գահոյք եւ հանդերձք, եւ այլ ինչ ամենայն որով բարւոք բնակութիւն յօրինիցի զնուորութեան խորանին, անդ ոչ այլ ինչ պարտ է յաւելուած առնել, բայց այնմ որ առնու՝ գիտել թէ զայնցանէ իբրեւ զիւրոցն պարտիցի հոգ ի մտի ունել: Իսկ որ ի վրանս կարօտութեան հասանիցէ բնակել, դուք տեսանիցէք զնոսա եւ զպակասութիւնն շուրջուք: Գիտեմ թէ եւ բազում ինչ գոյ աւելորդ, քանզի զամենայն ինչ աւելի քան զմեր բազմութիւն ունէին թշնամիքն: Այլին առ իս եւ գանձուց

կապարճակիրք Մտորեստանեաց թա-  
գաւորին եւ այլոց եւս հարստաց, որք  
ասէին թէ կայ առ նոսա ոսկի դրոշմա-  
ւոր եւ զհարկաց իմն խօսէին :

Արդ քարոզ կարդացէք թէ զայն  
ամենայն առ ձեզ բերցեն ուր եւ նրս-  
տիցիք, եւ ահ արկանիցէք այնմ որ  
առնիցէ զհրամանն: Աւ դուք առէք  
տուք, հեծելոց զկրկինն եւ հետեւակի  
զլոկն, զի ունիցիք եթէ կարօտանայ-  
ցէք իւիք եւ զնոց գնիցէք: Իսկ ի վա-  
ճառս որ ի բանակի անդ իցեն, քարոզ  
կարդացէք, ասէ, մի ոք զրկեալ զա-  
նայցէ. իսկ աշխարհաւանդիւքն եւ վա-  
ճառականք, զոր ինչ ունիցի իւրաքան-  
չիւր ոք՝ տալ զնոց, եւ զայն կարգեալ  
եւ յօրինեալ, այլ բերել զի շէն լինիցի  
բանակս մեր:

Նոքա անդէն քարոզ կարդային.  
Իսկ Մարքն եւ Վրկանացիք ասեն այս-  
պէս: Օ խա՞րդ, ասեն, մեք առանց  
քո եւ քոյոցն բաժանիցեմք զայսօսիկ:  
Աիւրոս անդէն տայր պատասխանի բա-  
նիցն: Միթէ այսպէս ամիցէք ասէ,  
զմտաւ թէ որ ինչ հասանիցէ գործել,  
յամենայնի պարտ է մեզ ամենեցուն  
մօտ լինել. եւ ո՞չ ես բաւական լինի-  
ցիմ ձեզ գործելով փոխանակ ձեր ինչ  
զոր պարտ իցէ, եւ ոչ դուք փոխանակ  
մեր, եւ զխա՞րդ այլազգ առաւել վաս-  
տակս եւ աշխատութիւն յանձին ու-

նիցիմք եւ դուն ինչ վճարիցեմք, եթէ ոչ այսպէս: Այլ տեսէք, ասէ, զի մեք պահեցաք ձեզ զայսոսիկ, եւ դուք մեզ հաւատացէք թէ բարուք իսկ պահեցան: Գուք դարձեալ բաժանեցէք եւ մեք հաւատասցուք ձեզ եթէ բարուք բաժանեցէք, եւ փութասցուք միմեանց առհասարակ լաւութիւն ինչ գործել:

Տեսէք, ասէ, նախ թէ որչափ երիւարք իցեն մեր եւ որչափ գայցեն: Արդ եթէ զոսա թողուցումք առանց հեծանելոյ, չիցեն ինչ մեզ օգուտ եւ աշխատութիւնս եւս հասուցանիցեն: Իսկ եթէ հեծեալս նստուցանիցեմք ի վերայ նոցա, յաշխատութենէն զերծանիցիմք եւ զօրութիւնս յաւելուցումք նոցա: Աթէ ունիցիք զայլ եւս ոմանս որոց տայցէք զնոսա, ընդ որոց քաղցր իցէ ձեզ վիշտս կրել եթէ հասանիցեն ինչ վիշտք ի վերայ, քան ընդ մեզ, նոցա տուք. եթէ զմեզ կամիցիք առաւել ձեռնկալուս ունել, մեզ տուք: Քանզի եւ այժմ յորժամ առանց մեր դիմեալ ի տագնապի կայիք, բազում ահ հասուցէք մեզ թէ մի գուցէ վշտանայցէք ինչ, մանաւանդ թէ յամօթաւորարէք զմեզ, զի չէաք անդ ուր դուք եւ եթէ առնուցումք երիւարս, զհետ եկեսցուք ձեր, եւ եթէ աւելի ինչ օգուտ գործիցեմք մարտուցեալ ձեւք

Հանդերձ ի վերայ երիւարաց, ապա ոչ ինչ իւրիք պակասեալ գտանիցիմք յուրախուլթենէ, իսկ եթէ հետեւաւիք իցեմք առաւել եւս թիկունք լինիցիմք ձեր, վաղվաղակի իջանիցեմք եւ հետի հասանիցեմք ձեզ զօրաւիզն. եւ մեք հնարեսցուք գտցուք ում տացուք զերիւարսն :

Վա զայս խօսէր, եւ նոքա տային պատասխանի. թէ Սէք ո Վիւրէ ոչ արս ունիմք զոր ի նուս երիւարաց նստուցանիցեմք, եւ ոչ թէ ունէաք, որովհետեւ դու ընդ այս կամիս այլ ինչ նմին հակառակ ընտրէաք. եւ այժմ ասեն առեալ զերիւարսն արա որպէս թուի իսկ քեզ : Մնդունիմ, ասէ. մեք հեծեալք լինիցիմք, եւ դուք բաժանիցէք որ ինչ հասարակաց իցէ : Արդ նախ, ասէ, դիցն որոշեցէք զոր ինչ մոզքն հրամայիցեն. եւ ապա ընտրեցէք Վիւքսարայ զոր ինչ կարծէք թէ առաւել հաճոյ իցէ նմա :

Վոքա ծիծաղեալ, ասեն, թէ զկանայս զեղեցիկս պարտ է զատանել : Օ կանայս, ասէ, ընտրեսջիք եւ որ ինչ ձեզ հաճոյ թուիցի : Աւ յորժամ որոշիցէք նմա, ո Վրկանացիք, ամենեցուն որ կամակար զհետ իմ եկին մի տայցէք տրտնջել ըստ ձերում կարի : Աւ դուք ու Վարք մեծարեսջիք զդոսա որք նախ զօրաւիզն օգնականութեան



եղեն, որպէս զի համարեցին եթէ բարւոք խորհուրդ խորհեցան զի բարեկամք մեր եղեն: Հանէք բաժին յամենայնէ եւ պատգամաւորին որ առ ի Վիաքսարայ եկն, նմա եւ որոց ընդ նմա, եւ աղաչեցէք զի ընդ մեզ կայցէ, ասացէք թէ եւ ինձ նոյն բարւոք թուի. զի եւ Վիաքսարայ զճշմարիտն պատմեսցէ ի միտ առեալ զամենայն մի բա միովէ: Իսկ Պարսից որ ընդ իս իցեն, որչափ ինչ աւելորդ իցէ յետ քաջ կազմելոյ պատրաստելոյ ձեր, այն բաւական է. քանզի մեք հովասուն չնաք այլ շինականութեամբ. մինչ զի թերեւս ծիծաղիցիք իսկ զմեք եթէ մեծապայծառ ինչ հանդերձ ազանիցիմք. զոր օրինակ, ասէ, գիտեմ եթէ յաճախ ծաղր ածիցեմք ձեզ յորժամ յերիվարաց վերայ նստիցիմք. թուի ինձ թէ եւ յորժամ ի գետին անկանիցիմք:

Ապա գնացին նոքա ընտրել ծիծաղեալ ընդ բան հեծանելոյն: Իսկ նա զզօրագլուխսն կոչեցեալ հրաման տայր զերիւարսն առնուլ եւ զերիւարացն կազմածս եւ զվարաւանդասպասսն եւ համարակարս առնուլ վիճակեալս գընդաց գնդաց: Աւ ինքն իսկ Վիւրոս հրամայեաց ասել եթէ իցէ ոք յԱսորեստանեաց կամ յԱսորւոց, կամ յԱրաբացւոց զօրուէն ծառայ այր կամ Սարաց կամ Պարսից կամ Բակտրիացւոց կամ

կարիացւոց կամ կիղիկեցւոց կամ Յու-  
նաց կամ այլուստ ուստեք նեղեալ բը-  
նութեամբ ի մէջ գայցէ: Եւ որք լը-  
ւան քարոզութեանն ինքնակամ բա-  
զումք երեւեցան:

Եւ նորա ընտրեալ զազնուագոյնսն  
ի նոցանէ տեսլեամբ, ասէր թէ յազա-  
տութիւն ելեալ կրեսցեն զղէնսն զոր  
տայցեննոցա, եւ ինձ, ասէ, փոյթ լի-  
ցի, զի զուճիկսն ունիցիք. եւ անդէն  
տարեալ առ զօրագլուխսն, յանձն ա-  
րար նոցա եւ հրաման ետ ասպարս եւ  
նուրբ սուսերս տալ նոցա, զի առեալ  
զհետ գայցեն երիւարօք, եւ զուճիկսն  
հանգոյն Պարսից որ ընդ իւրն իցեն առ-  
նուլ նոցա. եւ ինքեանք զրահապատք  
եւ արդնաւորք ցանգ յերիւարաց վե-  
րայ երթայցեն. եւ նախ ինքն սկսաւ  
առնել այնպէս. իսկ ի վերայ հետեւա-  
կաց պատուակցացն իւրաքանչիւր ոք  
փոխանակ իւր զայլ ոք իշխան կացու-  
ցանիցէ ի հանգիտապատուաց անտի:  
Նորա զայնու էին:

### Գ Լ Ո Ւ Խ Զ

ՅԱՅՏԻ Ժամանակի Գովարիաս ա-  
տորի հասանէր ծեր այր, երիւարաւ  
հանդերձ սպասու հեծելոցն: Ամենեքին  
ունէին ասպազէն, եւ որք կարգեալ  
էին առնուլ զղէնսն, հրամայէին զգե-

զարդունան տալ զի այրեսցեն որպէս եւ զայլ եւս զէնան: Բայց Գովբրիաս ասէ. եթէ զՎիւրոս նախ կամիմ տեսանել, եւ սպասաւորքն զայլ եւս հեծեալս նորա թողին եւ զԳովբրիաս տարան առ Վիւրոս. նա իբրեւ ետես զՎիւրոս սկսաւ խօսել զայս գոյն օրինակի բանից:

Տէր, ես յազգէ ասորի եմ, է իմ պարիսպ ամուր, եւ բազում աշխարհաց տիրեմ, եւ հազար երիւար տայի թագաւորին Ասորեստանեաց եւ բարեկամ էի նմա առաւել: Բայց քանզի նա ի ձէնջ մեռաւ որ այր պիտանի էր, նորին որդի զհարստութիւնն ունի որ ինձն թշնամի է, առ քեզ գամ եւ ազաչանօք անկանիմ առաջի քո, եւ տամ քեզ զանձն իմ ծառայ եւ պատերազմակից եւ խնդրեմ զի առցես զքէն վրիժու իմոյ, եւ զքեզ արարից որդեակ որչափ ինչ հնար գուցէ, քանզի անորդի եմ յարու մանկանէ:

Օ ի որ գեղեցիկն էր, տէր, եւ լաւ եւ պիտանի եւ զիս սիրէր եւ ինձ մեծարանս դնէր. զոր օրինակ որդի որ հօր շուք դնիցէ փառաւոր լինիցի, զնա այժմու թագաւորս, ի կոչել յայնժամու թագաւորին հօր այժմու թագաւորին զի զգուստրն տայցէ իմում որդւոյն, քանզի եւ ես առաքեցի մեծամտեալ իմն եթէ գողցես արքայի

դասեր ամուսին լեալ տեսանիցեմ զորդեակն իմ. իսկ այժմու թագաւորս կոչեալ զնա յորս. թոյլ տայր նմա որս առնել ըստ զօրութեանն, զի առաւել ազնուագոյն քան զնա հեծեալ զանձն համարէր. եւ նա իբրեւ ընդ բարեկամի որս առնէր: Իբրեւ արջ երեւեցաւ, երկոքին զհետ մտանէին, որ այժմ իշխանն է, նա նետ ձգեալ վրիպեաց. երանի թէ ոչ երբէք իսկ, բայց իմ որդին ձգեալ, որ չէր արժան կործանեաց զարջն եւ ապա տրտմեալ տխրեալ թագոյց զչարակնութիւնն:

Միւսանգամ յորժամ առիւծու պատահեաց դարձեալ նա սխալեաց, թուի թէ ոչ զարմանալի ինչ կրեաց եւ որդին իմ դարձեալ դիպեցուցեալ եհար զառեւծն, եւ ասէր թէ միով հարուածով երկիցս ձգեցի եւ կործանեցի երկիցս դազանս: Յայնմ վայրի ոչ եւս ժոյժ ունէր նախանձու, այլ բուն մի գեղարդան յումեքէ յեկեւոցն զհետ՝ յափշտակեալ ի զիստսն հարեալ զմիայն եւ զսիրելի որդեակն իմ յարեւէ արկանէր, եւ ես հէքս զդիակն փոխանակ փեսային տարայ, եւ մինչ դեռ այն ինչ տէգք մուրուացն արձակէին զքաջ որդեակն իմ զսիրելի թագեցի: Աւ որ սպանն, որպէս թէ թշնամի այր սատակեցաւ, ոչ երբէք սարջացաւ, եւ ոչ փոխանակ չարու-

Թեան դործոյն պատուի իրիք արժանի արար զայն որ ընդ հողով էր :

Հայր նորա մորմոքէր յիմ վերայ եւ յայտնի իսկ տրամէր ընդ իս ընդ վիշտան : Արդ ես , եթէ նա կենդանի լեալ էր , ոչ երբէք գայի առ քեզ առ չարւոյ նորա , քանզի բազում գութ եւ խնամ անկանէր նորա ընդ իս եւ սպասաւորութիւն հարի նմա : Վայց քանզի իսպանող անդր որդւոյս հաս իշխանութիւնն չկարեմ բարւոք միտս ունել ընդ նմա , եւ գիտեմ թէ եւ ոչ նա երբէք բարեկամ համարիցի զիս : Վանզի գիտէ թէ որպիսի միտս ունիմ ընդ նմա եւ զի յառաջն զուարթութեամբ կեանս կէի , այժմ լոկ եւ թափուր մնացի եւ սգով զժերութիւնս ի գլուխ հանիցեմ : Արդ եթէ դու զիս ընդունիցիս , կայցէ եւ ինձ ինչ ակնկալութիւն հասանելոյ խնդրել զվրէժ որդւոյ իմոյ սիրելւոյ , միւսանգամ մանկանալ թուիցիմ եւ ոչ ամօթով կեցցեմ եւ ոչ ի մահուս տրամութեամբ վախճանիցիմ :

Նա զայս խօսէր եւ Վիւրոս տայր պատասխանի . Աթէ արդարեւ զնոյն աժես զմտաւ զոր ինչ խօսիս առ մեզ , ընդունիմ զքեզ որ աղաչեսդ եւ խոստանամ վրէժ առնուլ իսպանողէ անտի հանդերձ աստուծովքն : Ասա դու ցիս , ասէ , եթէ զայդ ամենայն առնիցեմք

քեզ եւ զպարիսպսդ թողցուք քեզ եւ զաշխարհն եւ զգէնս եւ զզօրականսն զոր յառաջն ունէիր, դու մեզ զինչ ընդ այնր սպասաւորութիւնն հարկանիցես :

**Եւ նա ասէ.** Զպարիսպսն յորժամ կամիցիս տաց քեզ տուն բնակու թեան, եւ զհարկ աշխարհին զոր նմա հարկանէի քեզ տաց. եւ ուր հասանիցէ ի պատերազմ երթալ, երթայց ընդ քեզ ի պատերազմ առեալ զզօրս աշխարհին : **Ս** եւ իմ, ասէ, դուստր կոյս սիրելի եւ ժամ է ամուսնութեան, զորմէ ես յառաջն կարծէի թէ այնմ որ այժմ թագաւորէ կին սնուցանեմ : **Բ**այց այժմ ինքն դուստրն իմ յոյժ արտասուելով պաղատի ինձ մի տալ զինքն այնմ որ զեղբայրն սպան, եւ ես նոյնպէս զմտաւ ածեմ : **Ա**յժմ քեզ տամ խորհել վասն նորա այնպէս որպէս եւ ես վասն քո խորհիմ :

**Ա**պա ասէ Կիւրոս. վասն այսր ամենայնի, ասէ, ես ճշմարտութեամբ տամ քեզ զաջ իմ եւ առնում զաջ քո. դիքն եղիցին մեզ վկայք : **Բ**բրեւ այս ի գլուխ ել, հրամանս ետ երթալ Գոբրիայ առեալ զգէնսն, եւ հարցանէր եթէ որչափ ինչ գնաց ճանապարհի իցէ առ նա, եթէ գայցէ. եւ նա ասէր եթէ վաղիւ ելցես ընդ արշալուրշսն, ի միւսում աւուր առ մեզ լինիցիս : **Եւ**

Կովբրիաս մեկնեցաւ թողեալ առաջ-  
նորդ մի :

Իսկ Մարացն հասեալ զոր ինչ մոգ-  
քըն ասացին ընտրել աստուածոցն տայ-  
ին ձեռն ի ձեռն մոգացն . եւ Վիւրոսի  
զատուցին զխորանն զեղեցիկ եւ զկինն  
շուշանացի, զորմէ քան զամենայն կա-  
նայս Նսիացւոցն պատմէին թէ զեղե-  
ցիկ է . եւ ապա Վիաքսարայ զերկրորդսն .  
եւ այլովք եւս նոյնպիսեօք որովք կա-  
րօսն էին լցուցանէին զանձինս զի ոչ  
իւրիք կարօտեալ երթայցեն ի պատե-  
րազմ, զի ամենայն ինչ բազում էր :  
Անուին եւ Վրկանացիք որոց կարօտ  
ինչ էին, բաժանակից առնէին զպատ-  
գամաւորն Վիաքսարայ, եւ զաւելորդ-  
խորանսն որչափ էին, ետուն Վիւրոսի  
զի Պարսից լինիցի եւ զգանձսն, ասեն,  
յորժամ բնաւն ժողովիցի, տացուք,  
եւ ետուն իսկ :

Նոքա զայս ինչ գործէին եւ խօսէին .  
եւ Վիւրոս հրամայեաց ընտանեացն Վիա-  
քսարայ առնուլ եւ պահել զամենայն  
որ ինչ նորա էր : Աւ զոր տայք ինձ,  
յօժարութեամբ, ասէ, ընդունիմ . ի  
կիր արկցէ զնոսա որ առաւել կարօ-  
տեալ իցէ ի ձէնջ : Ամն ի Մարացանտի  
որ զգուսանութիւն սիրէր, ասէ . Աս,  
Վիւրէ, լուայ երիկունն զձայն արուես-  
տականացն զոր դու ուսանէիր եւ քաղ-  
ցրութեամբ լուայ, եւ եթէ տաս դու

ինձ զմի ոք ի նոցանէ, լաւ համարիցիմ  
 երթալ ի մարտ պատերազմի քան եթէ  
 ի տան մնալ: Աիւրոս ասէ. Աս, ասէ,  
 տամ քեզ. եւ առաւել շնորհակալ  
 լինիցիմ քեզ զի խնդրեցեր յինէն, քան  
 դու ինձ զի առնուսդ: Օհ այսպէս  
 ծարաւի եմ շնորհս առնել ձեզ: Ապա  
 առ զնա այն որ խնդրեացն:





ՀԻՆԳԵՐՈՐԳ

ԳՊՐՈՒԹԻՒՆ



# ՎՄՆՆՈՓՈՆՏԵԼՅ

## ԿԻՒՐՈՍԻ ԽՐԸՏՈՒ

Պ Ա Տ Մ ՈՒ Թ Ե Ա Ն Ց

Ե Վ Պ Ր ՈՒ Թ Ի Ի Ն

Գ Լ ՈՒ Խ Ա

ԱՌՁԵՑԵԱԼ Կիւրոսի զԱրասպէս մար  
որ ի մանկութենէ ընկեր էր նորա, ու  
րում եւ զմարական պատմութեանն հա  
նեալ ետ յորժամ յԱժդահակայ ի  
Պարսս մեկնէր, հրաման ետ նմա զի  
պահեսցէ նմա զկինն եւ զվրանն, եւ  
կինն էր Աբրահամայ Աւշաբուց թա  
գաւորի. եւ յորժամ ի բուռն անկաւ  
Ասորեստանեաց բանակն, այր նորա  
ոչ դիպեցաւ ի զօրու անդ, այլ առ  
Բակտրիացոց արքայն պատգամագնաց  
լեալ էր: Առաքեաց զնա ասորեստա  
նեայն վասն թիկանց օգնականութեան  
քանզի հելը լեալ էր Բակտրիացոց  
թագաւորին: Օսա հրամայեաց Կիւ  
րոս Արասպայ պահել, մինչեւ ինքն  
առնուցու:

Արասպէս որ զհրամանն առ, հար  
ցանէր. Տեսեր, ասէ, ով Կիւրէ, զկինն

զոր պահել հրամայես : Առէ Աիւրոս  
 Ոչ տեսի : Ես , ասէ , տեսի յորժամ  
 ընտրէի զնա քեզ , եւ կրկին անգամ  
 յորժամ մտանէաք ի խորանն նորա  
 զառաջինն ոչ ծանեաք զնա . զի ի գե-  
 տին անկեալ զնէր եւ ամենայն նա-  
 ժիշտք զնովաւ էին . եւ ունէր հանդերձ  
 հանգոյն աղախնացն . եւ իբրեւ կամե-  
 ցաք գիտել թէ ո ոք տիկինն իցէ զա-  
 մենեքումք հայեցաք . եւ վաղվաղակի  
 յայտնի իսկ զատաւ յայլոցն ամենե-  
 ցունց , թէպէտ եւ նստեալ եւս ի հող  
 եւ ծածկեալ երեւէր : Իբրեւ հրաման  
 տուաք նմա կանգնել կալ , յարեան  
 ընդ նմա եւ ամենեքին որ զնովաւ էին :  
 Յայնմ վայրինախ զանցուցանէր յաղ-  
 թանդամութեամբն , ապա ուժգնու-  
 թեամբն եւ քաջութեամբն եւ գեղեց-  
 կութեամբ , թէպէտ եւ ի գձձութեան  
 կերպարանս կայր . եւ յայտնի երեւէին  
 արտասուացն վիժելն զի ի հանդերձն  
 հոսէին եւ յոտսն : Իբրեւ ասաց որ ծե-  
 րագոյնն էր ի մէնջ , թէ քաջալերեաց  
 ով կին դու . լսեմք թէ քո այրն գե-  
 ղեցիկ է , բայց այժմ ընտրեմք զքեզ  
 առն որ ոչ ի վայր իցէ քան զնա գեղով  
 եւ ոչ մտօք եւ ոչ զօրութեամբ : Այլ  
 որպէս մեք համարիմք , թէպէտ եւ  
 իցէ եւս այլ այր , սակայն եւ Աիւրոս  
 արժանի զարմանալոյ է , եւ դու այսու-  
 հետեւ նորա լիցիս :

Իբրեւ լուաւ զայս կինն պատառէր զվերին պատմութեանն եւ մորմոքէր . եւ կառաչէին ընդ նմանաժիշտքն : Յայնմ վայրի մեծ մասն երեսաց նորա երեւէր պարանոցն եւ ձեռքն : Ի միտ առ , ասէ , Աիւրոս , եթէ ինձ եւ այլոց ամենեցունց որ տեսին այսպէս թուեցաւ թէ ոչ երբեք ծնեալ իցէ կին մի համեմատ ի մահկանացուաց աստի յԱսիացւոց աշխարհին եւ դու տեսցես զնա :

Աիւրոս ասէ . Արի իսկ սակաւ տեսից , ասէ , եթէ այնպիսի ոք է որպէս դու պատմես : Հիմ , ասէ երիտասարդն : Օյ եթէ այժմ , ասէ , լուեալ ի քէն եթէ գեղեցիկ է , յանձին կալայց երթալ տեսանել , յորժամ ամենեւին չիցէ ինձ պարապութիւն , երկընչիմ թէ մի կարի վաղվաղակի հաւանեցուցէ նա զիս գալ տեսանել : Աւ ապա թերեւս անփոյթ արարեալ զոր պարտն իցէ գործել , նստիցիմ հայիցիմ ընդ նա :

Իսկ երիտասարդն ծիծաղեալ ասէ , Համարիցիս , ասէ , ով Աիւրէ , եթէ բաւական իցէ գեղ մարդոյ բռնադատել զայն որ չկամիցի գործել արտաքոյ քան զլուութիւն : Օյ եթէ այդ այդպէս էր , ասէ , զնոյն օրինակ զամենեւին ի հարկէ բռնադատեր : Տես , ասէ , զկրակ , զհարդ զամենեւին զմի օրինակ կիզու . զի ի բնէ իսկ այնպէս է : Իսկ ի գեղեցկաց , կիսոց ցանկանան եւ կի-

սոց ոչ, եւ այլ ոք այլու՞ տենչայ. քանզի կամական է եւ ցանկայ իւրաքանչիւր ոք ում կամի: Աչ եղբայր քեռ ցանկայ, այլ այլ ոք նմին ցանկայ. եւ ոչ հայր դստեր, այլ այլ ոք դստերն. քանզի եւ ահ եւ օրէնք բաւական են զցանկութիւնն կարծել: Աթէ օրէնք, ասէ, դնէին թէ որոց շիցէ կերեալ մի քաղցիցեն, եւ որոց չիք արբեալ մի ծարաւեսցին, եւ մի ձմերայնի մսել եւ մի ամարայնի տապանալ. ոչ մի ինչ օրէնք ձեռնհաս էին վճարել զի մարդիկ նոցին հնազանդ լինիցին. քանզի ի բնութենէ է ի նոցունց յաղթել. իսկ ցանկաւն կամածին է. իւրաքանչիւր ոք ցանկայ այնմ որ ըստ իւրոց մտացն իցէ. որպէս հանդերձից եւ աւդոց:

Աւ արդ զիարդ, ասէ, եթէ արդարեւ կամածին ցանկաւն էր, ո՞չ եւ դադարել մարթիցի յորժամ կամիցի ոք: Աս, ասէ, տեսի զի եւ լային եւս ի տրտմութենէ անտի վասն ցանկութեանն, եւ ծառայութիւն հարկանէին նոցին որոց ցանկայինն. որք եւ չար զճառայանաւն համարէին յառաջ քան զցանկութիւնն. եւ բազում ինչ շնորհէին, յորոց չէր ինչ բարւոք նոցա զրկել եւ զլանալ. եւ ըղձանային եւս իբրեւ յախտէ իմեքէ զերծանել եւ չէին ձեռնհաս ապրել, այլ կապեալք

Եւ կճեալք ի սաստիկ ինչ հարկէ իմեքէ առաւել քան յերկաթի կապանաց: Տան զանձինս այնոցիկ որոց ցանկանանն, բազում եւ ընդ վայր իսկ սպասաւորութիւն հարեալ: Վա եւ ոչ ի բաց փախչել մտաբերեն որ այնպիսի ցաւովքն ծնդեալ են, այլ եւ պահեն եւս զայնսիկ որոց ցանկանանն զի մի ուրեք վտարանդի գնայցեն:

Ասէ երիտասարդն. Մյնպէս, ասէ, առնեն. եւ իսկ, ասէ, այնպիսիքն ստահակք: Ասան որոյ թուի ինձ թէ ցանգ իսկ եւ հանապազ ըղձանան թէ հէքք մեռանիցին, ուր բիւրապատիկ հնարք եւ հայթայթանք իցեն ի կենաց զերծանելոյ եւ ոչ զերծանիցին: Վոքին իսկ եւ ի գողանալ մտաբերեն եւ յօտարայն ոչ կարճեն զձեռս, այլ յորժամ յափշտակիցեն ինչ կամ գողանայցեն, մեղադիր լինիս այնմ որ գողանան եւ յափշտակէ. եւ ոչ եթէ արգահատես, այլ եւ տանջես եւս: Վոյնպէս, ասէ, եւ գեղեցիկքն ոչ եթէ բռնադատեն ի հարկէ ցանկալ անձանց, եւ ոչ ձգել զմարդիկ յոր ինչ շիցէ պարտ, այլ մարդք ժանդք ամենայն ցանկութեան չունին ժոյժ, եւ ապա մեղադիր ցանկութեանն լինին: Քայց որ լաւքն եւ պիտանիք իցեն ցանկալ ցանկան ոսկւոյ եւ ազնիւ երիւարաց եւ կանաց գեղեցկաց, սակայն յայնմ ամենայնէ

դիւրաւ մարթեն ի բաց մերժել զանձինս զի մի հուպ երթայցեն նոցա արտաքոյ քան զարժանն: Արդ ես, ասէ, տեսի զնա, եւ ամենեւին գեղեցիկ թուեցաւ ինձ, սակայն առ քեզ եմ, եւ յերկար հեծանիմ, եւ զայլ եւս զպատշաճսն վճարեմ:

Ասէ Կիւրոս. թերեւս վաղվաղակի իսկ անցեր. զի մարթի եւ ի հուր ումեք հուպ լինել եւ ոչ իսկ եւ իսկ այրել եւ փայտք ոչ վաղվաղակի վառին: Սակայն ես ոչ ի հուր հուպ լինիմ, եւ ոչ ի գեղեցիկսն պշնում, եւ ոչ քեզ խրատ տամ ասէ, ով Արասպա, զի տայցես աչաց քոյ գեգերել ի գեղեցիկսն. զի հուր զմերձեցեալսն այրէ, իսկ գեղեցիկք եւ զայնոսիկ որ ի բացուստն նայիցին, բորբոքեն մինչեւ զգալոյ ցանկուլթեանն: Քաջալերեաց, ասէ, ով Կիւրէ. եւ ոչ թէ չգաղարիցեմ երբեք ի պշնոյ, չլինիցիմ ժուժկալ առ առնելոյ ինչ յորոց չիցէ պատշաճ առնել: Քարւոք է, ասէ, զոր ասես, այսուհետեւ պահես, զոր հրամայեմ իսկ քեզ եւ փոյթ լիցի քեզ զնմանէ. զի թերեւս բնաւ ի ժամանակի իմն մեզ կին լինիցի դա:

Օգայս ասացին եւ ի միմեանց մեկնեցան: Իսկ երիտասարդն տեսեալ գեղեցիկ զկինն, եւ իմացեալ զլաւութիւն նորա, եւ զի պաշտէր եւս զնա, համա-



ըէր թէ շնորհս ինչ առնիցէ նմա, եւ իմացեալ եւս թէ չէ անշնորհակալ, այլ փոյթ յանձին ունի վասն իւրոցն գերդաստանկացն, զի գուցէ եկելոցն որ ինչ պիտոյն իցէ. եւ եթէ երբեք խօթանայցէ, մի առնիցի ումէք կարօտ. յայսմ ամենայնէ գրաւեցաւ տենչանօք սակայն ոչ ինչ զարմանալի կիրս կրեաց: Այս ամենայնայսպէս վճարէր: Բայց Վիւրոսիկամեցեալ թէ ի Սարաց եւ ի պատերազմակցաց որք կամիցին մնալ ընդ իւր, մնայցեն, կոչէր ի մի վայր զամենայն զմեծամեծսն. իբրեւ եկին հասին, խօսէր այսպէս:

Արք Սարք եւ ամենեքին որ ասող կայք, ես զձեզ գիտեմ հաստատու թեամբ եթէ ոչ ընչից կարօտեալք ելէք ընդ իս. եւ ոչ Վիաքսարայ սպասաւորութիւն զայն համարէիք. այլ զի կամեցարուք ինձ շնորհս առնել եւ ինձ մեծարանս եղիք եւ շնորհակալ եւս եմ վասն նոցին, եթէ ոչ անիրաւ ինչ կամիցիմ գործել, բայց տակաւին թուի ինձ թէ չիք իմ կար արժանի հասուցանելոյ. եւ չհամարիմ զայն ամօթ ասել: Բայց եւ զայն եթէ կայցէք մնայցէք առ իս, հատուցից ձեզ, ամաչեմ ասել. զի կարծիս առնում թէ զայս յայն սակս ասիցեմ զի դուք յօժարեսջիք առ իս մնալ: Բայց ընդ այնր զայս ասեմ: Աս թէպէտ եւ դուք ան-

սայցէք Արաքսարայ եւ մեկնեսցիք , սակայն եթէ լաւութիւն ինչ գործիցեմ , ջանացայց զի այնպէս առնիցեմ որպէս զի եւ դուք յարգեալ գովիցէք զիս : Վրանզի եւ ոչ երթամ ի բաց , այլ Արկանացոց որոց երգումն եւ աջ ետու , հաւատարիմ եղեց եւ ոչ երբեք տաց զնոսա ի ձեռս : Աւ Աովբրիայ որ զայս ամենայն ետ մեզ զպարիսպսն եւ զաշխարհն եւ զգօրս ջանացայց առնել զի մի սորջասցի ի վերայ ճանապարհին որով եկննա առ իս . եւ որ մեծ իսկ քան զբնաւ է . յորժամ այնպէս յայտնի իսկ բարութիւն շնորհեսցեն գիբն , պարտ իցէ մեզ երկնչել ինոցանէ եւ ամաչել , եթէ թողեալ զայս ամենայն ընդ վայր զնայցեմք : Աս , ասէ , այսպէս արարից բայց դուք որպէս գիտէք այնպէս առնիջիք . եւ ցիս ասացէք զինչ ձեզ հաճոյ թուիցի :

Աս զայս խօսէր . եւ նախ այն որ ասացն երբեմն թէ համազգի իցէ Աիւրոսի , ասէր առ այն . Աս , ասէ , արքայ . զի ինձ թուիս դու թէ ի բնէ իսկ թագաւոր ծնեալ ես , ոչ ինչ ընդհատ յայնմանէ որ ի բջիջսն մեղուաց թագաւոր ծնանիցի : Օ ի սմա միշտ մեղուքն կամակար հնազանդ լինիցին , ուր եւ կայցէ , եւ չերթայ անտի ոք ի բաց , եւ եթէ ուրեք ելանիցէ , ոչ ոք թողու զնա : Այսպէս անհնարին իմն ցան-

կութիւն է նոցա լինել ընդ իշխանու-  
թեամբ նորա . եւ առ քեզ նմին հան-  
գոյն միտս ունին մարդիկս : Օ ի եւ  
յորժամ ի մէնջ ի Պարսս մեկնեալ եր-  
թայիր , ով ոք մանուկ կամ ծեր ի  
Սարայ եթող զքեզ եւ ոչ եկն զհետ  
քո մինչեւ Մտաւհակ դարձոյց զմեզ :  
Եւ յորժամ ի Պարսից աշխարհէն եկիր  
մեզ յօղնականութիւն , գրեթէ զա-  
մենայն իսկ զքո բարեկամս տեսանէաք  
զի զհետ գային քո մտադիւրութեամբ :  
Եւ յորժամ յօժարեցար գալ այսր ի  
պատերազմ , ամենայն Սարք կամաւ  
եկին զկնի քո : Եւ այժմ այսպէս հաս-  
տատեալ եմք , զի ընդ քեզ յերկրի աստ  
թշնամեաց եմք եւ համաձակիմք , իսկ  
առանց քո եւ յաշխարհ իսկ մեր եր-  
թալ զանգիտեմք : Այլ զհարդ առ-  
նելոյ իցեն . զայն ինքեանք ընտրեսցեն .  
բայց ես Վիւրոս , եւ որոց եսն իշխեմ  
կացցուք առ քեզ , եւ հայեցեալ ընդ  
քեզ համբերեսցուք եւ ժուժկալ լի-  
ցուք ի քէն երախտիս գտեալք :

Յետ այնորիկ հիգրանէս խօսէր զայս  
գոյն օրինակ բանից . Դու , ասէ , Վիւ-  
րոս . մի ինչ զարմանայցեսեթէ ես լուռ  
կամ , զի պատրաստ է անձն իմ ոչ զի  
խորհիցի այլ զի առնիցէ զոր ինչ դու  
հրաման տայցես : Իսկ վրկանացին ասէ ,  
Ես ով Սարք եթէ այժմ ի բաց գնայ-  
ցէք , ասեմ թէ ի դից իրէք կամաց լի-

նիցի, որ չտայ ձեզ աւելագոյն փառաւորս լինել: Ո՞րք մարդկեղէն մազք ի փախստեայ գնալ թշնամեացն դառնայցէ յետս, կամ յորժամ զզէնսն ի բաց տայցեն, ոչ առնուցու, եւ յորժամ զանձինս վտարանդիս տայցեն եւ զոր ինչ իւրեանց իցէ, եւ ոչ ընդունիցի, մանաւանդ իսկ զի եւ առաջնորդ եւս մեզ այնպիսի ոք իցէ, որ որպէս ինձն թուի եւ ի դիսն ամենայն երդնում, թէ առաւել ուրախ լինիցի յորժամ երախտիս մեզ առնիցէ, քան յորժամ զիւր իսկ անձն մեծացուցանիցէ: Յետ այնորիկ ամենայն Սալք խօսէին այսպիսի ինչ բանս. Դու, ո Սիւրէ. հաներ բերեր զմեզ. եւ յաշխարհն մեր, յորժամ քեզ ժամ թուիցի գնալոյ, ընդ քեզ տար զմեզ: Օջայն լուեալ Սիւրոսի եկաց յաղօթս. Ով մեծ Արամազդ, խնդրեմ ի քէն տուր դու ինձ, այնոցիկ որ զիսն մեծարեն, յաղթել երախտեօք իմովք:

Ապա հրաման տայր այլոց կարգել կացուցանել պահապանս, եւ զանձամբ պատաղել, եւ Պարսից հրամայէր բաժանել տալ զվրանսն, հեծելոցն զնոցին պատշաճսն, եւ հետեւակաց զայն որ բաւականն իցէ նոցա, եւ կարգել զի ամենեքին որ ի վրանսն իցեն պատրաստեսցեն Պարսից ըստ գնդաց գնդաց զպէտսն եւ զերիւարսն դարմանեալ

Տատուցեն: Պարսից մի այլ ինչ գործ  
լիցի եթէ ոչ վաստակել յիրս պատե-  
րազմի:

## Գ Լ ՈՒ Խ Բ

Օ ԱՅՆ օր այնպէս ի գլուխ հանին:  
Ընդ առաւօտն վաղայարոյց եղեն, յու-  
ղի անկեալ երթային առ Գոբբիաս,  
Վիւրոս անդրուարաւ, եւ Պարսից հեծե-  
լովքն, եւ էին իբրեւ երկու հազարք:  
Օ կնի խաղային նոցա ասպարակիրք  
եւ սուսերակիրք նոցա նոյնչափ թուով  
եւ այլ եւս զօրն կարգեալ տողեալ  
երթայր: Հրաման տայր իւրաքանչիւր  
ումէք ասել ցնոր պաշտօնեայսն իւ-  
րեանց թէ որ ոք ի նոցանէ յետոյ քան  
զվերջապահսն երեւիցի, կամ յառա-  
ջոյ ճակատուն, կամ ի կողմանց ար-  
տաքոյ քան զայնոսիկ որ ի գնդի անդ-  
իցեն ըմբռնիցի, ի պատիժս մտանիցէ:  
Յաւուրն երկրորդի ընդ երեկոյս հա-  
սին ի տեղին Գոբբիայ, եւ տեսանեն  
անխաբ զամուրն եւ զամենայն յարդա-  
րեալ պարսպովք, որպէս զի հարկ իցէ  
անհնարին սաստկութեամբ մարտ եղ-  
եալ կռուել. եւ զուարակս բազումս  
եւ բազում արջառ ինեւքոյ ամրին տե-  
սանէին:

Առաքեալ Գոբբիայ հրամայեաց Վիւ-  
րոսի շուրջ գալ եւ տեսանել թէ ընդ

որ իցէ գիւրին մուտն, եւ ի ներքս եւս յղէլ առ նա զոմանս ի հաւատարմաց անտի որ զամենայն որ ինչ ի ներքս կայցէ, տեսեալ պատմեսցեն: Ինքն իսկ Վիւրոս ճշմարտիւ կամէր տեսանել թէ գուցէ ուրեք կուիւ յորմունսն, եթէ սուտ երեւիցի Գոբբրիաս, յամենայն կողմանց շուրջ գայր հայեցեալ տեսանէր զքնաւ ամուր անմատոյց: Իսկ զորս առ աքբեաց առ Գոբբրիաս, պատմէին Վիւրոսի թէ այնչափ բարութիւնք ի ներքս կան, որ ցազգ մի մարդկան չպակասիցեն այնոցիկ որ ի ներքս իցեն: Վիւրոս ի հոգս կայր թէ զինչ այն ինչ արդեւք իցէ: Ինքն իսկ Գոբբրիաս ել առ նա եւ զամենեստան որ ի ներքս էին, հան, զոմանս զի գինի եւ ալեւր բերէին. եւ զայլս որք երինջս եւ խոզս եւ աւդիս եւ ուլս եւ եթէ ուտելի ինչ էր զամենայն բաւականութեամբ բերէին, զի բարւոք ընթրիս ուտիցեն ամենայն զօրն որ ընդ Վիւրոսի իցեն, եւ որք ի նոյն կարգեալ կային բաժանէին զամենայն եւ ընթրիս առնէին:

Իսկ Գոբբրիաս, իբրեւ արքն արտաքս ելին, հրաման ետ Վիւրոսի ի ներքս մտանել որպէս զխարդ զգուշութեան համարէր: Յառաջագոյն առաքեաց ի ներքս Վիւրոս դէտս եւ զօրս եւ ապա ինքն եմուտ: Իբրեւ ի ներքս մտեցաւ բաց ունէր զդրունսն. կոչէր զամենայն

բարեկամս եւ զիշխանս որ ընդ իւրն էին: Յորժամ ի ներքս էին, հանեալ Գորբիայ տաշտս ոսկիս եւ բաժակս եւ բաժակակալս եւ զարդս եւ սպասս ազգի ազգիս եւ անչափ դահեկանս եւ զամենայն ինչ զգեղեցիկ, եւ գլուխ իսկ ամենայնի զդուստրն անհնարին գեղեցիկ եւ անդամայաղթ որ ի սուգ թախածեալ կայր վասն եղբօրն վաղամեռիկ լինելոյ, հանէր եւ խօսէր զայս ձեւ օրինակ բանից այսպէս. Ո կիւրոս ես քեզ զգանձդ տամ, եւ զդուստրդ զայդ յանձանձեցից զի այնպէս իցէ որպէս դու կամիցիս. այսուհետեւ աղաչեմք, ես որպէս յառաջն իսկ, աղաչեմ զի առցես զքէն որդւոյ իմոյ, եւ սա այժմ աղաչէ զի զեղբօրն վրէժ խնդրեսցես:

Կիւրոս ասէ. Ես քեզ եւ յայնժամ խոստացայ, եթէ չստես, խնդրել զվրէժ քո. բայց քանզի այժմիկ ճշմարիտ տեսանեմ զքեզ, պարտ իսկ եմ խոստմանն: Եւ դատերդ խոստանամ զդոյն առնել հանդերձ աստուածովքն. եւ զկարասիդ, ասէ, ես ընդունիմ եւ տամ զդոսա աղջկանդ եւ այնմ որ կին արասցէ զնա: Բայց պարգեւ մի առեալ երթամ ի քէն, ընդ որում ոչ որ ինչ ի Բաբիղացւոց աշխարհին իցէ, յորում բազում ինչ գոյ, առնում յանձն. եւ ոչ որ ընդ ամենայն տեղիս գոյ ընդ այնր յօժարութեամբ առեալ զնայցեմ:

Վստիւրբիաս զարմացեալ կայր թէ զինչ այն իցէ, եւ կասկածեալ թէ մի զգրատերէն ասիցէ, այսպիսի ինչ հարցանէր. եւ զի՞նչ ինչ այն իցէ, ասէ, ո Վիւրոս:

Վիւրոս տայր պատասխանի: Վանզի ով Վստիւրբիա, ասէ, ինձ թուի թէ իցեն բազումք ի մարդկանէ որ ամպարշտել չկամիցին եւ ոչ զրկել եւ ոչ սուտ կամաւ խօսել, բայց վասն ոչ ուրուք կամելոյ յանձն առնել նոցա ոչ ինչս բազումս ոչ հարստութիւնն ոչ պարիսպս ամուրս ոչ որդեակս ցանկալիս, մինչ չեւ յայտնիլեալ թէ որպիսիք ոքք իցեն, անդէն մեռանին: Իսկ ինձ դու այժմիկ, պարիսպս ամուրս եւ պէսպէս մեծութիւն եւ զգօրսն քո եւ զդուստրն քո արժանաւոր, տաս ի ձեռս, եւ յայտարարեալ ցուցանես զիս ամենայն մարդկան, թէ ոչ ի հեւրսն կամեցայ ամպարշտել եւ ոչ զրկել եւ զլանալ ընչից վասն, եւ ոչ ստել կամաւ ուխտիցն: Արդ ես մինչեւ այր արդարս իցեմ, եւ արդար կարծեալ ի մարդկանէ դրուատիցիմ, զայս ոչ ուրեք մոռացայց. այլ փութացայց ընդ այսր ամենայնի, մեծարել զքեզ ամենայն բարութեամբք: Մի երկընչիւր, ասէ, եթէ չքաւորեսցիս գասնել այր մի դստերդ, ըստ արժանի նորա: Վանզի բազում եւ պիտանի պիտանի բարեկամք են իմ յորոց ո՞ ոք եւ իցէ առնիցէ զնա կին,



բայց թէ ունիցի ինչս այնչափ, որչափ տասոդ կամ թէ այլ եւս բազմապատիկ քան զնոյն, զայն չկարեմ ասել. բայց դու զայս գիտասջիր, եթէ իցեն ոմանք ի նոցանէ, որք եթէ տայցես եւս նոցա զինչսն, ոչ փոքր ինչ աւելի վասն նորին դարմանայցեն ընդ քեզ: Ալ ինձ նախանձ բերեն այժմ, եւ յաղօթս կան գիցն ամենեցուն, զի լինիցի նոցա յայտ առնել, թէ հաւատարիմք են բարեկամացն ոչ ինչ ընդհատ յինէն. իսկ ի թշնամեաց ոչ երբեք ի բաց կայցեն մինչ դեռ կենդանիքն իցեն եւ ոչ դիքն վնասիցեն: Ալ քան զառաքինութիւն եւ զազնուական փառաւորութիւնն ոչ զամենայն ինչ զՆսորոց քոյովքն հանդերձ եւ զՆսորեստանեաց նախամեծարս ընտրիցեն. գիտասջիր զի այսպիսի արք կան աստ նստեալ:

Իսկ Վոբրիաս ծիծաղեալ, Յոյց ինձ, ասէ, ով կիւրէ, թէ ուր իցեն սոքա. խնդրիցեմ ի քէն միում ումեք ի նոցանէ լինել ինձ որդեակ: Օհո, ասէ, չէ ինչ պիտոյ ածել ի հաւան, այլ եթէ գայցես ընդ մեզ. դու իսկ քեզէն կարիցես եւ այլում ցուցանել զմի մի իւրաքանչիւր ի նոցանէ: Օայս ամենայն ասաց եւ կալաւ զաջոյ Վոբրիայ եւ յարուցեալ երթայր, եւ զամենեսեան որ ընդ իւրն էին հաներ. եւ իբրեւ շատ աղաչեաց Վոբրիաս ի ներքս ընթրիս

ուտել եւ ոչ կամեցաւ, ի բանակի ուտէր ընթրիս, եւ զՎոբբրիաս առ ընդ իւր յընթրիսն :

Բնկողմանեալ ի յարդի վերայ, հարցանէր զնա այսպէս . Ասա դու ցիս, ասէ, ով Վոբբրիա, զինչ կարծիս կարծիցես, քո՞ աւելի կազմածք իցեն եթէ իւրաքանչիւր ուրուք ի մէնջ : Աւնա ասէ . Վիտեմ զի բազում եւս կազմածք գոն ձեր եւ գահոյք . եւ տուն մեծ քան զիմ ապարանս . որոց տուն երկիր եւ երկինք են, եւ գահոյք են ձեր որչափ խշտիք իցեն վերայ երկրի, եւ պաստառս համարիք ոչ զոր խաշինքն ծնանին զասրն, այլ զոր բոցս իսկ լերինք եւ դաշտք արծակեն :

Յայնժամ զառաջինն Վոբբրիաս կերեալ ընթրիս ընդ նոսա տեսանէր զյոռութիւն կերակրոցն առաջի յօրինելոց, ի միտ առ թէ կարի ազատագոյնք են նոքա քան զնոսա քանզի նկատեալ տեսանէր զչափաւոր ոռոճիկն : Վրանզի ոչ ի կերակուր ինչ եւ ոչ յըմպելի ակնարկէր աչօք իւրովք այր պարսիկ ի խրատելոց անտի, ոչ յափշտակելով եւ ոչ մտօք իսկ իւրովք, զի այնպէս իսկ միտս ունէին որպէս թէ չիցեն ի հացի : Այլ զոր օրինակ հեծեալքն վասն ոչ խռովելոյ յերիւարացն վերայ, մարթեն եւ տեսանել եւ լսել եւ խօսել զարժանն ինչ, մինչ դեռ յերիւարսն

հեծեալ իցեն . նոյնպէս եւ նոքա ի հացի անդ այնպէս համարին թէ պարտ է հանճարեղս իսկ երեւել եւ ի չափոյսն կալ . իսկ դրգուելն ի կերակրոց եւ յըմպելեաց , ամենեւին իսկ շնական եւ դազանաբարոյ թուի նոցա :

Ի միտ առ եթէ հարցանէին նոքա զմիմեանս այնպիսի ինչ որ ինչ ախորժելի էր հարցանել քան զհարցանել . եւ զի դիտէին որ ինչ ախորժութեան էր դիտելն քան զչդիտել . եւ յորժամ խաղառնէին կարի իսկ մեկուսի ի թշնամանաց էին եւ ի խայտառակս ինչ գործելոյ եւ յառ միմեանս զայրանալոյ . եւ մեծ իսկ քան զամենայն այն թուէր նմա , զի յարշաւանի էին եւ ոչ ումէք յայնցանէ որ ի նոյն վիշտս դիմեալ երթային , աւելի ինչ առաջի յօրինէր . այլ խրախութիւն զայն համարէին , թէ զայնոսիկ որ զօրաւիգն օգնականութեան լինելոց իցեն ազնուագոյնս յարգարիցեն :

Յորժամ յոտն եկաց Գոբրիաս երթալ յապարանսն , պատմեն այսպիսի ինչ ասացեալ , թէ Ոչ եւս այսուհետեւ զիս զարմանք ունիցին , ով Վիւրէ , եթէ ըմպելիս եւ հանդերձս եւ ոսկի աւելագոյն քան զձեզ ունիմք մէք . բայց մէք փոքու արժանի եմք քան զձեզ : Մեր հոգ ի մտի է եթէ յաճախեսցեն դոքա մեզ . դուք փոյթ

յանձին ունիք թէ ժուժկալք եւս լինիցիք: Աս զայս ինչ խօսեցաւ: Աւ Կիւրոս ասէ. Ով Գոբրիա վաղորդայն գայցես հասանիցես այսր հանդերձ հեծելազօրու վառեալ, զարդարեալ սպառազէն, զի եւ զզօրս եւս զքո տեսանիցեմք, եւ ընդ աշխարհն քո շրջեցուցանիցես զմեզ, զի գիտասցուք թէ զոր պարտ իցէ երկիր բարեկամաց համարել եւ զոր թշնամեաց. ապա զայս ասացեալ մեկնէին երկոքեան:

Իբրեւ տիւ եղեւ եկեալ հասանէր Գովբրիաս առեալ զայրուծին, եւ ինքն երթայր յառաջոյ: Իսկ Կիւրոս, որպէս ի դէպ իսկ է առն իշխանի, ոչ միայն ուշ ունէր գնալոյ ճանապարհին, այլ կանխագոյն գիտէր տեսանէր, եթէ մարթ ինչ իցէ տկար եւ անզօր զթշնամիան առնել, եւ զնոսա հզօրագոյնս: Առչեցեալ զվրկանացին եւ զԳովբրիաս, զի գիտէր թէ նոքա մանաւանդ գիտեն զոր ինչ պիտոյ իցէ նմա ուսանել: Ինձ թուի, ասէ, արք բարեկամք, թէ ընդ ձեզ իբրեւ ընդ հաւատարիմս խորհուրդ խորհեալ վասն պատերազմիս այսորիկ, ոչ ինչ սխալեմ: Քանզի ձեզ մանաւանդ, քան ինձ հասանէ զմտաւ ածել թէ զիա՞րդ ասորեստանեայն չլինիցի մեզ գամագիտ: Քանզի ես, ասէ, եթէ վրիպիցիմ ի սոցանէ, թերեւս գոյ այլ ուրեք շրջել. իսկ

ձեզ, եթէ նա յաղթիցէ, զքնաւ իսկ  
ինչս օտարոտի լեալ տեսանեմ: Օքի  
եւ ինձ թշնամի է, ոչ եթէ զի ատեայ  
զիս, այլ համարի եթէ չէ նմա օգուտ  
մեզ մեծանալ: Աւ վասն այնորիկ իսկ  
զօրաժողով գայ ի վերայ մեր ի մարտ  
պատերազմի: Բայց զձեզ ատեայ, եւ  
համարի թէ ի ձէնջ զրկիցի: Պատաս-  
խանի ետուն երկոքեան, թէ եւ մեզ  
այն նոյնպէս թուի եւ անհնարին հոգ  
ի մտի իցէ նոցա թէ զիարդ իրքս որ  
առաջի կան ի գլուխ ելանիցեն:

Յայնմ վայրի սկսաւ խօսել այսպէս.  
Ասացէք ցիս գողէք, զձեզ միայն թշնա-  
միս համարի անձինն ասորեստանեայն,  
եթէ գիտէք եւ զայլ ոք նմին թշնամի:  
Ասէ վրկանացին եթէ թշնամութեամբ  
են Վադուսիացիքն ազգ բազում եւ  
կաշմբունն զօրաւոր: Շակքն մեր իսկ  
արուարձանեայք որ բազում արիս յա-  
սորեստանւոյն կրեցին: Վանդի ջանա-  
ցաւ եւ զնոսա որպէս եւ զմեզ վան-  
եալ վիանդել: Ապա ուրեմն համարիք,  
ասէ, եթէ նոքա յօժարութեամբ մեւք  
հանդերձ խաղացեալ երթայցեն ի վե-  
րայ ասորեստանւոյն. ասեն. Ստա-  
գիւրագոյնս իսկ եթէ մարթայցեն  
խառնել ընդ մեզ. եւ զինչ, ասէ, կրը-  
ծիմ իցէ խառնելոյ նոցա ընդ մեզ.  
Ասորեստանեայքն, ասեն, ազգն յորս  
այժմ ի ճանապարհ անկեալ երթաս:

Իբրեւ զայն լուաւ Կիւրոս . Ով Գոբրիա, ո՞չ դու, ասէ, բամբասեսս զերիտասարդդ, որ այժմիկ եկաց ի թագաւորութեան, թէ կարի իսկ ամբարտաւան ոք բարոյիւք է: Ասէ Գոբրիաս . քանզի եւ այնպիսի իսկ վիշտս կրեցի ի նմանէ: Ասէ Կիւրոս . արդեւք ի քեզ եւեթ նոյնպիսի գտաւ, եթէ եւ յայլս եւս ոմանս: Ասէ Գովբրիաս . եւ յայլս եւս բազումս: Բայց թէ զիս՞րդ զանաւագոն թշնամանիցէ, զի՞ պիտոյ իցէ ասել: Օտոն միոջ, որ հարստագոյն քան զիս էր, զորդին որ եւ ի մանկութենէ իսկ ընկեր էր իբրեւ զիմ որդին, յորժամ առ նմայն էր ի գինըմպելիսն առեալ կրճատէր, որպէս ոմանք պատմեցին, զի հարճ նորա յարդէր զնա թէ գեղեցիկ իցէ եւ երանի տայր այնմ որ նմա կին լինելոց էր: Աւ որպէս նա այժմ ասէ, թէ զչափ առ զիւրոյ հարճին . եւ նա այժմ ներքինի է եւ զիշխանութիւնն ունի, քան զի հայր նորա վախճանեցաւ:

Արդ համարիցիս, ասէ, եթէ եւ սա յօժարութեամբ հայիցի ընդ մեզ, եթէ գիտացէ թէ նմա օգնական լինիցիմք: Ասէ Գոբրիաս . Վաջ իսկ գիտեմ եթէ դժուարին է նմա հայել կամ տեսանել: Օխարդ, ասէ Կիւրոս, զի եթէ կամիցի ոք հաղորդութիւն առնել ընդ նմա, պիտոյ է անդր իսկ ի

Բարբիղացւոց աշխարհն հասանել : Եւ արդ զհարդ , ասէ , դժուարի՞ն ինչ իցէ այն : Ասէ Գորբիաս , զի գիտեմ , ասէ , եթէ բազմապատիկ զօր քան զոր դուն այժմ ունիս , ելանիցեն անտի : Եւ գիտասջիր ասէ , թէ վասն այսր ամենայնի ոչ այժմ որպէս զառաջինն ըզգէնան ի բաց կրեն Ասորեստանեայքն եւ զերիւարսն տանին , զի որոց տեսին զզօրս քո , սակաւ թուեցաւ . եւ նոյն համբաւ յաճախէ : Ինձ այսպէս թուի թէ առաւել լաւ է զգուշութեամբ գնալ զճանապարհն :

Աիւրոսի լուեալ զայս ամենայն ի Գորբիայ , ասէ ցնա այսպէս . Բարւոք թըւիս խօսել ով Գորբիա , զի հրաման տաս զգգուշութեան ճանապարհն երթալ : Արդ ես միտ եղեալ չկարեմ եւս առաւել զգուշաւոր ճանապարհ ածել զմտաւ քան զճանապարհն որ անդր իսկ ի Բարբիղոն է . եթէ անդ իցէ թշնամեացն զօրութիւնն , քանզի բազում իսկ զօրք են որպէս դու պատմես . եթէ քաջալերեալ համարձակեսցին , եւ ի մեր եւս վերայ ծանրանայցեն որպէս ինձ թուի : Արդ եթէ ոչ տեսանիցեն զմեզ , այլ համարիցին զմէնջ թէ անհետ յաչաց եղեաք առ ահին նոցա , գիտեա , ասէ , եթէ յահէ անտի որ անկաւ ի նոսա , ապրեոցին , եւ ընդ այնր քաջալերութիւն հասանիցէ ի նոսա ,

այնչափ յաճախագոյն որչափ բազում  
 ժամանակս չտեսանիցեն նոքա զմեզ :  
 Այլ եթէ դիմեալ երթայցեմք ի վե-  
 րայ նոցա, զբազումս իսկ ի նոցանէ  
 գտանիցեմք զի դեռ եւս զսատակեալսն  
 ի մէնջ աշխար եդեալ լայցեն, եւ զբա-  
 զումս որոց տակաւին պատեալ վէրքն  
 իցեն զոր ի մերոց աստի առին. եւ ամե-  
 նեքին ի մտի ունիցին զյանդզնութիւն  
 զօրականաց այսր բանակի, եւ զիւրեանց  
 փախուստն եւ զվիշտս :

Ի միտ առ ով Գորբիա, թէ այս այս-  
 պէս է, որպէս բազում մարդիկ յորժամ  
 խիզախեսցեն անընդդիմակաց միտս  
 ցուցանիցեն, բայց յորժամ վհատիցին,  
 որչափ բազումքն իցեն, դոյնչափ յա-  
 ճախագոյն յապշութիւն կործանեալ  
 ահն եւ երկեւղն շուրջ հասեալ փետէ,  
 քանզի եւ ի բազում համբաւուց չա-  
 րաց աճէ ահն. եւ ի յաճախ յուու-  
 թեան իրաց եւ ի բազում տրտում  
 տխուր երեսաց վհատելոց միանգամայն  
 գումարիցի : Մինչ զի ի յաճախութե-  
 նէ անտի երկեղին, չէ դիւրին բանիւք  
 զահն շիջուցանել, եւ աճել ի թշնա-  
 մեաց վերայ եւ յորդորել, եւ ոչ յա-  
 խոյենիցն ի բաց տանել եւ փարաւազս  
 տալ, այլ որչափ քաջալերել հրամայ-  
 իցէ նոցա, դոյնչափ զանձինս ի տա-  
 դնապի եւ ի տարակուսի լեալ համա-  
 րիցին :



Սին միտ դիցուք թէ որպիսի ինչ իցէ. զի եթէ այնր էր ի մէջ պատերազմողացն յաղթութիւն, ոյր բազում ամբոխ էր, յիրաւի եւ դուզմէնջ կասկածէիր, եւ մէք արդարեւ ի նեղութեան էաք: Բայց եթէ որպէս յառաջն իսկ նոյնպէս եւ այժմ ի քաջութենէ պատերազմողացն պատերազմունք ընտրիցին, եթէ խիզախեսցես ոչ ինչ սխալիցես. զի աստուածովքն հանդերձ կարի իսկ բազմագոյնս առ ի մէնջ գտանիցես որ ընդ պատերազմն կամիցին քան առ ի նոցանէ:

Բայց զի եւս առաւել քաջալերեսցիս եւ զայս ած զմտաւ, թէ հակառակորդքն յոյժ իսկ նուազունք են այժմ քան մինչ չեւ ի մէնջ ի պարտութիւն մատնեալ. եւ եւս նուազագոյնք քան յորժամ փախստեայ գնային ի մէնջ: Իսկ մէք այժմ յաճախագոյնք եմք քան յառաջն քանզի յաղթեցաք, եւ զօրագոյնք եմք քանզի յաջողեաց մեզ. եւ բազմագոյնք եմք քանզի դուք յաւելայք ի մեզ. այսուհետեւ մի անարդեր դքոյսն քանզի ընդ մեզ են: Քանզի եւ որք զհետ գան այնոցիկ որ յաղթեցինն քաջալերութեամբ գնան: Մի եւ այս ինչ ասէ գազանի իցէ ի քէն թէ գոյ հնար եւ այժմ տեսանել զմեզ հակառակորդացն. եւ ոչ ուրեք պնդակազմք երեւիցիմք նոցա բայց յոր-

ժամ ի վերայ նոցա խաղայցեմք . արդ  
քանզի ես այսպէս ածեմ զմտաւ, տար  
զմեզ պարզ ուղիղ ի Ռաբիղոն :

Գ Լ Ո Ւ Խ Գ

ԱՅՍՊԷՍ յուղի անկեալ յաւուրն չոր-  
րորդի ի սահմանս Գովբրիայ աշխարհին  
հասանէին . եւ յորժամ յերկրի թշնա-  
մեաց էին, կարգէր կացուցանէր ա-  
ռեալ ընդ իւր կարգաւ զհետեւակս եւ ի  
հեծելոց անտի զորս ինքն ի դէպ հա-  
մարէր : Այլ զայլ այրուծին արձակեաց  
ասպատակ դնել, եւ հրամայեաց զայնու-  
սիկ որ զէն ունիցին այրել, իսկ զայլն  
եւ զխաշինս զոր ի բուռն արկանիցեն բե-  
րել առ ինքն : Հրաման ետ եւ Պարսից  
ընդ նոսա ասպատակել . եւ զային բա-  
զումք ի նոցանէ անկեալք յերիւարացն,  
եւ շատք առ եւ աւար բազում բերեալ :

Իբրեւ առաջի կայր աւարն, կոչեցեալ  
զիշխանս Սարացն եւ Վրկանացւոց եւ  
զպատուակիցսն ասէր . Հիւրացոյց զմեզ  
բազում բարութեամբք Գորբիաս . արդ  
ասէ, եթէ ընտրեալ դիցն զօրինաւորսն  
եւ բանակին որ ինչ բաւական իցէ, զայլ  
առն եւ զաւարն նմա տայցեմք, բարւոք  
առնիցեմք, զի իսկ եւ իսկ յայտնի լի-  
նիցիմք զի եւ զերախտաւորսն մեր փու-  
թամք դել երախտօք մերովք : Իբ-

ընէ զայն լսէին, ամենեքեան դովէին,  
բոլորեքեան դրուատէին. եւ մի ոմն ա-  
սէր այսպէս :

Արասցուք զայս, ասէ, ով կիւրէ,  
զի եւինձ թուի թէ Գոբրիաս աղքատս  
տառապեալս ոմանս համարէր զմեզ .  
զի ոչ դահեկանօք լցեալ զայսք եւ ոչ  
յոսկի նուազաց ըմպէաք : Այլ թէ զայն  
առնիցեմք, ի միտ առցէ, ասէ, թէ  
եւ առանց ոսկւոյ մարթի առատս լի-  
նել : Այլ թայք, ասէ, որ ինչ դիցն իցէ  
զայն մոգուցն տուք, եւ որչափ բաւա-  
կան իցէ զօրուն որոշիցէք, եւ զայն  
ամենայն կոչեցեալ զԳոբրիաս տուք  
նմա : Առեալ նոցա որ ինչ պիտոյն էր,  
զամենայն Գովբրիայ ետուն :

Ապա երթայր ի Վաբեղացւոց աշ-  
խարհն ճակատեալ որպէս յորժամ  
պատերազմն էր : Իբրեւ ոչ ելին ընդ  
առաջ Ասորեստանեայքն, հրաման ետ  
կիւրոս Գոբրիայ երթալ ասել, եթէ  
կամ իցէ թագաւորին ելեալ ի վերայ  
աշխարհին մարտնչել, ինքն իսկ ընդ  
նմա մարտնչիցի, ապա թէ ոչ խնդրի-  
ցէ զվրէժ երկրին, հարկ է այնոցիկ որ  
յաղթեցինն հնազանդ լինել : Գոբրի-  
աս մատուցեալ ի տեղի ինչ ուր ամուր  
էր, ասէր : Աւնա յղեաց պատասխա-  
նի այսպէս . Տէրն քո ասէ, Գոբրիաս,  
ոչ զի սպանի զորդին քո, ստրջանամ,  
այլ թէ ոչ եւ զքեզ առ նմին սպանի :

Եթէ մարտընչել կամիցիք, երթայք յերեսուն օր. զի այժմ չիք մեր պարապ, զի կազմ եւ պատրաստ լինիմք: Գորբիաս ասէ. Սի լեցի ասէ երբեք զրաւ այնց ըստըջանաց. քանզի յայտ է եթէ արտմեցուցանեմ ես զքեզ յորմէ հետէ այն զղջումն ունի զքեզ:

Գաբրիաս պատմեաց զբանս ասորեստանւոյն. եւ Նիւրոսի լուեալ. հան զգօրսն եւ կոչեցեալ զԳորբիաս. ասա դու ցիս, ասէ, ո՛չ ապաքէն ասէիր թէ եւ կրճատեալն յասորեստանւոյն ընդ մեզ լինիցի: Եւ յայէս գիտեմ, ասէ. քանզի բազում անգամ ես եւ նա ճառարկեալ խօսէաք ընդ միմեանս: Եւ որ յորժամ ի դէպ թուիցի քեզ մատիր առ նա. եւ նախ այնպէս արա որպէս զհարդ ինքն ասիցէ: Եւ պա իբրեւ մերձ լինիցիս նմա, եթէ գիտես եթէ կամի մեր բարեկամ լինել նա, զայս ինչ մենք ենայեսջիր զի անյայտ իցէ եթէ բարեկամ մեր է: Քանզի ոչ աւելի ինչ բարութիւնս այլազգ ոք բարեկամացն կարիցէ առնել, բայց յորժամ հակառակորդ թուիցի. եւ ոչ թշնամեաց ոք աւելազոյն վնաս դործիցէ, այլ յորժամ բարեկամի կարծիս տայցէ:

Գիտեմ, ասէ. Գորբիաս եթէ հնարի եւ Գաղատաս մեծ ինչ եղեուն վնասու այժմու թագաւորին Նսորեստանեաց հասուցանել. այլ թէ իմ իմիք

ձեռնհաս իցէ, այնմ մեզ պարտէ միտ  
դնել: Ասէ Կիւրոս. ասա դու ցիս ի  
բերդդ որ կայ հանդէպ երկրին, շումէ  
եւ դուք ասէք, թէ ընդդէմ Վրկանա-  
ցւոց եւ Շակաց պարսպեցաւ, զի լինի-  
ցի աշխարհին պատուար պատերազմի,  
համարիցի՞ս թէ թողուցուն պահա-  
պանքն զնեքքինին մտանել անդր զօրօք  
հանդերձ. յայտնի իսկ ասէ, եթէ ա-  
ռանց կարծեաց իցէ, զոր օրինակ այժ-  
մըս է, թողցեն անդր:

Արդ ասէ, առանց կարծեաց լինիցի,  
եթէ ես ի գեւղսն նորա յարձակիցիմ  
որպէս թէ կամիցիմ առնուլ, եւ նա  
մարտ եղեալ կռուիցի զօրութեամբ,  
եւ առնուցում զնորա ինչ ես, եւ նա  
ընդ այնր առնուցու ի մէնջ զսմանս կամ  
զհրեշտակսն առաքեալս յինէն առ նո-  
սա զորոց ասէք թէ թշնամի են ասո-  
րեստանւոյն, եւ որք ըմբռնիցինն ասի-  
ցեն եթէ ի բանակն երթամք, եւ  
սանդուղս առ ամուրն մատուցանիցեն:  
Իսկ նեքքինւոյն լուեալ պատճառիցի  
թէ մօտ երթայ, զի զայն ամենայն կամի  
յայտ առնել: Աւ Գորբիաս ասէ. Ե-  
թէ այսպէս լինիցի, գիտեմ հաստատու-  
թեամբ եթէ երթայց առ նա եւ աղա-  
չեցից զնա կալ մնալ, մինչեւ դու մե-  
կնեսցիս:

Ասէ Կիւրոս. եթէ միանգամ մտա-  
նիցէ կարիցէ՞ տալ ի ձեռն մեր զգեղն.

ի դէպ է, ասէ Գորբիաս, քանզի եթէ ի ներքուստ նա պատրաստիցի եւ դու արտաքուստ սաստկագոյնս հարկանիցես: Աւ արդ երթ, ասէ, եւ փութա եւ ուսո զայս ամենայն եւ ի գլուխ հանեալ եկեսցես. եւ առհաւատչայ նմա ոչ ասիցես եւ ոչ ցուցանիցես մեծ եւս ինչ քան զորս դու իսկ ինքնին առ ի մէջ առեր:

Ապա չոգաւ Գովբրիաս. իբրեւ լուսաւոր ետես զնաներքինին, միաբանէր ընդ նմա, եւ դաշինս կռէր որպէս պարտ իսկ էր: Աւ իբրեւ պատմեաց Գորբիաս եթէ ամենայն ինչ որ պատուիրեցաւ ներքինւոյն հաստատութեամբ ի գլուխ եւ. ի վաղիւ անդր մօտ երթայր Աիւրոս, բայց Գաղատաս մարտ եղեալ կռուէր. եւ զոր առն Աիւրոս այն դեւղ էր, զորմէ Գաղատաս ասաց: Իսկ ի հրեշտակաց անտի զոր Աիւրոս առաքեաց պատուիրեալ թէ յ<sup>օ</sup> երթայցեն, զոմանս թող Գաղատաս պրծանել զի զզորսն ածցեն եւ զսանդուղսն բերիցեն. եւ զոմանս կալեալ հարցանէր բազմաց առաջի: Իբրեւ լուաւ թէ վասն էր երթան, վաղվաղակի կազմեալ որպէս թէ զրոյց տայցէ, գիշերի յուղի անկեալ երթայր: Աւ գլուխ ամենայնի, հաւատարիմ եղեալ եթէ մտանէ անդր յամուրն օգնական լինել. եւ առ ժամանակ մի

ընդ պահապանացն կազմէր պատրաստէր զոր ինչ կարէրն: Իսկ իբրեւ եմուտ Վիւրոս, զգեւոյն ի բուռն առնոյր եւ գործակից զառ ի Վիւրոսէ առեալ գերին առնէր:

Իբրեւ այն վճարեցաւ, վաղվազակի Գաղատաս ներքինի զներքինսն կարգէր կացուցանէր եւ ելանէր առ Վիւրոս. եւ օրինօք երկիր պագեալ ասէ. Ուրախ լեր Վիւրէ. այլ ուրախ լինիմ, ասէ, զի դու աստուածովք հանդերձ ոչ միայն հրաման տաս, այլ եւ հարկես եւս ուրախ լինել: Գիտասջիր, ասէ, զի ես մեծ ինչ համարիմ զգեւող զայդ թողուլ խաղաղ նիզակակցաց որ աստ իցեն: Ով Գաղատա, եբարձ ի քէն ասորեստանեայն զորդեծնութիւնն, բայց չկարաց զրկել զքեզ ի բարեկամս ստանալոյ: Գիտասջիր զի գործովդ այգուիկ զմեզ բարեկամս արարեր, որք եթէ կարօղ իցեմք, ջանասցուք ձեռնտու եւ օգնական եւ խնամակալ լինել քեզ որպէս եթէ որդիս եւ թոռունս ծնեալ էիր:

Նա զայս ինչ խօսեցաւ: Յայնմ վայրի Վրկանացին այն ինչ զգաստ լեւալ զիրացն որ եղեն, ընթացաւ առ Վիւրոս եւ բուռն հարեալ զաջոյ նորա, ասէ. Սեծամեծար բարութիւն բարեկամաց դու Վիւրոս, զի բազում իմն գոհութեան պարտապան զիս գիցն

առնես, զի ածինն զիս առ քեզ: Այսուհետեւ երթ, ասէ, Աիւրոս եւ առեալ զգեւղն ոյր վասն համբուրես զիս, այնպէս յարդարեսջիր զի ձերում ազգին բաղմագին լինիցի եւ այլոց նիղակակցաց, մանաւանդ իսկ ասէ այսմ Կադատայ որ առ եւ ետ մեզ:

Աւարդ զհարդ, ասէ, վրկանացին, որովհետեւ Կադուսիացիք զան եւ Շակքն եւ իմ քաղաքացիքն, կոչեսցո՞ւք արդեւք եւ զնա, զի առհասարակ խորհուրդ խորհեսցուք ամենեքին, որոց անկ իցէ, թէ սրպէս յօգուտ ի կիրարկանիցեմք զամուրս պահապանացն: Ի՞նչ այն եւ Աիւրոս հաճեցաւ: Իբրեւ ի մի վայր եկին որոց յանձն էր ամուրն խորհեսցան առհասարակ պահել, որոց օգուտ իսկ էր եթէ այն ի խաղաղութեան լինէր, զի իւրեանց պատուար պատերազմի լինիցի եւ ընդդէմ Ասորեստանեաց պարիսպ ամրութեան:

Գ.Ճ. Իբրեւ այն կատարեցաւ առաւել եւս յօժարագոյնս երթային ընդ նմա ի մարտ պատերազմի Կադուսիացիք եւ Շակք եւ վրկանացիք, եւ անդէն բանակ դումարէր, ի Կադուսիացոց ասպարաւորք երկու բեր եւ հեծեալք չորեքհազարք. իսկ ի Շակաց աղեղնաւորք բեր մի, եւ աղեղնաւորք հեծեալք երկուհազարք. եւ վրկանացիք հետեւակս որչափ բաւական էին յղէին



Եւ յաւելին հեծեալս երկու հազար : Վանզի յառաջն բազում հեծեալք յաշխարհին թողան, զի Վաղուսիացիքն եւ Շակք Նսորեստանեաց թշնամիք էին : Որչափ ժամանակս հոգայր ինքնին Վիւրոս խնամակալութեան ամրին, բազումք յՆսորեստանեաց որ ի դեղսըն յայնս էին զերիւարսն ի բաց տանէին եւ կրէին զզէնսն երկուցեալ յամենայն մօտաւոր բնակացն :

Ապա գայ առ Վիւրոս Վաղատաս եւ ասէ, եթէ հասին նմա հրեշտակք թէ Նսորեստանեայն յորժամ զիտաց զիրս ամրին, դժկամակ եղեւ, եւ կազմեցաւ արշաւել յերկիր նորա : Արդ եթէ թողուցուս զիս ով Վիւրէ ըզպարիսպսն ջանացայց ապրեցուցանել. իսկ զայլսն փոքունս համարիմ : Այլ Վիւրոս ասէ. եթէ այժմ երթայցես, երբ յաշխարհի անդ իցես. եւ Վաղատաս ասէ. յաւուրն երրորդի յիմում երկրին ընթրիս արարից : Սթէ համարիցիս եթէ հասեալ անդէն ըմբռնիցէ ասորեստանեայն : Վիտեմ, ասէ, եթէ հասցէ : Օ՛ի փութացի որչափ դու ի բացեայ լեալ թուիցիս : Իսկ ես, ասէ, Վիւրոս ի քաներորդում աւուր զօրօքն անդր հասանիցեմ : Առ այն ասէ Վաղատաս. Ինչում, ատէր, զօրս ունիս, եւ չկարես ի վեց կամ յեւթն աւուրց ընդհատ գալ ի

բնակութիւն իմ: Արդ դու, ասէ Աիւրոս, երթ վաղվաղակի, եւ ես որչափ մարթ իցէ ընթացայց զճանապարհս:

Վաղատաս գնաց. եւ Աիւրոս կուչէր միանգամայն զամենայն իշխանս նիզակակցացն. եկին հասին բազումք եւ պիտանիք. ընդ որոց խօսէր Աիւրոս այսպէս. Արք նիզակակիցք, Վաղատաս այնպիսի ինչ վճարեաց որ ամենեցուն իսկ մեծարոյ թուի, եւ այն մինչ չեւ բարի ինչ ի մէնջ գտեալ: Այժմ զասորեստանւոյն պատմի արշաւել յերկիր նորա, յայտ է եթէ կամի վրէժ խնդրել ի նմանէ զի առաւել իմն մնասեալ համարի ի նմանէ. թերեւս եւ զայն զմտաւ ածիցէ, թէ որ առ մեզս ապստամբեալ գան, ոչ մի ինչ վիշտս ի նմանէ վշտանան, իսկ որք ընդ նմա իցեն ի մէնջ կորընչին, զի վաղվաղակի իսկ ի դէպ է թէ ոչ ոք կամիցի ընդ նմա լինել: Արդ այժմիկ ով արք, գործ ինչ բարւոք համարիմ գործել. եթէ յօժարագոյնս Վաղատայ օգնական լինիցիմք առն Երախտաւորի, եւ յիրաւի եւ յարժանի գործիցեմք զի շնորհս փոխարէն հատուցանիցեմք, եւ որպէս ինձ թուի եւ զանձանց իսկ օգուտն գործիցեմք: Օյ եթէ ամենեցուն երեւիցիմք յաղթել մերոցն լկչացն գուն գործեալ չարչարել զնոսս եւ անցուցանել բարութեամբք զերախ-

տաւորօքն, ի դէպ է յայնմ ամենայնէ  
բազմաց կամել բարեկամս լինել. եւ  
ոչ ումեք ցանկալ թշնամի լինել: Ապա  
թէ թուիցիմք զՎաղատայ անփոյթ  
առնել, որո՞վք բանիւք զայլն կարիցեմք  
ածել ի հաւան շնորհել ինչ մեզ:  
Օ, իա՞րդ իշխիցեմք զանձինս յարգել.  
որպէս նայել ոք ի մէնջ կարիցէ ընդ  
Վաղատաս. եթէ ի պարտութիւն մատ-  
նիցիմք ի նմանէ որ զերախտիսն արար,  
այսչափքս յառնէ միողէ, եւ այն յոր-  
ժամ յայնպիսի չափու իցէ:

Վա զայս ասէր եւ ամենեքին յանձն  
առնոյին զնոյն. Առէք, ասէ, այսու-  
հետեւ, որովհետեւ եւ ձեզ դոյն հա-  
ճոյ թուի, թողցուք ջորւովք եւ դես-  
պակովք երթալ այնոցիկ որ պատեհքն  
իցեն: Վորբիաս իշխեսցէ նոցա եւ ա-  
ռաջնորդեսցէ նոցա, քանզի եւ ճա-  
նապարհացն հմուտ է. եւ այլով ամե-  
նայնիւ բաւական, եւ մեք հարուստ ե-  
րիւարօք եւ արամբք երթայցեմք, զե-  
րից աւուրց պէտս առեալ: Արչափ  
թեթեւագոյնս կազմիցեմք եւ անարգս  
դոյնչափ յապա աւուրս քաղցրագոյն  
ճաշ եւ ընթրիս ուտիցեմք եւ ննջիցեմք:

Բայց այժմ. ասէ, այսպէս երթի-  
ցուք զճանապարհն: Վախ դու Քրիւ-  
սանտա տար զզրահապատոն, զի հարթ  
եւ հաւասար է ճանապարհն. եւ զամե-  
նայն զօրագլուխն ի ճակատու ունիցիս.

եւ իւրաքանչիւր գունդ մի առ մի երթիցէ. զի յորժամ միահամուռն կայցեմք, արագ եւ զգուշութեամբ երթայցեմք: Եւ յայն սակս, ասէ, զըրահաւորսն հրամայեմ տանել, զի քան զամենայն զօրսն նոյնն ծանրագոյն է: Յետ երթալոյ ծանուռն, հարկ է դիւրաւ բնաւ իսկ նուագիցն զհետ խաղալ: Եւ յորժամ որ արագագոյնն իցէ երթայցէ յառաջոյ ի դիշերի, չեն ինչ զարմանք, թէ խախտիցի բանակն: Օ՛ր որ յառաջոյ կարգեալ կայցէ, ի բաց սրանայցէ:

Յետ նոցա Երտաւազ զասպարաւորսն եւ զաղեղնաւորսն Պարսից տանիցի: Յետ նոցա Ենդրամիաս մարզը՝ արաց հետեւակն. յետ նոցա Եմբաս զՀայոց հետեւակսն. եւ յետ նոցա Երտուքաս զՎրկանացիսն. յետ նոցա Թամբրադաս զՇահկաց հետեւակսն. յետ այնոցիկ Վամատաս զԿադուսիացիսն: Եւ ծցին սոքա ամենեքին եւ ունիցին զզօրագլուխն ի ճակատուն յաջմէ զասպարաւորսն եւ յահեկէ զաղեղնաւորս իւրոյ գնդին, զի յորժամ այսպէս երթայցեն պիտանացուք լինիցին: Եւ յետ նոցա, ասէ, որ ամենեցուն կապարճակիրքն գնայցեն: Եւ իշխանք նոցա, զամենեցունց հոգայցեն, զի ամենայնիւ կազմ եւ պատրաստ լինիցին մինչ չեւ ասպատակ եղեալ, եւ ընդ

այդն ընդ առաւօտն կազմածովք հանդերձ ի կարգեալ տեղին հասանիցեն եւ զի կարգաւ զհետ գայցեն :

Յետ զինակրաց գնդին, ասէ, զՊարսիկսն հեծեալս Մադատաս պարսիկ տանիցի, եւ նա ունիցի զհարիւրապետս հեծելոցն ի ճակատուն : Իսկ հարիւրապետն տարցի զգունդն ուրոյն որպէս հետեւակապետքն : Յետ նոցա շռամբակաս մար, ըստ նմին օրինակի զիւր հեծեալսն . յետ նոցա դու ով Տիգրանէ, զքո այրուծին, եւ այլ պետք հեծելոցն եւ այնոքիկ ընդ որոց իւրաքանչիւր ոք հասանէ առ մեզ : Յետ նոցա Շակք երթիցեն : Օր օրինակ յետոյ եկին Վադուսիացիքն, յետոյ տարցին զգօրս : Աւ դու Վղկեւնա որ տանիս զնոսա, հոգ յանձին կալչիր ի ժամանակիս յայսմիկ զամենեցունց որ յետոյ իցեն, եւ մի զոք թողցես յետոյ քան զհեծեալսն քո :

Նոգացարուք լռիկ երթալ, իշխանք եւ ամենայն իմաստունքդ : Օ՛ի ի գիշերի մանաւանդ հարկ է ականջօք, քան աչօք զքնաւ զգալ եւ վճարել . քանզի եւ խռովութիւն առաւել է ի գիշերի քան ի տուրնջեան եւ դժուարին առ ցածնուլ, նմին իրի պարտ է ի լռութիւն կրթել եւ զկարգս պահել . եւ զցայգութեան պահսն, յորժամ գիշերի ուրեք երթալոց իցէք միշտ .

պարտ է կարճագոյնս եւ բազմագոյնս առնել. զի մի զոք պահպանութեանն տքնութիւն յորժամ յաճախ իցէ վնասիցէ ի ճանապարհի: Այլ յորժամ ժամ իցէ ի ճանապարհ երթալոյ, նշանակել թելին: Առեալ ձեր զամենայն որ ինչ պիտոյն է, եկայք ի ճանապարհ Խաբիղացոց քաղաքին. եւ որ երթայցեն հանապազ, զայն որ յետոյ գայցէ քաջալեօցէ գալ զկնի:

Ապա երթային ի վրանսն, եւ ի գնալն խօսէին ընդ միմեանս թէ զիարդ ուշեղ իցէ Աիւրոս, որոց հրամայէրն, որպէս յականէ յանուանէ պատուիրէր: Աւ Աիւրոս խնամով զնոյն գործէր: Օ՛ի ամենեւին իսկ զարմանք թըւէին նմա, եթէ արուեստիցն ճարտարապետքն գիտիցեն իւրաքանչիւր զիւրոց ճարտարութեան գործեաց զանուանսն, եւ բժիշկ այր գիտիցէ զգործւոյնեւ զդեղոց որովք վարիցին ամենեցուն զյորջորջանսն: Իսկ զօրավարայնպէս ապ ուշ իցէ, որպէս զի չգիտիցէ զգօրավարացն որ ընդ իւրեւ իցեն, զանուանսն, զորս պարտ իցէ նմա գործիս ի կիր արկեալ վարել. եւ յորժամ բմբռնել ինչ կամիցի կամ պահել կամ քաջալերել կամ ահ արկանել. եւ յորժամ պատուել զոք երբեք կամիցի, վայելուչ իմն կարծէր, նմա յանուանէ կոչել:

Այսպէս թուէր նմա թէ որ համարինն յիշխանէ անտի առաւել փութան զի լաւութիւն ինչ գործեալ յակն անկանիցին, եւ ի խայտառակ ինչ գործելոյ եւս աւելի յօժարիցեն մերժել զանձինս: Ալ զայն եւս ապուշ մտաց համարէր թէ յորժամ կամիցի ոք եթէ վճարեսցի ինչ, այնպէս հրաման տայցէ. որպէս ի տան իշխանք ոմանք հրամայիցեն թէ երթայցէ ոք զջրոյ, փայտ ոք հատանիցէ: Օ՛ի յորժամ այնպէս հրաման առնուին թուէր նմա թէ ընդ միմեանս նայիցին ամենեքեան եւ ոչ ոք զհրամանն ի գլուխ հանիցէ, եւ ամենեքին մեղադրութեամբ իցեն, եւ ոչ ոք ամօթ զյանցանսն համարիցի, թերեւս եւ երկիցէ իսկ ոչ, վասն ընդ բազմաց զբամբասանսն ունելոյ: Ասան այսր ամենայնի ինքն զամենեսին՝ անուանէր յորժամ հրամանն տայր:

Աիւրոս զայսմ ամենայնէ այսպէս ածէր զմտաւ: Յայնժամ զօրքն ընթրիս կերեալ եւ պահապանս կացուցեալ եւ պատրաստեալ ամենայնիւ որ ինչ պիտոյն էր, ննջէին: Ալ յորժամ էր ՚ի մէջ գիշերի, նշանակէր թեւին, եւ Աիւրոս ասէր Քրիւսանտայ թէ կայցէ ի ճանապարհի անդ առաջի զօրուն, եւ առեալ զսպասաւորսն որ շուրջ պիւրեւ էին ելանէր: Յետ սակաւ ինչ ժամանակի գայր հասանէր Քրիւսան-

տաս ածեալ զգրահաւորսն : «Վ, մա տը-  
ւեալ Կիւրոսի առաջնորդս ճանապարհ-  
հին պատուիրէր երթալ հանդարտ մին-  
չեւ հրեշտակ հասանիցէ . քանզի չեւ  
եւս ամենեքեան ի ճանապարհի էին .  
եւ ինքն կայր ի նմին տեղւոջ եւ զհա-  
սեալն յդէր յառաջ կարգաւ, եւ առ  
յեանեալն առաքէր կոչել :

Իբրեւ ամենեքին ի ճանապարհի էին  
առաքէր առ Վրիւսանտաս հեծեալս,  
ասել էթէ ամենեքին ի ճանապարհի  
են, արդ տար փութանակի . եւ ինքն եր-  
թեալ յառաջակողմն երիւարաւն հան-  
դարտիկ նայէր ընդ կարգսն, եւ զոր  
տեսանէր կարգեալս յարդարեալս եւ  
զի լուռ երթային, մատուցեալ առ նո-  
սա, ո՞ք իցեն հարցանէր, եւ իբրեւ ի  
միտ առնոյր, գովէր . ապա թէ զոմանց  
զգայր թէ խռովեալ են, ընդ պատ-  
ճառս խռովութեանն նայէր եւ ջա-  
նայր զաղմուկն ցածուցանել :

Սի ինչ միայն մնաց ի ցայգութեան  
հողաբարձութենէ նորա, զի յառաջ  
իսկ քան զամենայն բանակ ոչ բազում  
հետեւակս պնդակազմս առաքէր, որ  
երեւէին Վրիւսանտայ եւ զնա նշմարե-  
ին զի ականջալուր լեալ եւ այլազգ կա-  
րիցեն զգալ ինչ, յայտ առնիցեն Վրիւ-  
սանտայ որ ինչ ի դէպ թուիցի : Վայց  
իշխան եւ հրամանատար մի ոք էր, որ եւ  
զնոսա յարդարէր, եւ որ արժանաւոր ինչ



էր, զայն նշանակէր, եւ որ չէրն ար-  
ժանաւոր ինչ, չլինէր տաղտուկ ասե-  
լովն. զցայդ այսպէս երթային:

Իբրեւ տիւ եղեւ զՎաղուսիացւոյ  
հեծեալսն, զինոցին եւ հետեւակքն յե-  
տոյ երթային, եթող առ նոսա, զի  
եւ սոքա լիք ի հեծելոց երթայ-  
ցեն: Իսկ այլոցն հրամայեաց յառա-  
ջակողմն երթալ. քանզի եւ հակառա-  
կորդքն յառաջակողմանն էին, որպէս  
զի թէ հակառակ ինչ պատահիցէ նոցա  
անդէն ինքեանք յանձանց զօրութենէ  
կռուիցին, եւ եթէ փախստեայ ինչ  
ուրեք տեսանիցէ, պատրաստութեամբ  
զհետ մտեալ հալածիցէ: Աւ էին հա-  
նապազ կարգեալ ճակատեալ, եթէ  
պիտոյ լինիցի զհետ մտանել այնոցիկ  
որոց պարտ իցէ զհետ մտանել եւ որոց  
պարտ իցէ առ իւր մնալ: Ամենայն իսկ  
կարգին ոչ երբեք թոյլ տայր քակել:  
Այսպէս տանէր Վիւրոս զբանակն:  
Իայց ինքն ոչ եթէ ի միում վայրի  
կայր այլ եւ ընդ այս եւ ընդ այն կող-  
մն շուրջ եկեալ տեսանէր եւ հոգայր  
եթէ կարօտ ինչ իւիք էին:

## Գ Լ Ո Ի Խ Գ

ՈՐ զՎԻԼՐՈՍԻՆ էին այսպէս յուղի անկեալ երթային: Իսկ ի Վաղատայ հեծելոց անտի մի ոմն յարանց զօրաւարաց, իբրեւ ետես զնա ապստամբեալ յասորեստանւոյն, զմտաւ ած թէ նա յորժամ վիշտս ինչ վշտանայցէ, ինքն առնուցու յասորեստանւոյ անտի զամենայն որ ինչ Վաղատայն էր: Ապա առաքէ զմի ոմն յիւրոց հաւատարմացն առ ասորեստանեայն եւ պատուէրտայրայնմ որ երթային թէ յորժամ հասանիցէ յերկրին Վաղատայ բանակին Վասորեստանեաց, ասացէ ասորեստանւոյն, զի եթէ կամիցի դարանակալ լինել ըմբռնիցէ զՎաղատաս եւ զորս ընդ նմա իցեն: Աւ պատուիրէր յայտ առնել թէ որչափ զօր ունիցի Վաղատաս Վիլրոս ոչ դայ զհետ նորա, եւ զճանապարհն ընդ որ մատչելոց էր, յայտ առնէր: Արամայեաց եւ գերդաստանկացն զի առաւել հաւատարիմ թուիցի, զպարիսպն, զոր ինքն ի Վաղատայ երկրին ունէր տալ ի ձեռս ասորեստանւոյն եւ զամենայն որ ի նմա իցէ: Աւ ես եկիցասէ, եթէ կարիցեմ, սպանեալ զՎաղատաս, ապա թէ ոչ այնուհետեւ ընդ ասորեստանւոյն եղէց:

Իբրեւ որ ի դոյն իսկ կարգեալ կայր,

երթեալ վաղվաղակի առ ասորեստանեայն հասանէր եւ յայտ առնէր վասն որոց եկեալն էր. նորա լուեալ իսկ եւ իսկ ի դեւղ անդր հասանէր, առեալ երիւարս եւ կառս բազումս անդէն ի գեղսն նստէր դարանակալ: Վաղատաս յորժամ մօտ ի գեւղսն էր, առաքէր զոմանս յառաջագոյն խուզել ըզվայրսն. բայց ասորեստանեայն իբրեւ գիտաց թէ մօտ են խուզակքն, հրաման տայր երկուց կամ երից կառաց եւ սակաւ հեծելոց ելանել փախչել մազապուր. որպէս թէ երկեան զահի հարան քանզի սակաւաւորք էին: Իսկ խընդրակքն իբրեւ զայն տեսին, ինքեանք զհետ մտանէին, եւ ակնարկէին Վաղատայ. եւ նորա պատրեալ սաստկու թեամբ հալածական տանէր: Ասորեստանեայքն, յորժամ թուեցաւն նոցա թէ ըմբռնիցի այսուհետեւ Վաղատաս, վաղվաղակի յարեան ի դարանէ անտի:

Իսկ որոց զՎաղատաւն էին տեսեալ, որպէս ի դէպ էր փախստեայ զնային բայց նոքա զհետ պնդեալ ստէպ հալածէին: Յայնմ վայրի որ զնենգու թիւնն խորամանգեաց Վաղատայ հարկանէր զնա անդէն, թէպէտ եւ յազդոյ վիրացն սխալեաց, սակայն եհար զնա յուսն եւ խոցեաց եւ ինքն պրնդեալ երթայր ընդ հալածչացն. եւ իբրեւ յայտ եկն թէ ո ոք էր, միան-

գամայն ընդ Ասորեստանեացն տաղնապաւ արշաւէր երիւարաւն զՏէտ մտեալ թագաւորաւն հանդերձ: Յայտ է թէ որոց յայնժամ յամբագնաց երիւարքն էին յերագագունաց ըմբռնէին: Ամենայն այրուծին զաղատայլուծեալ պարտասեալ էին վասն ի ճանապարհէն վաստակելոյ. եւ իբրեւ տեսին զի գայր Աիւրոս հանդերձ բանակաւն, այսպէս իսկ պարտ է ածել զմտաւ եթէ ուրախութեամբ եւ ցնծութեամբ իբրեւ ի նաւահանգիստ ի կարեձմեռն ձմերայնւոյ հասին առ նոսա:

Օ Աիւրոս անդէն զառաջինն զարմանք ունէին. իբրեւ գիտաց զիրան, որչափ նորա միահամուռ ընդդէմ գային, եւ ինքն հակառակ ընդդէմ զգօրսն գունդագունդ տանէր: Իբրեւ ծանեան հակառակորդքն զոր ինչ եղեւ, ի փախուստ դարձան. անդ հրամանն ետ Աիւրոս այնոցիկ որ ի դոյն իսկ կարգեալ կային զՏէտ մտանել, եւ ինքն զկնի գայր ընդ այլոցն որպէս օգուան թրււէր: Յայնմ վայրի ըմբռնեցան կառք եւ ոմանք ի կառավարացն անկեալ կործանէին, ոմանք ի դառնալն եւ ոմանք այլ իմն ազգ. եւ ոմանք կրճատեալ ի հեծելոց անտի ի բուռն անկանէին: Աւզայլ եւս բազումս կոտորէին եւ զայն որ զՎաղատայն եհար: Բայց ի հետեւեալացն Ասորեստանեաց որք զՎաղա-

տայ գեղն պաշարեալ դիպեցան, կէսք յամուր անդր որ ի Վաղատայ ապստամբեաց, անկանէին, եւ կէսք աճապարեալ ի քաղաք ինչ յաղթ ասորեստանւոյն անկանէին. եւ ինքն իսկ գլխովին ասորեստանեայն կառօք եւ երիւարօք փախստական անդր դիմէր:

Յորժամ զայս ամենայն ի դուռն Տան Աիւրոս, մեկնեալ երթայր յերկիրն Վաղատայ եւ հրաման տուեալ որոց պարտն էր հրաման տալ վասն գերւոյն, վաղվաղակի յուղի անկանէր զի երթեալ տեսանիցէ զՎաղատաս, թէ զիարդ իցէ ի վիրէ անտի. եւ մինչ դեռ նախազացեալ դայր, Վաղատաս պատեալ զվէրն ընդ առաջ ելանէր: Տեսեալ զնա Աիւրոսի զուարճացեալ լինէր յանձն իւր եւ ասէր. Աս դայի առ քեզ տեսանել թէ որպէս իցես:

Ասէ Վաղատաս, ես ասէ եկի միւսանգամ տեսանել զքեզ, եթէ որպիսի ինչ իցէ տեսիլ կերպարանաց քոց, որ այսպիսի ոգի ունիս, եւ գիտեմ ինկ եթէ ոչ իմիք կարօտեալ, եւ ոչ խոստացար իսկ ինձ զայս առնել, ոչ թէ երախտիս ինչ յինէն գտեալ առանձինն եւ ոչ մի, այլ զի բարեկամաց օգուտ ինչ արարի. այնպէս յօժարու թեամբ օգնական իմ եղեր. որպէս զի այժմ որչափ յիս ապաստանէ կորուսեալ եմ, բայց որչափ ի քեզ ապաս-

տան իցէ ողջ իսկ ապրիցեմ: Ով կիւրոս եթէ որպէս իսկզբանն էի եւ որդիս ծնանէի, ոչ գիտեմ եթէ ստանայի երբեք որդեակ որ այսպիսի միտս առ իս ունիցի. եւ այլ եւս որդիս տեսի եւ զայս արքայ Ասորեստանեաց, որ առաւել իսկ զիւր հայրն տրամեցոյց, քան զքեզ այժմ կարիցէ տրամեցուցանել:

Եւ կիւրոս ասէ այսպէս. Ով Գաղատա զմեծ եւս իմն զարմանս թողեալ ընդ իս ես այժմ զարմացեալ: Ասէ Գաղատաս. եւ զինչ այն զարմանալիք իցեն: Օ՛ի այնչափ արք, ասէ, զուն գործեցին վասն քո ի Պարսից եւ ի Սարաց եւ ի Վրկանացւոց եւ ամենեքին որ աստ էին ի Հայոց եւ ի Շակաց եւ Վաղուսիացւոց: Եւ Գաղատաս յաղօթս կայր. Ով Արամազդ, ասէ, եւ նոցա բազում բարութիւնս շնորհեացեն դիքն, եւ աւելագոյն այնմ որ այնր ամենայնի պատճառք եղեւ, զի եւ նոքա նոյնպիսի լինիցին: Արպէս զի եւ զորս դու գովես ով կիւրոս, ասպնջականութեամբ ընդունիցիմք զնոսա, ընկալ զպարգեւսս զոր ես կարող իցեմ պարգեւել. եւ բազում պարգեւս ածէր զի որ կամիցին զոհս մատուցանիցէ, եւ ասպնջական լինել բանակին արժանի գեղեցիկ գործելոյն եւ ի գլուխ ելելոց:

Վաղուսիացին վերջապահ էր եւ ոչ

Հաղորդեցաւ ի պնդելն զհետ : Իբրեւ կամեցաւ եւ նամեծ ինչ գործ վճարել, ոչ ինչ պատմեալ Վիւրոսի ասպատակ դնէին յերկիրն որ առ Բաբելոնացոց աշխարհին կայ. եւ ցան աստ անդ վարատեալ երիվարաց նոցա, ելանէր ասորեստանեայն ի քաղաքէ անտի իւրմէ յոր փախուցեալն էր, եւ պատահէր նոցա, քանզի ճակատեալ էին զօրք նորա : Իբրեւ դիտաց թէ միայն են Վադուսիացիքն ի վերայ դիմէր, եւ զիշխան Վադուսիացոցն սատակէր եւ զայլս բազումս եւ բազում երիւարս ի Վադուսիացոց առնոյր, եւ եթէ դիպէր այնոցիկ որ զառն եւ զաւարն կրէին հանէր ի նոցանէ : Աւ ասորեստանեայն զհետ մտեալ մինչեւ ցայն վայր զոր ամուր համարէր այսրէն դառնայր. իսկ Վադուսիացիքն ընդ երեկոյս պրծեալ ապրէին անկեալ ի բանակ անդր :

Վիւրոսի իբրեւ զգաստ լինէր զիրացըն որ եղեն, ընդ առաջ երթայր Վադուսիացոցն, եւ զոր ոք խոցեալ տեսանէր, առնոյր զնա եւ առ Վադատաս առաքէր զի դարմանեսցի, եւ զայլան վրանակիցս առնէր, եւ հոգ առնէր զի զպէտան կարեւորս ունիցին, առեալ ընդ իւր եւ ի պատուակցացն Պարսից : Օ ի յայնպիսի ինչ իրս որ պիտանիքն իսկ իցեն վաստակոցն կցորդ կամին լինել. բայց ինքն յայտնի իսկ նեղէր սաս-

տիկ, քանզի մինչ դեռ այլքն ընթրէին, զի ժամ իսկ էր յայնժամ ընթրեացն, դեռ եւս Կիւրոս սպասաւորօքն հանդերձ եւ բժշկօքն ոչ զոք առանց խնամոց թողոյր, այլ կամ ինքնին իսկ տեսանէր, կամ թէ ինքն չկարէր վճարել, յայտնի իսկ դարմանիչս առաքէր, եւ այնպէս ապա ի քուն եղեալ ննջեցին:

Աղվաղակի իբրեւ տիւ եղեւ քարոզ կարգայր դալ ի մի վայր ժողովել իշխանայն եւ ամենայն Կաղուսիացւոցն. եւ խօսէր զայս գոյն օրինակի բանից: Աքք բարեկամք, վիշտք մարդկօրէնք են որ հասինս. զի յանցանել որ մարդիկ իցեն, ինձ թուի թէ չէ ինչ զարմանալոյ: Բայց արժան է յայս՞ ամենայնէ իրաց որ եղենս ի բարու թեան իմիք վայելել եւ ուսանել մի երբէք ուրէք քան զզօրս թշնամեացն տկար եւ անզօրն զօրութեան քակել ի բովանդակ զօրացն: Աչ զայս, ասէ, ասեմ, որպէս թէ չիցէ պարտ երբէք սակաւ զօրօք երթալ յո պիտոյն իցէ քան որով այժմն չողաւ կաղուսիացին, այլ եթէ ոք հաղորդութիւն ընդ այնմ որ բաւական իցէ օգնական լինել ունիցի եւ դիմեալ երթայցէ, մարթի պատրել, հնար է եւ մնացելովքն ըզթշնամիսն խաբեալ պատրեալ կացուցանել եւ այլուր դարձուցանել զնոսա:



Մարթի եւ այլ եւս ինչ իրս ի վերայ  
 թշնամեացն խորամանկել եւ զբարե-  
 կամս յամուր զգուշութեան կացուցա-  
 նել: Այսպէս եւ ոչ որ որոշիցին ի  
 բաց մեկնիցի, այլ կախեալ կայցէ զպըն-  
 դութենէ զօրութեանն. իսկ որ ի բաց  
 ուրեք մեկնեալ գնայցէ, եւ չունիցի հա-  
 զորդութիւն ուր ուրեք եւ իցէ, ոչ ինչ  
 ընդհատ յայնմանէ կրիցէ, եթէ միայն  
 միայնակ էր երթեալ ի մարտ պատե-  
 րազմի: Այլ ընդ այսր, ասէ, եթէ դից  
 այն կամ իցէ, առցուք վրէժս ի թշնա-  
 մեաց ոչ յետ բազում ժամանակի:  
 Այլ եթէ վազվազակի ճաշիցէք, տա-  
 րայց զձեզ անդր ուր իրքն կատարե-  
 ցան, եւ զվախճանեալսն թաղեսցուք,  
 եւ ցուցցուք հակառակօրդացն թէ ուր  
 յաղթելն կարծեցին, ինմին վայրի այլք  
 զօրագոյնք քան զնոսա գտան, եթէ  
 Աստուած կամեսցի. որպէս զի մի եւ  
 ընդ տեղին ուրախութեամբ հայիցին  
 ուր կոտորեցին զնիզակակիցս մեր: Ա-  
 թէ ոչ ի դիմի հարկանիցին մեր, այ-  
 րեսցուք զհանգրուանս նոցա եւ յաւեր  
 դարձուցուք զերկիրն, զի մի իցէ թէ  
 տեսեալ զոր ընդ մեզն արարին ուրախ  
 լինիցին, այլ ընդ իւրեանց վիշտան  
 նայեցեալ ծանրացեալ նեղեսցին: Ա-  
 մենեքին երթեալ ճաշեցէք, բայց դուք  
 ով կադուսիացիք, նախ երթեալ ըն-  
 արեցէք ձեզ իշխան, որպէս օրէնք ի-

յեն ձեր, որ հոգասցի զձէնջ ընդ դիցն  
եւ ընդ մեզ, եթէ կարօտիցիք իւրք:  
Եւ յորժամ ընտրիցէքն եւ ճաշիցէք  
առաքեցէք առ իս զընտրեալն:

Նորա զայն գործէին. եւ կիւրոս ի-  
բրեւ եհան զգօրսն, եւ հաստատեաց  
կացոյց ի գնդին զընտիր ընտիրս ի կա-  
դուսիացւոցն, հրամայեաց մօտ առ  
իւր տանել զգուռնդն, որպէս զի, ասէ,  
եթէ կարող իցեմք քաջալերս արանցն  
տայցեմք. եւ այնպէս յուղի անկեալ  
երթային եւ եկեալ թաղէին զկադու-  
սիացիսն, եւ զվայրսն ապականէին.  
զայս արարեալ մեկնէին, եւ զպէտս  
պէտս առեալ յերկրէ անտի թշնա-  
մեացն միւսանգամ մեկնէին յերկիրն  
Գաղատայ:

Իբրեւ զայս ած զմտաւ թէ որ ապրս-  
տամբեցինն եւ եկին առ նա, քանզի  
առ Ռաբիղացւոց աշխարհին են, չար-  
չարեացին եթէ ոչ ինքն հանապազ մօտ  
իցէ, ապա ի թշնամեաց անտի զորս  
արձակէրն, հրամայէր ասել ցասորես-  
տանեայն եւ ինքն իսկ քարող առաքէր  
առ նա ասել այսպէս. թէ զայնոսիկ  
որ զերկիր ի գործ արկանեն չզրկեմ,  
եթէ եւ դու կամեսցիս թողուլ մշա-  
կացն ապստամբացն գործել զգործ մը-  
շակութեան: Ռայց դու, ասէ, եթէ  
խափանել կամիս զսակաւաւորս ոմանս  
խափանեսցես. քանզի սակաւ իսկ եր-

կիր ապօտամբելոցն եւ եկելոց առ իս . եւ ես բազում երկիր թողի, զի արդիւնս քեզ բերիցէ : Խսկ ի կ[թե]լ պտղոցն ե[թե] պատերազմ իցէ, ինձ թուի թէ որ յաղթէն, զայն նա տարցի . ապա թէ խաղաղութիւն լինիցի, յայտ է ե[թե] դու քաղեսցես : Բայց եթէ ոք յիմոց աստի քեզ զէն վերացուցէ, կամ ի քոյոցն՝ ինձ, զնոցա, ասէ, որչափ ձեռնհաս իցեմք, վրէժ առցուք :

Օայս պատուիրեալ քարոզին առաքէր : Ասորեստանեայքն իբրեւ լուան, ածէին ի հաւան զթագաւորն շնորհել եւ պակաս առնել զպատերազմն : Բայց ասորեստանեայն դրդեալ ի համազգեաց անտի, եւ իւր իսկ ընդայն կամեցեալ, յանձն առ . եւ դաշինք ի միջի կռէին, թէ մշակացն խաղաղութիւն լինիցի, եւ զինակրաց՝ պատերազմ : Օայս ինչ վասն սատարացն ի գլուխ հան Աիւրոս . հրաման տայր իւրոցն բարեկամացն զարօտս անասնոցն, եթէ կամիցին, իւրոց զօրացն առնիցեն յանձն . տանէին եւ զառ եւ զաւար թշնամեացն ուստի եւ կամէին, զի հեշտ լինիցի նիզակակցացն արշաւանն : Օի թէպէտ եւ նոյն վիշտք ի վերայ կային, բայց ի թշնամեացն կերակրելն թեթեւագոյն իմն զպատերազմն ցուցանէր :

Իբրեւ պատրաստ լինէր Աիւրոս, զի

երթայցէ, զայր հասանէր Վաղատաս,  
բազում եւ ազգի ազգի պատարագս  
բերեալ իբրեւ ի մեծ տանէ եւ ընտիր  
ընտիր երիւարաց յիւրոց հեծելոցն, ու  
րոց՝ վասն նենգութեանն չհաւատայր:  
Իբրեւ մերձ եղեւ, խօսէր այսպէս. Ով  
Վիւրոս այժմիկ զայս բերեմ քեզ, զի  
ի ժամանակիս յայսմիկ վարիցիս նոքօք  
թէ պիտոյ ինչ լինիցին. համարեաց,  
ասէ, թէ եւ այլն ամենայն որ ինչ իմ  
է, այն քո է: Օ ի չիք եւ չէ իսկ եր-  
բէք որ յինէն ծնաւ, ում թողից զիմ  
տունս. այլ հարկ է, ասէ, ընդ իս յոր-  
ժամ վախճանիմս, ամենեւին շիջանել  
ազգատոհմին մերոյ եւ անուանն.  
Երգմնի լինիմ, ասէ, ես ի դիսն ով  
Վիւրէ, որ զամենայն տեսանեն եւ ըզ-  
բնաւ լսեն, թէ ոչ անիրաւ ինչ եւ ոչ  
ծանականաց ինչ բանս խօսեցայ կամ  
գործեցի, եւ զայս կրեցի. զայս ասէր  
եւ զիւր բախտն արտասուէր, եւ ոչ եւս  
կարէր աւելի ինչ ասել:

Աւ Վիւրոսի լուեալ ի խոր խոցեալ  
խօսէր այսպէս. Օ երիւարսն, ասէ, առ-  
նում, զի քեզ օգուտ գործեցից, տը-  
եալ զնոսա որոց մտադիւրագոյնք այժմ  
քան զքեզ իցեն, որպէս երեւի իսկ:  
Աւ որում եւ յառաջագոյն իսկ ցան-  
կացեալ էի, զՊարսից այրուծին բո-  
վանդակիցեմ հեծեալս բերք մի. իսկ  
զայլ եւս ինչսն դու տար պահեա, ա-

սէ, մինչեւ տեսանիցես զիս, զի տըւեալ պարգեւս ընդ պարգեւացն ոչ պարտեցայց ի քէն: Ապա թէ ինչ աւելի տուեալ երթայցես քան զայն զոր յինէն առեր, չդիտեմ թէ զիարդ ոչ յամօթ լինիցիմ:

Գաղատաս ասէ. Հաւատամ, ասէ, քանզի տեսանեմ իսկ զկարգս քո. բայց տես թէ բաւական իցեմ պահել: Քանզի մինչ բարեկամքն էաք ասորեստաննոյն, զի ազնուազոյն իմն թըւէր կալուած հօր իմոյ, քան ի մեծ քաղաք անդր Բաբելոնացոց մօտ էր, որչափ ինչ շահս մարթ էր ի յաղթ քաղաքէ անտի առնուլ, ի նոյն վայելէաք, եւ եթէ աղմուկ ինչ կամ խռովութիւն հասանէր դառնայաք յաշխարհն մեր եւ մեկուսի էաք յայնմ ամենայնէ: Բայց այժմ քանզի թշնամիք եմք, յայտ է թէ յորժամ դու մեկնիցիս, եւ մէք եւ ամենայն տուն մեր նենդիցիմք. եւ թուի ինձ տրտմութեամբ կեանս կեցցեմք, զի բնաւ զմերձաւորսն իսկ մեր թշնամիս ունիցիմք եւ զօրագոյնս քան զմեզ տեսանիցեմք:

Թերեւս ասիցես իսկ, թէ զմե՞ ոչ խորհեցար մինչ չեւ ապստամբեալ: Օ՛ի անձն, ով Վիւրէ, վասն թշնամւոյն եւ ցասմանն ոչ ընդ զգուշութիւն հայէր, այդ ցանգ իսկ եւ միշտ այսպիսի ինչ երկնէր. թէ երբ հասանիցէ վրէժ

առնուլ ի դիցն եւ ի մարդկան թշնա-  
մւոյն, որ չդադարեն յատելութենէ,  
իբր ոչ եթէ զի զրկեաց ոք ինչ զնա,  
այլ յորժամ կարծիս զումեքէ կարծի-  
ցէ լաւ քան զինքն լինել: Ինձ այսպէս  
իսկ թուի թէ քանզի ինքն չէ պիտա-  
նի, ապա վատթարագոյնս քան զինքն  
թիկունս ունիցի: Աւ եթէ ազնուա-  
գոյն քան զնա երեւիցի, քաջալերեաց,  
ասէ, ով Աիւրէ, ոչ հասցէ ընդ առն  
այնմիկ քաջի ի կուլ կալ. այլ ինքն  
իսկ բաւական լինիցի հնարս ինչ նմա  
մենքենայել, մինչեւ բարձցէ զայն որ  
ազնուագոյն քան զինքն է. բայց ի նե-  
ղելն զիս, ինձ թուի թէ եւ վատթա-  
րօքն հզօրագոյն լինիցի:

Աիւրոսի որ զայս ամենայն լուաւար-  
ժանի հոգաբարձութեան բանքն թը-  
ւեցան, եւ անդէն ասէր. Իսկ արդ զի-  
արդ, ասէ, ով Վաղատա ոչ դու զպա-  
րիսպան պահապանօք ամրացուցեր, զի  
ի զգուշութեան իցես յորժամ մտա-  
նիցես ի նոսա. եւ դու ո՞չ ապաքէն ընդ  
մեզ ի պատերազմ գումարեալ ես, զի  
թէ դիքն, որպէս եւ այժմ իսկ, ընդ  
մեզ իցեն, նա ի քէն զանգիտիցէ եւ  
ոչ դու ի նմանէ: Արդ որ ինչ քաղ-  
ցրն իցէ քեզ տեսանել ի քոյոց անախ  
կամ ընդ որում ախորժիցես լինել, առ  
եւ եկ ընդ իս, զի դու ինձ, որպէս ինձ  
թուի, ամենեւին պիտանացու լինիցիս.

ես եւ որչափ թէ կարող եւ ձեռնհաս իցեմ գուն գործիցեմ, պիտանացու քեզ լինել: Օայս լուեալ Վաղատայ որդի առեալ կազդուեր եւ ասէր. Երդ, ասէ, մարթիցիմ ճեպել պատրաստել մինչ չեւ քո ելեալ իցէ, զի կամիմ, ասէ, եւ զմայր իմ ածել ընդ իս: Եւ ճապարեսցես, ասէ, զի կացից մնացից մինչեւ դու ասիցես թէ բարւոք է:

Եպա երթեալ Վաղատայ պահ եղ պարսպին Վիւրոսիւ հանդերձ զոր ամբ րացոյցն իսկ, եւ զամենայն կազմէր պատրաստէր, որովք շինիցի տուն մի մեծ. առնոյր եւ յիւրոց հաւատարմաց անտի որովք կարօտն էր եւ զբազումս յորոց թերահաւատն էր, բռնադատեալ կիսոցն ի նոցանէ եւ զկանայս ընդ իւրեանս ածել, եւ կիսոց եւ զքորսն զի ընդ նոսա կապեալ գրաւիցէ զնոսա. եւ զՎաղատաս առ Վիւրոս ընդ այնոսիկ որ զիւրեան էին եւ երթայր, զի ճանապարհացն ցուցիչ լինիցի եւ ջրոց եւ ճարակի եւ հացի, որպէս զի միշտ իսկ ի պարարտութիւնս զնայցեն:

Իբրեւ երթեալ զՎաբիղացւոց աշխարհն նշմարէր, թուեցաւ նմա թէ ճանապարհն զոր երթայր անդր իսկ ի քաղաքորմն տանիցի, կոչեցեալ նորա զՎոբրիաս եւ զՎաղատաս, հարցանէր եթէ գուցէ՞ այլ ճանապարհ, զի մի բնաւ մօտ ի պարիսպ անդր տանիցի:

Այլ Գորբրիաս ասէ . Ան տէր եւ բազում են ճանապարհք, այլ ես կարծէի եթէ կամիցիս հուպ երթալ ի քաղաքն զի ցուցանիցես նոցա զզօրսն քո, թէ բազում զօրք են քո եւ գեղեցիկք: Վասնզի յորժամ սակաւ զօրսն ունէիր, մատեար ի պարիսպ անդր եւ տեսանէին զմեզ զի ոչ բազում էաք, եւ այժմ կազմեալ պատրաստեալ որպէս ասացն առ քեզ պատրաստ լինիցի ի պատերազմ, գիտեմ թէ յորժամ զքո զօրս տեսանիցէ, միւսանգամ իւրքն առանց կազմութեան թուիցին:

Աիւրոս ասէ . Զարմանս իմն առնես, ով Գորբրիա, թէ ի ժամանակի յորժամ յոյժ իսկ սակաւ զօրս առեալ երթայի, անդր իսկ ի պարիսպն մատչէի, եւ այժմ բազմագոյն զօրս ունիմ եւ չկամիմ տանել ի պարիսպսն: Վայց մի ինչ սքանչասցիս, ասէ, քանզի ոչ եթէ նոյնիցէ մօտն տանել եւ հեռացուցանել զի մօտ ամենեքին տանին, այնպէս ճակատեալք որպէս համարինն թէ ազնււագոյն պատերազմն լինիցի: Վայց որ ցածունքն եւ իմաստունքն իցեն զգուշութեամբ ի բաց մեկնին եւ ոչ եթէ արագութեամբ. հարկ իսկ է սայլիցն ակադձեւոց մի ըստ միոջէ անցանել, բայց պարտ է զայն ամենայն վառելովք եւ սպառազինօք թագուցանել, եւ ոչ ուրեք մերկս ի զինուոց երեւել



կապարճակրացն առաջի հակառակորդաց : Արդ հարկ է այնոցիկ որ այնպէսն գնայցեն առաջի տկարացն զպատերազմօղսն կարգել . եւ այնուհետեւ եթէ կամիցին ի սլարսպէ անտիմիահամուռ ի վերայ անկանել ուր ուրեք եւ խառնիցին , սաստկագոյնս ընդխառնիցին քան զայնոցիկ որ անցանիցենն :

Նոքա քանզի երկայնաձիգ տողեալ երթայցեն , դանդաղագոյնք լինիցին թիկունք օգնականութեանն , եւ նոքա ի պարսպէ անտի վաղվաղակի դիմեալ ի վերայ մօտաւորացն միւսանգամ այսրէն դառնայցեն : Իսկ եթէ ոչ սակաւ հեռացեալ երթայցեմք քան որչափ թէ կարիցեն տեսանել զմեզ եւ մեք ձգտեալ երթայցեմք , զբազմամբոխ բազմութիւն մեր նշամարիցեն . եւ ի զինուց եւ ի զարդուց առ միմեանս միմեամք հիւսելոց բնաւ իսկամբոխ անհնարին երեւիցի : Աւ եթէ այնպէս երթայցեմք եւ լռիկ գայցեն ի մեր վերայ , ի բազմաց հետէ յառաջագոյն տեսեալ զնոսա ոչ առանց պատրաստութեան անկանիցիմք ի բուռն : Մանաւանդ թէ , ասէ , ով արք , եւ ոչ ձեռնամուխ իսկ լինիցին յորժամ հասանիցէ հեռագոյն մեկնել ի պարսպէն' եթէ ոչ բովանդակ իսկ զօրօք կարծիցեն ամենայն բանակին յաղթել . զի ահագին է ի դիմի հարկանելն :

Իբրեւ զայս ասէր հաճոյ թուեցաւ որոց անդն էին, եւ Վարդապետ որպէս հրաման ետ տանել, տանէր: Իբրեւ զանցանէին զօրքն զքաղաքաւն, միշտ զվերջին բանակն ամրագոյն յարդարէր, եւ այնպէս մեկնեալ երթայր եւ եկեալ հասանէր ի սահմանակողմն Ասորեստանեացն եւ Վարացն ուստի ելեալն էր անդ քանզի երէք պահակք էին Ասորեստանեացն, զմին ի նոցանէ զտկարագոյն յարձակեալ անդէն առնոյր բռնի, բայց յերկուց անտի երկնչեր Վիւրոս, իսկ Վաղատաս հաճեաց զմիտս պահապանացն տալ զամուրսն ի ձեռս:

## Գ Լ Ո Ւ Խ Ե

ԻԲՐԵՒ այս ամենայն ի գլուխ ել, առաքէ առ Վիաքսարէս, պատուէր տայ չու առնել զալ ի բանակն զի վասն ամրականացն զոր ըմբռնեցին խորհուրդ խորհեացին թէ զինչ ինչ պարտ իցէ առնել, եւ զի տեսեալ զզօրսն եւ վասն այլոցն եւս խրատտու լինիցի որ ինչ արժան իցէ յայնմ հետէ գործել: Աթէ հրամայեացէ . ասա, ասէ, թէ ես եկից առ նա բանակել: Աւ չոքաւ հրեշտակն պատմել: Աւ Վիւրոս հրամայեաց յայնժամ Վաղատայ զվրանն Ասորեստանոյն, զոր Վիաքսարայ ընտրեցին Վարքն, քաջ պատրաստել այլովք եւս կազմա-

Ժողովք զոր ունէր, եւ զերկուս կանայսն մուծանել ի սենեակ անդր վրանին եւ նոքօք հանդերձ եւ զարուեստականսն որ ընտրեալ էին Վիաքսարայ: Աորքա վաղ զայն գործէին, իսկ որ առաքեցաւն առ Վիաքսարէս, իբրեւ ասաց զհրամայեալսն, լուեալ Վիաքսարայ, դիտաց եթէ լաւ է բանակին կալ ի մէջ սահմանացն, զի եւ Պարսիկքն զորս կոչեաց Վիւրոս, զային հասանէին, եւ էին քառասուն բելքք աղեղնաւորաց եւ ասպարաւորաց: Արդ տեսեալ զնոսա եթէ բազում ինչ վնաս գործեն Սարաց աշխարհին, զի առաւել լաւ համարէր ապրել ի նոցանէ, քան այլ ամբոխ ի ներքս ընդունել: Ար ի Պարսից աշխարհէն ածէր զզօրն, հարցանէր զՎիաքսարէս, ըստ Վիւրոսի պատուիրանին, եթէ զօրաց ինչ պէտք իցեն նմա. իբրեւ ասաց թէ չեն պէտք, նոյն օրին յորժամ լուաւ թէ Վիւրոս մօտ է, չոքաւ առ նա տարեալ զզօրն: Բայց Վիաքսարէս ի վաղիւ անդր յուղի անկեալ գայր մնացեալ Սարաց հեծեալքն: Իբրեւ զգաց Վիւրոս թէ մօտ գայ նա, առեալ զՊարսիկ հեծեալսն որ բազում էին եւ զամենայն Սարսն եւ զչայս եւ զՎրկանացիս, եւ յայլոց նիզակակցաց զքաջ հեծեալսն եւ զքաջ վառեալս ընդ առաջ երթայր եւ ցուցանէր Վիաքսարայ զզօրսն:

Վիաքսարէս իբրեւ ետես թէ զՎիւրոսի բազումք եւ քաջք զհետ երթեալ էին, իսկ ընդ իւր սակաւ ինչ սպառք էին անարգանս իմն անձինն համարեցաւ եւ դժկամակ լինեք ընդ այն: Աւ իբրեւ իջեալ Վիւրոսի յերիւարէ անտի մատչէր զի համբուրեսցէ զնա ըստ օրինացն, էջ Վիաքսարէս յերիւարէ անտի, եւ զերեսս ի բաց դարձոյց, եւ համբուրեաց ոչ, եւ յայտնի լինէր թէ արտասուէր: Ապա հրաման ետ Վիւրոս այլոց ամենեցուն ի բաց զնալ եւ դադարել. եւ ինքն բուռն հարեալ զաջոյ Վիաքսարայ, եւ հանեալ զնա արտաքոյ ճանապարհին ընդ արմաւենեօքն, եւ զմարական կտաւսն հրամայէր տարածանել եւ նստուցանէր զնա, եւ ինքն առ նմին նստեալ հարցանէր այսպէս:

Ասա դու ցիս, ասէ, սվ քեռի, թէ հիմ ընդ իս ցասուցեալ ես, եւ զի՞նչ ինչ դժնդակութիւն տեսեր, զի այնպէս դժկամակ լինիցիս: Յայնմ վայրի տայր պատասխանի Վիաքսարէս այսպէս: Օմտաւ ածի թէ ի հաւուց եւ ի նախնեաց եւ ի հարց թագաւորաց ծնայ եւ ես թագաւոր կացի, բայց տեսանեմ զի ես անարգանօք եւ առանց մեծարանաց երթամ, եւ դու իմով սպասու եւ այլ եւս զօրօք մեծավայելուչ հասեալ կաս. զայս ի թշնամեաց անգամ կրել ծանր համարիմ, եւ եւս առաւել

դժընդակազոյն յայնցանէ յորոց չէր պարտ այնպիսի ինչ կրել: Քանզի լաւ համարիմ բեր անգամ ընդ հողով մտանել, քան այնպէս անարգ երեւել եւ տեսանել զիման, զի անփոյթ առնիցեն զինէն եւ ծիծաղիցին զինեւ: Քանզի ոչ եթէ այնմ ինչ տղէտ իցեմ, աւսէ, եթէ ոչ դու մեծ քան զիս իցես, այլ եւ իմ ծառայքն սաստիկ դիմադարձ ինձ լինիցին, եւ կազմ իցեն առ առաւելագոյն զմեզ լկելոյ, քան եթէ յինէն վշտանալոյ:

Եւ մինչ դեռ ասէր զայս առաւել եւս պարտեալ լինէր յարտասուացն, մինչեւ եւ զՎիւրոս համբուրէր եւ լի լինէին աչք նորա արտասուօք: Պնդեալ սակաւիկ մի այսպիսի ինչ խօսէր Վիւրոս: Օ, այս, ասէ, ով Վիաքսարէ, ոչ ճշմարտութեամբ ասացեր եւ ոչ առնուս իսկ ուղղորդ ի միտ զի համարիտդ եթէ իմով իսկ գալստեամբս կազմեցան Մարք առ ի բաւական լինել լկել զքեզ: Բնդ քեզ ոչ զարմանամ թէ ի ցասման եղեր եւ երկեար. եթէ յիրաւի տրտմեալ իցես ընդ նոսա, եթէ յանիրաւի զայն թողից: Օ, ի գիտեմ եթէ ծանրացեալ նեղիցիս եթէ լսիցես յինէն թէ ես ընդ նոցա իրաւունս տայցեմ: Բայց առն իշխանի զայրանալ ի վերայ ամենայն իշխանաւորացն, այն իսկ ինձ մեծ յանցանք թուին. քանզի հարկ է թէ

վասն զբազումսն երկեցուցանելոյ, բազում թշնամիս առնիցէ. եւ ընդ ամենեսին սրտմտելովն, ամենեցուն նոցա միաբանութիւն արկանիցէ: Որոց ազագաւեսս ոչ առաքեցի առանց իմ զնուսա, երկուցեալ թէ մի այնպիսի ինչ լինիցի քո ցասամբն զի զամենեսին զմեզ տրտմեցուցանիցէ. արդ այդ ամենայն մինչ դեռ ես մօտս իցեմ աստուածովք հանդերձ զգուշութեամբ վճարիցի: Բայց զի համարիսդ թէ զըրկիս ի մէնջ. արդարեւ ես ընդ այն ամենեւին դժկամակ իսկ եղէ, եթէ բազում բարեկամս պիտանիս առնել թեւակոխիցեմ եւ ասպա կարծիս առնուցում թէ զնորին հակառակն գործիցեմ:

Այլ զի մի, ասէ, ընդ վայր մեղադիր մեզ տայցեմք լինել, այլ եթէ հնար ինչ իցէ, ստոյգ հայեցուք ոճով թէ որպիսի ինչ առ ի մէնջ մնասն իցէ: Ես զարդար պատճառսն ի մէջ մատուցից. զի եթէ չար ինչ գործ գործեալ իցէ իմ, յանձին կալայց եթէ զըկեցի, ասպա թէ ոչ մի ինչ չար գործեալ է իմ կամ խորհեալ. ոչ եւ դու խոստանայցես թէ ոչ ինչ զըկեցար յինէն: Հարկ է, ասէ, յանձն առնուլ: Իսկ թէ եւ լաւ ինչ գործեալ երեւիցիմ եւ յօժարեալ գործել որչափ աւելագոյնն ձեռնհաս իցեմ, ոչ մանաւանդ գովութեան ար-

Ժանի թուիցիմ եւ ոչ պարսաւանաց :  
Յիրաւի, ասէ :

Ասէ Աիւրոս, Աւն առ այսուհետեւ  
դիտեսցուք տեսցուք զամենայն ինչ զոր  
իմ գործեալ իցէ զմի մի գործ իւրա-  
քանչիւր . զի այնպէս յայտ առաւել  
լինիցի թէ զինչ լաւութեան գործ ի  
նոցանէ իցէ եւ որ յոռութեան : Այց  
իսկզբանէ իսկ արարից սկիզբն եթէ եւ  
քեզ շատ եւ բաւական թուեսցի :  
Վանզի քեզ յորժամ ազդն եղեւ թէ  
բազում հակառակորդք գումարեցան,  
եւ ի վերայ քո եւ ի վերայ քոյոյ աշ-  
խարհին դիմեալ գան, իսկ եւ իսկ վաղ-  
վաղակի առաքէիր ի Պարսից աշխարհն  
խնդրել թիկունս օգնականութեան,  
եւ առ իս իսկ առաձինն, եւ աղաչէիր  
եւս փութալ ինքնին իսկ գալ զօրա-  
վար եթէ գայցեն ոմանք ի Պարսից  
անտի : Արդ միթէ ոչ իսկ անսացի քեզ  
եւ եկի եւ բերի ընդ իս արս բազումս  
եւ պիտանիս որչափ բաւական էի : Ա-  
կիր, ասէ :

Այսուհետեւ նախ ասա դու ցիս,  
թէ ապիրատութիւն ինչ արդեւք ըստ-  
գտե՞ր դու զիմ, թէ մանաւանդ երախ-  
տիս գտեր : Ասէ Աիաքսարէս, յայտ  
իմն է, թէ յայտ ամենայնէ երախտիս  
գտի : Վանզի զինչ էր, ասէ, յորժամ  
թշնամիքն գային եւ կռուել հասանէր  
ընդ նոսա, տեսե՞ր դու զիս յայնժամ

յաշխատութեանէ իմեքէ ի բաց կացեալ կամ անխայեալ: Աչ, ասէ, ոչ: Կը զինչ, ասէ, յորժամ յետ մեր լինելոյ յաղթութեանն աստուածովքն եւ մերժելոյ թշնամեացն, աղաչէի ես զքեզ զի առ հասարակ զհետ պնդիցեմք նոցա եւ հասարակ վրէժ խնդրեսցուք, եւ առ հասարակ թէպէտ լաւ ինչ թէպէտ յուրի դէպք տայցեն, զայն շահիցիմք: Անիցիս ինչ դոքօք առաւելութիւնաւ ի բամբասելոյ զիս:

Եւ եւթ կայր Ախաբսարէս՝ բայց Աիւրոս միւսանգամ խօսէր այսպէս. Բայց որովհետեւ լաւ համարիս լուրիսկ լինել քան տալ պատասխանի, զայն ասա եթէ զրկեցա՞ր ինչ, զի յորժամ քեզ ոչ զգուշութեան թուէր զհետ մտանել, քեզ չետու լինել հաղորդակից վշտացն, եւ աղաչեցի ես զքեզ առաքել զայրուծիդ ի քոյոց այտի. զի եթէ եւ զայդ խնդրելով զրկեցի ինչ, մանաւանդ իսկ զի եւ ետու եւս զանձն քեզ զօրաւիզն օգնականութեան, այն առ ի քէն իսկ յայտ արարեալ ցուցցի:

Իբրեւ առ այն եւս լուր լինէր Ախաբսարէս: Աթէ եւ ոչ այդմ բանի կամիցիս տալ պատասխանի, զայն ասա դուցիս, միթէ բնաւ զլացայ ես ինչ զքեզ, զի յորժամ դու ետուրն ինձ պատասխանի, եթէ ոչ կամիմ անդէն զՄարս բռնադատել ի վիշտս, զի տեսանեմս



զնոսա թէ զուարճացան զուարթացան, միթէ չար ինչ գործեցի քեզ զի ոչ ցասեայս. եւ յայնր վերայ միւսանգամ խնդրէի ի քէն քան զոր հեշտ ինչ չեցես ձեռնհաս տալ ինձ եւ ոչ դիւրագոյն ինչ քան զնոյն հրամայել Սարաց: Օ ի խնդրեցի թէ որ կամին զհետիմ գալ, տացես ինձ: Օ այդ ի քէն ընկալեալ ոչ այլ ինչ գործ գործեցի թէ ոչ հաւանեցուցանէի զնոսա. արդ երթեալ հաւանեցուցանէի զնոսա եւ զորոց զմիտան հաճեցի, զնոսա առեալ յուղի անկայ քո իսկ թոյլն տալով: Ա թէ զայս մեղադրութեան արժանի համարիցիս, ապա եւ ոչ զոր տայցես դու ումեք ինչ, որպէս ի դէպ իսկ է, առանց բամբասանաց իցէ առնուլ ի քէն: Այսպէս իսկ գնացեալ երթայաք:

Աւ յորժամ գնացաքն, զինչ գործ վճարեցաւ որ չիցէ յայտնի եւ երեւելի. ո՛չ ապաքէն բանակ հակառակորդաց առաւ, ո՛չ բազմագոյնք յայնցանէ որ ի վերայ քո եկին սատակեցան: Աս մինչ դեռ կենդանիքն իսկ էին հակառակորդքն, ո՛չ ապաքէն բազումք ի զինուց մերկացան, եւ յողովք յերկարաց զրկեցան. եւ զինչս այնոցիկ որք յառաջն զքոյսն տանէին կրէին, այժմ տեսանես թէ քո իսկ բարեկամք ունին, զկէսս քեզ բերեն եւ զկէսս անձանց առնուն ընդ չորսով իշխանութեամբ:

Իսկ որ մեծ քան զամենայն եւ զեղեցիկէ, զքո երկիրն մեծացեալ տեսանես, եւ զթշնմեացն նուազեալ. եւ զպահակսն առեալ եւ զքո իսկ զպահակսն որ յառաջն վտարանդի լեալ էին յասորւոց իշխանութիւնն, այժմ նմին հակառակ ընդ քոյով ձեռամբ է: Բայց չգիտեմ թէ զհարդ ասիցեմ թէ կամիմ ուսանել թէ որ չար իցէ ի սոցանէ կամ որ բարի. բայց լսելոյ, ասէ, ամենեւին չէք իսկ արգել. ասա զինչ զմտաւածես վասն այսր ամենայնի:

Օ այս ասաց Վիւրոս եւ դադարեաց խօսեցաւ Վիաքսարէս այսպէս. Ով Վիւրոս ոչ գիտեմ թէ զհարդ պարտ իցէ ասել թէ զոր ինչ գործեցերն, այն գործ չարութեան է: Բայց գիտա, ասէ, թէ այս ամենայն բարութիւնք այսպիսի իսկ են զի որչափ առաւելուցուն դոյնչափ ծանր իցեն ինձ: Օ ի ես զքո իսկ աշխարհն կամէի իմով զօրու մեծացուցանել քան եթէ զիմն ի քէն այնպէս մեծացեալ տեսանել. զի քեզ, որ զայդ առնես փառք են, բայց ինձ անարգանք են: Եւ զանձս, ասէ, ես լաւ համարիմ պարգեւել քեզ, քան առնուլ ի քէն զոր դու այժմիկ տաս ինձ: Օ ի զգամ թէ նոքիմք մեծանամ ի քէն, որովք աղքատանամ: Եւ եթէ զիմ հնազանդեալս տեսանէի, սակաւ ինչ վնասեալ ի քէն, խուն ինչ տրտմէի,

քան այժմ տեսեալ զի մեծամեծ բարութիւնս գտին : Թէ զայս ամենայն, ասէ, ապախտաւոր մտօք կարծիցիմ ածել զմտաւ, մի յիս զայս այլ ի քեզ իսկ դարձո զքնաւ տեսանել թէ որպիսի ինչ երեւիցի : Օ, ի եթէ շունս ոք, զոր դուն պարարէիր վասն անձին եւ քոյոցն պահպանութեան, զնոսա ողորքելով, եւս ծանօթագոյնս անձին քան քեզ առնիցէ, ուրախ ինչ ընդ ողորքանսն լինէիր :

Աւ եթէ փոքր ինչ այդ քեզ թուիցի, եւ զայն ած զմտաւ, եթէ զքո իսկ ոք զպաշտօնեայսն, զոր դու պահպանութեան եւ սպասու վասն ստացար, այնպէս կազմիցէ զնոսա, զի նորա մանաւանդ, քան եթէ քո կամիցին լինել, միթէ շնորհակալ ինչ ընդ այնք երախտեաց լինէիր : Աւ որում առաւել իմն ինամ ունին մարդիկ եւ ընտանեբար սպաս հարկանեն, եթէ զքո կին ոք այնպէս ածիցէ զիւրեւ, որպէս զի ընդ նա առաւել քան ընդ քեզ անկանիցի կնոջն գութն, ուրախ ինչ ընդ բարերարութիւնն լինէիր. ես ճարտար գիտեմ թէ քան զամենեսեան առաւել զրկիցէ զքեզ զայն առնելով : Աւ զի զայն սացից որ առաւել հանգոյն իմոց վըշտացս իցէ, եթէ զորս ածերն իսկ զՊարսիկս այնպէս ոք ողորքէր, որպէս զի ախորժէին զնորա զհետ երթալ, քան զքո

կնի, բարեկամ արդեւք համարէիր զնա. թուի ինձ եթէ ոչ. այլ առաւել թշնամի քան եթէ զբաշումս ի նոցանէ էր կոտորեալ: Աւ զինչ եթէ ի քոց բարեկամաց ոք, յորժամ մարդասիրութեամբ բարբառէր, թէ առ յիմոց այտի որչափ կամիս, եւ զայն լուեալ երթայր առնոյր ոք զամենայն որչափ ինչ կարէր, եւ նա քոյովքն մեծանայցէ, դու եւ ոչ սակաւ ինչ ունիցիս զոր ի կիրարկանիցես. կարիցես զայնպիսի բարեկամ առանց բամբասանաց հաշուել:

Բայց ես այժմ եթէ ոչ զայսոսիկ, սակայն այնպիսի ինչ ի քէն կրեալ համարիմ: Օ՛ր դու ճշմարիտ իսկ ասես եթէ յորժամ ասացի ես թէ որ կամինն տար, առեալ զամենայն զորս իմ գնացեր, եւ զիս լսկ եւ թափուր թողեր: Աւ այժմ զոր իմով զօրու առեր, զայն ինձ ածես, եւ զիմ երկիրն իմով զօրօք մեծացուցանես: Աւ ես քանզի չեմ ինչ պատճառք բարութեանցն, ցուցանիցեմ զանձն իբրեւ կին մի զի բարիս յայլոց մարդկանէ գտանիցեմ եւ յիմոց հնազանդեւոց իսկ: Առ այր առաքինի երեւեսցիս, ես եւ իշխանութեան արժանի չիցեմ. արդ այս ամենայն քեզ երախտիք կարծիցին ով Աիւրէ: Ախտասջիր, ասէ, զի եթէ խնամածէիր ինչ ինձ, ապա զգոյշ լեալ էր քո ոչ յիմեքէ այնպէս զլանալ զիս, որ-

պէս ի պատուոյ եւ ի մեծարանաց: Օ ի  
ինձ զի՞նչ շահ իցէ, երկրին ընդարձա-  
կել եւ ինձ յանարդութիւն հասանել.  
զի ես ոչ եթէ Սարաց յայն սակս իշխե-  
ցի զի ազնուագոյն քան զնոսա զամե-  
նեսին էի, այլ առաւել զի համարեցան  
նոքա զմեզ ամենեւին լաւ քան զան-  
ձինս:

Եւ Վիւրոս մինչ դեռ խօսէրն իսկ,  
ասէ. Ով քեռի, քանզի յառաջագոյն  
շնորհս արարի քեզ, եւ դու այժմիկ  
շնորհեսջիր վասն որոց աղաչեմն զքեզ.  
դադարեա, ասէ, ինձ մեղս դնելոյ. եւ  
յորժամ զհանդէս առնուցուս զմեր թէ  
որպիսի միտս ընդ քեզ ունիցիմք, եթէ  
թուիցի քեզ թէ որ ինչ գործ գործե-  
ցաւ յինէն, առ ի քո օգուտ արարաւ,  
ի համբուրել իմ զքեզ, եւ դու համ-  
բուրեսջիր զիս եւ երախտաւոր եւ բա-  
րերար համարեսջիր, ապա եթէ այլազգ  
ինչ գտանիցես յայնժամ ինձ մեղ դնի-  
ջիր: Եսէ Վիաքսարէս. Թերեւս քաջ  
խօսիս. եւ ես այսպէս արարից: Եսէ  
Վիւրոս. Եւ արդ զիարդ, միթէ համ-  
բուրեցից զքեզ. Եթէ դու կամիս, ա-  
սէ: Եւ ոչ զերեսս դարձուցանիցես յի-  
նէն, որպէս եւ այժմ իսկ. Ոչ դարձու-  
ցից, ասէ, զերեսս. եւ նա համբու-  
րեաց զնա:

Իբրեւ տեսին Սարք եւ Պարսիկք եւ  
այլք բազումք. քանզի ամենեցուն հոգ

ի մտի էր թէ զինչ ինչ յայնմ ամենայնէ լինիցի, վաղվազակի իսկ ուրախ եղեն եւ զուարթացան: Ախաքսարէս եւ Աիւրոս յերիւար հեծեալ գային, եւ Սարք զհետ երթային Ախաքսարայ, քանզի այնպէս իսկ հրաման տուեալ էր նոցա Աիւրոսի. եւ զինի Աիւրոսի Պարսիկքն, եւ զհետ նոցա այլքն, եւ յորժամ հասանէին ի բանակն եւ կացուցին զԱխաքսարէս ի պատրաստեալ խորանն որոց հրամայեալն էր, եւ կազմեցին Ախաքսարայ զպէտան կարեւորս: Իայց Սարք որչափ ժամանակս յառաջ քան ընթրիսն պարապորդ էր Ախաքսարէս, երթային առ նա ոմանք ինքնին յանձանց իսկ, եւ բազմազոյնք զի հրամայեալ էր ի Աիւրոսէ, եւ տանէին պատարագս. ոմն զքաջ տակառւապետ, ոմն զամճաբեր եւ մեւս ոմն զհացարար եւ ոմն զարուեստական եւ մեւսն ըմպելիս եւ այլ ոք հանդերձ գեղեցիկ: Աւամենայն ոք զմի ինչ յորոց ըմբռնեացն տայր նմա պարգեւս. որպէս զի փոխել Ախաքսարայ ի մտաց անտի եթէ Աիւրոս ոչ ի բաց դարձոյց զնոսա ի նմանէ եւ ոչ Սարք սակաւ ինչ քան զառաջինն անսային նմա:

Իսկ իբրեւ ընթրեացն ժամն էր, կոչեցեալ Ախաքսարէս զԱիւրոս աղաչէր թէ վասն զի բազում այն ժամանակ էր զի չէր տեսեալ նորա զնա, ընդ իւր ըն-

Թրեացէ: Աիւրոս ասէր, Սի դու ինչ  
 զայդ հրաման տար, ով Աիաքսարէ.  
 Հաեանն՞ս զի դոքա որ զմեւք կան, ա-  
 մենեքին զմէնջ կախեալ կան: Աւ արդ  
 ոչ բարւոք առնիցեմ, եթէ զնոցանէ  
 անփոյթ առնիցեմ, եւ իմում յօժարու-  
 թեան պաշտօն կարծիցիմ առնել: Օօ-  
 րականք, եթէ զմտաւ ածիցեն թէ շառ-  
 նի ինչ փոյթ զնոցանէ, որ լաւքն իցեն,  
 շատ տրամիցին եւ որ յոռիքն իցեն ա-  
 ուաւել եւս թշնամանիցեն: Բայց դու  
 ասէ, մանաւանդ զի երկար եւս ճանա-  
 պարհ եկիր, ընթրեա. եւ որք պատ-  
 ուենն զքեզ ընկալ զնոսա եւ արա խրա-  
 խութիւննոցա. զի եւ զքեզ քաջա-  
 լերեացեն, եւ ես երթեալ վասն որոյ  
 ասէին, դարձայց: Ա աղիւ, ասէ, ընդ  
 առաւօտն այսրէն ի քո դրունսն հասա-  
 նիցեն ամենայն աւագանին, զի խոր-  
 հուրդ խորհեացուք ընդ քեզ, թէ զինչ  
 պարտ իցէ յայսմ հետէ առնել. դու  
 մեզ խօսեաց վասն այսորիկ թէ արդեւք  
 բարւոք թուիցի երթալ ի մարտ պա-  
 տերազմի, թէ ի դէպ իցէ զզօրսն ար-  
 ձակել:

Ապա Աիաքսարէս զընթրեօքն էր:  
 Իսկ Աիւրոս ժողովեալ ի բարեկամաց  
 անտի զայնոսիկ որ բաւականքն էին  
 խորհել, եւ դործակից լինել եթէ պի-  
 տոյ ինչ լինէր, խօսէր այսպէս ըստ սմին  
 բանից: Աքք բարեկամք, զոր ինչ յա-

ռաջն ըղձանայաք, եկն եհաս աստուա-  
 ծովքն. զի ուր ուրեք եւ գնայցեմք,  
 տիրիցեմք երկրին, եւ զթշնամիսն տե-  
 սանիցեմք պակասեալս, եւ զմեզ յա-  
 ճախագոյնս եւ զօրագոյնս: Այլ եթէ  
 տակաւին կամիցին նիզակակիցքն, որ  
 այժմ ի մեզ յաւելան, կալ մնալ, եւ  
 առաւել եւս գործ կարեմք վճարել,  
 եթէ ի դէպ իցէ բռնագատել, եթէ  
 պատշաճ իցէ հաւանեցուցանել: Արդ զի  
 կալն բազմաց ի մերոց նիզակակցաց հա-  
 ճոյ թուիցի, ոչ իմ ինչ առաւել գործ  
 է հնարելն: Այլ զոր օրինակ յորժամ  
 մարտընչել հասանիցէ, որ զբազումս  
 ձերբակալ առնէ, ուժգնագոյն կարծի,  
 նոյնպէս յորժամ խորհրդականութեան  
 պէտք ուրեք իցեն, որ զյուրովագոյնն  
 ընդ մեզ միաբանեսցէ, նա յիրաւի խո-  
 սօղ ոք եւ ոչ եթէ ժրագլուխ ընտրիցի:  
 Բայց մի որպէս թէ ցոյց ինչ մեզ զբան-  
 սըն առնիցէք, եւ թէ զինչ ինչ առ իւ-  
 րաքանչիւր ոք ի նոցանէ ասիցէք, զայն  
 աժէք զմտաւ. այլ պատրաստեսցիք հա-  
 ճել հաւանեցուցանել զմի մի ի նոցա-  
 նէ, մինչ զի որովք գործենն յայտ առ-  
 նիցեն, եթէ հաւանեցան. ձեզ զայդմ  
 ամենայնէ փոյթ լիցի. իսկ ես զի զո-  
 ճիկան ունիցին զօրականքն վասն ընդ  
 պատերազմն կամելոյ, զայնմանէ ջանա-  
 ցայց հոգալ որչափ ինչ կարօղ իցեմ:





Վ Ե Ց Ե Ր Ո Ր Դ

Գ Պ Ր Ո Ւ Թ Ի Ի Ն



# ՔՐԻՍՏՈՍԻՆՅԱՆ

## ԿՒՒՐՈՍԻ ԽՐԵՏՈՒ

ՊԱՏՄՈՒԹԵԱՆՑ

ՕՊՐՈՒԹԻՒՆ

Գ Լ Ո Ւ Խ Ա

ՕՒՑՆ օր այնպէս անցուցանէին եւ ընթրեալ հանգչէին: Ի վաղիւ անդր ընդ այդն ընդ առաւօտն դային հասանէին ի դրունան Վիաքսարայ ամենայն թիկունք օգնականութեանն: Արդ մինչ դեռ Վիաքսարէս ընդ զարդ դայր, զի լուաւ թէ ամբոխ բազում ի դրունսն եկն, յայնժամ բարեկամքն ածէին առ Վիւրոս, կէսք զՎադուսիացիսն որ աղաչէին իսկ զնա կալ մնալ, կէսք զՎրկանացին, այլ ոմն զՎորբրիաս, եւ մեւս զՇակաս եւ Վշտասպէս զՎադատաս ներքինի որ աղաչէրն զՎիւրոս մնալ:

Յայնմ վայրի գիտաց Վիւրոս թէ Վադատաս յառաջագոյն իսկ յահէն սատակի թէ մի գուցէ արձակեսցի բանակն, ծաղու ասէ. Ով Վադատա յայտնի իսկ է, ասէ, թէ ի Վշտասպայ այտի գրդեալ խօսիս զոր խօսիսդ: Վադա-

տաս կարկառեալ զձեռս յերկինս եր-  
դմնի լինէր, թէ ոչ ի վշտասպեայ դըր-  
դեալ գիտէ զոր գիտէ: Այլ գիտեմ,  
ասէ, զի եթէ դուք ի բաց գնայցէք,  
որ ինչ իմ իցէ, ամենեւին իսկ խարխա-  
րեալ կործանիցի, եւ վասն այնորիկ  
իսկ եւ ես մատեայ առ նա հարցանել,  
թէ գիտիցէ՞ եթէ յինչ միտս յոր  
հուրդս իցես վասն զզօրսն արձակելոյ:

Աիւրոս ասէ. Ուրեմն յանիրաւի իսկ,  
որպէս նման իսկ է, զվշտասպէս բամբա-  
սեմ: Վշտասպէս ասէ. Յանիրաւի,  
ասէ, ով Աիւրոս. քանզի գիմադարձ  
լինէի Գաղատայ թէ չիցէ քեզ մարթ-  
մնալ, եւ ասէի թէ հայրդ կոչէ զքեզ:  
Աիւրոս ասէ. Զինչ խօսիսդ. եւ զայդ  
եւս իշխեցեր աստէն ամենեւին իսկ ի  
վերհանել, թէպէտ ես կամէի թէպէտ  
ոչ: Քանզի տեսի զքեզ, ասէ, ցան-  
կացեալ երթալ շրջել երեւելի ի Պար-  
սից աշխարհին. եւ ցուցանել մի ըստ  
միջէ հօրդ, թէ զհարդ զինչ գործ  
վճարեցեր: Աիւրոս ասէ. Գու՞նչ ցան-  
կանայցես երթալ յաշխարհդ: Ասէ  
վշտասպէս. Ոչ մեկնիմ, այլ մնամ եւ  
լինիմ զօրավար զօրաց մինչեւ առնիցեմ  
զԳաղատաս տէր ասորեստանւոյն:

Օայս խաղս ընդ միմեանս խաղային  
խնամով: Ապա կիաքսարէս լուսաւոր  
մեծապայծառ զարդարեալ ելանէր, ի  
վերայ մարական աթոռոյն նստէր: Ի-

բրեւ ամենեքին միանգամայն որոց պարտըն էր մտանել մտին, եւ լուութիւն լինէր, խօսել սկսաւ Վիաքսարէս այսպիսի ինչ օրինակ. Արք նիզակակիցք, թերեւս քանզի աստ դիպեցայ, եւ քան զՎիւրոս երիցագոյն եմ, ի դէպ է ինձ առնել սկիզբն բանիցն: Ինձ դիպող թուի, ասէ, նախ վասն այնորիկ արկանել խօսս, թէ արդեւք հաճոյ թուիցի երթալ տակաւին զօրաժողով ի մարտ պատերազմի, եթէ արձակել զզօրս: Խօսեսցի ոք վասն նորին իսկ այնորիկ թէ զինչ ածիցէ զմտաւ:

Ապա նախ խօսէր վրկանացին: Արք պատերազմակիցք, ոչ դիտեմ, ասէ, եթէ պէտք ինչ իցեն բանից ուր արդիւնք իսկ իրացն յայտ զլաւն առնիցեն: Վանզի ամենեքին համագունդ միաժողով երթայցեմք, աւելի եղերս եւ ոճիրս թշնամեացն դործիցեմք, քան եթէ կրիցեմք ի նոցանէ վիշտս: Իսկ յորժամ մեկուսի ի միմեանց լինիցիմք, նոքին ի կիր արկանիցեն զմեզ, որպէս ինչ նոցա հաճոյ թուեսցի եւ մեզ դժընդակ:

Յետ նորա ասէ կադուսիացին: Մեք զինչ ասիցեմք, ասէ, վասն մեկնելոյ իւրաքանչիւր ումեք յերկիր իւր եւ զատանելոյ, ուր եւ ոչ երթելոցն ի պատերազմ, որպէս յայտ է օգուտ ինչ է զատանելն: Աչ բազում այն ժամաւ

նակք են զի մէք ուրոյն ի մերմէ բազմ-  
ամբօխ բազմութենէ, չողաք ի մարտ  
պատերազմի, եւ վրէժս տուաք որպէս  
եւ դուք իսկ գիտէք:

Յետ նորա Արտաւազ, որ ասացն  
երբեմն թէ ազգակից եմ Աիւրոսի, ա-  
սէ այսպէս: Աս, ասէ, ով Աիւքսարէ,  
այսու զատ եմ յայնցանէ որ յառաջ  
քան զիս խօսեցան. զի սոքա ասն  
տեւել եւ երթալ ի պատերազմ, բայց  
ես ասեմ թէ յորժամ երթայցեմք յաշ-  
խարհն մեր, ի պատերազմ երթայցեմք,  
քանզի ես բազում անգամ յօգնակա-  
նութիւն երթայի յորժամ զմեր ինչ  
կրէին եւ վասն պահակացն նոցա, զի  
նենգ իմն գործէին, բազում անգամ  
իմ իսկ գործ էր, թէպէտ պահապա-  
նօք էի, երկրնչէի. եւ զայդ առնէի զիմ-  
սրն իսկ ծախելով: Բայց այժմ ունիմք  
զպահակս նոցա, զնոցայն ուտեմ, ըզ-  
թընամեացն ըմպեմ: Ար ինչ յաշխար-  
հին մերում իցէ, պատերազմ իցէ, իսկ  
սոքա տօն. ինձ ոչ բարւոյք թուի քա-  
կել զտօնավաճառ շահիցս:

Յետ նորա Գորբիաս ասէ, Աս, ով  
արք պատերազմակիցք, մինչեւ ցայս  
վայր գովեմ զաջն Աիւրոսի, զի ոչ մի  
ինչ ստեաց յորոց խոստացաւն. այլ  
եթէ մեկնեսցի եւս յերկրէ աստի,  
յայտէ եթէ հանգիցէ ասորեստանեայն  
եւ շտայցէ զպատիժս այնր ամենայնի

որովք ձեռն արկ զըկել զձեզ եւ որովք ինձն վնաս գործեաց . եւ ես միւսանգամ տայցեմք վրէժս զի ձեզ բարեկամս եղէ :

Յետ նոցա ամենեցուն ասէ Վիւրոս . Ով արք , եւ յինէն չէ ծածկեալ թէ յորժամ զգորսն արձակիցեմք , մերքն տկարագոյնք լինիցին , եւ հակառակորդքն միւսանգամ մեծանայցեն : Օ՛ի զէնք եթէ բարձան ի նոցանէ , այլ զէնս գործիցեն . թէպէտ յերիւարաց զըկեցան , վաղվաղակի դարձեալ այլ երիւարս ստանայցեն : Աւ փոխանակ ընդ մեռելոցն այլք ի չափ հասանիցեն եւ մի ըստ միոջէ ծնանիցին : Որպէս զի չեն ինչ զարմանք եթէ արագ արագ միւսանգամ մեզ աշխատութիւն մարթիցեն հասուցանել :

Հի՞մ ես հրաման ետու Վիաքսարայ խօսս արկանել վասն արձակելոյ զօրուն , զի երկընչիմ իմն յայնմանէ որ գալոցն իցէ : Քանզի տեսանեմ զախոյանսն մօտ եկեալ հասեալ , ընդ որոց մէք եթէ այնպէս ի դիմի հարկանիցիմք , չկարիցեմք կռուել . զի ձմեռն հասանէ , թէպէտ եւ յարկք են մեր , այլ ոչ երիվարացն եւ ոչ սպասաւորացն եւ ոչ խառնիճաղանճ բազմութեան զօրականացն : Առանց նոցա մէք չկարեմք երթալ ի մարտ պատերազմի . եւ համբարք սպառեցան ուր ուրեք լու-

Ծաք: Իսկ ուր ոչն հասաք, վասն ի մէնջ երկրնչելոյ, պնդեալ պաշարեալ կան յամուրսն, որպէս զի նոքա ունել ունին, բայց մեք չկարեմք առնուլ: Արդ ո՞րք այնպէս սաստիկ իցէ որ ընդ քաղց եւ ընդ ցուրտ կարիցէ կռուել եւ երթալ ի պատերազմ:

Արդ եթէ այսպէս երթայցեմք ի պատերազմ, ես ասեմ թէ պարտ է կամաւ իսկ մանաւանդ արձակել ըզզօրսն, քան յակամայ կամս յանհնար հնարից քակել: Այլ եթէ կամիցիմք տակաւին տալ պատերազմ, ես ասեմ թէ եւ զայս ինչ եւս պարտ իցէ առնել, փութալ վաղվաղակի իսկ զբազումս յամուր ամուր վայրաց նոցա թափել ի նոցանէ, եւ մեզ բազում ամուրս գործել: Օ՛հ եթէ այն լինիցի, զհամբարսն յաճախագոյնս ունիցին, որք յոլովագոյնն կարիցեն առնուլ եւ մթերել եւ յարգել արկեալ պաշարեսցին որ նուազագոյնն ունիցին: Բայց այժմ չեմք ինչ ընդհատ յայնցանէ որ ի համատարած ծովուն նաւարկիցեն. քանզի եւ նոքա նաւարկեն միշտ, այլ ոչ ընդ որ նաւենն թողուն ինչ անձանց, քան ընդ որ չիցենն նաւեալ: Այլ եթէ պահակք լինիցին մեր, նոքին հանիցեն զերկիր թշնամեացն, եւ ամենայն ինչ մեր ի խաղաղութեան իցէ:



Իայց թերեւս ոմանք ի ձէնջ երկրնչիցին, թէ հեռագոյն ի ձերոց աշխարհացն հասանիցէ պահ դնել, մի ինչ ընդ այն տատամսիցիք: Օ՛խ մեք թէպէտ եւ յաշխարհէ ի տար աշխարհ եկեալ իցեմք, յանձն առնուցումք զերկիրս մօտաւորս թշնամեացն պահել: Իսկ դուք զսահմանս Ասորեստանեաց աշխարհին որ մօտ ձեզ իցեն, զնոսս ստացարուք եւ ի դործ արկէք: Օ՛խ եթէ մեք զմօտաւոր վայրսն նոցա կարիցեմք պահել եւ ապրեցուցանել, ի բազում խաղաղութեան, դուք որ ըզվայրսն զհեռաւորս ունիցիք, կեցցէք: Քանզի ոչ եթէ մարթիցեն զիւրեանց մօտաւորն չարեաց անփոյթ արարեալ, ձեզ հեռաւորացդ նենգել:

Իբրեւ այս ամենայն ճառեցաւ, ամենեքին յարուցեալ միաբան յօժարութեամբ յանձին կալան. յանձն առ եւ Վիաքսարէս: Եւ Վաղատաս եւ Վորբիաս երկոքին զպարիսպսն իւրեանց, եթէ հրաման տայցեն պատերազմակիցքն, յանձն առին ամրացուցանել, որպէս զի եւ նոքին խաղաղութեան երկիրնիզակակից ընկերացն լինիցին: Աիւրոս իբրեւ ետես զամենեսեան յօժարեալս առնել զոր ինչ ասացն, ասէ. Երդ եթէ կամիցիմք ի գլուխ հանել զոր ինչ միանգամ ասացաք եթէ պարտ իսկ է առնել, հարկ է վաղվաղակի մեն-

քենայս պատրաստել առ ի քակել զհակառակորդացն պարիսպն, եւ որմաչէն դաղատոսս առ ի կազմելոյ մեզ աշտարակս ամուրս: Ապա խոստանայր Ախաքսարէս թէ ինքն տացէ գործել մենքենայս, եւ Վադատաս եւ Վորրիաս խոստացան եւ Տիգրանէս եւս. ինքն իսկ Աիւրոս յանձն առ փութալ այլ եւս մենքենայս կազմել: Իբրեւ այն վճարեցաւ մենքենագործս խնդրէին, եւ պատրաստէին իւրաքանչիւր առ մենքենայսն որ ինչ պիտոյն էր. եւ կացուցին եւս արս ի նոյն բաւականքս:

Աիւրոս իբրեւ գիտաց եթէ կայ դեգերել ի նոսա, կարգէր կացուցանէր զգորսն ուր առաջագոյնն թուէր եւ դիւրին էր կրել անդր որ ինչ պիտոյն էր կրելոյ. եւ որ ինչ ամբութեան կարօտ էր, այնպէս յարդարէր զի միշտ իսկ ի զգուշութեան կայցեն, թէպէտ եւ հեռացեալ եւս երբեմն ի զօրութենէ անտի բանակին էին: Հանդերձ նոքիմբ հարցանէր եւս զայնոսիկ զորոց գիտէր թէ վայրացն հմուտ են, եթէ ուստի աւելագոյն շահս զօրքն շահիցին, եւ միշտ իսկ ի ճարակս հանէր, զի յաճախագոյն առնուցու զհամբարս բանակին, զի առաւել առողջագոյնք լինիցին եւ ուժգնագոյնք վաստակեալք ի ճանապարհաց անտի եւ զի ի տանել զկարգսն մի մոռասցին:

Աիւրոս զայնու էր . իսկ ի Ռաբիղացւոց աշխարհէն որոց անձամբ զանձինս վտարանդի տուեալ էր եւ ըմբռնեալ, զայս ինչ զրոյց տային եթէ ասորեստանեայն ի Ղիւղացւոց աշխարհէն չուգաւ, բազում տաղանտս արծաթոյ եւ ոսկոյ տարեալ եւ այլ եւս ստացուածս եւ սպասս ազգիազգիս : Արդ ամբոխ զօրացն կարծէր եթէ երկուցեալ զինչսն ի պահ անդէն դնիցէ . բայց Աիւրոս գիտաց եթէ գնաց գումարել հակառակորդս եթէ կարիցէ ինչ, պատրաստէր զանձն սաստկագոյնս, զի տակաւին մարտնչել իսկ հասանէր, եւ ընոյր զՊարսից այրուծին . առնոյր եւ ի գերւոյն եւ զոմանս ի բարեկամացն հեծեալս : Քանզի յամենեցունց ընդունէր եւ մերժէր ինչ ոչ եթէ զէն ոք գեղեցիկ տայր եթէ երկար :

Ազգմէր եւ կառս ի գերեացն կառաց այլուստ ուստէք ուստի կարէրն , եւ զառաջին զտրովացի կառսն եւ զԱիւրենացւոց կառսն որ ցայժմ կան , բարձ ի միջոյ . զի զառաջին ժամանակն որ ի Մարաց եւ յԱսորւոց եւ յԱրաբացւոց աշխարհին եւ ամենեքին իսկ որ ի կողմանս Մսիացւոց էին այնպիսի կառս արկանէին ի կիր, որպէս այժմ Աիւրենացիքն : Օմտաւ ած թէ ընտիր ընտիր զօրացն, յորժամ ազնուագոյնք ի կառսն իցեն , յազգնաւորաց կարգի իցէ եւ ոչ մեծ

ինչ նպաստ ի յաղթութիւնն լինիցի :  
 Օ ի երեքարեւր կառք երեքհարեւր  
 մարտիկ պատերազմօղս մատուցանեն,  
 եւ նոքին հազար եւ երկերիւր երիվարս  
 վարեն, եւ երեքհարեւր կառավարք են  
 նոցա, որպէս ի դէպ իցէ, յորս առաւ  
 եւ յուսան քաջքն. բայց նոքա ոչ  
 մի ինչ ամենեւին կարեն հակառակորդ  
 դացն մեղանչել :

Արդ զայն կառս եբարձ ի միջոյ, եւ  
 փոխանակ նոցա պատերազմի կառս կա-  
 զմեաց հաստ անուովք, զի մի դիւրաւ  
 խորտակեսցի եւ երկայն ծայրիւք զի  
 մի ամենայն լայնութիւնն կործանեսցի,  
 եւ աթոռ վանդակակապ կառավարացն  
 գործէր իբրեւ զաշտարակ ի հաստաբեստ  
 փայտից, եւ բարձրաբերձ բարձրութիւն  
 նոցա մինչեւ ցգիրկս կառավարին, զի  
 կարիցեն զօանձացն ունել զերիւարացն  
 ի վերոյ աթոռոցն, եւ զկառավարսն  
 ամենեւին զրահապատ պատենազէն  
 զարդարէր, բայց միայն յաչացն. դներ  
 եւ զերանդիս երկաթիս առ անուոցն  
 յաջմէ եւ յահեկէ անուոցն, եւ այլ եւս  
 զերանդիս ի խոնարհ ի ներքոյ անուոցն  
 որ ի գետին հայիցին զի մխեսցին ի հա-  
 կառակորդս կառացն : Արպէս զայդ ա-  
 մենայն կազմեաց պատրաստեաց յայն-  
 ժամ Վիւրոս, եւ ըստնմին օրինակի մին-  
 չեւ ցայժմ վարեն զկառսն որ յերկրի  
 թաղաւորին իցեն : Այն նորա եւ ուղտք

բազումք առ ի բարեկամաց ժողովեալ  
եւ ի գերութենէ անտի :

Այս այսպէս վճարէր : Բայց իբրեւ  
կամէր առաքել զոմն գէտ ի Վիւդաստան  
եւ ուսանել թէ զինչ գործիցէ ասորես-  
տանեայն , պատե՛հ թուեցաւ նմա Վ-  
րասպայ երթալ , այն որ զկիինն գեղեցիկ  
պահէր . քանզի այս անցք անցին ընդ  
Նրասպաս : Բժբունեալ կնոջն տենչա-  
նօք հարկ համարեցաւ արկանել խօսս  
ընդ նմա վասն լինելոյ ընդ նմա , եւ նա  
չառնոյր յանձն , քանզի հաւատարիմ  
առն իւրում թէպէտ եւ հեռի եւս էր ,  
քանզի սաստիկ սիրէր զնա , բայց չլի-  
նէր ամբաստան զՆրասպայ առաջի Վիւ-  
րոսի , քանզի չկամէր զարս բարեկամս  
ընդ միմեանս արկանել : Իսկ Նրասպէս  
իբրեւ կամեցաւ սպաս առնել հասանել  
այնմ զոր խորհէրն , սպառնացաւ կնոջն ,  
եթէ ոչ կամիցի իւրով կամաւ , ակամայ  
զնոյն առնիցէ : Յայնմ հետէ կիինն քան-  
զի երկեաւ ի բռնութենէ անտի , ոչ  
թագոյց այնուհետեւ , այլ առաքէ զներ-  
քինին առ Վիւրոս , եւ հրաման տայ պա-  
տմել զամենայն :

Նա իբրեւ լուաւ , ծիծաղեալ ի վերայ  
նորա զի վերագոյն քան զցանկու թիւն  
լինել ասէր , առաքէ զՆրտաւազ ընդ  
ներքինւոյն , եւ հրամայէ ասել նմա մի  
բռնագբօսել զայնպիսի կին , իսկ հաւա-  
նեցուցանել եթէ կարիցէ , ոչ արգե-

լում ասէ: Արթեալ Արտաւազայ առ  
Արասպաս, թշնամանս զնէր նմա, ա-  
նուանէր աւանդ զկիսնն եւ ասէր զամպա-  
րըշտութիւնն նորա, զապիրատութիւնն  
եւ զանխառնութիւնն, մինչ շատ ար-  
տասուել Արասպայ առ տրտմու-  
թեանն եւ յամօթոյն կորանալ եւ յա-  
հէն տազնապել մի գուցէ եւ ի Աիւրոսէ  
կրիցէ ինչ:

Օչայս իմացեալ Աիւրոսի, կոչեաց  
զնա եւ միայն ընդ միայն խօսէր. Տեսա-  
նեմ զքեզ, ասէ, ով Արասպա, յինէն  
երկուցեալ եւ ամօթով տազնապեալ.  
արդ զադարեա յայնմ ամենայնէ:  
Վանզի եւ զդից լեմ ի ցանկութենէ  
ի պարտութիւն մատնեալ, զիտեմ եւ  
զմարդիկ որ առաւել հանճարեղքն  
թուէին այնպիսի ինչ կրեալ ի տենչա-  
նաց: Վայց այդր գործոյ պատճառք  
ես իսկ եմ, զի փակեցի զքեզ ընդ այն-  
պիսի իրաց ընդ որում չմարթի կուուել:  
Աւ Արասպաս ասէ. Դու ով Աիւրէ,  
զայդ այսպէս գործես որպէս եւ զայլ  
եւս բազում ինչ իրս, քանզի զգօն եւ  
հանդարտ ես եւ ներող եւ արգահա-  
տօղ մարդկօրէն յանցանաց: Վայց զիս,  
ասէ, այլ մարդիկ տրտմութեամբ նե-  
ղեն, քանզի սփռեցաւ շշունջ վշտաց  
իմոց, թշնամիք ուրախ լինին ի վերայ  
իմ, եւ բարեկամք մատուցեալ խրատ  
տան մերժել զանձն եւ հեռանալ, զի

մի ինչ կրիցեմ ի քէն զի զըկեցիս  
զքեզ :

Աիւրոս ասէ . Վիտասջիր դու ով  
Նրասպա , եթէ դովին կարծեօք մար-  
թես դու ինձ մեծ ինչ շնորհս առնել ,  
եւ նիզակակցաց յաճախագոյն օգուտ :  
Ասէ Նրասպաս . Իցիւ եթէ ի դէպ ժա-  
մու լինիցիմ քեզ պիտանացու : Արդ  
եթէ կերպարանեալ , ասէ , որպէս թէ  
հատուած գնալ կամիցիս յինէն երթայ-  
ցես առ թշնամիսն , թուի ինձ թէ հա-  
ւատարիմ երեւիցիս դու թշնամեացն :  
Ասէ Նրասպաս , Վիտեմ , թէ եւ ի բա-  
րեկամաց տարածանիցի համբաւն , թէ  
փախստեայ դնամ ի քէն : Ապա եկեա-  
ցես , ասէ , առ մեզ զամենայն ինչ տե-  
սեալ զթշնամեացն : Թուի ինձ թէ  
բանից եւ խորհրդոց հաղորդ առնիցեն  
զքեզ վասն համարելոյ զքեզ . մինչեւ  
ոչ մի ինչ ծածկեսցի ի քէն յորոց կա-  
միցիմք գիտել : Արդ այժմիկ իսկ , ա-  
սէ , յուզի անկեալ երթայց . քանզի  
եւ այս մի ինչ նշանակ հաւատարիմ  
լինելոյ է , կարծեցուցանելն թէ ես ինչ  
կրելոց էի ի քէն եւ ի բաց փախեայ :

Միթէ կարիցես , ասէ , թողուլ զգե-  
ղեցիկ Պանթիայն : Հաստատու թեամբ ,  
ասէ , ով Աիւրոս երկուս ոգիս ունիմ .  
այժմիկ իսկ զայսմանէ ճարտարմտեցի  
յետ անիրաւ իմաստութեան ցանկու-  
թեանն , զի ոչ եթէ մին մերթ բարի

իցէ եւ մերթ չար, եւ ոչ լաւութեան  
 եւ յոռութեան գործոց միանգամայն  
 ցանկանայցէ. եւ զնոյնս կամիցի եւ  
 չկամիցի գործել. ապա յայտ ուրեմն  
 է եթէ երկու ոգիք են, եւ յորժամ ա-  
 ռատ ոգին գլէ, լաւութեան գործք  
 գործին, իսկ յորժամ յոռին յաղծի-  
 ցէ ծանականաց իրք վճարին: Այլ այժմ  
 քանզի դքեզ զօրաւիզն օգնականու-  
 թեան առ, լաւն առաւել իշխէ:

Ասէ Կիւրոս. Այսուհետեւ եթէ հա-  
 ճոյ թուեսցի քեզ երթալ, այսպէս  
 պարտ է առնել, զի եւ նոցա հաւատա-  
 րիմ լինիցիս. պատմեա նոցա որ ինչ  
 առ մեզս իցէ, եւ այնպէս պատմեաջիր,  
 զի որ ինչ առ ի քէն ասիցի, առաւել  
 արգել եւ խափան լինիցի այնմ, զոր  
 գործելն կամիցի. եւ լինիցի խափան,  
 եթէ ասիցես թէ պատրաստ լինիմք  
 յարձակել ուրեք ի վայրաց նոցա: Օյ  
 յորժամ զայն լսիցեն, եւ ոչ զբնաւին  
 իսկ զգօրութիւնսն գումարեսցեն, իւ-  
 րաքանջիւր ուրուք երկուցեալ վասն  
 ընտանեացն: Այլ մնա, ասէ, առնոսա  
 բազում ժամանակս զի զինչ առնենն  
 յորժամ մօտ առ մեզ հասանիցեն,  
 զայն իսկ մանաւանդ դիպող է մեզ գի-  
 տել, եւ խրատ եւս տուր նոցա ճակատ  
 յարդարել ուր ազնուագոյնն թուիցի:  
 Օյ յորժամ գու մեկնիցիս, թէպէտ  
 եւ գիտիցես գու զկարգս նոցա, հարկ



է այնպէս իսկ ճակատել նոցա . քանզի ոչ կամիցին զճակատան փոփոխել, եւ եթէ յայլ ինչ ճակատ փոխիցեն, վաղվաղակի իսկ աղմկիցին :

Արասպայ այնպէս երթեալ, առեալ ընդ իւր զճառայսն հաւատարիմս եւ պատմեալ ոմանց զոր ինչ օգուտ իրացն կարծէր, գնայր : Իսկ Պանթիայ իբրեւ ազգ եղեւ եթէ Արասպաս գնաց, առաքեաց առ Աիւրոս, ասէր. Մի տրբտմիր ով Աիւրոս եթէ Արասպաս առ թշնամիս երթայ : Օ ի թոյլ տայցես ինձ առաքել առ այրն իմ, յանձն առնում քեզ թէ եկեսցէ առ քեզ եւ քան զԱրասպաս հաւատարիմ բարեկամ իցէ, եւ զօրս որչափ մարթիցի առնուլ եւ գալ առ քեզ : Քանզի եւ հայր այժմու թագաւորին բարեկամ էր նորա . եւ որ այժմ թագաւորեաց, ձեռն արկ երբեմն զիս եւ զայրն իմ ի միմեանց քակել : Արդ քանզի զնա թշնամանիչ համարի, գիտեմ եթէ յօժարութեամբ առ այր մի որպիսի ոք դու իցես, անկեալ զերծանիցի :

Օայս լուեալ Աիւրոսի հրամայէ առաքել առ այրն . եւ նա առաքեաց : Իբրեւ գիտաց Աբրադատէս զառ ի կնոջէն նշանակսն, եւ զայլոց եւս իրաց լուաւ, անդէն գայր առ Աիւրոս, առեալ երիւարս իբրեւ երկու հազար : Իսկ իբրեւ եհաս ի Պարսից դէտսն, առաքէ

առ Աիւրոս ասել թէ ո ոք իցէ: Աւ  
 Աիւրոս իսկ եւ իսկ հրաման տայ ամէլ  
 զնա առ կինն: Յորժամ տեսին զմի-  
 մեանս կինն եւ Աբրադատէս, ողջոյն  
 ետուն միմեանց որպէս ի դէպէր: Ա-  
 պա պատմէ Պանթիա զԱիւրոսի սրբու-  
 թիւնն եւ զզգաստութիւնն, եւ զառ-  
 նախնաման: Իսկ Աբրադատայ լուեալ  
 ասէ. Աւ արդ զի՞նչ առնիցեմ, ով Պան-  
 թիա, զի ընդ քո եւ ընդ իմ հատու-  
 ցանիցեմ Աիւրոսի շնորհս: Օհնչ այլ  
 ինչ, ասէ, բայց զի ջանայցես փութով  
 յօժարութեամբ այնպիսի ոք առ նա  
 գտանել, որպիսի ոք նա առ քեզ  
 գտաւ:

Ապա երթայ առ Աիւրոս Աբրադա-  
 տէս, եւ իբրեւ ետես նա զնա, բուն  
 հարեալ զաջոյ նորա ասէր. Ի՞նչ բա-  
 րեացն զոր արարեր մեզ ով Աիւրոս, զինչ  
 ասիցեմ մեծ եւս ինչ, բայց զի բարե-  
 կամ տամ քեզ զանձն իմ եւ պաշտօ-  
 նեայ եւ նիզակակից. եւ յոր ինչ տե-  
 սանիցեմ զքեզ փութացեալ, բարուք  
 գործակից լինել ջանայցեմ: Աւ Աիւ-  
 րոս ասէ. Աւ ես ընդունիմ, եւ թողում  
 զքեզ, ասէ, ընթրել այժմ ընդ կնոջդ:  
 Աւ անդէն առ իս պարտ է քեզ բնա-  
 կել ընդ քոց եւ իմոց բարեկամաց:

Յեա այնորիկ տեսեալ Աբրադատայ  
 զԱիւրոս աշխատ լեալ վասն գերան-  
 դաղէն կառացն, եւ վասն զրահապատ

երիւարացն եւ հեծելոց, ջանայր հարեւր կառս յիւրոց հեծելոցն հանգոյնս նմին ի գլուխ հանել. եւ ինքն կազմ եւ պատրաստ լինէր առաջնորդ լինել նոցա. եւ լծէր զիւր կառսն ի չորից սամեաց եւ յութ ձիոց: Իսկ Պանթիա կին նորա յիւրոց ընչից գործէր նմա զրահս ոսկեզօծս եւ սաղաւարտ ոսկի. նոյնպէս բազկաց արկանելիս. եւ զերիւարս կառացն ամենեւին պղնձի արկանելեօք կազմէր:

Աբրադատէս զայս ինչ գործէր: Իսկ Վիւրոսի տեսեալ զչորից սամեաց կառսն ի միտ առ եթէ մարթի եւ յութից սամեաց գործել, որպէս զի ութ լծովք երընջոց տանել զներքին շինուած մենքենայիցն: Աւ էր այն երեքուղկեան յերկրէ անուով ք հանդերձ. զի այնպիսի աշտարակք յորժամ երթայցեն կարգաւ մեծ իմն օգնականութիւն իւրում ճակատուն թուիցին լինել, եւ առաւել վնաս գնդի թշնամեացն: Արար եւ ի վերայ շինուածոց ճեմելիս եւ մահարձանս կազմեալ յօրինէր եւ ի վերայ իւրաքանչիւր աշտարակացն քսան քսան սպառազէնս կացուցանէր:

Իբրեւ ամենայն կարգէր եւ յարգարէր որ վասն աշտարակացն ինչէր, զչափ առնոյր զվարելոյն. եւ յոյժ իսկ դիւրագոյն տանէին ութ լուծքն զաշտարակն եւ զարսն որ ի վերայ աշտարակին

էին քան զբեռնաբարձ լուծս կառայն  
 քանզի գոյր լծոյն կշիռ իբրեւ քսան  
 եւ հինգ քանքար. իսկ աշտարակին,  
 քանզի իբրեւ վրանի թանձրութիւն էր  
 փայտիցն. եւ քսան քսան վառեալ  
 սպառազէն եւ քսան քսան զէնք էին,  
 նոքիմբք լինէր պակաս քան զհնգե-  
 տասան տաղանդ հասանել տանել իւ-  
 րաքանչիւր լծոյ: Իբրեւ գիտաց թէ  
 դիւրին իցէ վարելս, պատրաստ լինէր  
 զի զաշտարակսն զօրօքն հանդերձ տար-  
 ցի, զմտաւ ածեալ թէ ի պատերազմի  
 առաւելութիւն լինիցի եւ փրկութիւն  
 եւ աջողութիւն:

## Գ Լ Ո Ւ Խ Բ

ՅԱՏԵՄ ժամանակի եկին եւ ի Հըն-  
 դկաց որ զգանձսն բերէին, եւ պատմէին  
 նմա եթէ զայս ինչ պատուիրեաց Հըն-  
 դկաց արքայն: Աս, Աիւրոս, ուրախ եմ  
 զի պատմես դու ինձ որովք կարօտ իցես.  
 եւ կամիմ քո իսկ հեւր լինել, եւ ա-  
 ուաքեմ ես քեզ գանձս, եւ եթէ այլ  
 եւս պիտոյ լինիցի, առաքեա. զի հրա-  
 մայեալ է իմօցն առնել զոր ինչ դուն  
 հրամայեսցես:

Աիւրոսի լուեալ ասէ. Հրաման տամ  
 ձեզ, ասէ, զի որք մնալոց իցէք, աս-  
 տէն բնակեցարուք պահել զկարասին,  
 եւ կեալ որպէս զիարդ ձեզ հաճոյ թը-

ւիցի. եւ երէք ի ձէնջ երթեալ առ հա-  
կառակորդսն իբրեւ ի Հընդկաց թա-  
գաւորէ վասն թիկանց օգնականու-  
թեան, եւ ի միտ առեալ որ ինչ անդն  
իցէ, զոր ինչ խօսինն եւ գործեն, վաղ-  
վաղակի զրոյց տուք ինձ եւ արքային  
Հընդկաց. եւ եթէ զայդ սպասաւո-  
րութիւն քաջ հարկանիցէք ինձ, ա-  
ռաւել եւս վասն նորին շնորհակալ ե-  
ղէց ձեզ, քան եթէ զի եկայք բերէք  
ինձ գանձս: Օ ի դէտք ծառայից նմանք  
ոչ ինչ այլ ինչ մարթեն գիտել եւ պատ-  
մել, բայց զոր ամենէքինն գիտեն: Բայց  
այսպիսի արք, որպիսիք ոք դուք իցէք,  
բազում անգամ եւ զխորհուրդս առնու-  
ցուն ի միտ:

Իսկ Հընդկաց, քաղցրութեամբ լը-  
ւեալ եւ հիւրացեալ յայնժամ առ Վիւ-  
րոսի, ի վաղիւ անդր կազմեալ պա-  
տրաստեալ յուղի անկանէին, եւ խոս-  
տանային եթէ բազում ինչ ուսեալ ի  
թշնամեացն, որչափ հնար իցէ, ե-  
կեսցեն վաղվաղակի: Վիւրոս մեծափայ-  
ելուչ զճակատսն պատրաստէր, քան-  
զի ոչ ինչ փոքր ինչ կամէր վճարել այրն:  
Եւ ոչ եթէ զայն եւեթ որ նիզակա-  
կցացն հաճոյ թուէր, հոգայր, այլ եւ  
զմիմեամբք զբարեկամսն արկանէր, զի  
իւրաքանչիւր քաջ վառեալ եւ հե-  
ծեալ երեւիցին, եւ արագունք յաղեղն  
եւ ինետ եւ աշխատասէր միտս ունիցին:

Օչայս ամենայն յարդարէր յորս հանեալ, եւ զառաքինիսն մեծարեալ պատուով: Տեսանէր եւ զԷջիսանսն զի վասն նորին հոգ ի մտի ունէին, թէ զիարդ քաջք զօրականքն լինիցին, եւ զնոսա գովելով զըզուէր, եւ շնորհս եւս առնելով նոցա զոր ինչ միանգամ կարէրն: Այլ թէ երբեմն զոհս մատուցանէր եւ տօն կատարէր, եւ ի նմին տօնի որ ինչ վասն պատերազմի հանդէս առնիցեն մարդիկ, այնր ամենայնի մըրցու թեան հրահանգս առնէր, եւ պարզեւս որոց յաղթիցեն բաշխէր, եւ բազում ուրախութիւն էր ի բանակի անդ:

Գրեթէ ամենայն ինչ եւ ի գլուխ, զոր կամէրն՝ Վիւրոս ունել եւ երթալ ի պատերազմ բայց ի մենքենայիցն. քանզի Պարսից հեծեալքն բեւրք եղեն, եւ կառքն գերանդազէնք, զոր ինքն կազմէր, հարեւր կառք բովանդակեցան, եւ զորս Նբրադատէս շաւշացի ձեռն ի գործ արկ կազմել հանգոյնն Վիւրոսի, եւ նոքին բովանդակեցան այլ եւս հարեւր: Ալ հաճեաց Վիւրոս զՎիաքսարէս՝ զմարական կառսն ի նոյն օրինակ փոփոխել ի տրովացի եւ ի զիբէացի կառաց. գումարեցան եւ նոքա միանգամայն այլ եւս հարեւր: Ալ ի վերայ ուղտուցն կարգեալ կային երկու երկու աղեղնաւորք առ մի մի ուղտ:

Մեծ մասն զօրացն այնպիսի ինչ միտս ունէր, որպէս թէ բնաւ յաղթեցին իսկ. եւ համարէին թէ որ ինչ թշնամեացն իցէ, այն ոչ ինչ է:

Մինչ դեռ այնպիսի միտսն ունէին, եկին հասին շրնդիկք ի թշնամեաց անտի զոր առաքեալ էր Վիւրոսի լրտեսել, եւ պատմէին եթէ Վրիւսոս սպարապետ եւ ամենեցուն զօրավար ընտրեցաւ ի թշնամեացն, եւ հրաման տուաւ ամենայն նիզակակից թագաւորաց համօրէն զօրօք միանգամայն գալ հասանել, եւ գանձս բազումս ընդ իւրեանս բերել, եւ զայն կշռել, առ վարձելոյ զոր կարօղ իցեն վարձել, եւ պարգեւս որոց պարտ իցէ բաշխել, եւ վարձել զբազումս ի Թրակացւոց սուսերաւորաց, եւ Նգիպտացւոց նաւարկել գալ. զթիւ համարոյն ասէին երկոտասան բելր լեալ ասպար ի ձեռն եւ յաղթ տիգօք եւ գեղարդեամբք զոր եւ ցայժմ ունին, եւ սուսերովք. նաւարկել եւ Վիպրացւոց զօրուն եւ հասանել ամենայն Վիդիկեցւոց եւ Փռիւզացւոց եւ Ղիկայոնացւոց եւ Պափղագոնացւոց եւ Ղամրաց եւ Ղրաբացւոց եւ Փիւնիկեցւոց եւ ընդ իշխանի Բաբիլացւոց աշխարհին, Ղսորեստանեացն եւ Յոնիացւոց եւ Նւողացւոց եւ գրեթէ ամենեցուն իսկ Յունաց ասիացւոց հարկել զՏետ երթալ Վրիւսոսի. եւ առա-

քել Վրիւտոսի ի Ղակեդեմոն վասն  
 թիկանց օգնականութեան . եւ զոր  
 գումարել զՊակտողոն գետով, եւ հան-  
 դերձել կանխագոյն երթալ նոցա ի  
 Թիւբառա, եւ արդ եւս ժողով բար-  
 բարոսացն ստորին Նսորւոց, որ ընդ թա-  
 գաւորաւն իցեն, անդ է. եւ ամենե-  
 ցուն պատմել թէ զվաճառան անդր  
 բերիցեն: Աւ գրեթէ զնոյն պատմէին  
 եւ գերեալքն. քանզի փոյթ ի մտի  
 ունէր Վիւրոս զի ըմբռնեսցին ոմանք  
 յորոց իմասցի ինչ. առաքէր եւ դէտս  
 հանգոյն ծառայից իբրեւ վտարանդիս:

Արդ իբրեւ լուաւ զայս ամենայն բա-  
 նակն Վիւրոսի, ամենայն ոք ի հոգս  
 էր, որպէս ի դէպ էր իսկ, հանդարտա-  
 գոյնք լռեալ երեւէին որպէս չէին սո-  
 վոր. եւ բազումք բնաւ իսկ չերեւէին  
 զուարթունք, բակ առեալ ժողովէին,  
 եւ լի էր ամենայն այնոքիւք որ զմի-  
 մեանս վասն նոցին հարցանէին եւ խօ-  
 սէին ընդ միմեանս: Իբրեւ ազդ լինէր  
 Վիւրոսի եթէ ահ մաճեաւ զզօրօքն, ի  
 մի վայր կոչէր զիշխանս զօրացն, եւ  
 զամենեսին որոց ի վհատելն համարէր  
 թէ մնաս ինչ գործիցի, եւ ի յօժա-  
 րելն օգուտ: Յառաջագոյն պատուի-  
 րէր եւ սպասաւորացն թէ յորժամ այլ  
 ոք ի վառելոցն մատուցեալ կամիցի  
 ունկն դնել բանիցն, մի արդելու: Ի-  
 բրեւ ի մի վայր եկին, խօսէր այսպէս:



Աբբ նիզակակիցք, ես կոչեցի զձեզ, զի տեսի զոմանս ի ձէնջ, յորժամ զըրոյցք հասին ի թշնամեաց անտի, ամենեւին հանգոյնս զարհուրելոց մարդկան: Օ, ի ինձ զարմանք իսկ թուին եթէ ոք ի ձէնջ, քանզի զհակառակորդաց ասեն թէ գումարին, զանգիտիցէ. զի այժմ մէք յաճախագոյն գումարեալ եմք, քան ի ժամանակի զի յաղթեցաք մէք նոցա, եւ եւս ազնուագոյն ընդ աստուածոց այժմիկ կազմեցաք, քան յառաջնում նուագին. զայս տեսեալ ո՞չ խրախուսիցէք: Օ, ինչ ինչ գործիցէք, որ այժմիկ իսկ զարհուրեալ էք, եթէ պատմիցեն ոմանք որ ինչ առ մեզս իցէ: Աւ նախ իսկ լուարուք, ասէ, զի որ յառաջագոյնն յաղթեցին մեզ, նոքին միւսանգամ գան, եւ ունին ի մտի զյաղթութիւնն զոր երբեմն յաղթեցին. եւ ապա որք քակեցինն զյարձակումն աղեղնաւորացն եւ տիգաւորացն, նոքին այժմ գան, եւ այլք եւս բազումք նոցին նմանք. եւ ապա զոր օրինակ նոքա վառեալք յաղթեցին յայնժամ հետեւակաց, նոյնպէս եւ այժմ հեծեալք նոցա պատրաստեալք մատչին առ հեծեալս, եւ զաղեղունսն եւ զտէգսն զայն ի բաց ընկեցին, եւ զհզօր ասպարսն առեալ իւրաքանչիւր ոք ի նոցանէ խորհի գալ հասանել, զի ի մօտոյ տացէ պատե-

րազմ : Աւ կառք եւս արշաւիցին, որ ոչ այնպէս կացցեն ետեղակալ զոր օրինակ յառաջն իբրեւ ի փախուստ դարձեալ, այլ երիւարք որ ի կառան լծեալ իցեն, զրահապատք իցեն, եւ կառավարք ի վանդակակապ մարտիցսն ի վերայ աշտարակացն կայցեն, եւ բնավերին կողմն զրահապատ պատենազէն սաղաւարտեալ, եւ գերանդիս երկաթիս աղխեալ ընդ անիւսն, զի եւ նուքին իսկ եւ իսկ դիմեսցեն ի գունդս թշնամեացն : Աւղտք եւս են նոցա, յորոց զմին հարեւր ձիք չհանդարտիցեն տեսանել : Աւս աշտարակօք հասանիցեն, յորոց իւրեանց զօրացն օգնականք լինիցին եւ զձեզ ձգեալ արդելուցուն կռուել ի հարթ յողորկ վայրի :

Աթէ զայդ ամենայն պատմէր ոք ձեզ զթշնամեացն, որ այժմդ երկուցեալ էք, զի՞նչ գործէիք : Յորժամ պատմեցինն ձեզ եթէ Արիւսոս ի թշնամեաց զօրավար ընտրեցաւ, որ այնչափ ապաժաման քան զԱսորիսն գտաւ, զի Ասորիք յորժամ ի կռուի ի պարտութիւն մատնեալ փախստեայ ելանէին, Արիւսոսի տեսեալ զպարտեալսն, փոխանակ ձեռնառու նիզակակցացն լինելոյ փախստեայ գնայր : Աւ յետ այսորիկ պատմի թէ հակառակորդքն չհամարին բաւական լինել մեզ կռուելոյ, եւ զայլս վարձին որպէս թէ քաջ պա-

տերազմիցին նոքա փոխանակ նոցա, քան եթէ ինքեանք: Այլ եթէ ոմանց այսպիսի ինչ ամենայն ահագին թուիցի, եւ մերքն խարխուղք, ասեմ թէ պարտ է զնոսա, ով արք, արձակել ի թշնամի անդր: Վանդի եթէ անդ իցեն յոյժ իսկ առաւել օգուտ մեզ իցեն քան յորժամ մօտն կայցեն:

Իբրեւ զայս խօսեցաւ Աիւրոս, յոտն եկաց Վրիւսանտաս պարսիկ եւ խօսէր այսպէս. Ո Աիւրոս, մի ինչ զարմանար եթէ ոմանք տրտմեցան լուեալ զզրոյցսրն: Վանդի ոչ եթէ որ երկընչինն այնպէս կացցեն, այլ որ ծանրացեալ նեղիցին: Օր օրինակ, ասէ, եթէ իցեն ոմանք որ կամիցին եւ ուտիցեն ճաշ, եւ պատմեսցի գործ ինչ զոր յառաջ իսկ քան զճաշն հարկ իցէ գործել, ինձ թուի թէ ոչ ոք զուարճանայցէ յորժամ զայն լսիցէ: Այնպէս եւ մեք այսուհետեւ համարեալ թէ մեծանալոց իցեմք, իբրեւ լուաք թէ է եւ այլ ինչ գործ, զոր պարտ իցէ վճարել, միանգամայն տրտմեցաք, իբր ոչ եթէ զի երկեաք իսկ, այլ զգործն կամիմք գործել. զի ոչ եթէ վասն Ասորեստանի եւեթ կռուիցիմք, ուր բազում ցորեան է եւ արջառ եւ արմաւենիք մրգաբերք, այլ եւ վասն Աիւդացւոց աշխարհին. անդ է բազում գինի եւ թուզ յաճախ եւ շատ ձիթապտուղ,

եւ ծով զնովաւ պատի, ընդ որ բազում գան բարութիւնք զոր ուրուք չիք տեսեալ: Օչայդ ամենայն, ասէ, զմտաւ ածեալ, մի ինչ այսուհետեւ նեղիցիմք, այլ առաւել եւս խրախուսիցեմք, զի վաղ ի նոսին իսկ ի Վիւգացոց բարութիւնսն վայելիցեմք:

Վա զայս ասէր. եւ ամենայն նիզակակիցքն ուրախ եղեն, եւ յանձին կալան զամենայն զբանսն: Ասէ Վիւրոս. Ով արք, ինձ այսպէս հաճոյ թուի, վաղվաղակի իսկ երթալ ի վերայ նոցա, զի նախ աճապարեսցուք քան զնոսա հասանել, եթէ կարիցեմք, ուր եւ ժողովեսցին համբարք նոցա: Յետ այնորիկ որչափ թէ վաղ երթայցեմք, դոյնչափ սակաւ ինչ գտանիցեմք մօտ առ նոսա, եւ բազում ինչ հեռի ի նոցանէ: Աս այսպէս ասեմ. ապա թէ այլազգ ինչ ոք խորհեսցի կամ զգուշաւոր կամ դիւրագոյն ինչ մեզ, խօսեսցի: Իբրեւ բազումք միաբանեցին եթէ պարտ է վաղվաղակի իսկ երթալ ի թշնամեաց վերայ, եւ չէր ոք որ դիմադարձ լինէր, ապա սկիզբն արար Վիւրոս բանից այսպիսի ինչ օրինակ:

Արք պատերազմակիցք, ոգիք եւ մարմինք եւ զէնք որովք վարելն պարտ էր, ի բազում ժամանակաց կազմեցան պատրաստեցան. այժմիկ պարտ եւ պատշաճ է զհամբարսն ի ճանապարհ

պատրաստել մեզ եւ չորքոտանեաց զոր  
 ի գործ արկեալ վարիցեմք, ոչ ինչ պա-  
 կաս յաւուրց քսանից: Քանզի իմ  
 զմտաւ ածեալ գտանեմ աւելի քան  
 զհնգետասան աւուրց ճանապարհ լեալ  
 յորում ոչ ինչ ի պիտոյիցն գտանի-  
 ցեմք: Քանզի ազլս բազում յաւելաւ  
 եւ ի մէջ եւ ի թշնամեաց, որչափ մարթ-  
 էր: Արդ պարտ է բազում թոշակ պատ-  
 րաստել, զի առանց թոշակի ոչ կուուել  
 մարթեմք, եւ ոչ կեալ իսկ. եւ գինի  
 այնչափ պարտ է իւրաքանչիւր ումեք  
 ունել, որչափ բաւական լինիցի ընդելա-  
 ցուցանելոյ զմեզ ջուր ըմպել. քանզի  
 մեծ մասն ճանապարհին առանց գի-  
 նուոյ է, յոր եթէ բնաւ բազում գինի  
 պատրաստիցեմք, չառնիցի բաւական:  
 Արդ զի մի յորժամ յանկարծակի ա-  
 ռանց գինուոյ լինիցիմք, յախտ անկա-  
 նիցիմք, այսպէս պարտ է առնել: Այժմ  
 իսկ ի հացի անդէն սկիզբն առնիցեմք  
 ըմպելոյ ջուր:

Օ ի յորժամ զայս առնիցեմք, ոչ  
 կարի փոփոխիցիմք. զի որ փոխինդն  
 ուտիցէ, միշտ ընդ ջուր խառնեալ կե-  
 րիցէ. եւ որ հաց ուտիցէ, ի ջուր թըր-  
 ջեալ կերիցէ զհացն եւ ամենայն ե-  
 փոյք բազում անգամ ջրով կազմիցին:  
 Իսկ յետ հացին եթէ գինի ըմպիցեմք,  
 ոչ մի ինչ պակաս գտանիցեն նոցիքն  
 եւ հանդարտիցեն. եւ յետ այնորիկ

եւ զայն յետ ընթրեացն պարտ է բառնալ, մինչեւ ջրմազուք ուսանիցիմք:

**Օ** ի որ առ սակաւ սակաւ փոփոխումն է, զամենայն իսկ բնութիւնն պատրաստէ ժուժկալ լինել փոփոխմանցն: Ասուցանէ եւ Աստուած յորժամ տակաւ հանիցէ զմեզ ի կարեձմեռն ձմերայնւոյն, հանդարտել տօթոյ սաստիու թեան, եւ ի տօթոյն ի սաստիկ ձմեռն, որում պարտ եւ պատշաճ է նմանօղս լինել, եւ յոր հասանիցէ երթալ, յառաջագոյն ընդելեալ հասանել:

**Ա**ւ զծանրութիւն կազմածոյ մահճացն ընդ կարեւոր պիտոյիցն առէք. զի ռոճիկքն աւելորդք ոչ անպիտանք լինիցին, եւ եթէ անկողնոց կարօտ լինիցիք, մի երկընչիցիք թէ ոչ քաղցր ի քուն լինիցիք. ապա թէ ոչ, ինձ դիք մեզ: **Բ**այց ոյր բազում ձորձ գուցէ, բազում իւիք օգնական լինիցի անձինն եթէ առողջ իցէ եւ եթէ յոյժ խօթացեալ: **Ա**ւ խորտիկս պարտ է հանդերձել. որ աւելագոյն թթուք եւ փոթութահամք եւ յաղեալք իցեն, զի նոքին ի հաց յորդորիցեն, եւ բազում ժամանակս բաւական լինիցին: **Յ**որժամ ի տեղիս հասանիցեմք ուր ի դէպ իցէ մեզ առնուլ ցորեան, պարտ է ձեռաց աղօրիս անտի պատրաստել, որովք հաց դործիցեմք. զի այն իմն թեթեւագոյն իսկ քան զամենայն դործիս հացարա-

բաց է: Պարտ է հանդերձել եւ որ ինչ պիտոյ լինիցի հիւանդոտ մարդկան: Օ՛ր նոցա ծանրութիւնն փոքր է. եւ եթէ այնպիսի ինչ դէպք լինիցին առաւել պիտոյ լինիցի:

Պարտ է եւ փոկս ունել. զի բազում ինչ եւ մարդկան եւ երիվարաց փոկովք կախին. յորոց ի խորտակելն եւ ի խզելն հարկ է դատարկ կալ, եթէ ոք չունիցի լուծս: Այլ որ ուսեալ ոք իցէ սուսեր սրել, բարւոք է եւ զսուսեր սրել չմոռանալ եւ զյեասն ընդ իւր տանել. զի որ զնիզակն սրիցէ, նա եւ զողիսն սրիցէ. քանզի ամօթ իսկ է, թէ որ զնիզակն սրիցէ, ինքն անպիտան իցէ. պարտ է եւ փայտս բազումս ի կառս եւ ի սայլս ունել, զի բազում իրաց կարեւորք են:

Պարտ է եւ զկարեւոր կարեւոր գործիս վասն այնր ամենայնի ունել: Քանզի ոչ եթէ ամենայն ուրեք ձեռագէտք մօտ կայցեն, եւ որ զօր մի տեւիցէ, չեն բաւական զայն սակաւք ոմանք գործել: Պարտ է եւ դակու եւ ուրազ ըստ կառաց կառաց ունել եւ ըստ գրաստու գրաստու դանակ եւ գերանդի: Օ՛ր այս ամենայն եւ առանձինն պիտանացու է իւրաքանչիւր սլմեք, եւ բազում անդամ հասարակաց օգուտ լինիցի: Արդ զկերակրոյն պէտան զօրավարքդ վառելոցն հարցէք ցայնոսիկ որք ընդ

ձեւք իցեն: Վրանզի չէ պարտ զանց  
առնել որով ոք կարօտանայցէ ի նոցա-  
նէ, քանզի եւ մէք նոքիմք կարօտ լի-  
նիցիմք:

Որչափ զբասօտ հրաման տամ ու-  
նել, դուք իշխանք կրելեաց կազմա-  
ծոցն, հարցէք խնդրեցէք, եւ որ ոչ  
ունիցի ստիպեցէք պատրաստել: Աւ  
դուք ռահվիրայիցն իշխանք, ունիք  
զրեալ յինէն զխօտեալսն եւ զմերժեալս  
ի տիգաւորացն եւ յաղեղնաւորացն եւ  
ի պարսաւորաց: Արդ զնոսա որ ի տի-  
գաւորացն իցեն, մայրեւորութեան դա-  
կու առնուլ եւ երթալ ի մարտ պատե-  
րազմի, եւ որք յաղեղնաւորացն իցեն  
եւ որք ի պարսաւորացն՝ դանակ:  
Սոցա առեալ զայն ամենայն յառաջ  
քան զսայլսն համագունդ երթայցեն,  
որպէս զի թէ պիտոյ ինչ լինիցի ճանա-  
պարհացն, վաղվաղակի ի դործ ճեպի-  
ցէք, եւ ես եթէ կարօտանայցեմ իւիք,  
տեսից եթէ ուստի պարտ իցէ առնուլ  
եւ նոքօք վարել: Տարայց եւ զորս ի  
զինուորութեան տիս իցեն գործեօք  
պղնձեօք եւ հիւսունս եւ դերձակս, որ-  
պէս զի որ ինչ պէտք լինիցին ի պատե-  
րազմի այնպիսի ճարտարութեանց, մի  
ինչ պակաս իցէ: Աւ ի բաց կայցեն նո-  
քա ի գնդէ վառելոցն, եւ որ ինչ խե-  
լամութիւն ունիցին վարձու արբա-



նեկեալ այնմ որ կամիցի, կայցէ ի կարգին:

Ապա եթէ վաճառական ոք կամիցի զհետ դալ վաճառել ինչ, զյառաջագոյն ճառելոց առուրց պէտսն ունիցի, իսկ եթէ ըմբռնիցի վաճառեալ ինչ, ի բնաւէ անկանիցի: Այլ յորժամ անցանիցեն առուրքն այնոքիկ, վաճարեսցէ որպէս զիարդ կամիցի: Աւ որ ի վաճառականաց ոք առաւել վաճառս, առեալ դայցէ, այնպիսին ի նիզակակցաց եւ առ յինէն պարգեւաց եւ մեծարանաց հասանիցէ: Իսկ եթէ համարիցի թէ ինչք պիտոյ են առ ի գինս, ծանօթս եւ ընտանիս ածեալ առ իս, դայցէ ընդ բանակին եւ առցէ յորոց մեքն ունիմք:

Աս զայս յառաջագոյն պատմեմ, եթէ ոք եւ այլ ինչ պիտոյ տեսանիցէ նշանակեսցէ ինձ. եւ դուք երթեալ կազմեցարուք պատրաստեցարուք, ես վասն արշաւանիս զոհս մատուցից, եւ եթէ բարւոք հրամանք դիցն իցեն, նշանակեսցուք: Պարտ է ամենեցուն առ ընթեր կալ առեալ զայն ամենայն, զորոց յառաջագոյն ասացաք ի տեղւոջ ուր հրամայեալ իցէ զօրավարացն. եւ դուք ով զօրավարք իւրաքանչիւր զիւր գունդ յարդարիցէ, եւ ամենեքին եկայք առ իս զի իւրաքանչիւր ոք ի ձէնջ զլուր տեղի առցէ:

## Գ Լ Ո Ի Խ Գ

ՕՒՅՆ լուեալ նոցա հանդերձէին. եւ ինքն զոհս մատուցանէր. եւ իբրեւ բարւոք նուէրքն էին, խաղայր գնայր զօրօք հանդերձ, եւ յառաջնում աւուր մօտագոյնս բանակ հարկանէր, որպէս զի թէ մտապեալ ինչ ուրուք իցէ, երթայցէ. եւ եթէ ի միտ առցէ ոք թէ կարօտ է իւրիք, հանդերձեսցէ: Ահաքսարեայառեալ զերիր մասն Սարացն, եկաց անդէն, զի մի աշխարհն անապատ լինիցի: Իսկ Աիւրոս յուզի անկեալ երթայր տագնապաւ զայրուծին առաջի արկեալ, եւ յառաջ իսկ քան զնոսա յուզակս եւ դէտս միշտ ի դիտանոցսն հանէր: Յետ նոցա զային կահք եւ կազմածք. ուր դաշտային էր, բազում ամբօխ լինէր սայլից եւ կազմածոց: Աւ յետուստ զհետ խաղայր ճակատն եւ եթէ կահ ինչ ի կահուցն մնայր, որք յառաջեալ երթային յիշխանաց անտի, հոգային զի մի արգել ինչ երթալոյն լինիցի:

Իսկ ուր նուրբ եւ նեղ ճանապարհն էր, ի մէջ առեալ վառելոցն զկազմածսրն աստի եւ անտի երթային: Աւ եթէ խոշ ինչ պատահէր, ի զօրաց անտի, որ ի նոյն կարգեալ կային, հոգային: Աւ երթային գունդքն բազում անգամ

առեալ ընդ իւրեանս զկահան եւ զկազմածս : Քանզի հրաման տուեալ էր ամենեցուն որ զկահան տանէին, զի իւրաքանչիւր ոք ընդ իւրում գնդին երթայցէ, եթէ ոչ կարեւոր ինչ հարկ խափան լինիցի . եւ որ զկազմածսն կրէր առեալ զնշանակ հազարապետին գնայր, որ ծանօթ իսկ էր իւրում գընդին : Արպէս զի համագունդ միահոյլ գումարեալ երթային, եւ իւրաքանչիւր ոք զիւրայոցն սաստիկ հողայր զի մի յետնեալ մնայցեն . եւ քանզի այսպէս առնէին, ոչ զմիմեանս խնդրել հասանէր, եւ ամենայն ինչ մօտ էր եւ ողջ, եւ վաղվաղակի զպիտոյսն գտանէին զօրականքն :

Իսկ իբրեւ դէտքն որ յառաջագոյն արձակեցան, տեսանէին ի դաշտի արս որ ճարակ եւ փայտս առնոյին, եւ տեսեալ գրաստս որ զայլ եւս նոյնպիսի կրէին, եւ արածէին, եւ ի հեռաստանէ նշմարէին զի ծուխ կամ փոշի մրբրկեալ վերանայր, յայնմ ամենայնէ գիտացին թէ անդ ուրեք մօտ իցէ բանակ թշնամեացն : Արդ վաղվաղակի իշխան գիտիցն յղէ զոմն պատմել զայն ամենայն Վիւրոսի : Աւ նորա զայն լուեալ հրաման ետ նոցա կալ անդէն ի գիտանոցսն եւ որ ինչ նոր միշտ տեսանիցեն, պատմել : Բայց զգունդս հեծելոցն առաքեաց յառաջակողմն, եւ

հրամայեաց ջանալ ըմբռնել զոմանս յարանցն որ ի վերայ դաշտին իցեն, զի հաստատութեամբ զճշմարիտն ուսանիցի:

Ար զհրամանն առին ի գլուխ հանին. եւ ինքն զայլ զօրսն անդէն զետեղէր զի պատրաստեսցեն որ ինչ պիտոյն թուիցի, մինչ չեւ ամենեւին ի մի վայր գումարեալ իցէ. եւ նախ պատուիրեաց ճաշել, եւ ապա կալ ի մէջ գնդացն եւ որ զինչ հրաման տացի զայնու ածել զմիտս: Իբրեւ ճաշեցին ի մի վայր կոչէր զհեծելոց եւ զհետեւակաց եւ զկառաց առաջնորդս եւ զմենքենայից եւ զայնոսիկ որ զկահսն տանէին զիշխանսն եւ զսայլիցն. եւ նոքա ժողովեցան: Իսկ որ ի դաշտ անդր ընթացան, ըմբռնեալ արս ածէին. եւ ըմբռնեալքն իբրեւ հարցան ի Աիւրոսէ, ասէին թէ ի բանակէ անտի դամբ եւ մեկնեցաք ոմանք վասն ճարակի եւ կէսք վասն փայտից անցեալ զառաջապահօքն. զի վասն յաճախութեան զօրացն ամենայն ինչ անօսր է:

Օչայն լուեալ Աիւրոսի ասէ. Արչափ հեռի է աստի բանակն. նոքա ասեն. Իբրեւ երկու խրասախ: Յետ այնորիկ հարցանէր Աիւրոս թէ իցէ ինչ զմէնջ համբաւ առ նոսա. ասեն. Բազում համբաւ է թէ մօտ իսկ հասեալ կայք: Եւ արդ զիարդ, ուրախ ինչ եղեն յոր-

Ժամ լուանն. զայս հարցանէր վասն մօտակացացն: Նոքա ասեն. ոչ ուրախ եղեն, այլ մանաւանդ տրտմեցան: Ասէ Վիւրոս. Այժմ զինչ գործեն: Սարգեալ ճակատին, ասեն, եւ երէկ եւ եռանդ զնոյն գործէին: Վիւրոս ասէ. Ո՞ է որ ճակատեցուցանէ: Աւ նոքա ասեն. Ինքնին իսկ Վրիւսոս, եւ ընդ նմա յոյն ոք այր եւ այլ ոք մար. բայց զմարէն պատմէր թէ ի ձէնջ իսկ եկն հատուած: Աւ Վիւրոս ասէ. Ով Արամազդ մեծ, լիցի ինձ ըմբռնել զնա, որպէս ես կամիցիմ. յայնմ հետէ հրամայեաց զգերին ի բաց տանել, եւ դարձաւ առ այնոսիկ որ մօտն կային որպէս թէ խօսեսցի ինչ:

Յայնմ վայրի այլ ոք ի դիտիցն հասանէր, պատմէր եթէ գունդ մի ստուար հեծելոց ի դաշտի երեւին. եւ մեք, ասէ, նկատեմք եթէ գան նոքա, կամեցեալ տեսանել զբանակս, զի յառաջագոյն իսկ քան զգունդն զայն այլ հեծեալք իբրեւ երեսուն տազնապաւ ի մեզ իսկ հասանեն: Թերեւս կամին ըմբռնել, եթէ կարիցեն, զդիտանոցն. եւ մեք տասունք եւեթ եմք ի վերայ դիտանոցին: Վիւրոս հրաման ետ հեծելոցն, որ միշտ զիւրեւն էին, երթալ մինչեւ ցդիտանոցն անյայտ ի թշնամեաց, եւ անդէն ունել զդադարիկն: Յորժամ մեր տասունքն, ասէ, թող-

ցեն զդիտանոցն, յարուցեալ ի վերայ անկանիցիք ելելոցն ի դիտանոց անդր. եւ զի զձեզ մի նեղիցեն ի մեծ գնդէ անտի, ընդ առաջ ել դու, ասէ, ով Վշտասպա, զհաղարաւորս հեծելոցն առեալ. եւ երեւեսցիս առաջի հակառակորդաց գնդին: Աւ ոչ ուրեք յանյայտ տեղիս զհետ մտանիցեսս դու նոցա, այլ իբրեւ հոգայցեսս զի կացցեն մնասցեն դէտքն, դարձիր այսրէն: Իսկ եթէ կարկառեալ ոմանց զաջս գայցեն առ մեզ, սիրով ընկալարուք զարսն:

Վշտասպաս երթեալ վառէր. եւ սպասաւորք գային հասանէին վաղվազակի որպէս հրաման տուեալ էր: Պատահէր նոցա ի մէջ դիտիցն Արասպաս պաշտօնէիւք հանդերձ, որ յառաջագոյն իսկ առաքեցաւ լրտեսել, որ պահապանն էր կնոջն շաւշացւոյ: Արդ Վիւրոս իբրեւ ետեսս զնա, յարուցեալ յաթոռոյ անտի ընդ առաջ ելանէր նորա եւ ընդունէր. եւ այլքն որպէս ի դէպ էր, քանզի ոչ ինչ գիտէին սքանչացեալ էին ընդ իրսն, մինչ ասաց Վիւրոս. Աքք բարեկամք այր մի քաջ գայ առ մեզ, զի այժմիկ պարտ եւ պատշաճ է ամենայն մարդկան գիտել զգործս նորա: Աս ոչ յամօթոյ իմեքէ վատթարեալ չոգաւ եւ ոչ յինէն երկուցեալ այլ յինէն առաքեցաւ զի ի միտ առեալ զիրս թշնամեացն, ճշդիւ գտակաւ զար-

դարն պատմեսցէ : Արդ զոր ինչ խոստացայ ես քեզ, ով Արասպա, յիշեմ. եւ հատուցից հանդերձ այսու ամենայնիւ : Արժան է եւ ձեզ ամենեցուն, ով արք, դմա մեծարանս դնել իբրեւ առն քաջի : Օ, ի վասն մերոցն բարութեանցըն ի վիշտս մխեցաւ, եւ կրեաց յանձին զմեղադրութիւնն որով ծանրացեալ նեղէր :

Ապա ամենեքին ողջոյն ետուն Արասպայ եւ բնկալան : Աւ յասել անդ Վիւրոսի թէ շատ իցէ այս. այլ զոր ինչ ի դէպ իցէ մեզ գիտել, զայն, ասէ, պատմեա ով Արասպա, եւ մի զճշմարտութիւնն նուազեցուցանէր զերաց թշնամեացն : Օ, ի լաւագոյն լաւ է մեծամեծս կարծել եւ փոքր տեսանել, քան փոքր լուեալ մեծամեծս ինչ գտանել : Ասէ Արասպաս ջանայի ճշգրիտ տեսանել. քանզի մօտ երթեալ զճակատսն յարդարէի : Ասէ Վիւրոս. Ապա ուրեմն ոչ զբազմութիւն եւեթ գիտես, այլ եւ զնոցին կարգսն : Ասէ Արասպաս. Աս եւ զայդ գիտեմ, թէ որպէս խորհիցին տալ պատերազմ : Ասէ Վիւրոս. Սակայն զբազմութիւնն նախ ասա դու համառօտս : Արքա ասէ, կարգեալ կան երեսուն առ երեսուն ի թանձրութիւն եւ հետեւակք եւ հեծեալք, բաց յեղիպտացւոցն : Աւ գրաւեալ ունին նոքա իբրեւ քառասուն վտաւան. զի ա-

ձենեւին իսկ հող ի մտի էր իմ առ ի  
գիտելոյ թէ որչափ վայրս գրաւեալ ու-  
նիցին :

Ասէ Վիւրոս . Եսա զիւրոգ կայցեն  
ճակատեալ Վիգիպտացիքն . զի ասացեր  
թէ բաց յՎիգիպտացւոցն : Օսոսաբեւ-  
րապետքն ամենայն ուրեք զիւրաքան-  
չիւր բիւրաւորս հարեւր հարեւր ճակա-  
տեցուցանէին . զի այն իմն ասէին օրէնք  
են ճակատուց յաշխարհին նոցա : Բայց  
Վրիւսոս մանաւանդ ահամայ իսկ թող  
նոցա այնպէս ճակատել . զի կամէր ճա-  
կատ յարդարել անդր քան զքո բա-  
նակդ : Ասէ Վիւրոս . Իսկ զմէ՞ զայն ցան-  
կանայր : Օ՛ի աւելորդաւն , ասէ , շուրջ  
պատեալ պաշարեալ փակիցէ :

Վիւրոս ասէ . Տակաւին զայն ոչ գի-  
տեն թէ որ շուրջն պատէն , պատիցին  
շուրջ : Օ՛ր ինչ ի դէպ էր ուսանել ի  
քէն , լուաք . բայց ձեզ ով արք , այս-  
պէս պարտեւ պատշաճ է առնել : Յոր-  
ժամ աստի երթայցէք , զգուշացարուք  
երիւարաց ձերոց եւ զինու եւ զարդու ,  
քանզի բազում անգամ փոքր ինչ կա-  
րօտութեամբ , եւ այրն եւ երիւարն եւ  
կառքն անպիտանք լինիցին : Վաղիւ  
վաղորդայն , մինչ դեռ ես զոհս մատու-  
ցանիցեմ , նախ պարտ է ճաշել եւ արանց  
եւ երիւարաց . որպէս զի զոր ինչ ցանգ  
դիպող իցէ առնել , մի այնր պէտք լի-  
նիցին : Յեա այնորիկ դու , ասէ , Ե-



րասպա, զաջ թեւն կալ որպէս ունիան,  
 եւ դուք բիւրապետք որպէս այժմ ու-  
 նիք: Օ՛ի մարտին լինելոյ, այնուհե-  
 տեւ եւ ոչ միում կառաց ժամ լինիցի  
 զերիւարսն փոփոխել: Պատմեցէք եւ  
 հազարապետացն կալ ի գնդին, զիւրա-  
 քանչիւր վաշտս ընդ երկուս զատու-  
 ցեալ. եւ վաշտն էր իւրաքանչիւր քսան  
 եւ հինգ:

Ասէ ոմն ի բիւրապետացն, թուի-  
 ցիմք քեզ, ասէ, Նիւրոս, թէ այսչափ  
 առ այնչափ կարգեալ, բաւական լինի-  
 ցիմք առ այնչափ թանձրախիտ ճա-  
 կատան: Աւ Նիւրոս ասէ. թանձրա-  
 գոյն ճակատք որ չկարիցեն հասանել  
 զինուց հակառակորդացն, զի՞նչ թուի-  
 ցին քեզ, ասէ, կարիցեն վնասել ինչ  
 թշնամեացն կամ օգուտ նիզակա-  
 կցացն լինել: Օ՛ի ես, ասէ, զվառեալսն  
 զայնոսիկ որ հարեւր առ հարեւր կար-  
 գեալ կայցեն, կամէի թէ բեր առ  
 բեր կարգեալ էին. զի այնպէս ընդ  
 սակաւաւորաց հասցէ մեզ կուուել:  
 Բայց ես որչափ թանձր յարգարիցեմ  
 զճակատն, թուի ինձ թէ ողջոյն իսկ  
 գունդն ի գործ վաստակիցի, եւ ինքն  
 զօրաւիզն օգնականութեան ինքեան  
 լինիցի: Օ՛տիգաւորսն յետ զրահաւո-  
 րացն կարգեցից, եւ յետ տիգաւորացն  
 զաղեղնաւորս: Վանզի ս՞ ոք իցէ որ  
 յառաջոյ կարգիցէ զնոսա, ուր եւ ին-

քեանք իսկ զլիտովին խոստանայցեն թէ ոչ կռուոյ իրիք մարթեն ի մօտոյ հանդարտել: Իսկ եթէ զզրահապատան առաջի ունիցին, ժուժկալ լինիցին. ու մանց զտէգան արձակելով եւ այլոց նետածիգ լինելով անդր քան զամենեւին որ յառաջոյ կայցեն, հարկանեն զթշնամիսն: Աւ եթէ լլկէ ինչ ոք զհակառակորդան, յայտ է եթէ նովին զնիզակակիցան թեթեւացուցանէ:

Աւ ի կատարած կարգեցից զնոսա որ յետ ամենեցուն կոչիցին. զի զոր օրինակ տուն առանց քարանց չիցէ ամուր, եւ ոչ առանց այնոցիկ որ զձեղունն գործիցեն, օգուտ ինչ են. նոյնպէս եւ ոչ ճակատ, ոչ առանց առաջնոցն եւ ոչ առանց վերջնոց, եթէ չիցեն քաջք, օգուտ ինչ է: Այլ դու, ասէ, որպէս հրաման տամ այնպէս կարգեցէք, եւ դուք որ ասպարաւորաց իշխանք էք, յետ նոցա նոյնպէս զվաշտան կացուցանիցէք, եւ աղեղնաւորացն իշխանք յետ ասպարաւորացն: Աւ դու որ իշխեսոգ այնոցիկ որ յետոյ քան զամենեւին իցեն, եւ զվերջինսն ունիս. պատուէր տուր քոյոցն զի իւրաքանչիւր ոք իւրոցն զգոյշ լինիցի. եւ որ զպատշաճան գործիցեն զնոսա յորդորել, եւ վհատելոցն սաստիկ ըսպառնալ: Ապա թէ ոք յետս դառնայէ եւ կամիցի մատն լինել, մահու

պատիժս կրիցէ : Օ՛ր յառաջակացացն  
այն գործ է քաջալերել զայնոսիկ որ  
զհետն գայցեն եւ բանիւք եւ ար-  
դեամբք : Իսկ ձեզ որ յետոյ իսկ քան  
զամենեսին ճակատեալ իցէք , աւելա-  
գոյն քան զ[Թշնամիսն պարտ է վա-  
տացն երկեղուկս արկանել :

Վառք զայդ ինչ արարէք : Բայց  
դու , Եբրադատա , որ իշխեսող վերակա-  
ցուաց մենքենայիցն , այսպէս առնիջիր  
զի լուծքն որ զսպասաւորսն եւ զմար-  
դկոցսն տանիցին զհետ երթայցեն մօտ  
առ ճակատուն : Եւ դու Վառքէ որ  
կապարճակրացն , որ ի վերայ աշտարա-  
կացն եւ ի վերայ մենքենայիցն են , իշ-  
խես , տար զամենայն զայնպիսի զօր .  
եւ սպասաւորք քո սաստկագոյնս տան-  
ջիցեն զնոսա որ յառաջ քան զժամա-  
նակն գնայցեն , կամ յետնեալ գտա-  
նիցին : Եւ դու կարդուքէ , որ սայլիցն  
իշխես որ զկանայսն տանին , կացո զնո-  
սա ի կատարածին յետ կրելեաց կազ-  
մածոցն : Օ՛ր յորժամ այս ամենայն  
զհետ խաղացեալ գայցէ , բազմամբոխ  
բազմութեան կարծիս տայցէ , եւ դու-  
ցէ մեզ համարձակութիւն դարանակալ  
նստել , եւ զ[Թշնամիսն , եթէ կամի-  
ցին բակ առնուլ , բռնադատիցէ մեծ  
եւս իմն շրջանս կատարել : Եւ որչափ  
մեծ վայրս շուրջ պատիցեն , գոյնչափ  
հարկ է թէ տկարագոյնք լինիցին :

Ալ դուք այսպէս առնիջիք: Իսկ դու, Արտաւազ եւ Արտագերսա, երկոքեան զհազարաւորս հետեւակացն որ ընդ ձեզ են յետ նոցա ունիցիք: Ալ դու ս' փառնուքէ, եւ Ասիադատա, ըզհեծելոց հազարաւորսն որոց երկոքեան իշխէք, մի ի մէջ ճակատուն կարգիցէք, այլ յետուստ կողմանէ սայլիցն սպառազէն վառեցարուք, եւ ապա եկայք առ մեզ ընդ այլոց եւս զօրավարացն: Այսպէս պարտ է կազմ եւ պատրաստ լինել ձեզ, որպէս թէ զառաջին ձեզ իսկ հասանիցէ մարտնչել: Ալ՝ որ իշխեսոք արանցն, որ յուղտոց վերայ հեծեալ իցեն, յետոյ սայլիցն կարգեալ կայցես, եւ արա զոր ինչ հրամայիցէ քեզ Արտագերսաս: Վուք որ կառացն առաջնորդք իցէք, արկէք վիճակ, եւ ում ի ձէնջ վիճակ ելանիցէ, նա հարելր կառօքն հանդերձ կացցէ յառաջ քան զճակատն. իսկ այլ եւս հարիւրաւորք կառացն, մին յաջակողմն բանակին անցեալ կայցէ եւ զհետ խաղացեալ երթայցէ ճակատուն յետ թեւին, եւ մեւսն ի ձախակողմն կուսէ:

Այսպէս կարգէր կազմէր Աիւրոս. Աբրադատէս Շաւշացոց արքայ ասէ. Ես, ասէ, Աիւրոս, կամաւ առնում յանձնզգուսնն որ հանդէպ ընդդիմակաց ճակատուն իցէ, ունել, եթէ ոչ

այլ ինչ քեզ հաճոյ թուիցի: Աիւրոս  
 զարմացեալ ընդ նա եւ բուռն հարեալ  
 զաջոյ նորա եւ ցՊարսիկսն որ ի վերայ  
 այլոց կառայն էին հարցանէր . Աիթէ  
 եւ դուք, ասէ, տայցէք թոյլ. եւ ի-  
 բրեւ ետուն նորա պատասխանի թէ չէ  
 բարւոք զայն թողուլ, արկանէր վի-  
 ճակս ի մէջ նոցա, եւ առնոյր վիճակ  
 Աբրադատէս որպէս յանձին կալեալ  
 էր. եւ եղեւ ընդդէմ Ագիպտացւոցն:  
 Ապա մեկնեալ եւ հողացեալ զորոց  
 ասացին, ընթրիս առնէին եւ պահա-  
 պանս կացուցեալ ննջէին:

Գ Լ Ո Ւ Խ Գ

Ի վաղիւ անդր ընդ այգն զոհս մա-  
 տուցանէր Աիւրոս. եւ այլ ամենայն  
 զօրն, իբրեւ ճաշեցին եւ նուիրեցին  
 նուէրս, անդէն վառէին զարդարէին բա-  
 զում գեղեցիկ պարեգօտիւք զՐահա-  
 պատ պատենազէնք, սաղաւարտաւորք:  
 Ա առէին եւ զերիւարսն ի ճակատան  
 եւ ի բարձսն եւ զկարթս միաձիոցն եւ  
 զկառամուտան կողմանոցօք. որպէս զի  
 ի պղնձապատ վառելոցն փայլատակունք  
 շողային, եւ գոյնապոյն փիւնիկեցի նա-  
 րօտուք երփն երփն հարկանէր բանակն:  
 Աւ Աբրադատայ էին կառք չորից սա-  
 մեաց եւ ութ երիւարաց մեծապայծառ  
 զարդարեալ: Աւ քանզի կամեր ըզ-

կտաւի զրահան որպէս գաւառական իմն էր նմա, ընդ անձն արկանել, մատուցեալ տայր նմա Պանթիա ոսկի սաղաւարտ փողփողեալ եւ բազկաց արկանելիս, եւ ապարանջանս լայնեալս վասն ձեռացն եւ պարեգօտ ծիրանի պճղնաւոր ի ներքոյ եւ վերջաւորս ներկեալ կապուտակ երկնագոյն նարօտուք. զայս ամենայն գործեաց գաղտ յառնէ անտի իւրմէ չափեալ զզէնսն նորա:

Նորա տեսեալ զարմանայր եւ հարցանէր Պանթիա. Ով կին դու, զքո զարդդ հատեալ զէնս ինձ գործեցեր: Ասէ Պանթիա. սակայն ոչ նոքիմք որք մեծագինքն էին, զի դու ինձ, եթէ եւ այլոց երեւեսցիս որպիսի ոք ինձ թուիս թէ իցես, մեծ իմն զարդ լինիցիս: Իբրեւ զայս տսէր, զզէնսն ազուցանէր. թէպէտ եւ ծածկել եւս ջանայր, արտասուք ընդ այտսն վիժէին: Իսկ Նբրադատաս քանզի եւ յառաջն արժանի տեսանելոյ էր, յորժամ նովին զինուք վառեցաւ, եւս գեղեցիկ եւ լուսաւոր երեւէր, զի յախտարակաց գեղեցիկ էր. առեալ ի կառավարէ անտի զկառսն պատրաստ լինէր ի կառսն ելանել:

Յայնմ վայրի Պանթիա հրաման տուեալ մեկնել ամենեցուն մօտակացացն, խօսէր. Ով Նբրադատա, եթէ այլ ոք երբեք ուրեք կին զիւր այրն ա-

առաւել, քան զիւր անձն մեծարեաց,  
 թուի ինձ ի միտ առնուլ քեզ, եթէ  
 եւ ես մի ոմն ի նոցանէ եմ: Աւ զի՞ իսկ  
 պիտոյ իցէ մի ըստ միողէ ասել. զի ար-  
 դիւնք իսկ իրացն թուի ինձ թէ ա-  
 ռաւել հաւանեցուցանիցեն քան զբան-  
 սրս որ այժմ ճառեալ պատմեցան:  
 Բայց սակայն ես ինքնին որ այսպիսի  
 միտս ընդ քեզ ունիմ, որպէս դու իսկ  
 գիտես, երդմնի լինիմ յիմ եւ ի քո  
 գութն թէ կամիմ ընդ քեզ, յորժամ  
 այր քաջ լինիցիս, առ հասարակ ի հող  
 մտանել, քան ընդ քեզ ամօթալից  
 կեանս կեալ: Այսպէս ես զքեզ եւ  
 զիս արժանի համարեցայ առաւել գե-  
 շեցկացն: Աւ Աիւրոսի մեծ ինչ շնորհս  
 պարտիմք, զի որ գերիս էի, իւր ըն-  
 տրեաց զիս, եւ ոչ աղախին կամեցաւ  
 ստանալ զիս, եւ ոչ ազատակին անար-  
 գութեան անուամբ. այլ պահեաց քեզ  
 իբրեւ զկին եղբօր: Աւ յայնր վերայ  
 ի ժամանակի զի Արասպաս յետս ե-  
 կաց ի նմանէ, որ պահեացն իսկ զիս,  
 խոստացայ նմա, եթէ թոյլ տայցէ նա  
 ինձ առաքել առ քեզ, դաս դու, եւ  
 քան զԱրասպաս յոյժ իսկ հաւատարիմ  
 եւ ազնուագոյն լինիս:

Սա զայս ինչ խօսեցաւ. իսկ Աբրա-  
 դատայ զարմացեալ ընդ բանսն ձեռն  
 զգլխովն արկանէր եւ հայեցեալ ընդ  
 երկինս յաղօթս եկաց այսպէս. Արա-

մազդ մեծ, տուր ինձ Պանթիայ արժա-  
նի այր երեւել, եւ Կիւրոսի արժա-  
նաւոր բարեկամ, որ պատուեացն իսկ  
զմեզ: Իբրեւ զայն խօսէր ընդ դրունս  
աթոռոյ կառացն: Իբրեւ յետ ելանե-  
լոյ նորա փակեաց զդուռնն կառա-  
վարն, քանզի չկարէր Պանթիա այլ-  
ազգ ինչ այնուհետեւ համբուրել զնա,  
զդուռնն համբուրեաց: Աւ յառաջեալ  
երթային կառքն, իսկ նա գաղտագողի  
երթեալ հասանէր առ նա, մինչեւ  
դարձեալ ի թիկունս կոյս եւ տեսեալ  
զնա Աբրադատայ ասէր. Վաջայերեաց  
Պանթիա, ողջոյն ընդ քեզ, երթ: Ա-  
պա առեալ զնա ներքինեացն եւ նա-  
ժըշտացն տանէին զնա ի դեսպակն, եւ  
նստուցեալ զնա ի գահոյսն ծածկեցին  
վրանաւն: Իսկ մարդիկն թէպէտ եւ  
գեղեցիկ էր տեսիլն Աբրադատայ եւ  
կառացն, չկարացին տեսանել զնա մինչ  
չեւ մեկնեալ Պանթիայ:

Յորժամ զնուէրսն կատարեաց Կիւ-  
րոս, եւ բանակն կարգեցաւ ճակատե-  
ցաւ, որպէս պատուէր տուեալ էր, եւ  
ունէր դիտանոցս մի ըստ միողէ, զզօ-  
րավարսն ի մի վայր գումարէր եւ խօ-  
սէր այսպէս: Արք բարեկամք եւ նիզա-  
կակիցք, զզոհսն մեզ դիքն ցուցանեն,  
որպէս յայնժամ զառաջին յաղթու-  
թիւնն շնորհեցին: Բայց ես կամիմ  
յուշ առնել ձեզ զայն՝ զոր եթէ ունի-



ցիք դուք ի մտի կարի յօժարագոյնք ի պատերազմ երթայցէք : Վանդի թեքեալ եւ կրթեալ էք դուք ի պատերազմ առաւել քան զհակառակորդսն, եւ առ միմեանս սնայք եւ զարգացայք ի նմին բազում ժամանակս առաւել քան զթշնամիսն, մանաւանդ զի եւ յաղթեալ եւս էք : Իսկ ի թըշնամեաց անտի բազումք ընդ նոսա ի պարտութիւն մատնեցան . իսկ ի թըշնամեաց անտի որք յերկոցունց իսկ կողմանց ոչ կռուեցան , ոմանք գիտեն եթէ զմատնտուսն առ իւրեանս ունին : Բայց դուք որ ընդ մեզ էք, գիտէք եթէ ընդ նոսա մտանէք ի պատերազմ որ օգնական կամիցին նիզակակցացն լինել : Եւ ի դէպ է թէ որ վստահ ի միմեանս իցեն միաբան մտօք կացցեն ի մարտ պատերազմի, իսկ որ չիցեննս վստահ, հարկ է խորհել թէ զհարդ իւրաքանչիւր ոք վաղվազակի ի բաց սրանայցէ :

Երթիցուք ի վերայ թշնամեացն, որ կառս վառեալս ունիմք առ անդէն կառս թշնամեացն, որպէս են մեր հեծեալք եւ երիւարք վառեալք առ անդէնսն զի մօտ կռուիցիմք, եւ ընդ այլոց հետեւակաց իբրեւ ընդ առաջնոցն մարտ եղեալ կռուիցիմք : Եղիպտացիք զնոյն օրինակ վառեալ են, զնոյն ձեւ ճակատեալ զի յաղթ վահանս ու-

նին որպէս զի չկարեն ինչ գործ վճարել եւ ոչ տեսանել ինչ. զի հարեւր առ հարեւր ճակատեալ կան, յայտ է թէ միմեանց խափան պատերազմելոյ լինիցին բնաւ բաց ի սակաւուց անտի: Աթէ մղելով համարիցին մերժել, նախ պարտ է նոցա զերիւարաց զդէմ ունել եւ զերկաթոյն որ յերիւարաց անտի սաստկագոյն լինիցի. եւ եթէ ժուժայցէ ոք, զնա՞րդ կարիցէ ընդ երիւարացն եւ ընդ ճակատուն եւ ընդ աշտարակացն ոգորել. զի ո՞րք ի վերայ աշտարակացն իցեն, մեզ օգնական լինիցին, եւ զթշնամիսն հարեալ յանհնօր հնարրս փոխանակ ընդ կռուելոյն հասուցանիցեն: Աւ եթէ տակաւին կարօտ ինչ իւրք համարիցիք լինել, ասացէք յիս, զի աստուածովքն ոչ յիմեքէ չքաւորիցիմք. եւ եթէ խօսել ինչ ոք կամիցի, խօսեսցի. ապա թէ ոչ երթեալ առ դրունսն եւ յաղօթս կացեալ դիցն, որոց զոհս իսկ մատուցաք, երթայք ի գունդսն. իւրաքանչիւր ոք յիշեսցէ զայնոսիկ որ ընդ իւրն իցեն, որպէս ես զձեզ, եւ ցուցանիցէ ոք զանձն իշխանաւորացն արժանս իշխանութեան, եւ առանց երկեզի կերպարանս ցուցանիցէ եւ դէմն երեսաց եւ բանս:



Ե Ի Թ Ն Ե Բ Ո Ր Դ

Դ Պ Ր Ո Ի Թ Ի Ի Ն



# ՎՍՆՆՈՓՈՐՆՏԵԱՅ

## ԿԻՒՐՈՍԻ ԽՐԵՏՈՒ

ՊԸՏԾՈՒԹԵԱՆՑ

Է ԳՊՐՈՒԹԻՒՆ

Գ Լ Ո Ւ Խ Ա

ՆՈՔԱ աղօթս դիցն մատուցեալ դարձան առ գունդսն: Իսկ Վիւրոսի եւ որոց զնովան էին մատուցանէին սպասաւորքն կերակուր եւ ըմպելի, մինչդեռ զնուիրօքն իսկ էին: Եւ Վիւրոս որպէս կացեալ կայր, այնպէս սկսեալ ճաշէր, եւ տայր միշտ այնմ ում առաւ եւ պիտոյ էր. նուիրեալ եւ կացեալ յաղօթս ըմպէր. եւ այլքն որ շուրջ զնովաւ էին նոյնպէս առնէին: Յետ այնորիկ խնդրէր ի գաւառական Արամազդայ զօրավար լինել եւ զօրաւիզն օգնականութեան, եւ հեծանէր ի նուսերիւարին. եւ հրաման տայր որոց շուրջն կային: Ամենեքին սպառազէն վառեալ կային. որ զՎիւրոսիւն էին Վիւրոսի իսկ զինուքն փիւնիկեցի պարեգօտիւքն երկաթակուռ պղնձապատ զրահիւքն եւ սազաւարտիւք, վերջիւք սպիտակովք

եւ սուսերովք եւ թրովք . եւ երիւարացն ճակատք եւ բարձք եւ կողք պըղնձապատք . եւ արանցն նոյնպիսի ինչ զարդք պղնձիք էին : Այնչափ եւեթ զատ էին զէնքն Աիւրոսի զի այլոցն զէնք օծեալ էին ոսկևովք երանգօք . իսկ զէնքն Աիւրոսի իբրեւ հայելի ի բաց փայլէին :

Իբրեւ հեծաւն , եւ կայր նայէր թէ յո երթալոց իցէ , որոտումն բարբառեցաւ յաջակողմն կուսէ . եւ նա ասէ . Զհետ քո եկեսցուք , Արամազդ մեծ . եւ խաղացեալ երթայր , առեալ ընդ աջմէ զՔրիւսանտաս եւ զայրուծին , եւ ի ձախմէ զԱրասամբան եւ զհետեւակսն , եւ հրաման տայր հայել ի նշան անդր զի կշիռ հասարակ զհետ խաղայցեն . եւ էր դրաւչն արծուենչան ոսկիապատ տարածեալ երկայն գեղարդան , եւ այժմ եւս կայ պահի նոյննչաւակ Աարսից արքային : Աւ մինչ չեւ տեսեալ զթշնամիսն երիցս անգամ զգօրսն հանգոյց :

Մինչ դեռ յառաջեալ երթային իբրեւ քսան վտաւանս , եւ սկսան զթշնամեաց բանակն ի հանդիպոյ անտի նշմարել : Իբրեւ ամենեքին երեւէին միմեանց , եւ զմտաւ ածէին թշնամիքն յերկոցունց կողմանց անցանել անդր քան զճակատն , կացուցանէին զիւրեանց ճակատն , քանզի չգոյր այլ իմն ազգ շուրջ պատեալ պաշարել . զի իբրեւ զգամայ

յաջմէ եւ յահեկէ զգունդն գործէին  
եւ ամենայն ուստեք մարտ եղեալ կը-  
ռուէին :

Օ այն տեսեալ Վիւրոսի, չեկաց յետս  
այլ նոյնպէս խաղացեալ երթայր, ի  
միտ առ թէ ի հեռաստանէ պատեալ  
յաջմէ եւ յահեկէ, երկայնեն տարա-  
ծանեն զթեւն: Առնուս ի միտ, ասէ,  
ով Քրիստանտա թէ աստոտին իսկ կա-  
մին պատել: Առնում, ասէ, ի միտ,  
եւ զարմանք ունին զիս, զի թուի թէ  
ի բաց քակեն զթեւն առանց յիւր-  
եանց ճակատուէ: Ասէ Վիւրոս եւ ի մեր-  
մէ իսկ ճակատուէ ի բաց տանին: Օ ինչ  
այն յայտ առնիցէ. յայտ է, ասէ, եթէ  
հուպ լինիցին թեւքն մեզ, մինչ դեռ  
ճակատն հեռի իցէ, յարձակիցիմք ի  
նոսա: Ասէ Քրիստանտաս. իսկ զիարդ  
կարիցեն օգնական լինել այր եղբօր,  
եթէ այնպէս հեռացեալք ի միմեանց  
իցեն: Ասէ Վիւրոս. Յայտ է եթէ յոր-  
ժամ թեւքն ելեալ կայցեն ի հանդէպ  
կողմն մերոյ բանակին կողմանն, դառ-  
նայցեն ի ճակատ անդր եւ ամենայն ուս-  
տեք ի մեզ դիմիցեն, զի յամեայն  
կողմանց պատերազմիցիս ընդ մեզ:

Ասէ Քրիստանտաս. Սի թէ քեզ  
բարւոք թուիցի խորհուրդս: Առ այն  
ասէ, զոր տեսանեն քաջ խորհին. եւ  
առ որս ոչն տեսանեն տակաւին, չարա-  
չար. քան եթէ թեւ առ թեւ հաս-

եալ էր նոցա առ մեզ : Բայց դու, ասէ, Լըշամ, հանդարտագոյնս ած զհետեւականն որպէս զհաստեսանեսս . եւ դու Քրիսանտա առեալ զայրուծին զնոյն կշիռ հասարակ երթ զհետ . եւ ես անդր զնամ ուստի դիպող թուիցի սկիզբն առնել մարտին, եւ յորժամ անցանիցեմն տեսանիցեմ զամենայն թէ զհարդիցէ : Եւ յորժամ անդր զնայցեմք եւ մօտ առ միմեանս հասանիցեմք եւ ըսկսայց երգս, եւ դուք զկնի կցեցէք : Եւ ձեռնամուխ ի թշնամիսն լինիցիմք, զգայցէք . զի ոչ եթէ սակաւ ինչ աղմուկ լինիցի . դիմե սցէ անդէն եւ Լըրադատէս ի թշնամիս կառօքն հանդերձ . զի այդպէս իսկ ասացի նմա . եւ ձեզ պարտ է առեալ զկառսն զհետ գալ, զի այնպէս խռովիցեմք զթշնամիսն եւ ի վերայ անկանիցիմք . հասից եւ ես վաղվաղակի զհետ մտեալ արանցն եթէ աստուածք կամիցին :

Օայս ասէր եւ դրաւ շս կանգնեալ եթէ Լըրամագղ կեցուցիչ եւ զօրավար յուղի անկեալ երթայր, եւ ընդ մէջ կառացն եւ զրահաւորացն անցեալ, իբրեւ հայեցեալ տեսանէր զոմանս ի զնդէ անտի, մերթ ասէր . Ով արք, զնարդ քաղցր եւ հեշտական իցէ տեսանել զերեսս ձեր . եւ մերթ ասէր . Զմտաւ ածէք արք, եթէ այժմ մարտ պատերազմի է ոչ միայն վասն յաղ-



Թութեան այսր աւուր, այլ եւ վասն առաջին յաղթութեանն զոր յաղթեցէք եւ վասն համօրէն իսկ աջողութեանս։ Աւ առ այլսն մատուցեալ ասէր. Ով արք այսուհետեւ դիցն չէ արժան մեղադիր լինել, քանզի ետուն մեզ ի ձեռս բազում բարութիւնս ստանալ. բայց դուք քաջ լերուք։

Իսկ առ այլսն այսպիսի ինչ. Ով արք, յոր գեղեցիկ ուրախութիւն երբեք մարթեմք կոչել զանձինս թէ ոչ ի սոյն. զի այժմիկ համարձակութիւն է, եթէ արք քաջք լինիցիք, բազում բարութիւնս իրերաց մատուցանել։ Վարձեալ եւ առ այլսն. Թուի ինձ եթէ գիտիցէք, ով արք, եթէ այժմիկ հատուցմունք առաջի կան որոց յաղթեն, զհետ մտանել, հարկանել, կոտորել, բարութիւնս առնել, բարութիւնս լսել, ազատս լինել, իշխել. իսկ վատացն յայտ է եթէ նոցին հակառակքն։ Աւ արդ որ ոք զիւր իսկ անձն սիրիցէ, ընդ իս մարտիցէ. զի ես չտամ կամաւ չարի իմիք լինել եւ ոչ ամօթոյ։ Յորժամ մատեաւ առ ոմանս ի նոցանէ որ յառաջագոյն իսկ ընդ նմա պատերազմեցան, ասէ. Առ ձեզ զինչ պարտ իցէ խօսել, զի դուք հմուտ էք թէ որպէս քաջքն եւ առաքինիք ի պատերազմունս զօրն անցուցանեն, եւ որպէս վատքն։

Աւ իբրեւ մեկնեալ չորաւ առ Աւ-

բրադատէս, եկաց : Աբրադատայ տըւեալ կառավարին զերասանական, եկն առ նա . ընթացան եւ այլք ի մօտ ճակատելոցն եւ ի հետեւակաց անտի եւ ի կառավարացն . եւ Վիւրոս ի մերձեանալն նոցա խօսէր այսպէս . Գոր օրինակ ըղձանայիր, ով Աբրադատա, արժանի արարին զքեզ դիքն եւ զորս ընդ քեզ են լինել յառաջակացս նիզակակցացն : Պու զայս ինչ զմտաւ ած, յորժամ պատերազմել հասանիցէ քեզ, եթէ Պարսիկքն տեսանեն զձեզ եւ զհետ եկեսցեն ձեր . եւ ոչ թողուցուն զձեզ միայն մարտնչել : Աբրադատէս ասէ . Թուի ինձ թէ ամենայն ինչ մեր բարւոք է . բայց զկողմանցն հոգամ, զի զթեւս թշնամեացն զօրագոյն տեսանեմ ձեզեալ երկայնեալ կառօք եւ ազգի աղգի զօրօք . իսկ ի մէջ ոչ ինչ այլ ինչ ճակատեալ կայցէ ընդդէմ նոցա, բայց միայն կառքն . որպէս զի ես, ասէ, եթէ ոչ պատահեալ էր իմ այսմ գնդի, ամաչէի աստէն կալ . այսպէս յամրի թուիմ լեալ :

Աւ Վիւրոս ասէ . Աթէ քոյքն բարւոք են, համարձակեաց ի վերայ նոցա . քանզի ես աստուածովքն ցուցից քեզ թափեալս ի թշնամեաց զկողմանսն, եւ վկայեմ թէ ոչ յարձակիցիս դու ի թշնամիսն մինչ չեւ ի փախուստդարձեալ տեսանիցես զնոսա յորոց երկըն-

չինն. այսպէս մեծամեծս կոտորէր յոր-  
 ժամ պատերազմն իսկ լինելոց էր. ա-  
 պա թէ ոչ չիօսէր մեծաբանս. բայց  
 յորժամ տեսանիցես զնոսա ի վախստի  
 եւ զիս համարեաց եկեալ հասեալ, եւ  
 խաղա ի վերայ արանցն. զի յայնժամ  
 զախոյանսն տեսանիցես ի վատութիւն  
 հատեալ եւ զորս ընդ քեզ իցեն առա-  
 քինիս: Այլ մինչ դեռ պարապ իցէ քո,  
 ով Աբրադատա, անցեալ զքո կառօքդ  
 յորդորեսջիր զորս ընդ քեզ իցեն յար-  
 ձակել. երեսօք քաջալերեսջիր եւ  
 յուսովք թեթեւացո: Այլ զի քաջք  
 քան զամենեօին որ ի վերայ կառացն  
 իցեն, երեւիցիք, արկ ի մէջ նոցա հա-  
 կառակութիւն: Վիտասջիր զի եթէ  
 այդ ի գլուխ ելանիցէ ամենեքին այնու-  
 հետեւ ասիցեն թէ քան զքաջութիւն  
 շահաւորագոյն ինչ չէք:

Աբրադատաս ելեալ շրջէր եւ վճա-  
 րէր զամենայն: Վարձեալ մեկնեցաւ  
 Աիւրոս եկն ի ձախակողմն, ուր Վշտաս-  
 պասն էր հանդերձ կիսով Պարսից հե-  
 ծելոցն, կարդայր զնա եւ ասէր. Վըշ-  
 տասպա, տեսանէս այժմիկ զգործ քոյ  
 երագութեանն. քանզի այժմ եթէ ա-  
 ճապարիցեմք կանխեալ յառաջ քան  
 զթշնամիսն կոտորել, ոչ ոք ի մէնջ  
 անկանիցի: Վշտասպաս ծիծաղեալ  
 ասէ. Զայնցանէ որ հանդէպ մեր կայ-  
 ցեն, մեզ փոյթ լիցի, իսկ զայնցանէ որ

ի կողմանէ իցեն այլոց, հրաման տուր զի մի եւ նոքա պարապորդք լինիցին: Աւ Կիւրոս ասէ, Աս երթամ իսկ: Ով Վըշտասպա զայս ած զմտաւ, եթէ ում ի մէնջ տայցեն դիքն զյաղթութիւնն, եթէ մնայցէ ուրեք թշնամի, միշտ ի դիմի հարկանիցիմ այնր որ պատերազմիցի:

Օ այս խօսէր եւ ելեալ երթայր, եւ իբրեւ երթեալ հասանէր ի կողմն անդր եւ առ իշխան կառացն, ասէր ցնա. Աս դամ օգնական լինել ձեզ, այլ յորժամ զգայցէք զմէնջ եթէ յետուտ յարձակեցաք, յայնժամ եւ դուք փութացեալ ընդ մէջ թշնամեացն յարձակեալ երթայցէք. զի կարի իսկ յամուր զգուշութեան լինիցիք, յորժամ արտաքոյ իցէք քան ի ներքս ըմբռնեալք: Իբրեւ մօտ հասանէր յետուտ սայլիցն, հրաման տայր Արտազերսեայ եւ Փառնուքայ առնուլ զհազարաւորս հետեւակացն եւ զհեծելոցն եւ կալ անդէն: Յորժամ, ասէ, զգաստ լինիցիք զինէն թէ դիմեցի ի վերայ այնոցիկ որ յաջում թեւի իցեն, ապա եւ դուք ձեռնամուխ լերուք որոց ընդդէմ ձեր կան: Պատերազմեցարուք, ասէ, ընդ թեւին որ տկարակողմն իցէ զօրացն. եւ կալարուք դուք զճակատն զի զօրագոյնք լինիցիք. եւ որպէս նշմարէք իսկ, վերջինք քան զամենայն հակառակորդսն հեծեալքն են. արձակեցէք ի նոսա

զգուճնդս ուղտուցն . զիտասջիք զի մինչ  
չեւ իսկ պատերազմեալ, ծաղը եւ ծա-  
նակ զթշնամիսն տեսանիցէք :

Իբրեւ զայս ամենայն ի գլուխ հաներ  
Վիւրոս, չոգաւ եհաս յառաջակողմնն :  
Արիւսոս համարեցաւ եթէ մօտագոյն  
է թշնամեացն զուճն յորում ինքն  
վարեալ երթայր քան զթեւսն սփը-  
ռեալս, ամբարձնշանակ թեւոց, այնու-  
հետեւ յառաջ մի խաղալ այլ զտեղեաւն  
իսկ դառնալ . իբրեւ կարգեցին կացին  
ամենեքին եւ հայէին ի բանակ անդր  
Վիւրոսի, նշանակէր նոցա երթալ ի  
թշնամիսն, եւ այնպէս երեք զուճք  
դիմեցին ի վերայ զօրացն Վիւրոսի, մին  
հանդէպ երեսաց եւ մին յաջակողմն  
եւ միւսն ի ձախակողմն, մինչեւ բա-  
ղում ահ եւ երկեւղ հասանէր զօրացն  
Վիւրոսի : Օր օրինակ փոքր ինչ աղիւս  
ի մեծ աղիւս դնիցի, նոյնպէս եւ բա-  
նակն Վիւրոսի ամենայն ուստեք պատ-  
եալ պաշարէր ի թշնամեաց անտի շուր-  
ջանակի, հեծելովք եւ վառելովք եւ  
ասպարակրօք եւ աղեղնաւորօք եւ կա-  
ռօք, բայց միայն յետուստ կողմանէ :

Սակայն իբրեւ պատուէր ետ Վիւրոս  
դարձան ամենեքին հանդէպ թշնա-  
մեաց, եւ էր ամենայն ուրեք լռութիւն  
ի հոգալոյ անտի զլինելոցն : Իբրեւ  
ժամ թուեցաւ Վիւրոսի, սկիզբն առնէր  
երգոցն եւ միաբան բարբառով հնչէր

ամենայն զօրն : Յետ այնորիկ Անիաղ-  
եայ աղաղակ բարձեալ գոչէին . յարեալ  
Վիւրոս , եւ իսկ եւ իսկ վաղվաղակի ընդ  
հեծելոցն զթշնամիսն յայնմ կողմանէ  
ի բուռն առնոյր , եւ վաղվաղակի իսկ  
խումբ գործեալ ընդխառնէր ի պատե-  
րազմն : Աւհետեւակքն կարդեալք ճա-  
կատեալք ստէպ զհետ գային , եւ ան-  
կանէին զնոքօք յաջմէ եւ յահեկէ , զի  
զօրագոյնք քան զնոսա լինիցին . զի  
գնդաւն ի վերայ թեւին անկանէին .  
մինչեւ վաղվաղակի սաստիկ փախուստ  
թշնամեացն լինէր :

Իբրեւ զգաստ լինէր Արտագերսեայ  
թէ Վիւրոս գործէ , յարձակեցաւ եւ  
նա յահեակ կողմնն զուղտսն առաջի  
արկեալ , որպէս հրամայեաց Վիւրոս : Աւ  
երիւարքն չհարկանէին ի դիմի , այլ կի-  
սոցն զայրացեալ փախստեայ գնացին  
եւ կէսք ոստոստեալ իմն խայտային .  
եւ այլք ընդ միմեանս հարկանէին . քան-  
զի յուզտուցն այսպիսի ինչ կրեն երի-  
ւարքն : Բայց Արտագերսէս քանզի  
ճակատեալ ունէր զայնոսիկ որ ընդ իւրն  
էին , ճակատեալ ի վերայ խոռվելոցն  
անկանէր . եւ զկառսն որ ընդ աջմէ եւ  
ընդ ահեկէ էին միւսանգամ արձակէր .  
եւ բազում կառք ի կառացն փախու-  
ցեալ յայնցանէ որ ի թեւ անդր դիմէ-  
ին սատակէին . եւ շատք ի նոցանէ պը-  
ծեալ ի կառացն ըմբռնէին :

Եւ Վերադատէս ոչ եւս այնուհետեւ գանդաղէր սաստիկ զաղաղակ եղեալ եթէ. Վրք բարեկամք ելէք զհետիմ. եւ դիմեալ երթայր, եւ ոչ երիւարացն ինչ անխայէր, այլ հարկանէր խթանաւն. յարձակեցան ընդ նմա եւ այլ եւս կառավարք, եւ փախուցեալ երթային իսկ եւ իսկ ի նոցանէ կառքն, կիսոցն առեալ զայնոսիկ որ ի կառսն ելեալ էին եւ կիսոցն լքեալ: Բայց Վերադատէս ուղղորդ նոքօք յԱգիպտացւոց ճակատն դիմէր, հանդերձ նոքօք որ մօտ առ նմին իսկ կային ճակատեալ: Արդ բազում եւ այլ ուստեք յայտ է եթէ չէ զօրագոյն ճակատն եթէ ոչ յորժամ ի բարեկամաց նիզակակցաց գումարեալ իցէ, բայց եւ ի ժամանակի աստ յայսմիկ յայտ արարեալ ցուցաւ. քանզի որ ընկերքն էին նորա եւ բազմականակիցք, ընդ նմին յարձակէին. իսկ այլ եւս կառավարք, տեսին զԱգիպտացիսն բազմապատիկ կարգօք տեւեալ բաւեալ, խոտորեցուցին զկառսն ի փախստեայս անդր եւ պնդեալ երթային զկնինոցա:

Իսկ աբրադատեանքն քանզի ի տեղւոջն ուր դիմեալ էին չկարէին Ագիպտացիքն ի միմեանց զատանել, վասն կալոյնոցա աստի եւ անտի, զկանգնաւորսն սաստիկութեամբ երիւարացն հարեալ կործանէին եւ զանկեալսն կոտո-

րէին, զնոսա եւ զզէնս նոցա, զերիւարս եւ զանիւան: Աւ ուր հասանէին գերանդիքն գընաւ բռնութեամբ հատանէին եւ զզէնս եւ զմարմինս: Աւ յայնմ անհնարին խռովութեան ի բազում շեղջ շեղջ կուտելոյ ընդ միմեանս հարկանէին անիւքն, եւ Աբրադատէս անկանէր, եւ որ ընդ նմա իսկ մխտալ էին, անդէն առաքինացան եւ մեռան պատառ պատառ կոտորեալ: Պարսիկքն որ զհետ երթեալ էին նոցա, յոր Աբրադատէս եւ որք ընդ նմայն էին դիմեցին, անդր անկան եւ խռովեալ կոտորէին զնոսա:

Աւր վատթարեցանն Ագիպտացիքն եւ բազումք իսկ էին, երթային դէպ ուղիղ առ Պարսիկան. յայնմ վայրի անհնարին պատերազմ էր տիգաց եւ գեղարդեանց եւ նետից եւ սուսերաց: Իայց գլէին Ագիպտացիքն եւ բազմութեամբն եւ զինուքն, քանզի սաստիկ եւ երկայն գեղարդունք էին նոցա, զոր եւ ցայժմ իսկ ունին, եւ վահանք առաւել քան զզրահանս եւ ծածկեն զմարմինս, եւ առ մղել օգնական լինին եւ զուսոց կան կախեալ:

Արդ զվահանսն առ միմեանս աղխեալ երթային եւ մղէին: Իսկ Պարսիկքն չկարէին հարկանել ի դիմի, որպէս ի ծայրս ձեռացն ասպարս ունիցին, այլ ոտն ոտն մեկնէին հարկանէին եւ հա-



րծալք լինէին, մինչեւ հասին ի մենքնայսն: Բայց իբրեւ եկին անդր միւսանգամ յաշտարակացն հարեալ լինէին Ազիպտացիքն. եւ որք յետ ամենեցուն էին չտային փախչել ոչ աղեղնաւորացն եւ ոչ տիգաւորաց, այլ զսուսերսն պողովատիկս կարկառեալ ստիպէին նետաձիգ լինել: Անդ էր բազում կոտորած մարդկան, շաչիւն զինուց շառաչիւն նետից սանաձայն վահանաւոր վառելոցն. եւ գոչիւն անհնարին կիսոց որ զմիմեանս կարդայցեն եւ կիսոց որ քաջալերս տայցեն, եւ այլոց որ զդիսն կոչիցեն:

Յայնմ վայրի Աիւրոս զհետ մրտեալ այնոցիկ որ հանդէպ իւր կային, եկեալ հասանէր, իբրեւ ետես թէ Պարսիկք ի տեղւոջէն խաղացին, ի խոր խոցէր. ի միտ առնոյր թէ չմարթի ուստեք վաղվաղակի զթնամիսն խափանել յերթալոյ անտի յառաջ, եթէ ոչ յետուստ կողմանէ պատիցին զնոքօք. պատուէր տուեալ որոց ընդ իւրն էին զհետ գալ: Իսկ Ազիպտացիքն իբրեւ զգացին, զազաղակ եղեալ գոչէին եթէ յետուստ թշնամիք կան եւ դառնային ի կողմանսն. յայնմ վայրի խառն պատերազմէին հեծեալք եւ հետեւակք: Անկաւ ոմն ընդ երիւարաւն Աիւրոսի, եւ իբրեւ կոխան լինէր, զէն վերացոյց հար զպորտ երիւարինորա. եւ երիւարն խոցեալ ի

դեղեւելն իւրում ընկենոյր զՎիւրոս :  
 Անդ առնոյր ոք ի միտ , քանի լաւ ի-  
 ցէ սիրելի լինել իշխանին իշխանաւո-  
 րացն . քանզի ամենեքին վաղվաղակի  
 աղաղակեցեն հասին կռուեցան , մղեալ  
 եւ մղէին , խոցեալ եւ խոցէին . եւ վա-  
 զեալ ուրուք յերիւարէն իսպասաւո-  
 րացն Վիւրոսի , հան զնա յիւր երիւարն :

Իբրեւ հեծաւ Վիւրոս , տեսանէր ա-  
 մենայն ուստեք հարեալ զԱգիպտացիսն  
 զի եւ Վշտասպաս հասեալ էր հանդերձ  
 հեծելովքն Պարսից , եւ Քրիւսանտաս :  
 Այլ չետ նոցա այնուհետեւ մխել ի  
 ճակատ Ագիպտացւոցն , այլ հրամայ-  
 եաց արտաքուստ արտաքս նետս ընկե-  
 նուլ : Իբրեւ շրջեցաւ ի մենքենայսն կա-  
 մեցաւ յաշտարակ ինչ ելանել դիտել  
 եթէ գուցէ ուրեք այլ ինչ գունդ թշնա-  
 մեաց եւ պատերազմիցի . եւ իբրեւ ել ,  
 ետես լցեալ զդաշտն երիւարօք եւ մարդ-  
 կաւ եւ կառօք , փախստէիւք եւ պրն-  
 դելովք զհետ նոցա . յաղթողօքն եւ  
 յաղթելովք . զի թշնամիքն փախըս-  
 տեայ դիմէին , եւ իւրքն յաղթէին : Իսկ  
 ի պարտելոցն ոչ ուրեք զոք այնուհետեւ  
 կարէր տեսանել բաց Ագիպտացւոցն .  
 նոքա իբրեւ յանհնարս մտանէին շուրջ  
 բակ առեալ մինչեւ ամենեւին զինուց  
 իսկ երեւել , ընդ վահանօքն նստէին ,  
 եւ գործէին ինչ ոչ այնուհետեւ , եւ  
 բազում վիշտս եւ աղէտս կրէին :

Օգարմացեալ Վիւրոսի ընդ նոսա, եւ ողորմեալ զի այնպիսի արք քաջ կորընչին, ի բաց մերժեաց զամենեսեան որ շուրջանակի մարտընչէին, եւ չեա թոյլ այնուհետեւ ումք մարտընչել. եւ քարոզ եւս առաքէ առ նոսա հարցանել. թէ արդեւք համօրէն կորընչել կամիցին վասն այնոցիկ որ նոցա մատն եղեն, եթէ փրկել քաջութեամբ. նոքա ետուն պատասխանի. իսկ զիարդ ապրիցիմք մեք քաջ անուամբ: Ատէ Վիւրոս միւսանգամ. զի մեք զձեզ եւ եթ տեսանեմք զի կայք կամիք մարտ եղեալ կուսել ընդ մեզ: Ասեն անտուստ Նգիպտացիքն. Չի՞նչ ինչ լաւութիւն գործեալ եւ ապրիցիմք. եւ Վիւրոս ասէ ցնոսա. Նթէ ոչ ուրուք ի նիզակակցաց ձերոց մատն եւ տուր լեալ ապրիցիք եւ զզէն եւ զզարդ զայն մեզ տայցէք, եւ բարեկամք լինիցիք որք կամին զի դուք ողջ իցէք, ուր մարթիցի սատակել իսկ զձեզ:

Օայս լուեալ հարցանէին. Նթէ բարեկամք լինիցիմք ձեր, եւ իւրք վարելոյ զմեզ արժանի առնիցէք: Ատ պատասխանի Վիւրոս. Բարիս գործելոյ եւ երախտիս գտանելոյ: Հարցանէին միւսանգամ Նգիպտացիքն. Չի՞ր երախտիս: Առ այն ասէ Վիւրոս. Վարձըս տաց ձեզ աւելի քան որչափ այժմ առնուք, ցորքան ժամանակս պատե-

րազմն իցէ: Իսկ խաղաղութեան լինելոյ, այնմ որ կամիցի ի ձէնջ առ իս մնալ, տաց վայրս եւ քաղաքս եւ կանայս եւ գերդաստանս: Եւ ետալ զայն Եգիպտացւոցն, աղաչեցին թողութիւն առնել նոցա երթալոյ ի մարտ պատերազմի ի վերայ Արիւոսի. եւ այնմ եւ եթ ասէին ներել, բայց զայլն ամենայն յանձին կալան, ետուն հաւատ եւ առին: Եւ Եգիպտացիքն որ յայնժամ մնացին, ցայժմ եւս կան հաւատարիմ թագաւորին: Աիւրոս ետ նոցա քաղաքս զվերնակողմանցն, եւ ցայժմ քաղաքքն անուանեալ կոչին Եգիպտացւոց, զՂարիսան եւ զԱիւղենէ առ Աիւմեայ ծովեզերեայ, զոր եւ այժմ նոքա ունին: Օայս ամենայն իբրեւ վճարեաց Աիւրոս ընդ խաւար երթեալ ի Թիւրիքարիս բանակ հարկանէր:

Յայնմ մարտի Եգիպտացիք միայն ի թշնամեաց անտի մեծարոյ եղեն. եւ յայնցանէ որ ընդ Աաւոսի էին Պարսից այրուծին զօրագոյն երեւէր. որպէս զի եւ այժմ կայ պահի սպառազինութիւնըն զոր ի ժամանակին յայնմիկ կազմեաց Աիւրոս հեծելոցն. հաճոյ թուեցան յոյժ եւ կառքն գերանդազէնք, մինչ զի եւ այժմ դոն նոյնք այժմու թագաւորիս: Բայց ուղտքն ահարկին միայն երիւարացն. այլ հեծեալքն ի վերայ նոցա ոչ զոք կոտորեցին, եւ

ոչ ինքեանք ի հեծելոց անտի սատակեցան. զի ոչ մօտէր ի նոսա երիւար. եւ պիտանացու իսկ թուեցաւ լինել: Բայց զի ոչ ոք քաջ եւ առաքինի կամի ուղտ սնուցանել, զի նովաւ երթայցէ, եւ ոչ կրթել եթէ պատերազմիցի ի նոցանէ. այնպէս առեալ միւսանգամ զիւրեանց կերպարանսն կան ի մէջ բեռնակրացն: Աւ որ զՎիւրոսիւն էին յետ ընթրեացն պահապանս կացուցեալ որպէս արժան էր, ի քուն լինէին:

## Գ Լ Ո Ւ Խ Բ

ԱՐԻՍՏՈՍ վազվազակի զօրօքն փախըստեայ ի Սարգիացոց քաղաքն դիմէր. եւ այլ եւս ազգք ուր եւ հասանէին մեկնէին գիշերայն մօտագոյն ընդ ճանապարհ աշխարհին իւրեանց: Իբրեւ տիւ լինէր, անդէն խաղայր գնայր Վիւրոս ի վերայ Սարգիացոցն. իբրեւ եհաս ի պարիսպ անդր որ ի Սարգիացոց աշխարհին, զմենքենայսն կանգնէր որպէս թէ զորմսն բախիցէ, եւ սանդուղս կազմէր: Մինչ դեռ զայն գործէր, ընդ զօրագոյն կողմն Սարգիացոց ամբին հանէր զՔաղղեացիսն եւ զՊարսիկս յորժամ գիշեր ի վերայ հասեալ կայր: Աւ առաջնորդէր նոցայր պարսիկ ծառայ լեալ ուրուք ի պահապանաց ի բարձրաւանդակի քաղա-

քին, եւ ուսեալ իջանել ի գետն եւ ելանել: Աւ իբրեւ յայանի լինէր, եթէ առաւ ամուրն, ամենայն Վիւղացիքն փախստեայ գնային ի պարսպէ անտի, ուր եւ հասանէր իւրաքանչիւր: Վիւրոս եմուտ յաւուր յայնմիկ ի քաղաքն, եւ պատուէր ետ մի ումէք խաղալ ի գնդէ անտի:

Քայց Վրիւսոս արգելեալ փակեալ յարքունիսն առ Վիւրոս գոչէր. իսկ Վիւրոս թողեալ պահապանս Վրիւսոսի, ինքն երթայր յամուր անդր, եւ իբրեւ ետես զՎարսիկսն զի պահէին զամուրն որպէս արժան իսկ էր, եւ զՔաղղեացոց զէնսն թափուրս, քանզի ի տանց յափշտակութիւնս դիմեցին, իսկ եւ իսկ կոչէր ի մի վայր զիշխանս նոցա ի բաց լինել վաղվաղակի ի զօրաց անտի: Օ՛ի չկարեմ, ասէ, հանդարտել զի որք առանց կարգաց եղէն, առաւել ընչաւէտք լինիցին: Վիտառջէք, ասէ, զի պատրաստեալ էի ես զձեզ որ ընդ իս ի պատերազմ եկայք, երանելիս քան զամենայն Քաղղեացիսն առնել: Քայց այժմ, ասէ, մի ինչ զարմանայցէք եթէ որք զօրագոյն քան զձեզ պատահիցէ ձեզ ի մեկնելն ձեր աստի:

Առեալ զայն Քաղղեացոցն աղաչէին եւ պաղատէին դադարել ի բարկութենէ անտի, եւ յանձն առնոյին զկարասին ամենեւին ի բաց տալ: Աւ

նա ասէր. թէ չեն ինչ այնր պէտք, այլ եթէ կամիք, ասէ, զի զիջանիցիմ ի սրբ-տմուլթենէ աստի, տուք ի բաց զամենայն զոր առէք, այնոցիկ որ զբերդդ պահեն: Օյ եթէ զգայցեն այլ եւս զօրքն եթէ առաւել առնուն որկան ի յարդարեալ կարգին, ամենայն ինչ ի դէպ ելանիցէ: Այնպէս առնէին Քաղղեացիքն որպէս հրաման ետ Վիւրոս. եւ առնոյին հնազանդեալքն բազում ինչս: Իսկ Վիւրոս բանակ հարեալ իւրոց զօրացն ուր պատեհ թուէր ի քաղաքի պատուէս տալիկալ զինուք եւ ճաշել:

Օայս ամենայն վճարեալ հրաման ետ ածել առ իւր զՎիւրոս: Արիւսոս իբրեւ ետես զՎիւրոս. Ողջ եր տէր, ասէ, զի զայդ անուն ետուն այսուհետեւ դէպքն քեզ ունել եւ ինձ յորջորջել: Աւ դու, ասէ, ողջ լեր ով Արիւսէ, քանզի երկոքեան մարդիկ եմք. կամիս ով Արիւսէ խրատ ինչ տալ ինձ: Ամէի, ասէ, ով Վիւրոս բարութիւն ինչ գտանել քեզ, զի այն եւ ինձ օգուտ լինիցի: Այսուհետեւ լուր, ասէ, ով Արիւսէ, զի իմ տեսեալ զգօրս քո ի բազում աշխատութիւն եւ ի վիշտս, զի այժմ համարին թէ ունին զքաղաք մեծագանձ Քսիացւոց աշխարհին յետ Քաբիղոն քաղաքի, արժան համարին օգուտ ինչ գտանել զօրաց: Քանզի գիտեմ, ասէ, զի եթէ ոչ շահս ինչ առցեն զվաստակոցն, չկա-

րեմ զնոսա բազում ժամանակս ի հնա-  
զանդութեան առնել: Արդ չկամիմ  
թոյլ քալ նոցա յափշտակել զքաղաքն  
զի քաղաքն ի բաց ապականի. եւ զի-  
տեմ թէ ի յափշտակութեանն յոռիքն  
առաւել մեծանան:

Օայն լուեալ Արիւսոսի ասէր. Թոյլ  
տուր ինձ, ասէ, խօսել առ Ալուդացիսն  
առ որս ես կամիցիմ, եթէ շնորհեսցես  
ինձ յաղաչել իմում մի առնել յափշ-  
տակութիւն եւ մի թողուլ անհետ յա-  
չաց կորրնչել մանկաւոյ եւ կանաց. ես  
խոստանամ քեզ ընդ այնր թէ ի Ալու-  
դացւոց կամաւ տացի քեզ ամենայն որ  
ինչ բարի եւ գեղեցիկ իցէ ի Սարգիս-  
ցւոց աշխարհին. զի եթէ զայս լիցեն,  
գիտեմ եթէ բերցեն զամենայն որ ինչ  
անդ գեղեցիկ ստացուած իցէ առն եւ  
կնոջ. եւ զնոյն օրինակ ի հերուն բազում  
եւ գեղեցիկ արարովք միւսանգամ լին  
իցէ քաղաքն. այլ եթէ յափշտակիցես,  
ապա եւ ճարտարաց արուեստքն յորոց  
ասեն թէ բարութեանցն աղբււրք են,  
ապականեալ եղծանիցին: Սարթ է  
քեզ որտեսերդ զայն ամենայն, երթալ  
եւս եւ վասն յափշտակութեանն խոր-  
հուրդ առնուլ: Վախ զիմոց իսկ գանձուց  
առաքեա, եւ առցեն պահապանքն քո  
պահապանաց անտի իմոց:

Յանձն առ Աիւրոս այսպէս առնել  
որպէս խօսեցաւ Արիւսոս: Բայց զայն,



ասէ, Կրիւսէ, պատմեա ինձ թէ զիւրդի գլուխ ելին որ ի Դեղփիս հրամանքն եղեն. զՎարդոնեայ ասեն թէ պաշտօն առնու ի քէն, եւ զամենայն ինչ առնես նմին անսալով: Աամէի, ասէ, այսպիսի ինչ լինել ով Կիւրոս. բայց այժմ ամենեւին գնոցին հակառակսն անդէս իսկ իսկզբանն գործեալ մատեայ առ Վարդոն: Անդէ Կիւրոս. Օհարդ կամ որպէս, յայտ արա, զի ամենեւին իսկ նորանշան ինչ իրս պատմես:

Օ ի յառաջնում իսկ նուազին, ասէ, անփոյթ արարի հարցանել զդիւն եթէ զինչ ինչ պիտոյ իցէ ինձ, եւ զհանդէս տեսի նորա եթէ կարիցէ ճշմարիտ խօսել: Աւ այն ոչ զի աստուած, ասէ, այլ մարդիկ լաւք եւ առաքինիք յորժամ գիտիցեն եթէ չթուին հաւատարիմք, չսիրեն զթերահաւատեալն: Բայց իբրեւ ի միտ առի եթէ անպատեհ իրս գործեցի եւ ի Դեղփեայ հեռի էի առաքեցի զորդւոցն իմոց: Ազառաջինն չետ ինձ պատասխանի: Իբրեւ բազում նուէրս ոսկիս եւ արծաթիս բազումս առաքեցի, եւ զոհս մատուցի, ապա հաշտարարի զնա, որպէս կարծէի. յայնժամ ետ ինձ պատասխանի յորժամ հարցի ցնա թէ զինչ գործիցեմ զի մանկունք լինիցին իմ: Աւասեր. թէ Վրդիցին. եւ եղեն, քանզի եւ ոչ զայն ստեայ, բայց իբրեւ

ճնան ոչ ինչ օգուտ եղեն: Օ՛ր մին համր մնաց, եւ մեւսն ազնուադոյն եղեալ անդէն ի մատաղ հասակի սատակէր: Աւ իբրեւ նեղեալ էի ընդ վիշտս մանկանցն, միւսանգամ յղեմ եւ հարցանեմ զգիսն եթէ զինչ գործեցից զի զմնացեալ կեանսս հանիցեմ ի գլուխ. եւ նա ետ պատասխանի

ԵԹԷ ԶՔՈ ԻՍԿ ԱՆՁՆ ԾԱՆԻՑԵՍ

ՓԱՌԱՒՈՐ ԼԻՆԻՑԻՍ ԳՐԻՒՍԷ :

Իբրեւ լուայ զըզձութիւնն ուրախ եղէ. զի համարէի եթէ դիւրին ինչ հրամայեաց ինձ եւ զփառաւորութիւնն ետ. զի համարէին թէ յայլոց մարթիզկէսս ճանաչել եւ զկէսս ոչ. իսկ զանձն թէ ո՛րք է, ամենայն ումեք մարդոյ համարէի գիտել: Աւ յետ այնր ժամանակի մինչ դեռ հանդարտեալ կայի, ոչ ինչ մեղ դնէի դիպաց պատահելոց յետ մահու մանկանն: Այց իբրեւ հաւանեցայ ասորեստանւոյն երթալ ի վերայ ձեր ի մարտ պատերազմի, յամենայն վիշտս երթայի, բայց պրծեալ ապրէի ոչ ինչ չարիս կրեալ. այլ եւ ոչ վասն այնր ամենայնի եպերեմ զգիսն: Օ՛ր իբրեւ գիտացի զանձնէ թէ չեմ բաւական տալ մարտ պատերազմի ընդ ձեզ, անվնաս ելանէի աստուածոյն եւ ես եւ որ ընդ իսն էին: Իսկ այժմ միւսան-

գամ ի մօտաւոր մեծութենէ աստի  
քայքայեալ, եւ յայնցանէ որ ազա-  
չէինն զիս վերակացու լինել եւ ի պա-  
տարագացն զոր տային ինձ եւ ի մար-  
դկանէ որ ստկէին ինձ եւ ասէին, զի  
եթէ ես կամիցիմ իշխել, ամենեքին  
հնազանդ լինիցին ինձ, եւ մեծ քան  
զամենայն մարդիկ լինիցիմ: Յայսց բա-  
նից հպարտացեալ, իբրեւ ընտրեցին զիս  
թագաւորք որ շուրջանակի բնակեալ  
էին ոստիկան պատերազմին, յանձն ա-  
ռի զզօրավարութիւնն որպէս թէ բաւա-  
կան իցեմ մեծ քան զամենեսին լի-  
նել: Աչ ծանեայ զանձն զի համարէի  
բաւական լինել պատերազմել ընդ  
քեզ, նախ որ ի դիցն իսկ ծնեալ ես  
եւ ապա ի թագաւորաց, եւ ապա յա-  
ռաքինութիւն թեւակոխեալ: Բայց  
զիմոցնախնեաց լսեմ թէ որ նախ թա-  
գաւորեաց, թագաւոր էր եւ ազատ:  
Արդ քանզի զայն անդիտացայ, յիրաւի  
ասէ, զպատիժսն ունիմ: Այլ այժմ,  
ասէ, ո՞ր Վիւրոս ճանաչեմ զանձն, դու  
տակաւին ճշմարիտ համարիցիս զՎպո-  
ղովն, եթէ յաջողեալ լինիցիմ եթէ  
զանձն ծանիցեմ: Օքեզ յայն սակս  
հարցանեմ զի թուիս ինձ ազնուագոյնս  
նկատել զայն ի ժամանակիս յայսմիկ.  
զի եւ առնել ձեռնհաս ես:

Աւ Վիւրոս ասէ. խորհուրդ տուր  
ինձ վասն սորին, ով Վրիւսէ: Օ, ի իմ

զմտաւ ածեալ զառաջին փառաւորու-  
 թիւն քո ողորմիմ քեզ, եւ տաց քեզ  
 զկինդ զոր ունիս եւ զզստերսդ, զի  
 լսեմ թէ են քո եւ բարեկամք եւ  
 եւ պաշտօնեայք, եւ սեղան որպէս էր  
 իսկ քո. զկուիւս եւ զպատերազմունս  
 բառնամ ի քէն: Ասէ Արիւսոս այսու-  
 Տեաեւ դու մի ինչ խորհեսցիս տալ ինձ  
 պատասխանի վասն իմոյ փառաւորու-  
 թեանն: Օ՛ իասեմ ես քեզ, եթէ զայս  
 ամենայն առնիցես դու ինձ զոր ասես,  
 զոր այլք երանելի կեանս համարիցին,  
 որոց եւ ես իսկ հաւանիմ, զնոյն կեանս  
 եւ ես կեցցեմ: Աւ Աիւրոս ասէ: Ե  
 որ զայն երանելի կեանս ունիցի: Աին  
 իմ, ասէ, Աիւրէ, քանզի նա բարու-  
 թեանցն եւ փափկութեանցն եւ ու-  
 բախութեանց ամենայնի զնոյն հաղոր-  
 դէր ինձ. իսկ հոգոցն թէ զիարդ այս ամ-  
 ենայն լինիցի եւ պատերազմի եւ կը-  
 ուոյ չէր ինչ նորա հաղորդութիւն. եւ  
 դու թուիս ինձ թէ այսպէս կազմիցես  
 զիս, որպէս եւ զկինն զոր ես առաւել  
 քան զամենայն մարդիկ սիրէի. որպէս  
 զի այլ եւս գոհութեանց պարտապան  
 թուիցիմ Ապողոնեայ: Ա ուեալ Աիւրո-  
 սի զբանս նորա ընդ մտադիւրութիւնն  
 զարմացաւ. եւ ուր եւ գնայր Աիւրոս,  
 բերէին եւ զնա զի պիտանի իմն հաշուէր  
 զնա իւր, եւ զգուշաւոր եւս այնպէս  
 համարէր. ապա եւ ննջեցին:

## Գ Լ Ո Ւ Խ Գ

Ի վաղիւ անդր կոչեցեալ Աիւրոսի զբարեկամս եւ զզօրավարս զօրացն, ոմանց ի նոցանէ հրաման տայր զգանձսրն առնուլ, եւ ոմանց որ ինչ ինչս տայցէ նոցա Արիւսոս, նախ դիցն հանեալ, որչափ մոգքն հրամայեցին, եւ ապա զայլ կարասին առնուլ եւ յարկեղս եղեալ ի սայլսն ընուլ, եւ բերել զսայլսն յո եւ երթայցեն. զի յորժամ ժամանակ ի դէպ լինիցի առցեն իւրաքանչիւր զարժանն. եւ նոքա նոյնպէս առնէին: Աիւրոսի կոչեցեալ զոմանս իսպասաւորացն որ անդ կային. Ասացէք ինձ, ասէ, գողէք, ետէս ոք ի ձէնջ զԱբրահատէս. քանզի զարմացեալ եմ, ասէ, զի որ յառաջն յաճախէր առ մեզ, այժմ ոչ ուրեք երեւի: Ատ պատասխանի ոմն իսպասաւորաց անտի, եթէ Տէր, չէ կենդանի, այլ ի ճակատուն մեռաւ, արկեալ ըզկառսն ի մէջ Ագիպտացւոցն. իսկ այլքն բաց յընկերաց նորա, խտորեցան որպէս պատմեն, յորժամ զկարգս Ագիպտացւոցն տեսին. եւ այժմ եւս, ասէ, ասեն, թէ նորին կին հան ըզդիակնն եւ եղեալ ի դեսպակ անդր որով ինքն դայր, եբեր զնա այսր ուրեմն առ Պակտողոն գետ. եւ զներքինեացն

եւ զծառայիցն նորա, ասեն, փորեալ ի վերայ բլրի իրիք դիակալ տապան վախճանելոյն, եւ զկնոջէն պատմեն թէ ի գետին նստիցի եւ զարդարիցէ զայրն զարդուքն զոր ունիցի եւ զգլուխն ի ծնգացն վերայ ունիցի:

Օայս իբրեւ լուաւ Աիւրոս, հար բզկոզս իւր եւ իսկ եւ իսկ վազեալ յերիւարն առեալ հազար հեծեալս երթայր ի կարասիսն: Հրաման տայր Վազատայ եւ Վովերիայ զոր ինչ կարիցեն առնուլ զարդ գեղեցիկ առն բարեկամի վախճանելոյ առեալ զհետ պնդեսցին: Եւ որ ոք ունէր հօտս եւ անդեայս եւ երիւարս, ընդ իւր տանիցի, պատուիրէր նմա եւ այլ եւս բազում խաշինս բերել ուր եւ համարիցի զնա լեալ. զի զենցէ Վերադատայ: Իբրեւ ետես բզկինն ի հող նստեալ եւ դիակնն եղեալ կայր, արտասուեաց ընդ վիշտսն եւ ասէ. Ոհ առաքինի ոգի, գնացե՛ր թողեալ զմեզ. եւ բուռն եհար զաջոյ ձեռանէ նորա, եւ զայն սուսերաւ ի բաց հատեալ էր Ագիպտացւոցն:

Օոր տեսեալ Աիւրոսի առաւել եւս ի խոր խոցէր, եւ կինն ճիչ բարձեալ գուժէր, եւ առեալ ի Աիւրոսէ համբուրեաց զձեռնն, եւ միւսանդամ որչափ մարթ էր ի միմեանս յարէր եւ ասէր. Եւ այլ եւս անդամք նորա նոյնպէս են Աիւրոս, այլ զի՞ պիտոյ իցէ

քեզ տեսանել. զայս, ասէ, գիտեմ  
եթէ վասն իմ կրեաց զայնպիսի վիշտս,  
թերեւս եւ ոչ դուն ինչ եւ վասն քո  
ով Սիւրոս. զի ես յիմարս ստէպ քա-  
ջալերեցի զնա այսպէս իսկ առնել զի  
քեզ բարեկամ ընտիր երեւիցի. գիտեմ  
թէ ինքն չածէր ինչ զայն զմտաւ եթէ  
զինչ գործ գործիցէ, այլ թէ զինչ գոր-  
ծիցէ զի քեզ շնորհ առնիցէ: Արդ նա,  
ասէ, առանց պարսաւանաց վախճանե-  
ցաւ, եւ ես որ քաջալերս իսկ ետու  
նմա, նստիմ առ նմին կենդանի:

Սիւրոս վայր մի լռիկ արտասոււս ար-  
կանէր, ապա բարբառէր. Սա, ով կին,  
գեղեցիկ վախճանկալաւ, քանզի յալ-  
թութեամբ վախճանեցաւ. բայց դու  
առեալ զսոսա յինէն զարդարեա զնա.  
եկեալ հասեալ էր Վովբրիաս եւ Վադա-  
տաս, բազում գեղեցիկ զարդ բերեալ.  
Եւ ապա ասէ. Վիտասջիր թէ եւ ոչ  
յայլոց եւս պատուոց անմեծար լինիցի.  
այլ եւ բազումք յիշատակարան ըստ ձե-  
րում արժանի դրօշեսցեն եւ զենցեն ի  
վերայ նոցա որպէս ի դէպ իցէ առն քա-  
ջի, եւ դու, ասէ, ոչ թափուր լինիցիս  
այլ ես քեզ վասն զգաստութեանդ  
եւ ամենայն քաջութեանդ մեծարանս  
եդից, եւ կացուցից զոք որ տարցի  
զքեզ ուր ուրէք դու կամիցիս. միայն,  
ասէ, յայտ արա առ ս ոք ախորժիցես  
երթալ: Աւ Պանթիա ասէ. Վաջալե-

րեաց, ասէ, ով Աիւրէ, ոչ թագուցից  
ի քէն թէ առ ո՞ կամիցիմ երթալ:

Իբրեւ զայս խօսեցաւ Աիւրոս ի բաց  
չոգաւ ողորմեալ ի վերայ կնոջն թէ  
յորմէ առնէ զըկեցաւ, եւ ի վերայ առնն  
թէ որպիսի կին եթող եւ ոչ տեսանի-  
ցէ. իսկ կինն հրամայեաց ներքինեացն  
ի բաց դնալ, մինչեւ, ասէ, ես աշխար  
եդեալ լայցեմ զնա որպէս կամիցիմ.  
Եւ դայեկին ասէր թէ մնա, եւ պա-  
տուէր ետ նմա թէ յորժամ մեռանիցի,  
զնա եւ զայրն միով հանդերձիւ պատի-  
ցէ: Իբրեւ շատ ազաչեաց դայեակն մի  
առնել զայն, եւ ոչ ինչ օգուտ լինէր  
եւ դժկամակ լեալ տեսանէր, նստեալ  
զլալ հարկանել: Աս, քանզի զգաշոյնն  
յառաջագոյն պատրաստեալ էր, մը-  
խեաց յանձն իւր, եւ զգլուխ իւր ի վերայ  
բարձից առնն եդեալ մեռանէր, եւ դայ-  
եակն սուգ առեալ զերկոսեան պատէր  
որպէս պատուէր տուեալ էր Պանթիայ,

Աիւրոս իբրեւ զգայր զգործ կնոջն,  
զահի հարեալ չոգաւ եթէ կարիցէ օ-  
գնել ինչ: Իսկ ներքինեացն տեսեալ  
զիրսն որ եղեն եւ երէք ներքինիք էին,  
հանեալ եւ նոցա եւ զգաշոյնան ին-  
քեանք անձանց առնէին, կացեալք ի տե-  
ղոջն յորում հրամայեաց նոցա. եւ  
այժմ եւս ասեն թէ յիշատակարանն  
կայ կարկառ լեալ մինչեւ ցներքինիսն  
եւ ի վերայ վերնոյ արձանին առնն եւ



կնոջն անուանք դրոշմեալ կան ասորի  
դրով, եւ ի խոնարհ պատմին լեալ եւ  
րիս արձանս եւ ի վերայ սեանցն գրեալ

## ՆԵՐՔԻՆԵԱՅ

Վիւրոս իբրեւ մօտ չողաւ, զարմանայր  
ընդ կինն եւ աշխարեալ ի բաց գնայր,  
եւ հոգայր զնոցանէ որպէս ի դէպ էր,  
զի ամենեւին բարութեանց հասանիցեն,  
եւ շիրիմ բարձրաբերձ շինեցաւ, որպէս  
ասեն:

## Գ Լ Ո Ւ Խ Գ

ԱՊԱ ի մարտպատերազմի ընդ միմեանս  
Վարիացիքն դրգռէին, զի բնակու-  
թիւնս յամուր ատղիս ունէին, եւ եր-  
կոքին կողմանքն կոչէին զՎիւրոս: Բայց  
Վիւրոս ինքն կայր մնայր ի Վարդիա-  
ցւոց աշխարհին, մենքենայս գործէր  
եւ խոյս, զի զհնազանդելոցն զպարիսպ-  
սըն խարխարեալ կործանեացէ: Օ՛յ-  
դուսիտս զայր պարսիկ ոչ անմիտ եւ ոչ  
անտեղեակ պատերազմի եւ ամենեւին  
խակ առաքինի, առաքէ ի Վարիա տըւ-  
եալ զօրս: Այլ Վիղիկեցիք եւ Վիպրա-  
ցիք մտադիւրագոյնս երթային ընդ նմա  
ի մարտ պատերազմի վասն որոյ ոչ ա-  
ռաքէր երբեք պարսիկ Վուսակալ Վիղի-  
կեցւոց եւ ոչ Վիպրացւոց, այլ բաւա-

կան լինէին բանակքն որ թագաւորէին. բայց առնոյր հարկ, եւ վասն զօրաց յորժամ պիտոյ լինէր, հրամայէր նոցա :

Եւ Ադուսեայ առեալ զզօրն ի Աարաստան հասանէր, եւ յերկոցունց կողմանց Աարիացւոցն գային հասանէին առ նա պատրաստեալք ընդունել ի պարիսպն առ չարւոյ իւրեանց հակառակորդացն : Իսկ Ադուսիոս առ երկոսին կողմանսն զայս ինչ առնէր : Արդար խօսիք, ասէ, ընդ որոց խօսէրն, պարտ է ասէ թագուցանել ձեզ ի հակառակորդաց թէ բարեկամք եղերուք, զի այնպէս յանպատրաստից ի վերայ անկանիցիք հակառակորդացն ձերոց. եւ աղաչէր զի հաւատք լինիցին, եւ Աարիացիք երդմնի լինէին առանց նենդութեան ընդունել զնոսա ի պարիսպն, եւ առ ի բարութիւն Աիւրոսի եւ Պարսից. եւ ես կամիմ, ասէ, երդնուլ առանց նենդութեան մտանել ի պարիսպսրն եւ ի բարիս ընդունելեացն :

Իբրեւ զայս առնէր, ի նմին իսկ դիշերի ընդ երկոցունց գաշինս կռէր գաղտ յերկոցունց կողմանց, եւ ի նմին իսկ դիշերի մտանէր ի պարիսպսն եւ առնոյր զամուր երկոցունց. եւ ի լուսանալ աւուրն, նստեալ ի միջի զօրօքն հանդերձ, կոչէր յերկոցունց կողմանց զաւազանս : Ասցա հայեցեալ ընդ միմեանս,

զայրացան ի միտ առեալ եթէ երկոքին կողմանքն խաբեցան: Բայց Ադուսիտ խօսէր այսպէս: Եւ ձեզ ով արք երդմնի եղէ առանց նենգութեան մտանել ի պարիսպսն եւ յօգուտ ընդունելեացն. արդ եթէ սատակեմ զկողմն մի ի ձէնջ, համարիցիմ թէ առչարւոյ կարիացւոցն մտի: Ապա եթէ խաղաղութիւն առնիցեմ ձեզ, եւ ամբողթիւն երկոցունց կողմանցդ զերկիր ի գործ արկանելոյ, համարիմ վասն ձերոյ օգտի եկեալ: Եւ արդ պարտ եւ պատշաճ է յօրէ աստի յայսմանէ բարեկամութիւն ընդ միմեանս խառնել, եւ անկասկած զերկիր գործել, տալ որդեակս եւ առնուլ ի միմեանց. եթէ արտաքոյ քան զայսոսիկ զրկել ոք մտաբերիցէ, նոցա եւ մեք եւ կիւրոս թշնամիք լինիցիմք:

Յայնմ հետեւ բաց էին դրունք պարտպացն, խճողեալ էին ճանապարհք յերթելոց առ միմեանս, լի էին զեզքն սատարօք, առհասարակ տօնս առնէին, խաղաղութեամբ եւ խնդութեամբ լի էր ամենայն երկիրն: Յայնմ վայրի դային հասանէին ի կիւրոսէ հարցանել եթէ զօրաց ինչ պէտք իցեն կամ մենքենայից: Տայր պատասխանի Ադուսիտս եթէ զզօրսն որ աստ իցեն մարթի եւ այլ ուր ի գործ արկեալ վարել. եւ իբրեւ զայս ասէր զզօրսն հաներ եւ թողոյր պահապանս յամուրսն: Բայց կարիա-

յիքն մատուցեալ աղաչէին կալ նմա  
անդէն, եւ իբրեւ ոչ կամեցաւ, առա-  
քեցին առ Աիւրոս եւ աղաչէին առա-  
քել նոցա Ղ.Գուսիոս շահապ:

Իսկ Աիւրոս ի ժամանակին յայնմիկ  
առաքեալ էր զՎշտասպէս զի տարցի  
զօր ի փոխազաստան եւ յԱղղեսպոն-  
տոս: Այլ իբրեւ եկն Ղ.Գուսիոս, հրա-  
մայեաց նմա գնալ ուր Վշտասպաս  
գնայցէ, զի առաւել հնազանդ լինիցին  
Վշտասպայ յորժամ լսիցեն թէ այլ  
զօր մօտ հասեալ է: Յոյնք որ զեզերբ  
ծովուն բնակէին բազում պատարագս  
տուեալ առ ի շընդունելոյ զխուժան ի  
պարիսպս, եւ յանձն առին հարկ հար-  
կանել, եւ երթալ ի պատերազմ ուր  
Աիւրոս հրամայիցէ: Իսկ թագաւորն  
փոխազացոց կազմէր պատրաստէր զի  
կալցի զամուրսն եւ անաստիցէ եւ այն-  
պէս իսկ պատմէր: Իբրեւ ի բաց կացին  
ի նմանէ հազարապետքն եւ լոկ մնաց,  
անկաւ ի բուռն Վշտասպայ, յանձն ե-  
ղեալ Աիւրոսի: Աւ Վշտասպայ թողեալ  
յամուրսն ստուար պահապանս ի Պար-  
սից մեկնեալ երթայր առեալ ընդ իւրոցն  
բազում հեծեալս եւ ասպարաւորս ի  
փոխազացոց անտի: Բայց Աիւրոսի  
պատուէր տուեալ էր Ղ.Գուսեայ, զի  
յորժամ հասցէ առ Վշտասպէս, զայ-  
նոսիկ որ ի փոխազացոց ընդ իւրեանս  
կամիցին ածել զինուք, եւ զայնոսիկ որ

մարտնչելն ցանկանայցեն, հանեալ ի նոցանէ զերիւարսն եւ զզէնս հրաման տալ պարսս առնուլ եւ գալ ստէպ զհետ:

Եւ նոքա առնէին այնպէս: Աիւրոս խաղաց զնաց ի Սարգիացւոց կողմանց. թողեալ բազում հետեւակ պահապանս ի Սարգիացւոց աշխարհին, առեալ եւ զԱրիւսոս, եւ բազում սայլս պէսպէս եւ ազգիազգի ընչից. մատեալ եւ Արիւսոս դրեալ ճշգիւ դտակաւ որ ինչ կայրն յիւրաքանչիւր սայլի, եւ զգիրն մատուցեալ տայր ցԱիւրոս եւ ասէր. Գայդ առեալ, ասէ, ով Աիւրոս, գիտասցես թէ ո՞ւր զի աւանդեսցէ զոր բերէ եւ ո՞ ոչ: Աիւրոս ասէ. Դու բարւոք առնես ո՞ Արիւսոս, զի տեսուչ լինիս. բայց նոքա՛ տանին զկարասին որք արժանի իցեն ունելոյ զնոսա. որպէս զի թէ գողանան ինչ, զիւրեանց գողասցին. իբրեւ զայս ասէր, տայր զգիրն բարեկամացն եւ իշխանացն զի գիտասցեն թէ ո՞ք յոստիկանաց անտի ողջ աւանդեսցեն նոցա եւ ոյք ոչ:

Տանէր եւ ի Աիւգացւոց անտի զոր վառեալ տեսանէր զինուք եւ երիւարօք եւ կառօք, եւ գուն գործեալ առնել զամենայն որ ինչ համարէին թէ հաճոյ իցէ նմա, եւ զսոսա զինուք հանդերձ: Իսկ որք ակամայ զհետ եկեալ էին, զերիւարսնոցա Պարսից տայր, որք յառա-

Ջնումն իսկ երթեալ էին ընդ նմա ի ճա-  
կատս, եւ զզէնսն այրէր եւ բռնագա-  
տէր զնոսա առնուլ պարսասիկս եւ զալ  
զՏեա, եւ զամենեօին իսկ զանզէնսն  
յայնցանէ որ ձեռս ետուն ի նա ստիպէր  
տազնապէր պարսաւորս լինել, զմտաւ  
ածեալ թէ այն զէն ծառայու թեան զէն  
է: Օ՛ի յորժամ խառն ընդ այլոց զօ-  
րու թեանց պարսաւորք հասեալ կայցեն  
յոյժ օգուտ լինիցին: Աւինքեանք առ-  
անձինն եւ ոչ ամենեքին միանգամայն  
պարսաւորքն բնաւ զդէմ ունիցին սա-  
կաւաւորաց յարձակելոց զինու եւ զար-  
դու:

Իբրեւ դիմեալ երթայր ի Վաբեղոն,  
վանէր վկանդէր զՓռիւզացիսն որ ի մե-  
ծի աշխարհին Փռիւզացւոց էին, վանէր  
եւ զՎամիրս, հնազանդէր եւ զՎրա-  
բացիս: Յամենայն զինուց անտի սպա-  
ռազէն վառէր հեծեալս ի Պարսից ոչ  
ինչ սխալ ի չորից բիւրուց, եւ բազում  
երիւարս ի գերուց անտի տայր նիզա-  
կակցացն ամենեցուն, եւ զայր հասա-  
նէր յաշխարհն Վաբիղացւոց ածեալ  
բազում այրուծի, եւ ազեղնաւորս եւ  
տիգաւորս բազումս եւ պարսաւորս ան-  
թիւ անհամար:

## Գ Լ ՈՒ Խ Ե

ԻԲԻԵԻ առ Բաբելոն քաղաքի էր, Աիւրոս, կարգէր կացուցանէր զամենայն զօրսն զքաղաքաւն ապա ինքնին երթեալ շրջէր զքաղաքաւ բարեկամօք եւ նիզակակցացն յաւազօք, եւ յորժամ հայեցեալ տեսանէր զպարիսպսն, պատրաստ լինէր ի բաց տանել ի քաղաքէ անտի զզօրսն: Բայց մատուցեալ ոմն ի փախստէից անտի ասէր, թէ դուն գործեալ ի վերայ դիմիցեն յորժամ զզօրսն ի բաց տանիցիս: Օ ի հայեցեալ ասէ, նոցա ի պարսպէ անտի, տկար եւ անզօր թուէր նոցա բանակս, եւ ընդայնր չեն ինչ զարմանք: Վանդի յորժամ զյաղթ պարսպաւ պատիցի ճակատն, հարկ է թէ ի սակաւ ինչ թանձրութիւն լինիցի:

Արդ լուեալ զայն Աիւրոսի, կացեալ ի մէջ զօրացն իւրայովքն հանդերձ, պատուէր տայր ծայր ի ծայր յերկոցունց կողմանց վառեալքն պարզիցեն զճակատն եւ մեկնել ի կողմն ուր բանակն կայէ, մինչեւ յերկուց կողմանց ի միմեանս եւ ի միջավայրսն եկեալ հասանիցեն ծայրքն: Իբրեւ զայն ձեւ օրինակի կատարէր. որ կայինն վաղվաղակի համարձակագոյնք լինէին, զի կրկնակի ի թանձրութիւն եղեն, եւ որ մեկնէին, ըստ

նախն օրինակի քաջալերեալք մեկնէին :  
**Օ** ի իսկ եւ իսկ որ կայինն ի նոցանէ  
 երթային մօտ առ թշնամիսն, եւ յոր-  
 ժամ եկեալ յերկոցունց կողմանց զճայր-  
 սըն ի միմեանս խառնէին, բախ առ-  
 եալ կային պնդակազմ, կէսքն քակե-  
 ալք եւ պառակտեալք անդէն ի միմե-  
 անց վասն այնոցիկ որ յառաջոյ արձա-  
 նացեալք ի տեղւոջն կային, ի միմեանս  
 եկեալ մօտէին վասն յետնոցն

**Ի** սիռել տարածանել այնպէս ճա-  
 կատուն, հարկ էր առաջնոցն եւ վեր-  
 ջնոցն քաջս եւ առաքինիս լինել, եւ  
 ի միջի անդ զվատոն եւ զապաժամանս  
 կարգել : **Ն**ւ յորժամ այնպէս կայցէ  
 կարգն եւ առ պատերազմ կազմ դտա-  
 նիցի եւ ոչ փախչել իսկ կարիցէ : **Ի**սկ  
 այրուծին եւ մերկքն ի թեւոց անտի,  
 միշտ իսկ մօտ առ իշխանն, այնչափ զի  
 թանձրանայր իսկ ճակատն կրկին : **Ն**ւ  
 ապա իբրեւ այնպէս խոնեալ կային,  
 ոտն ոտն ի բաց մեկնէին մինչեւ չհասա-  
 նէին նեաքն ի պարսպէ անտի : **Ի**բրեւ  
 ի նեաիցն ապրեցան, դարձան, եւ զա-  
 ռաջինն սակաւ ինչ քայլս յառաջ մա-  
 տուցեալ, ընդ վահանօք մտանէին եւ  
 կային մնայէին ի պարիսպան եւ որչափ  
 հեռանային, դոյնչափ խուն ինչ փոփո-  
 խէին : **Ի**բրեւ թուեցաւ թէ յամրի են  
 միազունդ երթեալ ի վրանան հասա-  
 նէին :



Իբրեւ բանակ հարին, ի մի վայր կոչէր  
 Վիւրոս զաւագանին եւ խօսէր. Արքնի-  
 զակակիցք հայեցաք շուրջանակի ի քա-  
 ղաքն, ոչ գիտեմ եթէ մարթիցի ոք  
 զայնպիսի ամուր պարիսպս եւ բարձրա-  
 շէնս առնուլ ի մարտ մատուցեալ. բայց  
 որչափ բազում իցեն մարդիկս որ կայցեն  
 ի քաղաքիանդ, քանզի ոչ ելանեն պա-  
 տերազմել, դոյնչափ վաղվաղակի սովով  
 ըմբռնեսցուք զնոսա: Թէ ոչ այլ ինչ  
 պայման կարիցէք ասել, այսպէս պարտ  
 է պատեալ պաշարել զարսն որպէս եւ  
 ասացի իսկ:

Վրիւսանտաս ասէ. Գիտե՞ս, ասէ,  
 այս ոչ ընդ մէջ քաղաքիդ հոսէ, որ  
 աւելի քան զերկու վտաւան լայնութիւն  
 է: Ասէ Գովբրիաս. Աւ խորութիւն  
 այնչափ է, որչափ թէ երկու արք ի մի-  
 մեանց վերայ կայցեն չկարիցեն կալ ի  
 վերայ ջուրցն: Մինչ զի գետովն եւս  
 քաջ ամուր է քաղաքն քան եթէ պա-  
 ըրսպօքն: Աւ Վիւրոս ասէ. Զայս, ասէ,  
 ով Վրիւսանտա թողցուք որ առաւել  
 քան զմեր կարս իցէ. պարտ եւ պատ-  
 շաճ է ձեզ վաղվաղակի չափել իւրա-  
 քան չիւր զանցնիւր բաժինն եւ փոս  
 լայն եւ խոր փորել, զի սակաւաւոր պա-  
 հապանաց պէտք լինիցին եւ ոչ բազմաց  
 խափանել:

Ապա չափեալ շուրջանակի զպարըս-  
 պօքն, թողոյր ի գետոյ անտի վայրս

որչափ բաւական էր մեծամեծ մարտկոցացն, փորէր աստի եւ անտի պարսպին փոս մեծ, եւ զհողն ընկենոյին առ իւրեանս, եւ նախ բրգունս ի վերայ գետոյն կազմէր, արմաւենիս արկեալ զհիմունսն, զի ոչ փոքր քան զարտավար բարձրութիւն էր արմաւենեացն, քանզի ամաւենիք եւս բարձրաբերձ քան զսորա բուսանին երկայնութեամբ: Օ՛ր արմաւենիք յորժամ ի ծանրութենէ ճնշիցին, ի վեր կոյս կորացեալ գոգին իբրեւ զէշս համետեալս: Աւ յայն սակս իսկ արկանէր զնոսա ի ներքոյ, զի կարծեցուցանիցէ պատրաստ լինել պաշարել զքաղաքն. զի թէ եւ գետն զիմեսցէ ի փոսն մի քակեսցէ զաշտարակսն: Աննգնէր եւ այլ եւս բազում աշտարակս ի վերայ կարկառին, զի բազում պահապանաց տեղիք իցեն:

Նոքա զայն գործէին, եւ որք ի պարսպի անդ էին ծաղը առնէին զպաշարմամբն, որպէս թէ աւելի քան զքսան ամաց համբարս ունիցին. զայս լուեալ Վիւրոսի, զզօրսն յերկոտասան բաժինս բաժանէր, զի մի մի ամիս ի տարւոջն իւրաքանչիւր բաժինն պահեսցէ: Ասկ բաբեղացւոց զայն լուեալ եւս առաւել ծաղը առնէին, քանզի զմտաւ ածէին եթէ Փռիւզացիք եւ Ղիւկիտցիք եւ Նւրաբացիք եւ Վամիրք պահեսցեն զնոսա, զորոց զամենեցունց համարէին

մտադիւրութեամբ լինել ընդ նոսա եւ ոչ ընդ Պարսիկսն. եւ փոքր փորեալ եւ պեղեալ էին: Իբրեւ ազդեղեւ Աիւրոս թէ տօն է ի Ռաբեղոն, յորում ամենայն Ռաբեղոնացիքն զողջոյն իսկ ըզցայգն ուտեն եւ ըմպեն, անդէն ի նմին գիշերի վաղվաղակի իբրեւ խաւարեղեւ, առեալ բազում մարդիկ, բանայր զփոսըն ի գետ անդր: Իբրեւ այն եղեւ անցանէր ջուրն զցայգ ընդ փոսսն. իսկ ճանապարհ գետոյն գնացք մարդկան լինէր:

Իբրեւ եղեւ այնպէս գետն, պատուէր տայր Աիւրոս հազարապետացն Պարսից հետեւակաց եւ հեծելոց ընդ երկուս զհազարսն զատուցանել եւ առնա հասանել, եւ այլոց նիզակակցաց հրամայէր երթալ ստէպ զհետ նոցա ճակատեալ որպէս զառաջինսն. եւ նոքա վաղվաղակի հասանէին. նորա հանեալ անդէն ի ցամաք անդր գետոյն զսպասաւորսն եւ զհետեւակս եւ զհեծեալս, հրաման տայր գիտել եթէ գնացք իցեն հուն գետոյն. իբրեւ զրոյց ետուն եթէ գնացք են, յայնմ վայրի կոչեցեալ զգօրավարս հետեւակացն եւ հեծելոց խօսէր այսպէս:

Արք բարեկամք, գետդ ետ մեզ ճանապարհ ի քաղաք այդր, եւ մեք քաջալերեալ մտցուք, մի ինչ երկիցուք ի ներքս անդ, զմտաւ ածեալ եթէ նոքա

յորոց վերայ երթամք այնք են, յորոց  
 մեք, յորժամ զօրաւիզն օգնականու-  
 թեան անձանց ունէին եւ ամենեքին  
 սկէին արթունք եւ զուարթունք եւ  
 սպառազէն վառեալ ճակատեալ կային  
 յաղթեցաք: Այժմ դիմեալ երթամք  
 ի վերայ նոցա, ի ժամու յորում բա-  
 զումք ի նոցանէ ի քուն կան եւ նիր-  
 չեն եւ շատք իսկ ի նոցանէ արբենան,  
 եւ ամենեքին անկարգք առանց ճակա-  
 տելոց են: Աւ յորժամ զգայցեն զմէնջ  
 եթէ ի ներքս եմք, յոյժ իսկ առաւել  
 քան այժմ անպիտանք լինիցին ի սքան-  
 չանալոյ անտի: Ապա թէ զայս որ ա-  
 ծիցէ զմտաւ, զումէ ասենն թէ ահա-  
 դին իմն է այնոցիկ որ ի քաղաք ուրեք  
 մտանիցեն, թէ մի ի վերայ տանեացն  
 ելեալ աստի անտի նետս արձակիցեն  
 այնու մանաւանդ քաջալերեցարուք.  
 զի եթէ ելանիցեն ոմանք ի վերայ ապա-  
 րանիցն, ունիմք մեք զօրաւիզն օգնա-  
 կանութեան զդիսն Նփեստոս. եւ դիւ-  
 ըին առ այրել են արտաքին հրապա-  
 րակք դրանց նոցա, զի յարմաւենեաց  
 գործեալ են դրունքն եւ ի նաւթի ծե-  
 փածոյ. եւ մեք բազում ջահս ունիմք  
 որ վազվազակի իսկ բազում հուր լու-  
 ցանեն, եւ յաճախ այրելիս եւ խժուծ,  
 որ վաղ բազում բոց յորդեալ տոչո-  
 ըիցեն. որպէս զի հարկ իցէ կամ փախ-  
 չել այնոցիկ որ ի վերայ ապարանիցն

իցեն կամ վաղվաղակի այրել: Այլ առէք զէնս, առաջնորդեցից ձեզ աստուածովքն, եւ դուք ասէ, ով Գաղատա եւ Գովբրիա, զճանապարհսն ցուցէք, քանզի հմուտ էք. եւ յորժամ ի ներքս մխիցիմք, փութանակի տարայք յարքունիսն: Ասեն գորբիանքն թէ չէ ինչ զարմանալի, զի եւ դրունք արքունի ապարանիցն բաց են, զի ամենայն քաղաք ի խրախութեան է ի գիշերիս յայսմիկ. բայց պահապանացն պատահիցեն առաջի դրանցն քանզի հանապազանդէն կարգեալ կան: Ասէ Նիւրոս. Չէ պարտ դանդաղել այլ երթալ զի առանց պատրաստութեան ըմբռնիցեմք զարսն:

Իբրեւ այս ամենայն ճառեցաւ, յուր զի անկեալ երթային, եւ ի պատահելոցն ոմանք հարեալ մեռանէին եւ ոմանք միւսանգամ փախստեայ ի ներքս դիմէին եւ այլոց բողոք բարձեալ գոչէին: Իսկ գովբրիանքն ընդ նոսա աղաղակէին որպէս թէ եւ նոքա զեղխեալ իցեն եւ երթեալ հասանէին զարքունի ապարանօքն. եւ որք ընդ Գովբրիայն եւ ընդ Գաղատայն կարգեալ էին գտին աղխեալ զդրունս ապարանիցն արքունի. իսկ որոց վասն պահապանացն հրաման առեալ էր, հասանէին անկանէին ի վերայ պահապանացն որոց սաստիկ արբեալ էր, եւ

վաղվազակի իբրեւ թշնամիք պատա-  
 չէին նոցա: Իբրեւ գոչիւն եւ ոտնա-  
 ձայն լինէր, եւ աղմուկն ի ներքս լսելի  
 լինէր, հրաման տայր թագաւորն տեսա-  
 նել թէ զի՞նչ իբք իցեն, եւ բացեալ  
 ոմանց զդրունսն ընթացեալ երթային  
 արտաքս:

Իսկ գաղատեանքն իբրեւ տեսին բաց  
 զդրունսն, ի ներքս մխեցան, եւ զհետ  
 մտեալ նոցա մինչ դեռ միւսանգամ ի  
 ներքս դիմէին եւ հարկանէին եւ հա-  
 սանէին ի թագաւոր անդր. գտանեն  
 զնա յոսն կացեալ եւ ունէր ի ձեռին  
 իւրում զգաշոյնն մերկացեալ. զնա բա-  
 զումք որ ընդ Վաղատայ եւ ընդ Վով-  
 բրիայ էին ձերբակալ առնէին. եւ որ  
 ընդ նմայն էին սատակէին, ոմն ընդ-  
 դէմ դառնայր, ոմն փախուցեալ ելա-  
 նէր եւ այլ ոմն ապրէր որով իւիք կա-  
 բող էր: Աիւրոս զգունդս հեծելոցն ի  
 ճանապարհսն առաքէր եւ պատուէր  
 տայր զի զորս արտաքոյ ըմբռնիցեն,  
 սպանանիցեն. եւ որ գիտիցեն ասորե-  
 լէն, պատուէր տացեն որոց յապա-  
 րանսն իցեն ի ներքս մնալ: Իսկ եթէ  
 արտաքոյ ոք ըմբռնիցի, մեռցի: Եւ  
 նոքա առնէին այնպէս: Վային հասա-  
 նէին Վաղատաս եւ Վովբրիաս, եւ նախ  
 դիցն երկիր պագանէին, զի առին զքէն  
 վրիժու պղծագործ թագաւորին, եւ  
 ապա փարէին զստիւք եւ զձեռօք Աիւ-

րոսի, ի խնդութենէ զարատսուս հարեալ, եւ ուրախ լինէին:

Իբրեւ տիւ եղեւ, եւ զգացին որ ի միջնաբերդին էին թէ առաւ քաղաքն եւ մեռաւ թագաւորն, զամուրսն ի ձեռս տային: Աիւրոս առնոյր անդէն զմիջնաբերդն եւ առաքէր ի նոսա պահապանս, եւ թոյլ տայր զգիակունսն օծանել որոց վայել իսկ էր, եւ քարոզացն հրաման տայր քարող կարգալ ամենայն Բաբելոնացոց զգէնսն ի բաց տալ. իսկ ուր գտանիցին զէնք ի տունս տունս, ամենեքին որ յապարանս անդիցեն մեռանիցին: Աւ նոքա բերէին տային. Աիւրոս դնէր զնոսա յամուրսն զի պատրաստ կայցեն եթէ պիտոյ ինչ երբեք լինիցին:

Յորժամ այդ ամենայն ի գլուխ ելանէր, նախ զմոզան կոչէր, քանզի քաղաքն առաւ, եւ հրամայէր նուէր դիցն եւ մեհեանս ընտրել. եւ յայնմ հետէ տայր նոցա եւ ապարանս, զորս եւ կըցորդս իսկ համարէր իրացն վճարելոց: Այնպէս բաշխէր զի որ ընտիրն էր, այն լաւացն տացի. եւ եթէ համարեսցի ոք թէ սակաւ ինչ առ, հրամայեաց գալ եւ յայտ առնել: Պատուէր տայր Բաբելոնացոց զերկիր ի գործ արկանել եւ զհարկսն տալ, եւ պաշտօն հարկանել այնոցիկ որոց եղեւ յանձն իւրաւ քանչիւր ոք ի նոցանէ: Իսկ ցՊարսիկսն

եւ ցնոսա որ կցորդն էին եւ ի նիզակա-  
կցաց անտի որ կամիցին մնալ առ նա,  
պատուէր տայր իբրեւ տեարս ընդ այ-  
նոսիկ զորս բմբռնեցին, խօսել:

Յայնմ հետէ ցանկայր Աիւրոս, զի  
եւ ինքն կազմիցէ որպէս վայել իցէ  
առն թագաւորի. հաճոյ թուեցաւ նմա  
զայն բարեկամացն խորհրդով առնել,  
զի մի նախանձ անկանիցի, եւ անօսր  
երեւիցի եւ մեծապայծառ եւ լու-  
սաւոր: Արդ այսպիսի ինչ հայթայթա-  
նօք հնարէր. ընդ առաւօտն կացեալ ի  
տեղւոջ ուրնմայն պատեհ թուէր, ընդ-  
ունէր զնա որ կամէր խօսել ինչ ընդ  
նոսա եւ պատասխանի տուեալ արձակէր:

Մարդիկն իբրեւ գիտացին եթէ ընդու-  
նի, եկեալ հեղեալ զեղեալ ամբոխն  
զմիմեամբք ելանէր վասն մօտագոյնս  
մատչելոյ, եւ բազում աղմուկ եւ կռիւ-  
էր, եւ սպասաւորքն որչափ ձեռնհաս  
էին ընտրէին եւ ապա թոյլ տային:

Աբբեմն յորժամ ոմն ի բարեկամաց  
անտի զամբոխսն ի բաց մղեալ՝ երեւէր,  
կարկառեալ Աիւրոսի զձեռնն, առ ինքն  
առնոյր զնոսա եւ խօսէր այսպէս. Աբք  
բարեկամք, դադարեցէք բաւեցէք, մին-  
չեւ զամբոխն պարզեսցուք, եւ ապա  
հանդարտութեամբ ժողովիցիմք: Այ-  
ին մնային բարեկամքն եւ ամբոխն եւս  
քան զեւս խռնէր, մինչեւ ձեպեաց ե-  
րեկոյն մինչ չեւ պարապեալ նորա ժո-



ղովել առ բարեկամսն : Ապա ասէ Վիւրոս . Ապաքէն ժամ է , ասէ , ով արք , այժմ ի միմեանց մեկնելոյ , վաղիւ վաղորդայն եկայք , զի եւ ես կամիմ խօսել ինչ ընդ ձեզ , զայն լուեալ բարեկամացն ուրախութեամբ ճեպեալ երթային , տուեալ տոյժս պատժոց յամենայն կարեւորն պիտոյից եւ ապա այնպէս ննջեցին :

Բայց ի վաղիւ անդջ եկեալ հասեալ կայր ի նոյն տեղի , եւ եւս աւելի բազմամբոխ ժողովք մարդկան բազ առեալ կային որ կամէին մերձենալ եւ կանխադոյն քան զբարեկամսն հասեալ էին : Վիւրոսի կարգեալ կացուցեալ շուրջ զիւրեւ շուրջանակի ի սուսերաւորացն Պարսից , դուլ եւ պատուէր տայր մի ումէք հուպ լինել , բայց բարեկամացն եւ իշխանացն Պարսից եւ նիզակակցացն : Իբրեւ նոքա ի մի վայր եկին , խօսէր ընդ նոսա այսպէս :

Աք բարեկամք եւ նիզակակիցք չկարեմք մեղադիր ինչ դիցն լինել , թէ զոր ինչ խնդրեցաք , մինչեւ ցայժմ չհանին զայն ի գլուխ : Այլ եթէ այսպիսի ինչ իցէ զմեծամեծսն վճարել , որպէս զի չիցէ մարթ ոչ զանձամբ պարապել եւ ոչ ընդ բարեկամաց ուրախ լինել , եւ ես հրաման տամ ընդ այնպիսի փառաւորութիւն ուրախ լինել : Օ ի երէկ , ասէ , ի միտ առէք , զի վա-

զորդայն սկիզբն արարեալ լսելոյ մարտուցելոցն, ոչ հանգեաք յառաջ քան զերեկոյն, եւ այժմ տեսանեմք զնոսա եւ զայլս եւս բազումս յերեկի եկելոցն զի մեզ աշխատութիւն հասուցանեն:

**Ա**րդ եթէ ի վայր ոք քան զնոսա զանձն ունիցի, համարիմ եթէ սակաւ ինչ ձեզ ընդ իս հաղորդութիւն լինիցի եւ փոքր ինչ իմ ընդ ձեզ աղերս. բայց զիմն ես ճարտար գիտեմ եթէ չիք իմ ընդ ձեզ այնուհետեւ հաղորդութիւն:

**Ա**ւս, ասէ, եւ այլ ինչ ծաղու իրս ածեմ զմտաւ. զի ես ընդ ձեզ որպէս ի դէպ իցէ այնպիսի միտս ունիմ:

**Յ**այնցանէ որ շուրջն կան կամ զմի ոք ճանաչեմ կամ ոչ զոք. եւ նոքա ամենէքին այնպէս պատրաստեալ են, զի եթէ յազլթեսցեն ձեզ մղելով, յառաջագոյն իսկ քան զձեզ զոր ինչ կամինն, վճարիցեն առ իս. բայց ես արժան համարէի, եթէ կամիցի խնդրել ոք ինչ յինէն, պաշտօն առնել ձեզ իմոց բարեկամցս աղաչեցեալ վասն նուաճութեան:

**Ա**րդ թերեւս ասիցէ ոք, թէ հիմ իսկզբանէ զայն ոչ կազմէի, այլ ցուցանէի զանձն ի միջի:

**Օ**քի գիտէ եթէ այնպիսի իսկ են պատերազմացն իրք, զի չիցէ արժան յեսնել իշխանին ոչ առ գիտել զոր պարտն իցէ գիտել, եւ ոչ ի գործել զոր ինչ գիպօղ իցէ գործել:

**Ա**ւ եթէ անօսր

երեւեսցին զօրավարքն, ես այսպէս  
 համարեի եթէ զբազում իւիք զոր պարտ  
 իցէ վճարել, զանց առնիցեն: Բայց  
 այժմ քանզի աշխատութեան պատե-  
 րազմն հանդեաւ, այսպէս թուի ինձ  
 թէ եւ անձն իմ արժան համարի հան-  
 գրատեան իմիք հասանել: Արդ քան-  
 զի վարանեալ կամ թէ զինչ ինչ հա-  
 սանիցէ առնել, զի ի հանգստեան ի-  
 ցեմք եւ մեք եւ այլքն որոց պարտ իցէ  
 մեզ տածիչս լինել, խրատ տացէ զինչ  
 որ օգուտ համարիցի:

Աիւրոս զայս ձեւ օրինակի խօսեր.  
 յետ նորա յոտն կացեալ Արտաւազայ  
 որ ասացն երբեմն թէ համազգի իցէ,  
 եւ ասէ. Բարւոյք գործ գործեցեր, ա-  
 սէ, ո Աիւրոս, եւ սկիզբն արար բանիցն:  
 Օչի ես, մինչ դու համօրէն մատաղ  
 էիր հասակաւ, ցանկացայ բարեկամ  
 լինել, եւ իբրեւ տեսի զքեզ ոչ ինչ  
 կարօտեալ իւիք, տաղակայի մատչել  
 առ քեզ. իսկ իբրեւ ինեւ կարօտեալ  
 դիպեցար փութով յօժարութեամբ  
 պատմել Արաց զբանս Աիաքսարեայ,  
 զմտաւ ածի եթէ այնու յօժարու-  
 թեամբ օգնական քեզ լինիցիմ, ըն-  
 տանի լինիցիմ քո, եւ համարձակ իցէ  
 ինձ խօսել ընդ քեզ որչափ ժամա-  
 նակս եւ կամիցիմ եւ զայն ամենայն  
 վճարեցի, մինչեւ եւ քո իսկ յարգեալ  
 դովել: Յետ այնորիկ Արկանացիք զա-

աւջինն մեր բարեկամք եղեն մինչ  
 չգոյր զօրաւիզն օգնականութեան, որ-  
 պէս զի միայն ոչ յանձինս ըստան-  
 ձնեալ շրջեցուցանէաք առ գութն: Աւ-  
 յետ այնորիկ իբրեւ առաւ բանակ թըշ-  
 նամեացն, չգոյր քեզ պարապ զինեւ  
 գալ, եւ ես ներէի քեզ: Ապա Վո-  
 բրիաս բարեկամ եղեւ մեր եւ ես ու-  
 բախ լինէի եւ ապա Վաղատաս, եւ  
 դժուարին էր այնուհետեւ գալ խօսել  
 ընդ քեզ: Քայց իբրեւ Շակք եւ  
 Վաղուսիացիք զօրաւիզն օգնականու-  
 թեան եղեն յիրաւի իսկ պարտ եւ  
 պատշաճ էր պաշտօն հարկանել եւ ո-  
 ղոքել զնոսա. քանզի եւ նոքա ի քո  
 սպասաւորութեան կային: Իբրեւ ե-  
 կաք միւսանգամ ուստի ելեալն էաք  
 տեսեալ զքեզ զի զերիւարօք եւ զկա-  
 ոօք եւ զմենքենայիւք էիր, համարէի  
 թէ յորժամ յայնմ ամենայնէ դա-  
 աարկացիս, ապա զմեք դայցես: Քայց  
 իբրեւ անդէն գութկան հասա-  
 ներ գոյժ տալ թէ ամենայն մարդիկ ի  
 մեր վերայ գումարեցան, ի միտ առի  
 թէ այն եւս մեծ է: Վիտէի թէ յոր-  
 ժամ այն ամենայն բարւոք ի գլուխ ե-  
 լանիցէ, բազում իմ եւ քո հաղորդու-  
 թիւն լինիցի: Այժմ յաղթեցաք մե-  
 ծի պատերազմին եւ զՎարդիացիս եւ  
 զՎրիւսոս ընդ ձեռամբ նուաճեալ ու-  
 նիմք եւ զՎաբիղոն առաք եւ զամե-

նայն վանեալ վկանդեցաք: Բայց ի Սիհր երդուեալ է իմ, երէկ եթէ ոչ ընդ բազմաց ոգորէի, չկարէի իսկ մատչել առ քեզ: Բայց իբրեւ դու ընկալար զիս, եւ հրամայեցեր կալ մնալ առ քեզ, ընդ քեզ անսուաղ եւ առանց ջրոյ զօրն ողջոյն կայի: Այժմ եթէ մարթ ինչ իցէ թէ որ ընտիրքս իցեմք, բազում մասն ընդ քեզ ունիցիմք, բարւոք է. ապա թէ ոչ՝ խօսեցայց ես առ ի քէն, թէ ամենեքին մեկնեալ ի բաց գնայցեն ի քէն, բաց ի մէնջ որ իսկզբանէ բարեկամք իցեմք:

Յայնժամ ծիծաղեցաւ Աիւրոս եւ այլք եւս բազումք: Յարեաւ Քրիւսանտաս պարսիկ եւ ասէր այսպէս. Յառաջն ով Աիւրոս, անդէն յիրաւի եւ յարժանի յերեւելուջ զանձն ցուցանէիր վասն սրոց ասացերդ. զի չէր ինչ քեզ պիտոյ ողբել զմեզ, քանզի մեք եւ վասն մերոց իսկ անձանց դայաք. եւ պիտոյ էր ամենեւին բազմութիւն ստանալ զի յանձին ունիցին յօժարութեամբ վաստակել եւ վշտանալ ընդ քեզ: Այլ այժմ քանզի ոչ զայն եւեթ ունիս, այլ եւ զայլս եւս մարթես ստանալ, զորս ի դէպ համարիցիս ստանալ. արժան է զի ասպարանք լինիցին քո: Օ՞ր վայելութիւն իշխանութեան վայելիցես, եթէ միայն անմասն իցես ի մերմէ դաւառէ, քան զոր սրբագոյն աշ-

խարհ ի մարդիկ չէք եւ ոչ հեշտ, եւ ոչ քան զնոյն ընտանեգոյն երկիր գոյ: Աւ մեզ իսկ, ասէ չիցէ ի դէպամաշել, եթէ գքեզ տեսանիցեմք արտաքոյ ժուժկալ եղեալ եւ մեք յիւրաքանչիւր տունս գնայցեմք եւ առաւել քան գքեզ թըւիցիմք. իբրեւ զայս խօսեցաւ Քրիստանտաս, բազումք յանձն առնոյին ըստ բանիցն այնոցիկ հաճեալք եւ հաւանեալք:

Ապա գայ մտանէ յարքունիսն, եւ զՍարգիսցւոց կարասին անդէն որոց բերեալն էր, տային: Իբրեւ եմուտ Սիւրոսնախ Նստեայ զոհս մատուցանէր եւ ապա Նրամազդայ թագաւորի, եւ որ այլում ումէք դից մոգքն պատուիրէին: Օչայս արարեալ, ապա զայլ եւս իրս սկսաւ յարդարել: Օմտաւ ածեալ եթէ ձեռնամուխ լինի բազում մարդկան իշխել, եւ կամի բնակել ի մեծի եւ ի հոյակապ քաղաքի քան զամենայն քաղաքս, եւ թէ այնպիսի քաղաք զի քան զայն քաղաք թշնամի մարդոյ չէք. զայս ածեալ զմտաւ գիտաց թէ անձնապահաց պէտք իցեն: Վճանգի գիտէր թէ ոչ ուրեք մարդիկ առաւել դիւրին առ ըմբռնել են, քան ի կերակուրս եւ յրմպելիս եւ ի լուանալն եւ յընկողմանելն եւ ի քունն լինել. դիտէր տեսանէր թէ կարիցէ զոմանս ի հաւատարմացն զիւրեւ ածել:

Օձտաւ ած թէ չիք ոք հաւատարիմ  
այր որ զայլ ոք քաջ սիրիցէ քան զայն  
որ պահպանու թեան կարօտ իցէ: Արդ  
զայնցանէ որ որդեակս ունէին կամ կա-  
նայս կամ գու թս, գիտաց եթէ ի բնէ  
իսկ բռնադատին առաւել սիրել  
զնոսա: Ալ զի ետես զներքինին յայնմ  
ամենայնէ անկեալ, զմտաւ ած թէ ա-  
ռաւել իմն համարիցին նոքա զնոսա  
որք կարողքն իցեն մեծարանս առնել  
եւ ձեռնտու լինել եթէ զրկեալ իւիք  
իցեն եւ պատիւս եւ մեծարանս նոցա  
չնորհել. եւ ոչ կարծէր իսկ զումեքէ թէ  
անցուցանիցէ զնովաւ երախտիս առնե-  
լով նոցա: Անդերձ սոքիմք, քան-  
զի անմեծ արքեն ներքինիքն առ յայլոց  
մարդկանէ, եւ յայն սակս իսկ տեառն  
օգնականութեամբ կարօտ են: Վան-  
զի չիք իսկ ոք որ արժան համարիցի ա-  
մենայնիւ քան զներքինին առաւելու  
թէ ոչ այլ ինչ ազնիւ գործ վճարիցէ:  
Թէ հաւատարիմ տեառնն իցէ չէ ար-  
դել ներքինւոյ յաւադութիւն հասանել:  
Իսկ զոր կարծիցէ ոք թէ ներքինիքն  
անզօրք են, նա չգրէր զայն ինչ, եւ  
նշանակ ընծայանայր նմա եւ յայլոց եւս  
անասնոցն, զի ամեհի երիւարք մալ-  
եալք ցածնուն ի քասքնելոյն եւ ի խայ-  
տալոյ, բայց քաջք են եւ պատերազ-  
մօղք. եւ ցուլք յորժամ մալիցին ի  
մեծամտելոյ եւ յանստստն դազա-

նութենէ զիջեալ ցածնուն, բայց յուժ-  
գնութենէ շանկանին եւ ի դործօնն լի-  
նելոյ. եւ շունք ըստ նմին օրինակի դա-  
դարեն զտեարսն. թողուլ յորժամ մա-  
լիցին, եւ առ պահպանութիւն եւ յոր-  
որս չառնին ապաժամանք: Աոյնդ ունակ  
զգօնագոյնք լինիցին եթէ յայնմ ցան-  
կութենէ անկանիցին, բայց ոչ դան-  
դաղեալք ի հրամանսն եւ ոչ դոյզն հե-  
ծեալք են, եւ ոչ դոյզն աղեղնաւորք,  
եւ ոչ դոյզն մեծարեալք պատուով:

Աւգուշակաւորք ի պատերազմունսն  
լինին եւ յորսս, եթէ ունին հակառա-  
կութիւն յանձինս. իսկ զհաւատարիմն  
լինելոյ ի տերանցն մեռանել բազում  
անգամ զհանդէս ցուցին. զի ոչ ոք  
գործ հաւատարիմ եցոյց ի տերանցն  
վիշտս քան զներքինիսն: Աւ եթէ  
նուազեալ ի մարմնոյ զօրութենէ կար-  
ծիցեն, երկաթն ի պատերազմի զանգօրսն  
հզօրացն հանգոյնս կատարէ: Օայս  
ածեալ զմտաւ սկիզբն ի դոնապանացն  
առնէր եւ զամենայն պաշտօնեայսն որ  
զանձամբ էին առնէր ներքինիս:

Օմտաւ ածեալ թէ չէ բաւական  
այն պահպանութիւն առ բազմամբօխ  
ժողովս թշնամեացն, դիտէր տեսանէր  
զոմանս հաւատարմագոյն քան զայլսն զի  
կացուցանիցէ պահպանս զարքունեօ-  
քն: Արդ քանզի դիտէր թէ որ ի Պար-  
սից աշխարհին են, շարաշար կեանս կե-



ան առ աղքատութեան տառապանաց, եւ աշխատութեամբ վասն ինքնագործոն լինելոյ, զմտաւ ած եթէ նոքա առաւել կամիցին կալ առ իւր: Արդ առնու նա ի նոցանէ բեր տիգաւոր որչուրջ զցայգ եւ զցերեկ պահէին յարքունիան յորժամ ի ներքս դադարեալ կայր. եւ յորժամ ելանիցէ ուրեք, աստի եւ անտիկարգեալ տողեալ երթայցեն: Աորհեցաւ թէ ողջոյն իսկ Ռաբելաղացոց աշխարհին պարտ է բազում պահապանս կացուցանել, թէպէտ եւ ինքն անդէն դիպիցի, թէպէտ եւ դէմ եղեալ տարադէմ ի տար աշխարհ երթայցէ. կացոյց եւ ի Ռաբելոնի պահապանս բազումս. եւ վարձս նոցա Ռաբելաղացոցն հրամայէր տալ, զի կամէր իմն զնոսա թէ առանց պաճարանաց իցեն, զի յանարգութիւն հասեալ հպատակագոյնք լինիցին:

Պահն որ զնովաւ էր եւ որ ի Ռաբելաղացոց աշխարհին կացուցաւ, ցայժմ նոյնպէս կայ պահի: Օմտաւ ածեալ թէ զհարդ եւ որդունակ կայցէ ի հաստի ամենայն իշխանութիւնն, եւ այլ եւս ի նոյն հարստութիւն յաւելցի, խորհեցաւ թէ վարձկանքն այնոքիկ ոչ եթէ այնչափ ազնուագոյնք են քան զամենայն հնազանդեալն, որչափ նուազագոյնք իցեն: Վիտաց թէ զքաջսն առ իւր պարտ է ունել որ տայցեն նմա իշ-

խել աստուածովքն, եւ թէ պարտ իսկ է հոգալ թէ մի յառաքինութեան հրահանգաց հանդիցեն: Աւ զի մի հրաման տալ կարծեցուցանիցէ, այլ զի ինքեանք յանձանց իսկ իմացեալ թէ նոյն լաւ է, այնպէս կանխեալք զառաքինութենէ փոյթ յանձին ունիցին, ժողովէր զպատուակիցսն եւ զամենեսին որ աւագքն էին եւ պիտանացուք թըւէին կցորդս վաստակոցն եւ բարու թեանցն լինելոյ: Աւ իբրեւ ժողովեցան խօսէր այսպէս զսոյն ձեւ օրինակի բանից:

Արք բարեկամք եւ պատերազմակիցք, բազմապատիկ դոհութիւն դիցն, զի ետուն մեզ որոց արժանին համարէաք: Վանզի ունիմք այժմ երկիր բազում եւ առատ, եւ են որ ի դործ արկեալ զերկիր լինիցին մեզ համբարակք. ունիմք եւ ապարանս եւ ի նոսին կազմածս եւ ոչ որ ի ձէնջ որ զայն ամենայն ունիցի համարիցի զօտարին ունել. քանզի օրէնք յաւիտենականք են յամենայն մարդիկ, թէ յորժամ քաղաք թշնամեաց առցի, առնլեացն են եւ մարմինք որ ի քաղաքի անդ իցեն եւ ինչք. եւ արդ ոչ ապիրատութեամբ ունիցիք զոր ինչ ունիցիքն, այլ մարդասիրութեամբ ոչ հանէք եթէ թողէք ինչ ունել նոցա:

Վայց վասն իրացն որ յետ այսորիկ իցեն, ես այսպէս ածեմ զմտաւ եթէ

յուղութիւն եւ յանպիտանութիւն զառաժանիցեմք եւ ի չարաց մարդոց անձընդիւրութիւն, որ համարիցին թէ վաստակէն թշուառութիւն է, եւ զանվաստակ կեանսն կեալ՝ դիւրութիւն, վաղվաղակի անարգք եւ անպիտանք անձանց լինիցիմք, եւ երազ երազ յամենայն իսկ ի բարութեանց անկանիցիմք: Վանզի չէ բաւական արս առաքինիս լինել, առ առաքինիս լինելոյ մինչեւ ցվախճան, եթէ սչ իսպառ ոք զառաքինութենէ փոյթ առնիցէ: Այլ զոր օրինակ այլ եւս ճարտարացն արուեստքն եթէ անփոյթ առնիցին փոքրագինք լինիցին, եւ քաջ մարմինք, յորժամ ի դիւրութիւն ոք հատանիցի, յոռանան. ըստ նմին օրինակի եւ ցածութիւն եւ ժուժկալութիւն եւ ուժգնութիւն, յորժամ զհրահանգս ոք նոցա յանձնէ մերժիցէ, այնուհետեւ միւսանգամ յոռութիւն եւ յանշահութիւն կործանիցի:

Այլ արդ պարտ եւ պատշաճ է եւ ոչ ի մօտաւոր հեշտականութիւնն ընթանալ խառն ի խուռն: Վանզի մեծ իմն գործ համարիմ իշխանութիւն մի յօրինել, եւ եւս իմն մեծ, պահել զիշխանութիւնն. զի առնուլն բազում անգամ եւ այնմ որ ի վսեր եկեալ յանդգնիցի, դէպ լինի. բայց զառեալն ունել յակաստանի, ոչ այնուհետեւ առանց

զգաստութեան եւ ոչ առանց ժուժկալութեան եւ ոչ առանց բազում հոգաբարձութեան լինիցի: Ալ մեզ որ զայս ամենայն գիտեմք, այժմիկ պարտ եւ պատշաճ է եւս առաւել յառաքինութիւն թեւակոխել, քան մինչ չեւ մեր ստացեալ զբարութիւնսն. ի միտ առեալ թէ յորժամ բազում ինչ ոք ունիցի, առաւել չարակնիցեն եւ նենգիցեն եւ թշնամիք լինիցին, մանաւանդ եթէ ի չկամելոցն զարարան եւ զսպասաւորութիւնն ունիցի, որպէս մեքն ունիմք:

Արդ զդիցն այսպէս պարտ է համարել թէ ընդ մեզ իսկ են, զի ոչ եթէ նենգելով յանիրաւի ինչ ունիցիմք, այլ յորժամ մեզ նենգութիւն լինէր, վրէժ խնդրեցաք. բայց յետ այսորիկ մեր գործ է լաւութիւնս ցուցանել. այն իսկ է զի ազնուագոյնք քան զիշխանաւորսն լինիցիմք եւ արժանի իշխանութեանն համարիցիմք: Ալ արդ տօթոյ եւ ցրտոյ եւ կերակրոց եւ ըմպելեաց եւ վաստակոց եւ քնոյ հարկ է հաղորդս առնել զնոսա. բայց յորժամ հաղորդակիցս զնոսա առնիցեմք, պարտ է փութալ նոքիմք նախ ազնուագոյնս քան զնոսա երեւել. իսկ պատերազմի խելամտութեան եւ կրթութեան ամենեւին չառնել զնոսա հաղորդս, զորս մեզ մշակս եւ հարկատուս կամիմք ստա-

նալ, այլ պարտ եւ պատշաճ է նովին իսկ հրահանգօք դէլ զնոսա, ի միտ առեալ եթէ զսոսա ազատութեան եւ փառաւորութեան գործիս մարդկան դիքն ետուն: Աւ զոր օրինակ զզէնսն հանաք ի նոցանէ, այսպէս մեզ պարտ եւ պատշաճ է մի երբեք ի զինուց դատարկանալ. զմտաւ ածեալ եթէ որ միշան մօտ իցեն զինուց, նոցին հուպ իցէ զոր ինչ կամիցինն:

Ապեթէ այսպիսի ինչ ածիցէ ոք զմտաւ եթէ զինչ շահ եղեւ մեզ վճարել զամենայն որ ինչ ցանկայաք, եթէ տակաւին պարտ իցէ ժուժկալ լինել ի քաղցնուլ եւ ի ծարաւել եւ ի հոգալ եւ ի վաստակել: Օայն պարտ է ի միտ առնուլ թէ այնչափ առաւել ուրախ առնեն բարութիւնքն, որչափ առաւել վաստակեալ ոք ի բարութիւնսն հասանիցէ. զի աշխատութիւնք քաջացն խորտիկք են: Աւ առանց կարօտութեամբ հասանելոյ իմիք, ոչ ինչ այնպէս բազմապատիկ յարդարիցի մինչեւ հեշտ եւ քաղցր լինել: Արոց առաւել իմն ցանկանան մարդիկ, զայն մեզ դիքն պատրաստեցին, այլ զի հեշտականք նոյնք թուիցին, ինքն իսկ ոք հեշտական անձինն կազմիցէ. այնպիսի այր այնչափ առաւել իցէ քան զկարօտեալսն կենօք որչափ քաղցեալ ոք քաղցր կերակուր գտանիցէ, եւ յորժամ

ծարաւի իցէ յանոյշ ըմպելիս վայելիցէ,  
 եւ կարօտ լեալ հանդստեան, քաղցր ի  
 քուն լինիցի: Ասան այսր ամենայնի  
 ասեմ թէ այժմիկ պարտ եւ պատշաճ է  
 ի լաւութիւն յօժարել, զի ի բարու  
 թիւնսն ուրախութեամբ վայելիցեմք,  
 եւ զի ի դժբնդակ չարեացն որ քան  
 զբնաւ դաժանագոյն իցէ անփորձ իցեմք:  
 Վանզի ոչ եթէ չառնուին ինչ զբա-  
 րիսն այնպէս դժբնդակ իցէ, որպէս  
 յետ առնլոյն անկանել, տրտմութեան  
 է:

Սա եւ զայն եւս ածէք զմտաւ թէ  
 զոր պատճառս եւ բարուրս ունիցիմք  
 զի անպիտանք քան զառաջինն յօժարի-  
 ցեմք լինել. արդեւք զի իշխեմքն. այլ  
 չէ ի դէպ իշխանին ի վայր քան զիշ-  
 խանաւորսն լինել. այլ զի այժմիկ փա-  
 ռաւորագոյնք թուիմք քան յառաջն,  
 վասն այնորիկ ինչ ասիցէ որ համար-  
 ձակեցուցանել փառաւորութեան զվա-  
 տութիւնն: Մյլ քանզի ծառայս ստա-  
 ցաք, տանջեսցուք զնոսա եթէ յոռու  
 թիւն հարեալ հատանիցին. եւ զինչ  
 ի դէպ իցէ, զի որ ինքն չար իցէ, յո-  
 ռութեան վասն կամ դիւրութեան զայլս  
 տանջիցէ:

Մյուսուհետեւ եւ զայս զմտաւ ածի-  
 ցէք, եթէ պատրաստեցաք զբազումս  
 սնուցանել եւ զմերոց տանց պահպանս  
 եւ զանձանց: Օհարդ չիցեն քարուա-

կանք, եթէ զայլ սպասաւորս փրկու-  
թեան եւ կենաց համարիցիմք, եւ մեք  
անձանց շինիցիմք սպասաւորք: Պարտ  
եւ պատշաճ է ի միտ առնուլ եթէ այլ  
ինչ այնպէս պահպանութիւն չէք, որ-  
պէս ինքնին իսկ անձամբ ումեք ընտիր  
լինել, զի այնմ պարտ է առ երի իսկ  
ընթանալ: Այլ այնմ որ լոկ յառա-  
քինութենէ իցէ չէ ի դէպ այլում իմիք  
բարւոյ լինել:

Իսկ արդ զինչ պարտ իցէ առնել եւ  
սր յառաքինութիւն թեւակոխել եւ  
յորում վայրի ընդ հրահանգս ելանել.  
ոչ ինչ նոր ասիցեմ ով արք, այլ զոր  
օրինակ ի Պարսս յիշխանացն վանան  
պատուակիրքն կան, այնպէս պարտ է  
եւ ձեզ ամենեցուն հանգիտապա-  
տուացս որ աստ իցէք, որ ինչ անդէն կրթ-  
թութիւն իցէ ի նոյնս կրթել, եւ ձեզ  
մօտ կալ եւ տեսանել զիս եւ ի միտ առ-  
նուլ եթէ փութով եւ հոգաբարձու-  
թեամբ վճարիցեմ զոր ինչ պարտն իցէ  
վճարել: Աւ ես ձեզ միտ եղեալ նայի-  
ցիմ, եւ զորս տեսանիցեմ ի լաւու-  
թիւնս կրթեալ, զնոսա շուք եղեալ  
մեծարիցեմ. եւ զմանկտի, եթէ լինի-  
ցին մեր, աստէն խրատեսցուք: Օ՛ի  
եւ մեք ազնուագոյնք լինիցիմք եթէ  
կամիցիմք մանկուոյ ազնուագոյն ա-  
ռակ օրինակի զանձինս ընծայեցուցա-  
նել: Աւ այնուհետեւ մանկտին եւ ոչ

Թէ կամիցին, դիւրաւ կարիցեն յոռա-  
նալ, յորժամ ոչ մի ինչ աղտեղի տե-  
սանիցեն եւ ոչ լսիցեն ի բարւոք հրա-  
հանդսն ցանդորդեալք :





ՈՒԹԵՐՈՐԴ

ԳՊՐՈՒԹԻՒՆ



# ՎՍԵՆՈՓՈՒՏԵՆՅՅ

## ԿԻՒՐՈՍԻ ԽՐԸՏՈՒ

ՊԱՏՄՈՒԹԵԱՆՅ

Ը Գ Պ Ր ՈՒ Թ Ի Ի Ն

Գ Լ Ո Ւ Խ Ա

ԿԻՒՐՈՍ զայս ձեւ օրինակ խօսէր. յետ նորա յարեալ եկաց Վրիւսանտաս եւ ասէ այսպէս. Բազում անգամ ով արք, եւ այլովք բազմօք ի միտ առի եթէ իշխան առատ չէ ինչ ընդհատ ի հօրէ բարւոյ. զի հարք խնամակալ լինին որդւոյ թէ մի բարութիւնք պակասեցեն ի նոցանէ: Թուի ինձ թէ մեզ խրատ տայցէ Կիւրոս որովք քաջ փառաւորեալք զկեանս անցուցանիցեմք: Օ, որմէ ինձ թուի թէ պիտոյ է յայտ առաւել առնել. յայդ իսկ փութամ զի զայնոսիկ որ չիցեն ակահ ուսուցանիցեմ: Օ, մտաւ ածէք թէ որ քաղաք թշնամեաց յանհնազանդից առաւ, եւ որ աշխարհ յանհաւատից պահեցաւ, եւ որ բանակ անսաստելոցն յաղթութեան եհաս, եւ զիւրդ աւելագոյն ի պարտութիւն մատնիցին ի պատերազ-

մունս մարդիկ, բայց յորժամ սկիզբն առնիցեն իւրաքանչիւր զանձին փրկութիւն խորհել: Օ՛հնչ այլ ինչ լաւութիւն վճարիցի յայնցանէ որ Հնազանդիցին լաւագունացն. ո՞ր քաղաքք օրինօք շինեցան, կամ ո՞ր տունք ապրեցան, ո՞րպէս նաւք ուրեք երթեալ հասանիցեն: Ալ մեք զոր ինչ բարութիւնսրն այժմ ունիմք ի՞նչ իւրք այլով առաւել վճարեցաք, բայց իշխանին հնազանդ լինելով: Օ՛հ վասն այնորիկ իսկ զցայգ եւ զցերեկ արագ արագ յպարտն էր, հասաք, եւ յորժամ միանգամայն զհետ խաղացեալ երթայաք իշխանին, առանց ի դիմի հարկանելոյ էաք, ի ճակատելն ոչ մի ինչ թերահատար թողաք: Այսուհետեւ եթէ իշխանութեան հնազանդ լինել մեծ իմն օգուտ իցէ առ արութիւնս վճարելոյ, գիտասջիք թէ դոյն իսկ եւ ի պահպանութիւն այնր ամենայնի որում պահպանութիւնն պիտոյ իցէ, առաւել օգուտ է:

Յառաջագոյն բազումք էին որ իշխէին մեզ, եւ մեք ումեք ոչ իշխէաք. բայց այժմ այնպէս հանդերձեցարուք ամենեքեան որ աստ կայք, զի իշխէք ոմանք բազմաց եւ ոմանք սակաւուց: Օ՛ր օրինակ արժան համարիցիք տիրել որոց ընդ ձեւք իցեն, նոյնպէս եւ մեք հնազանդեացուք որոց ի դէպ իցէ

Հնազանդ լինել: Այնչափ ինչ պարտ է մեզ ի ծառայից ընդհատ լինել, որչափ զի ծառայք յակամայ կամս տերանց արբանեկութիւնն հարկանիցեն: Իսկ մեք քանզի համարիմք եթէ ազատք իցեմք, պարտ եւ պատշաճ է կամակար առնել որ ինչ մեծարոյն իցէ: Աւ գտանիցէք, ասէ, զի քաղաք առանց միահեծան իշխանութեան, շինիցի. բայց որ իշխանացն կամիցի Հնազանդ լինել, թէ եւ բռնադատիցի ի բռնութեանէ բռնազբօսիկ ինչ իրաց, չտայցէ ի թշնամիս ձեռն: Արդ հասեալ կամք, որպէս պատուէր տայ Աիւրոս ի վանս յայս, կրթեսցուք ամենայնիւ որովք մարթեմքն գրաւել զայն որ ինչ պարտն իցէ. տայցեմք զանձինս Աիւրոսի ի գործ արկեալ վարել յինչ պարտն իցէ: Քանզի եւ զայն պատշաճ է գիտել թէ չմարթի Աիւրոս գտանել ինչ զոր յիւր օգուտ արկանիցէ ի կիր, եւ ոչ ի մեր շահ. քանզի նոյն շահք մեր առաջի կան եւ նոյն թշնամիք:

Իբրեւ զայս խօսեցաւ Քրիւսանտաս, ապա այլ եւս բազումք յարեան ի Պարսից եւ ի նիզակակցացն, զնոյն խօսել: Աւ հաճոյ թուեցաւ պատուականացն ցանգ ի դրունան լինել, եւ մատուցանել զանձինս ի կիր արկանել յինչ կամ իցէ, մինչեւ արձակիցէ Աիւրոս: Որպէս ի ժամանակին հաճոյ թուեցաւ, ըստ

նմին օրինակի եւ ցայժմ առնեն որ յԱսիացւոց աշխարհին ընդ թագաւորաւն են, զի ի պաշտաման կան դրանց իշխանացն: Ալ որպէս ի ճառիս յայտ արարեալ ցուցանիցի, Վիւրոս կազմեաց պատրաստեցաւ իւր եւ Պարսից պահել զիշխանութիւնն, զնոյն օրէնս եւ որ յետ նորա թագաւորք կացին մի ըստ միոջէ, մինչեւ ցայժմ պահեն: Ալ այս այնպէս որպէս եւ յայլ եւս իրս. յորժամ որ զլիաւորն իցէ ազնուագոյն իցէ, յստակ մտօք օրէնքն ի զլուխ ելանիցեն. այլ յորժամ ապաժաման զլիաւորն իցէ, անզգամութեամբ: Այնուհետեւ կանխէին ի դրունսն Վիւրոսի պատուականքն երիւարօք եւ գեղարդեամբք. այսպէս հաճոյ թուեցաւ ամենայն քաջացն, յայնցանէ որ ընդ նմա իսկ վանեալ վկանդեցին զիշխանութիւնն:

Այլոց եւս իրաց հոգաբարձուս կացուցանէր Վիւրոս. եւ էին նորա հասից ընդունելիք եւ ծախից բաշխիչք եւ գործոց ոստիկանք եւ պահապանք արարոց եւ ռոճկաց յանձանձիչք. եւ երիւարաց եւ պառականոյ դարմանիչս կացուցանէր, զորոց համարէրն եթէ ազնուագոյն մատուցանիցեն նմա զճարակաւորսն ի գործ արկեալ վարել. իսկ զորս ուրախութեան եւ փառաւորութեան պահապանս համարէր

ինքն իսկ դէտ ակն ունէր նոցա, զի ազնուագոյնք լինիցին, եւ ոչ զայնր հոգաբարձութիւն այլոց հրամայէր, այլ իւր իսկ զայն՝ գործ հաշուէր: Վանզի հմուտ էր եթէ երբեք ուրեք պատերազմի պէտք լինիցին, ի նոցունց հասանէր առնուլ զիւրեւ, որոց մեծամեծ տազնապք հասեալ իցեն, եւ ըզզորագլուխս հետեւակաց եւ հեծելոց ի նոցանէ կամէր կացուցտնել: Աւ եթէ զօրավարք ուրեք պիտոյ լինէին առանց իւր, գիտէր թէ ի նոցունց իսկ արժան է առաքել:

Աւ քաղաքաց եւս եւ ողջոյն իսկ ազգաց պահապանս եւ նախարարս կամէր զոմանս ի նոցանէ կարգել, եւ ի նոցունց զոմանս հրեշտակազնացս առաքել. զորմեծ իսկ իրս համարէր առ հասանելոյ առանց պատերազմի այնմ ամենայնի որ ինչ պիտոյն իցէ: Օմտաւ ամէր թէ յորժամ չիցեն նոյնպիսիք որպիսիս պարտ իցէ լինել այնոցիկ յորոց ձեռն բազում մեծամեծ գործք եւ արութիւնք կատարելոց իցեն, այնուհետեւ ամենայն ինչ որ իւր իցէ չարաչար ի գլուխ ելանիցէ: Ապեթէ այնպիսիք իցեն որպիսիս պատշաճ իցէ գտանել. ամենայն իմիք համարէր ի դէպ վճարել. Արդ զայս ի միտ առեալ, նմին դարմանոյ պատկառ կայր: Օնոյն հրահանգս առաքինութեանն

եւ անձինն իսկ պատշաճ համարէր . քանզի չհամարէր արժան, զի որ ինքն չիցէ այնպիսի ոք որպիսի ի դէպ իցէ լինել, զայլս ի գործս բարութեան յորդորիցէ : Իբրեւ զայս խորհէր, զմտաւ ածէր եթէ նախ պարապութեան պէտք են, եթէ զլաւութեանց կամիցի փոյթ յանձին ունել : Օհասից եւ զմտից անփոյթ առնել չհամարէր ի դէպ, զմտաւ ածեալ եթէ հարկ լինիցի բազում ծախս ծախել ի մեծայաղթ իշխանութեանն :

Իարձեալ, քանզի բազում արարք էին, գիտէր եթէ ցանգ զնոցունց զմտաւ ածել չտայ պարապել եւ զամենեցունցն կենաց փոյթ յանձին ունել : Ասն այնորիկ զմտաւ ածէր թէ զհարդտեսչութիւնքն բարիք մատակարարեսցին եւ առնիցի պարապութիւն, միտ եդեալ նայէր ընդ զօրականացն կարգս : Քանզի բազում անգամ տասնապետք զտասանց հոգայցեն եւ զօրագլուխք զտասնապետացն, եւ հազարապետքն զզօրագլխացն եւ բիւրապետք զհազարապետացն, եւ այնպէս ոչ իցէ որ առանց խնամակալութեան լինիցի, եւ ոչ թէ բնաւ իսկ ամենեւին բազում բեւրք մարդկան իցեն : Յորժամ զօրավար այր կամիցի ի կիր զզօրսն արկանել, շատ եւ բաւական է եթէ բիւրապետացն հրաման տայցէ :



Բասնոցին օրինակի նոյնպէս եւ զտան խնամակալութեան իրս բովանդակեաց Վիւրոս . մինչ զի յորժամ ընդ սակաւուց խօսէր Վիւրոս , ոչ մի ինչ ի տան իրաց անխնամ մնայր : Աւայնուհետեւ ունէր պարապ առաւել քան զայլ ոք որ զտան միոջ եւ զնաւու միոջ հոգաբարձութիւն յանձին ունիցի : Այսպէս կարգեալ եւ հաստատեալ զիւրս ամենայն , ուսուցանէր եւ որոց զիւրեւն էին նովին կարգօք վարել : Օպարապութիւնն այնպէս պատրաստէր անձին եւ որոց շուրջ զիւրեւ էին :

Սկիզբն առնէր այնուհետեւ զիւր զուօղն կարգել յօրինել թէ որպիսիս պարտ իցեն լինել : Ար բաւական էին այլոց վաստակովք կերակրել եւ ոչ գային ի դրունսն զնոսա խնդրէր , զի որ գան չար ինչ գործ չառնուն յանձն գործել վասն առ իշխանին կալոյ , եւ վասն գիտակ լինելոյ թէ յակն անկանին ազնուագունացն որ ինչ եւ գործիցեն : Իսկ որք ոչն գային կամ անխառնութեամբ իւիք կամ ապիրատութեամբ կամ անփոյթ առնելով համարէր հեռացեալ զնոսա : Արդ զայս զմտաւ ածեալ , բռնադատէր այնպիսեացն գալ : Օի ումեմն յառաւել բարեկամաց անտի իւրոց հրամայէր՝ զնորայն որ ոչ յաճախէր առնուլ , եւ աւել թէ զիւրն առնու : Իբրեւ այն լինէր ,

իսկ եւ իսկ վաղվաղակի դայինն հասանէին զրկեալքն որպէս թէ խուեցան :

Բայց Աիւրոս բազում ժամանակս չպարապէր այնպիսեաց լսել . եւ յորժամ լսէրն նոցա , բազում ժամանակս ի ձիգ արկանէր զիրաւունս դատաստանացն . զայս առնէր զի կամէր ընդելլուզանել զնոսս գալ եւ պաշտօն հարկանել , եւ ոչ թշնամութեամբ որպէս պատիժս պատուհասից ի վերայածելով այնպէս բռնադատէր գալ : Մի պայման վարդապետութեան գալոյ՝ այս էր նորա . եւ մեւս եւս պայման զդիւրինան եւ զչահաւորան հրամայել եկելոցն . եւ այլ եւս դարձեալ մի ինչ երբեք մեկնելոցն տալ բաժինս : Աւ որ մեծ եւս օրինակ բռնադատելոյ էր , եթէ չանսայր ոք իմիք , հանեալ ի նմանէ զոր ինչ ունէրն , այլում տայր զումէ կարծէր թէ մարթի ի դէպ ժամուհասանել , եւ այնպէս փոխանակ անպիտանութեանն բարեկամ պիտանի լինէր նմա : Յուզէ եւ այժմու թագաւորս եթէ չիցէ ուրուք եկեալ յայնցանէ որոց անկ իցէ գալ :

Այսպէս գնայր Աիւրոս ընդ չեկելոցն : Իսկ զայնցանէ որ զանձինս մատուցանիցեն այսպէս իսկ համարէր , յաճախագոյն ի գործս լաւութեան յորդորել , եթէ ինքն որ նոցա թագաւորն էր , ջանայր զանձն իշխանաւորացն տ-

առեւել քան զամենեւեան վառեալ ի զարդ առաքինութեանն ցուցանէր : Քանզի ի միտ առնոյր թէ եւ ի ձեռն օրինացն դրելոց ազնուագոյնք լինիցին մարդիկ, բայց զլաւ թագաւոր՝ հայեցող օրէնս մարդկան համարէր, զի եւ հրաման տալ կարող է եւ զստահակեալսն տեսանել եւ լլկել : Այսպէս ածեալ զմտաւ, նախ զդիցն իսկ ցուցանէր զանձն ճգունս յանձն առեալ ի ժամանակին յայնմիկ, քանզի փառաւորագոյն էր : Աւ յայնմ ժամանակի զառաջինն կարգեցան կացին մոգքն հնչել նուագել դիցն ընդ առաւօտն, եւ զոհս օր ըստ օրէ մատուցանել որոց դիցն մոգքն պատուէր տայցեն : Ար յայնժամ հաստատեցաւ եկաց եւ ցայժմ եւս կայ պահի յայնմանէ որ մի ըստ միոջէ ցանգ թագաւոր կայցէ : Արդ այսու ամենայնի նմանօղ լինէին նմա եւ այլք Պարսիկք, զի համարէին թէ փառաւոր լիցին թէ դիցն պաշտօն հարկանիցեն, զոր օրինակ որ փառաւորն քան զամենեւին էր եւ իշխէր. եւ համարէին թէ Վիւրոսի հաճոյ լինիցին թէ զայն առնիցեն :

Իսկ Վիւրոս զդիւցապաշտութիւն այնոցիկ որ ընդ իւրն էին եւ անձին շահ հաշուէր, մտախորհ եղեալ զոր օրինակ որ ընդ դիւցապաշտացն մանաւանդ կամիցին նաւարկել եւ ոչ ընդ այնոսիկ որոց ինչ ամպարչտեալ իցէ :

Եւ հանդերձ նոքիմքք զմտաւ ածէր, եթէ ամենայն հաղորդակիցքն դիւցապաշտք իցեն, դուն ուրեք ունիցին յանձին վնաս ինչ միմեանց կամ նմին առնել, քանզի բարերար եւ երախտաւոր հաղորդակցացն համարիցի: Սա յայտ արարեալ եւ զայն թէ մեծ իմն համարիցի չլինել զրկող ոչ բարեկամի եւ ոչ նիզակակցի, այլ սաստիութեամբ ընդ իրաւունսն հայեցեալ կամեր եւ զայլսն յանպատեհ շահից մերժել, եւ իրաւամբք եւ արդարութեամբ կամել մեծանալ. եւ համարէր ամենեցուն ակն ածել եւ պատկառել, եթէ ինքն իսկ յայտնապէս յամենեցունց այնպէս ակն ածիցէ, զի ոչ խօսիցի կամ գործիցէ ինչ ազտեղի:

Եւ զի այս այսպէս է եւ անտի յայտ լինէր, զի ոչ եթէ զայր թագաւոր, այլ եւ յորոց ոչն երկնչին առաւել ի պատկառելն նոցա ակն ածիցեն մարդիկ, քան ի չպատկառելն: Եւ ի կանաց որ հայինն, ակն ածեն յորժամ զգայցեն զնոցանէ թէ ամաչեն: Վարձեալ համարէր աւելագոյն հաստատուն լինել հնազանդութեան ի նոսա որ զիւրեւն էին, եթէ զհնազանդեալսն առանց բարրանաց յայտ յանդիման մեծամեծար մեծարիցէ առաւել քան զայնոսիկ, որ զմեծաւաստակ առաքինութիւնսն թուիցին ընծայեցուցանել:

Եւ ըստ այնմ զոր գիտէր նոյնպէս եւ ի գլուխ հանեալ վճարէր:

Նա եւ զիւր ցածութիւնն յայտ աւարեալ ի նոյն զամենեսին կրթէր: Օ ի թէ որում համարձակ իցէ ծածուկ կալ զնա տեսանիցեն զգաստացեալ, եւս առաւել անաւագքն ոչ ինչ գործ ծանականաց յայտնի յանձին ունիցին գործել: Իսկ զամօթխածութիւն եւ զցածութիւն այնու ընտրէր, զի ամօթլեւածքն ի յայտնի ինչ ծանականաց խորշիցին, իսկ ցածուքն եւ յանյայտիցն: Նոյնպէս եւ ի ժուժկալութեան վարժս համարէր առաւել կրթել, եթէ ինքնին իսկ ի գլխովին ցուցանէր զանձն ոչ յանկարծադէպ ցանկութեամբքն ձգեալ ի լաւացն, այլ կամեցեալ նախ ի ճգունս մտանել հանդերձ պատշաճութեամբ յառաջ քան ղխրախուժիւնան: Արդ քանզի այսպիսի ոք էր, ի դրունս բազում յօրինուածութիւն յոռութեանցն առնէր, տեղի տալոյ ազնուագունացն, եւ բազում ակնածութիւն եւ ցածութիւն առ միմեանս, եւ գտանէիր անդ ոչ զոք ցասուցեալ աղաղակաւ, եւ ոչ ուրախ եղեալ եւ ծանակ կայցէ ծաղու եւ քրքջիցէ, այլ յորժամ նշմարիցես զնոսա, համարիցիս արդարեւ զբարւոք կեանս կեցեալ: Օ այս ինչ ի դրունսն առնէին եւ զսոյնս տեսանէին:

Բայց վասն պատերազմացն կրթութեան յորսս հանէր զայնսոսիկ որոց պատշաճ համարէր ի նոյնս թեւակոխել: Օ՛ի զորսոն ամենեւին իսկ քաջ կրթութիւն պատերազմացն համարէր, եւ ստոյգ հրահանգս առնեւծիոյ: Օ՛ի նոյն եւ ի պէսպէս տեղիս ուսուցանէ հեծանել վասն զերէոց փախստէից զհետ արշաւելոյ, եւ յերիւարաց անտի գործօնս եւ ժիրս կազմէ վասն պարծանաց եւ ցանկութեամբ ըմբռնելոյ: Աւաստէն իսկ մանաւանդ ընդելուզանէր զհազորդակիցսն հանգարտել տանել ժուժկալութեամբ եւ երկոց եւ վաստակոց, ցրտահար եւ խորշակառ լինել քաղցնուլ եւ ծարաւել: Մա եւ այժմ եւս թագաւորն եւ այլք որ զթագաւորան են, առնեն:

Արդ զի այսպէս համարէր թէ չէ անկ ումք իշխանութիւն, որ քան զիշխանաւորսն չիցէ ազնուագոյն, ամենեցուն իսկ յայտ յայժմու բանիցս ասացելոց է, եւ զի այսպէս զորս զիւրեւն էին, կրթելով, առաւել եւս ինքն ժուժկալութեան ճգունս ցուցանէր եւ ճարտարութիւնս պատերազմի եւ կրթութիւնս: Օ՛ի եւ զայլն յորս տանէր յորժամ ոչ հարկ ինչ ի վերայ կայր ի տան մնալոյ: Բայց ինքն եւ յորժամ հարկ գոյր ի տան կալոյ, որսայր զգազանսն որ ի բուրաստանսն պարա-

րէին. եւ ոչ ինքն երբէք յառաջ քան  
 զքրանելն ընթրիս ուտէր, եւ ոչ ե-  
 րիւարացն առանց ի հրահանգան կրթե-  
 լոյ, խար արկանէր: Ի նոյն որսս հը-  
 րաւիրէր զիշխանսն որ շուրջ զիւրեւ էին.  
 քանզի ինքն կարի ընտիր էր ամենայն  
 գործովք քաջութեան, նոյնպէս եւ  
 որ զնովաւն կային վասն հանապազն  
 կրթելոյ: Այսպիսի ինչ առակ օրինա-  
 կի զանձն ընծայեցուցանէր: Հանդերձ  
 սոքիմբք եւ այլոց ոմանց զորս աւելա-  
 գոյն տեսանէր լաւութեանց զհետ մը-  
 տեալ, զնոսա մեծապարգեւ մեծապա-  
 տիւ մեծարէր, իշխանութիւնս եւ բարձս  
 շնորհէր, որպէս զի ամենեցուն նախան-  
 ձուկս արկանիցէ զի իւրաքանչիւր ոք  
 քաջ երեւիցի Վիւրոսի:

Մեզ թուի ի միտ առնուլ զՎիւրո-  
 սէ եթէ ոչ այնու եւեթ պատշաճ հա-  
 մարէր իշխանաւորացն ընդհատ յիշխա-  
 նաւորացն լինել զի ազնուագոյնք քան  
 զնոսա իցեն, այլ եւ պատրել եւս պատ-  
 շաճ համարէր զնոսա: Ասան այնորիկ  
 յորժամ յօժարեաց զմարական պատ-  
 մուճան ագանել, եւ զհաղորդակիցսն  
 հաւանեցոյց զնոյն արկանել. զի թուե-  
 ցաւ նմա թէ այն պատմուճան ծա-  
 ծիկիցէ, եթէ պակաս ինչ ոք ի մարմնի  
 ունիցի, եւ գեղեցիկս եւ անդամայաղթս  
 ցուցանիցէ: Օ՛ի այնպիսի օդս ունին,  
 յորս մարթիցի թագչել եթէ արկա-

Նիցի ինչ ի ներքս առ ի մեծամեծս  
 քան որչափ իցեն կարծեցուցանելոյ:  
 Թողոյր եւ ծարիր յաչս ամանալ, զի  
 գեղեցիկք եւ ծաւիք երեւիցին աչօք  
 քան որչափ իցենն, եւ զի գունաւորք  
 երեւիցին քան զբնութիւնն: Արթեաց  
 եւ մի յայտ թքանել եւ մի զերեսս  
 դարձուցանել տեսանել ինչ, որպէս  
 թէ ոչ զարմանայցեն ընդ իրս ինչ:  
 Բայց զայսմ ամենայնէ համարէրնը-  
 պաստ լինել ինչ առ ի չերեւելոյ ար-  
 համարհ այնոցիկ որ ընդ իշխանու-  
 թեամբ իցեն:

Արոց միանգամ պարտ էր իւրեւ իշ-  
 խանս լինել, այսպէս կրթութեամբ  
 յարդարէր եւ լուսաւոր վերակացու-  
 թեամբն: Իսկ զորս ի ծառայութիւն  
 պատրաստէր, զնոսա չյորդորէր ի վաս-  
 տակս ինչ ազատացն աշխատութեանց,  
 եւ ոչ յանձանձէր զէն ստանալ: Բայց  
 հոգայր թէ մի անսուաղ եւ առանց  
 ջրոյ երբէք իցեն վասն ազատացն կրթ-  
 թութեան: Օ՛հ եւ յորժամ հալա-  
 ծիցեն զգազանսն հեծելովք ի դաշտս  
 հրամայէր նոցա հաց տանել յորսն.  
 Իսկ յազատացն ոչ ումէք: Այլ յորժամ  
 դէպ լինէր ճանապարհ գնալ, ածէր  
 զնոսա առ ջուրս որպէս զգրաստսն. եւ  
 յորժամ ժամ լինէր ճաշու, մնայր նոցա  
 մինչեւ ուտիցեն ինչ, զի մի նքթիցին:  
 Անչ զի եւ նոքին զնա, որպէս եւ



աւագքն, հայր կոչէին, զի հոգի մտի ունէր զնոցանէ, որպէս միշտ իսկ եւ հանապազ առանց ինչ ընդ բանս ածելոյ ծառայք կայցեն:

Համօրէն իսկ Պարսից տէրութեան այսպէս ամբուլթիւն յարդարէր. եւ անձինն յաճախագոյն քաջալերս մատուցանէր թէ ի վանելոյ անտի եւ ի կործանելոյ չհասանիցէ վիշտս ինչ վշտանալ: Քանզի անզօրս համարէր զնոսա եւ անկարգս տեսանէր, եւ հանդերձ նոքիմբք ոչ ոք ի նոցանէ մերձենայր առ նա ոչ զցայգ եւ ոչ զցերեկ: Իսկ զոր քաջս համարէր, եւ վառեալս եւ գումարեալս տեսանէր, դիտէր թէ ոմանք ի նոցանէ հեծելոց զօրավարք եղեն, եւ ոմանք հետեւակաց առաջնորդք կացին: Քայց զբազմաց ի նոցանէ զգայր թէ ունին հոգս ի մտի որպէս թէ բաւական իցեն իշխել. եւ նոքին մօտ երթային առ պահապանս նորա եւ ի նոցանէ բազումք բազում անգամ մատչէին առ Աիւրոս. քանզի հարկ ի վերայ կայր թէ եւ զնոսա արկանիցէ ի կիր. արդ ի նոցունց տագնապ էր վիշտս ինչ կրել նմա բազում օրինակօք: Այնուհետեւ զմտաւ ածեալ թէ զհարկ լինիցի նմա ապրել ի վշտացն. իսկ չհանելն ի նոցանէ զզէնսն եւ անզօրս առնել չհամարէր օգուտ, եւ առանց իրաւանց համարէր եւ քակումն

իշխանութեան. դարձեալ չթողուլ զնուսա մերձենալ եւ յայանի իսկ թերահաւատել ի նոցանէ, սկիզբն համարէր պատերազմի: Բայց մի ինչ փոխանակ ընդ այնր ամենայնի խորհեցաւ առ իւր ամրութիւն ի դէպ եւ վայելուչ, եթէ մարթիցի զքաջսն իւր բարեկամս առնել առաւել քան միմեանց:

## Գ Լ Ո Ւ Խ Բ

Արդ թէ զհարդ սիրելի եղեւ, զայն ջանասցուք պատմել: Վանզի նախ միշտ իսկ յամենայն ժամանակի մարդասիրութիւն ցուցանէր որչափ ինչ կարող էր: Օմտաւ ածեալ թէ զոր օրինակ չէ դիւրին զայնոսիկ որ ատելութեան կարծիս տայցեն սիրել եւ միտս բարիս ընդ չարիմացացն ունել, նոյնպէս եւ որ ծանաչիցին եթէ սիրեն եւ բարւոք միտս ունին, չէ մարթ եթէ ատելի լինիցին այնոցիկ որ համարին եթէ սիրեցեալ են: Մինչ չէրն ձեռնհաս ընչիւք երախտաւոր լինել, խնամակալ լինելով որոց ընդ իւրն էին, եւ ճգամբք եւ ուրախակից բարութեանցն լինելով եւ ծանրացեալ նեղեալ ընդ վիշտսն, ջանայր զնոցա գութս որսալ:

Իսկ իբրեւ եհաս նմա եւ ընչիւք բարերարութիւն ցուցանել. նախ, քանզի չէք ինչ բարերարութիւն մարդկան առ

միմեանս քաղցր քան զկերակրոց եւ ըմպելեաց բաշխոյս : Օչսածեալ զմրտաւ , նախ վասն իւրոյ իսկ սեղանոյ հրաման տայր , զի որովք խորտովք ինքն կերակրիցի , զհանգոյնս նոցին միշտ առ նմա յօրինեալ դնել զի տայցէ բազում մարդկան . եւ որ ինչ յօրինեալ կայր , այն ամենայն , բաց յորոց ինքն եւ բազմականակիցքն ուտէին , տայր հանապազ այնոցիկ ի բարեկամացն որոց կամէր յիշատակս ցուցանել , կամ գութ եւ խնամ : Առաքէր եւ ցայնոսիկ զորս ազնուագոյնս համարէր ի պահպանութիւնս կամ ի սպասաւորութիւնս կամ յայլ եւս ինչ իրս եւ յարութիւնս : Օ ի զայն իմն յայտ առնէր , եթէ որ ի շնորհս ինչ կամիցի առնել ոչ ծածկիցի :

Պատուէր եւ զիւր եւս սեպհականսն ի սեղանոյ անտի , յորժամ յարգէրն զոք , եւ զամենայն կերակուր զիւրոցն սեպհականացն առ իւրում սեղանոյն յօրինէր , զի համարէր իբրեւ զմանկունս զիւրեւ ածել : Այլ եթէ կամէր ոմանց ի բարեկամացն ի բազմաց պաշածն առնուլ եւ նոցա առաքէր ի սեղանոյ անտի իւրմէ : Քանզի եւ այժմ իսկ որոց տեսանեն առաքեալ ի սեղանոյ թաղաւորին , նոցա առաւել ի սպասուկան ամենեքեան : Օ ի համարին եթէ նոքա պասուականք իցեն եւ բաւական իցեն ընդունել եթէ խնդրիցեն ինչ :

Ոչ եթէ վասն նոցին եւեթ որ ասացանն, ուրախ առնեն խորտիկքն առաքեալք յարքայէ, այլ արդարեւ բազում անուշութիւնս ունիցին որ ի սեղանոյ թագաւորին առաքիցին:

Ընդ այնր եւս չեն ինչ զարմանք. զի որպէս այլ ճարտարութիւնք ի քաղաքս մեծամեծս հոյակապք են. եւ խորտիկքն արքայի ազնուագոյն կազմին. զի ի փոքր քաղաքսն նոքին գահոյս կազմիցեն եւ դուռն եւ արօր եւ սեղան. բազում անգամ եւ նոյն դուռն լինիցի, եւ յաջողեալ համարիցի եթէ եւ այնպէս գտանիցէ զոմանս որ տայցեն նմին գործս, որ բաւական լինիցին զնա սնուցանելոյ: Արդ չիք հնարմարդոյ որ զբազում արուեստս ճարտարացն գործիցէ, զբնաւ գեղեցիկ գործիցէ: Իսկ ի քաղաքս մեծամեծս, վասն բազմաց իւրաքանչիւր ումեք կարօտելոց բաւական է իւրաքանչիւր մի արուեստառ ի սնանել: Նա աւանիկ բազում անգամ եւ մին բովանդակ, զի ոմն առնի օդս գործիցէ, եւ մեւսն կանանց կաւչիկս: Աւ է որ ի կաւչիկսն եւեթ կարելոյ կերակրիցի, եւ ոմն հերձլովն: Սին զպարեգօտսն միայն հատանելով, եւ մեւսն ոչ մի ինչ յայնցանէ առնիցէ, այլ զայս առ միմեանս գնիցէ: Արդ հարկ է թէ որ զսակաւիկ ինչ գործովք զայցէ, տազնապիցի զնոյն ազնուագոյն գործել:

Նոյն անցք եւ ընդ կերակուրսն անցանեն : Օ՛ր որ ինչն անկողինս արկանիցէ, սեղան յարդարիցէ, աղայցէ, ազգի ազգի խորտիկս գործիցէ, ինձ թուի թէ հարկ է այնպիսումն զամենայն խառնի խուռն որպէս ինչ դիպիցի, առնել : Խսկ ուր միումն գործիցէ միս եփել եւ միւսումն խորովել, եւ այլում՝ ձուկն եփել եւ այլում՝ հաց գործել, բայց ոչ պէսպէս ազգի ազգի, այլ շատ եւ բաւական իցէ եթէ զմի կերպարանս բարոք ցուցանիցէ . այնուհետեւ հարկ է զի այնպէս առնիցին որ յոյժ իսկ ընտիր իցեն : Այսպէս կարգեալ զսպաս կերակրոցն անցանէր զանցանէր զամենեքումբք :

Եւ զի այլովք եւս ամենեքումբք պաշտօն առնելով գլէր, զայն այժմիկ պատմեսցուք : Օ՛ր թէպէտ եւ առաւել էր քան զամենայն մարդ բազում հասրն առնելով, եւս առաւել առաւելոյր այնու զի՛բազում պարգեւս մարդկան բաշխէր : Այնմ սկիզբն առնէր Վիւրոս, եւ տակաւին կայ բաւեցայժմ ի թագաւորսն պարգեւացն առատութիւն : Քանզի ո՛յր բարեկամք ընչաւէտք որպէս զՊարսից թագաւորին . ո՛րք զարդարիցէ զիւրսն պատմուճանօք գեղեցիկ քան զթագաւորն : Եւ ո՛յր այնպիսի պարգեւք իցեն որպէս ինչ են պարգեւք թագաւորին, ապարան-

Ջանք եւ քայոք եւ երիւարք ոսկե-  
սանձք. քանզի չէ իշխանութիւն զայն  
ունել ուրում չիցէ տուեալ թագաւո-  
րին : Օրումն պատմեցաւ եթէ պար-  
գեւեացն յաճախութեամբ զիւր իսկ անձն  
եւ ընտրել փոխանակ ընդ եղբարց եւ  
ընդ հարց եւ ընդ որդւոց : Ո՞ այլ ոք  
մարթաց զթշնամեաց հեռացելոց բա-  
զում ամաց ճանապարհաւ վրէժ խըն-  
դրել, որպէս Պարսից թագաւորն : Ո՞  
այլ ոք վանեալ վկանդեալ զիշխանութիւնն  
յիշխանաւորացն հայր անուա-  
նեալ վախճանէր, բայց Աիւրոս : Եւ  
այն անուն յայտ է թէ երախտաւորի  
յորջորջումն է եւ ոչ այնր որ հանիցէ  
ինչ յումեքէ :

Ի միտ առնումք թէ զանուանեալ  
աչս եւ ականջս թագաւորի, ոչ եթէ  
այլով ինչ իւիք ստացաւ, բայց պար-  
գեւեօքն եւ պատուոցն մեծարանօք : Օ ի  
զնոսա որք պատմէին զոր ինչ ի դէպն  
էր նմա գիտել, մեծամեծան պարգեւե-  
լով, զբազում մարդիկ յորդորէր յա-  
կանջալուրս լսել եւ ականատեօլինել  
այնմ զոր ինչ արժան էր պատմել թա-  
գաւորին. եւ այնուհետեւ բազում աչք  
համարեցան արքայի եւ բազում ականջք :  
Ապա թէ համարիցի ոք թէ մի ակն  
ընտիր է թագաւորի, անուղղայս ածի-  
ցէ զմտաւ. զի մին սակաւ ինչ հասանի-  
ցէ տեսանել եւ լսել. եւ այլոցն իբրեւ

հրաման լինէրանփոյթ առնել եթէ մի-  
ուժ ումեք այն հրամայեալ էր: Աս եւ  
զումէ գիտասցեն թէ ակն է նա թա-  
գաւորին, ի միտ առցեն եթէ պարտ  
է եւ ի նմանէ զգոյշ լինել: Բայց չէ  
այնպէս, այլ ամենայն ումեք, որ ասիցէ  
լսել ինչ կամ տեսանել արժանի հո-  
գաբարձութեան լսէ թագաւորն: Ասն  
այնորիկ բազում ականջք են թա-  
գաւորի, եւ բազում աչք հաշուին, եւ  
ամենայն ուրեք երկրնչին խօսել զան-  
դէպսն թագաւորին, որպէս թէ նմա  
լու ի լու խօսեսցին, եւ զանգիտեն  
զանպաաշաճսն առնել, որպէս թէ նա  
աւրնթեր կայցէ. եւ չիշխեր ոք ինչ  
չար խօսել զՎիւրոսէ իբրեւ առաջի ա-  
չաց թագաւորին որ հանապազ մօտի-  
ցեն. ամենեքին այսպիսի միտս ունէին:  
Այլ թէ զինչ պատճառք իցեն այնպի-  
սի միտս ունելոյ մարդկան առ նա, ոչ  
այլ ինչ գիտեմ, բայց զի մեծամեծս ընդ  
մանուկն շնորհէր:

Ընդ անցուցանելոյ զամենեքումք  
պարգեւացն յաճախութեամբ, յոր-  
ժամ ընչաւետագոյնն էր, չեն ինչ զար-  
մանք. բայց պաշտամամբքն եւ դար-  
մանովք գերիվերոյ բարեկամացն լինել  
առն թագաւորի, այն զարմանալի է:  
Ասն թէ ոչ յիմեքէ յորժամ պարտէրն,  
յամօթ լինէր որպէս ի բարեկամացն  
սպասուէ: Եւ բանք եւս յիշատակին

Թէ ասէր նա այսպէս, եթէ Քաջ  
 Հովուի եւ քաջ Թագաւորի գործք հան-  
 գոյն միմեանց իցեն. զի պարտ է, ասէ,  
 Հովուի խաշանցն դիւրութիւն առնել,  
 եւ ապա ի կիր արկանել զնոսա. զի այն  
 իսկ է խաշանցն յաջողութիւն: Աոյն-  
 դունակ եւ Թագաւոր յորժամ բարե-  
 զէն եւ երջանիկ զքաղաքս եւ զմար-  
 դիկ առնիցէ, պարտ է նոքօք վարել:  
 Արդ եթէ այնպիսի միտս ունէր ոչ ինչ  
 են զարմանք եթէ ի վէզ եկեալ Հակա-  
 ոակէր ամենայն մարդկան գերիվերոյ  
 խնամակալութեամբ լինել:

Աւ գեղեցիկ ինչ առակ օրինակի,  
 ասեն, յայտ արարեալ Կիւրոսի՝ Կրիւ-  
 սոսի, յորժամ միտս դնէր նմա Թէ  
 բազումն տալով աղքատ եւ տառա-  
 պեալ լինիցիս, ուր մարթ իցէ քեզ  
 միոյ միայնոյ առն բազում գանձս ոս-  
 կոյ մթերեալ դնել զեմեղ: Աւ զԿիւ-  
 րոսէ, ասեն, հարցեալ. Ո՞րչափ կար-  
 ծիցես Թէ էին իմ գանձք, եթէ ժո-  
 ղովէի ոսկի որպէս դուն խրատ տաս,  
 յորմէ հետէ եմ յիշխանութեան աստ  
 յայսմիկ: Կրիւսոս ասէ, Բազում ինչ  
 յաճախութիւն: Աւ Կիւրոս ասէ, Ըն  
 առ առաքեա այր մի ընդ Վշտասպայ  
 յոր դու առաւել հաւատաս. եւ դու  
 Վշտասպա, ասէ, երթ առ բարեկամս,  
 գող ցնոսա Թէ պիտոյ է ինձ ոսկի առ  
 գործ ինչ, քանզի արդարեւ պիտոյ է,



հրաման տուր նոցա, թէ որչափ իւրաքանչիւր ոք ձեռնհաս իցէ, բերցէ ինձ ինչս, եւ գրել կնքել եւ տալ զհրովարտակն ցպաշտօնեայն Արիւսոսի զի տարցի:

Եւ զայս զոր ասացն գրեալ կնքեալ տայր ձեռն ի ձեռն ցՎ շտասպաս տանել առ բարեկամն. եւ առ ամենեսին գրէր եւ զՎ շտասպաս իբրեւ զիւր բարեկամ ընդունել: Իբրեւ շոգաւ եբեր սպասաւորն Արիւսոսի զթուղթան, ասէ Վ շտասպաս. Արքայ Աիւրոս, պարտ է եւ զիս մեծատուն հաշուել, քանզի բազում պարգեւօք եկի վասն թղթոցն քոց: Աիւրոս ասէ. Այո մի գանձ է մեր Արիւսէ. դու զայլոցն ածջիր բզմտաւ, եւ ի միտ առ թէ որչափ գանձք պատրաստական կայցեն եթէ պէտք ինչ լինիցին ի կիր արկանելոյ: Ասեն մտախորհ լեալ Արիւսեայ բազմապատիկ դտանէր քան զայն զոր ասացն լինել ի գանձսն Աիւրոսի եթէ ժողովեսցէ: Իբրեւ այս այսպէս յայտնի լինէր, պատմեն թէ սկսաւ խօսել Աիւրոս:

Տեսանէս, ասէ, Արիւսէ, թէ գոն եւ իմ գանձք, այլ դու հրամայես ինձ զգանձսն առ իս ժողովել եւ նոքօք աւտելի եւ նախանձելի լինել եւ պահապանս վարձու ի վերայ կացուցանել եւ նոցա հաւատալ: Բայց ես զբարեկամս մեծատունս առնելով, զնոսա համա-

րիմ գանձս եւ իմ եւ մերոցն բարու  
 թեանցն հաւատարիմ պահապանս քան  
 եթէ պահապանս վարձկանս կացու  
 ցանիցեմ: Ասացից եւ այլ եւս ինչ  
 քեզ, Ո՛վ Աբիւսէ, զոր դիքն արկին ի  
 միտս մարդկան եւ արարին զմի օրինակ  
 զամենեսին աղքատս եւ տնանկս, այնմ  
 եւ ոչ ես մարթիցեմ գերիվերոյ լի  
 նել, եւ ես ոչ յազիմ կարասւով, որ  
 պէս եւ այլքն: Ասցց այնու թուիմ  
 ընդհատ ի բազմաց, զի ոմանք, յոր  
 ժամ աւելի քան զբաւականն ստանայ  
 ցեն զկէսսն ի նոցանէ փորեալ թագու  
 ցանեն, զկէսսն ցեցակեր մեցամէսս առ  
 նիցեն. եւ զկէսսն համարելովն եւ չա  
 փելով եւ կշռելով եւ թօթափելով  
 եւ պահելով զբօսեալ են: Սակայն եւ  
 յորժամ ի ներքս ունիցին ոչ կերիցեն  
 առաւել զոր կարիցենն հանդարտել,  
 քանզի պայթին պարպատին, եւ ոչ  
 հանդերձ զանձամբ արկանիցեն առաւել  
 քան զոր մարթիցենն տանել քանզի  
 հեղձնուն մղձկին այլ զաւելորդ ինչսն  
 զբօսանս ունին: Ասցց ես դիցն ար  
 բանեկութիւն հարկանեմ եւ ցանգ ա  
 ռաւել եւս խնդրեմ: Այլ յորժամ  
 ստանայցեմ, զոր ինչ աւելի քան ըզ  
 բաւականն տեսանիցեմ, նոքիմբք զկա  
 րօտութիւնս բարեկամաց ընում եւ մե  
 ծացուցանելովն զմարդիկ եւ երախ  
 տաւորն լինելով գութ խնամ անկանի

ցի նոցա ընդ իս . եւ ի նոցունց շահիցիմ ամբութիւն եւ փառաւորութիւն . եւ ոչ ցեցակեր փոտոտակեր լինիցի եւ ոչ յորդեալ ապականիցի եւ փառաւորութիւնն որչափ յաճախագոյն լինիցի, դոյնչափ եւ մեծապայծառ եւ գեղեցիկ եւ առ կրել թեթեւագոյն լինիցի, բազում անգամ եւ զկրելիսն իւր թեթեւագոյնս ցուցանիցէ : Բայց զի եւ զայս ի միտ առցես, ասէ, թէ ես ոչ զայնոսիկ որ զբազումսն ունիցին եւ բազում ինչ պահիցեն երանեալ եւ երջանիկ համարիմ . զի թէ այնպէս ինչ էր, ապա որ պարսպացն պահ ունիցին բարեշէք եւ երջանիկք իցեն, զի զամենայն ինչ որ ի քաղաքսն են, պահեն . այդ որ բազում արարօ կարիցէ ստանալ իրաւամբք եւ արդարութեամբ, եւ բազում ինչ ի կիր արկանել պատշաճութեամբ, զնա ես յաջողեալ համարիմ եւ ընչիւքն : Աւ յայտ էր թէ ըստ բանիցն զոր խօսէր նոյնպէս եւ վճարէր :

Նանդերձ սոքիմբք նայէր ընդ բազումս ի մարդկանէ, զի յորժամ առողջքն իցեն, կազմ եւ պատրաստ լինին զի զպէտան կարեւորս ունիցին եւ կարգեն դնեն զպիտոյսն ի կերակուր ողջոցն : Բայց զայնմանէ չտեսանէր հոգ յանձին կալեալ թէ յորժամ խօթանայցեն, առ ընթեր կայցեն պատ-

շած դարմանքն: Արդ հաճոյ թուեցաւ նմա եւ ի սոյնս աշխատ լինել, բժիշկս ճարտարս առ ինքն ժողովէր, եւ որ ինչ միանգամ գործի պիտանացու ոք ասիցէ նմին կամ դեղ կամ կերակուր կամ ըմպելի, ոչ ինչ էր յայնցանէ զոր ոչ պատրաստեալ գանձէր առ իւր, եւ յորժամ հիւանդանայր ոք յայնցանէ որոց ի դէպ էր պաշտօն առնել, այցելու լինէր սւտայր զամենայն որ ինչ պիտոյ լինէր, եւ բժշկացն շնորհակալ լինէր, յորժամ բուժէր ոք զոք: Օայս եւ այսպիսի ինչ բազում հնարս հնարէր առ ճոխանալոյ առ նոքօք յորոց սիրելն կամէր:

Վանդի մրցութեան հրահանգս պատուիրէր եւ վարձս առաջի դնէր եւ կամէր նախանձուկս արկանել վասն բարեացն գործոց, այն ամենայն՝ դրուատիք էին Վիւրոսի այնու՝ զի փոյթ ի մտի ունէր, թէ զիարդ յառաքինութիւն թեւակոխիցի: Բայց քաջացն գուպարածքն կազս եւ հակառակութիւն ի միմեանս արկանէին: Ալ հանդերձ նոքիմբք, իբրեւ օրէնս հաստատէր Վիւրոս թէ յորժամ պէտք ինչ ընտրութեան լինիցին, թէպէտ ի դատաստանս թէպէտ ի մրցութիւնսն, որոց ընտրութեան պէտք իցեն միաբան առ դատաւորսն երթայցեն: Արդ յայտ է թէ երկոքին ակոյեանքն դէտակն ունիցին

դատաւորացն եւ առաւել բարեկամն  
 դատաւորաց: Աւորոշն յաղթեաց, ընդ  
 յաղթօղսն խանտայցէ, եւ զայնոսիկ որ  
 ոչ զինքն ընտրեցին, ասիցէ: Վար-  
 ձեալ եւ որ յաղթիցէն՝ իրաւամբք հա-  
 մարիցի յաղթել, որպէս ոչ ուրեք պար-  
 տապան իցէ շնորհակալ լինել: Աւ որ  
 կամիցին զմիմեամբք ելանել ի բարե-  
 կամութեանն Վիւրոսի, որպէս այլքն  
 ի քաղաքս, նոյնպէս եւ նոքա միմեանց  
 չարակնիցեն: Որպէս զի բազումք զմի-  
 մեանց կամիցին վտարանդիս լինել,  
 քան եթէ միմեանց լինել գործակից  
 ի բարիս: Այս ամենայն յայտ առնի-  
 ցէ՝ թէ հայթայթանօք հնարէր, թէ  
 լաւքն ամենեքին զնա քաջ սիրիցեն  
 քան զմիմեանս:

Գ Լ ՈՒ Խ Գ

ԱՅԺԽ պատմեսցուք թէ զիմրդ զա-  
 ռաջինն չուեաց Վիւրոս յարքունեացն:  
 Վանզի եւ չուոյ մեծապայծառ փա-  
 ռաւորութիւն, մի ինչ արուեստ թուի  
 յարուեստիցն մենքենայաւորութեան,  
 չերեւելոյ արհամարհ իշխանութեանն:  
 Նախ իսկ յառաջ քան զչուն կոչեցեալ  
 առ իւր զիշխանսն Պարսից եւ այլոց  
 ազգաց, տայր նոցա զմարական պատ-  
 մուճանսն, եւ յայնժամ նախ մարա-  
 կան հանդերձ ագան Պարսիկք, եւ ի

տալն ասէր ցնոսա եթէ կամիմ երթալ ի մեհեանս որ ընտրեցան դիցն, եւ զոհս ընդ նոսա մատուցանել: Արդ եկայք, ասէ, ի դրունս, զարդարեալ գովին պատմութեանօք: յառաջ քան զճաղկել արեգական, եւ կարգեալ կայցէք առ իս որպէս պատուէր տայցէ ձեզ փերաւղաս Պարսիկ: Աւ յորժամ ես երթայցեմ, ասէ, զհետ դայցէք ի տեղւոյ յորում ասացան ձեզ: Ապա թէ ումեք ի ձէնջ թուիցի այլազգէ եւս գեղեցիկ քան զսոյն լինել, յորժամ միւսանգամ երթայցեմք, ասացէ ինձ: Օ ի որպէս զխարդ գեղեցիկ եւ վայելուչ թուիցի ձեզ, նոյնպէս պարս է զքնաւ կարգել եւ յորինել:

Իսկ իբրեւ տայր ազնուականացն զգեղեցիկ գեղեցիկ պատմութեանս, հանէր եւ այլ եւս մարական պատմութեանս. քանզի բազում պատմութեան պատրաստեալ ունէր. ոչ ինչ անխայեալ ոչ ի ծիրանի եւ ոչ ի շիկակարմիրն եւ ոչ յորդան կարմիր եւ ոչ ի ձորձոն կերպասս: Աշխեալ ի նոցանէ միում միում ի զօրավարացն, հրաման տայր նոցա նոքօք զարդարել զիւրեանց բարեկամսն, որպէս եսս, ասէ, զարդարեմ զձեզ: Աւ ոմն ի մօտակացացն հարցանէր. Դու, ասէ, երբ զարդարիցիս. եւ տայր պատասխանի. ո՞չ այժմ,

ասէ, ձեզ ընդ զարդ եկեալ թուիցիմ. զի զարդարեմս զձեզ: Աթէ կարիցեմ, ասէ, ձեզ բարեկամացդ բարի առնել, զոր պատմուճան եւ ունիցիմ, նովին գեղեցիկ երեւիցիմ:

Նոքա երթեալ կոչէին զբարեկամս եւ զարդարէին պատմուճանօքն: Իսկ Վիւրոս քանզի գիտէր թէ փերաւղաս որ ի ռամկէ անտի էր, հանձարեղ է եւ իմաստուն եւ աղնուական, եւ թէ չառնէր անփոյթ՝ առնել նմա շնորհս, որ երբեմն եւ վասն զիւրաքանչիւր ոք ըստ արժանաւորութեանն պատուելոյ խրատ տայր, զնա կոչեալ, խորհուրդ առնոյր ընդ նմա թէ զիարդ լաւիմացացն վայելուչ ցուցանիցէ զչուն եւ թշնամեացն ահագին: Աւ իբրեւ զմտաւածին եւ իրքն հաճոյ թուէին, հրաման տայր փերաւղայ հողալ, զի այնպէս լինիցի վաղիւ չուն, որպէս հաճոյ թուեցաւ: Աս, ասէ, պատուէր ետու ամենեցուն՝ քեզ հնազանդ լինել վասն կարգի չուոյդ: Իայց զի յօժարագոյնս լուիցեն քեզ, յորժամ պատուէր տայցես, առ տար, ասէ, զպարեգօտսդ զայդօսիկ առաջնորդաց տիգաւորացն: Աւ զտառատոկս զայդօսիկ զհեծելոց՝ առաջնորդի հեծելոցն տուր, եւ առաջնորդաց կառաց զայլ պարեգօտս:

Աւ նա առեալ տանէր, իսկ առաջնորդքն իբրեւ տեսին ասեն. Սեճ ես դու

Փերաւղա, քանզի եւ մեղ հրամայեալ  
ցես զոր ինչ պարտ իցէ առնել: Ոչ, ա-  
սէ, Փերաւղաս, ոչ միայն ոչ երեւի այլ  
եւ բեռինս եւս կրիցեմ: Այժմ բերեմ  
երկուս տառատակս զմին քեզ եւ զմին  
այլում. բայց դու զոր ի նոցանէ կամի-  
ցիս, առ. ապա որ զձորձն առնոյր, զնա-  
խանձն մոռացեալ, խորհուրդ առնոյր  
ընդ նմա թէ զոր առնուցու. նա խրատ  
տայր թէ որ ազնուագոյն իցէ եւ ա-  
սէր. Այժմ ամբաստան լինիցիս զինէն,  
եթէ յընտիր արարի քեզ, միւսան-  
գամ յորժամ սպասաւոր լինիցիմ,  
այլազգ սպասաւորիցեմ: Փերաւղաս  
տուեալ այնպէս, որպէս հրաման ա-  
ռեալ էր, անդէն հոգայր զչուոյն, զի  
ամենեւին գեղեցիկ եւ վայելուչ լինիցի:

Իբրեւ եկն օր վաղուին ամենայն ինչ  
յարդարեալ կայր. յառաջ քան զծա-  
գել տուրնջեանն, կարգեալ տողեալ  
կային աստի եւ անտի ճանապարհին,  
որպէս եւ այժմ կան ընդ որ կոյս  
թագաւորն գնալոց իցէ. եւ ի ներքս  
չէ մարթ ումեք մտանել ի չպա-  
տուաւորացն: Խարազանաւորք կային  
որ հարկանէին եթէ ամբոխ ինչ ոք  
կացուցանէր. բայց նախ չորեքհա-  
զարք ատկաւորաց կային առաջի դրանցն  
չորք չորք, եւ երկու հազարք աստի  
եւ անտի դրացն. հասեալ կայ-  
ին ամենայն այրուծին իջեալ յե-



ընկարաց անտի հանեալ զձեռս ի գրատիցն, որպէս եւ ցայժմ հանեն յորժամ թագաւորն նայիցի: Այսին յաջմէ ճանապարհացն Պարսիկքն եւ այլ եւս նիզակակիցք ի ձախմէ, այնպէս եւ կառացն կէս յայսմ կողմանէ, եւ կէս յայնմ:

Իբրեւ բացան դրունք արքունի ապարանիցն, նախ երթային Արամազդայ ցուլք գեղեցիկք շորք շորք. եւ որոց միանգամ յայլոց եւս դից մոզքն պատուիրեցին: Օ՛խ այսպէս համարին Պարսիկք թէ պարտ է մանաւանդ վասն դիցն զճարտարապետս արուեստիցն ի գործ արկեալ վարել, քան վասն այլոց ինչ իրաց: Յետ զուարակացն ձիք երթային պատարագք արեգական: Յետ նոցա կառք սպիտակք ոսկւովք լծովք, պսակաւորք մեհենական Արամազդայ:

Յետ այնորիկ կառք արեգական սպիտակ եւ նոյն պսակեալ որպէս զառաջինն, յետ նորա այլ եւս երրորդ կառք խաղային, եւ երիվարքն ծածկեալ յորդան կարմիր, եւ զհետ գային արք որ հուր առաջի նորա ի վերայ յաղթ կրակարանի տանէին:

Յետ նոցա ինքն իսկ գլխովին Աիւրոս յայտնէր ի դրանցն անտի կառօք, ունէր խոյր ի գլուխ ուղղորդ եւ պարեգօտ ծիրանի կէս սպիտակ, եւ այլում

չէր համարձակ կէս սպիտակ ազանել. եւ զբարձիւքն արկանել բեհեզեղէնս նարօտուք եւ ձորձ համակ ծիրանի. եւ ունէր ապարաւշ զխուրիւն եւ նորին համազգիք զնոյն նշանակ ունէին, եւ զդոյն ցայժմ ունին, եւ ձեռքն արտաքոյ քան զլծեղանիսն էին, եւ գնայր առ նմին կառավար յաղթանդամ, այլ փոքր էր քան զնա կամ զի արդարեւ մեծ էր եւ կամ այլազգիինչ, բայց Կիւրոս կարի իսկ յաղթ երեւէր: Աւ ամենեքին իբրեւ տեսանէին, երկիր պագանէին, կամ զի հրաման առեալ էր ոմանց սկիզբն առնել երկրպագութեանն կամ սքանչացեալք ընդ կազմութիւնն, եւ վասն մեծ եւ գեղեցիկ երեւելոյ Կիւրոսի: Աւ յառաջն ոչ ոք ի Պարսից երկիր պագանէր Կիւրոսի:

Իբրեւ խաղային կառքն Կիւրոսի, երթային եւ շորեքհազար տիգաւորքն, եւ առ նոքօք զհետ գային երկու հազարքն աստի անաի կառացն. զհետ գային որ շուրջ զնովաւ իշխանքն էին երիվարօք, զարդարեալք նիզակօք իբրեւ զերեքհարիւր: Աւ գային երիվարք որ սնեալ էին Կիւրոսի ոսկեասանձք ծածկեալք ի գաւազանաձեւ ձորձոյ իբրեւ զերկերիւր: Աւ յետ նոցա երկու հազար տիգաւորք: Յետ նոցա բեւր հեծեալք ամենայն ուրեք

Հարեւր Հարեւր կարգեալ կային. եւ առաջնորդէր նոցա Վրիւսանտաս: Յետ այնորիկ այլ եւս բեր Տեճեալք Պարսից նոյնպէս կարգեալք, եւ առաջնորդէր նոցա Վշտասպէս եւ յետ նոցա այլ բիւրաւորք ըստ նմին օրինակի. եւ առաջնորդէր նոցա Վատամաս, եւ յետ նոցա այլք, եւ Վադատաս առաջնորդէր նոցա: Յետ նոցա Վարք Տեճեալք, յետ նոցա Հայք, յետոյ Վրկանացիք եւ յետ նոցա Վադուսիացիք եւ յետ նոցա Շակք. եւ յետ Տեճեւոցն կառք չորք չորք կարգեալք, եւ առաջնորդէր նոցա Արտաբատէս պարսիկ:

Աւ յերթալն նորա բազում մարդիկ զՏետ անկեալ երթայլն արտաքոյ դրաւչուցն, եւ խնդրէին ամենեքին իրս ինչ ի Վիւրոսէ: Առաքեալ առնոսա զոմանս յիշխանաց անտի որք յերկոցունց կողմանց կառացն երիս երիս զՏետ գային նորա վասն զրոյց իսկ տարյ, հրաման տայր ասել ցնոսա, եթէ խնդրիցէ ոք ինչ ի նմանէ, պատմեցէ միում ումեք յիշխանացն զոր ինչ ոք կամիցի, եւ նոքա, ասէ, ասացեն ցիս: Արթեալքն անդէն իսկ եւ իսկ առ Տեճեալսն գային, եւ խորհուրդ առնոյին թէ առ ո՞ր երթիցէ իւրաքանչիւր ոք ի նոցանէ: Իսկ Վիւրոս ի բարեկամաց անտի զորս միանգամ կամէր առաւել պաշտօն առնուլ ի

մարդկանէ, զնոսա յղեալ, զոմն առ ինքն կոչէր զԷրաքանչիւր մի ըստ միոջէ, խօսէր ընդ նոսա այսպէս. Եթէ ոք ասասցէ ինչ ձեզ, յայնցանէ որ զհետ մեր գան, որ ոչինչ խօսել թուիցի, մի ունին դնիցէք նմա. իսկ որ իրաւացիս խնդրիցէ պատմեցէք ինձ զի հասարակ խորհուրդ ի մէջ առեալ վճարեսցուք:

Այլք յորժամ կոչեցեալ լինէին, ունկնդիր եղեալ տաղնապաւ հասանէին մեծացուցեալ զիշխանութիւնն Աիւրոսի, եւ յայտ արարեալ եթէ միտագոյնս հնազանդ լինիցին: Աայիփառնէս ոմն անուն էր խիստ բարոյիւք, համարէր եթէ ոչ վաղվաղակի հնազանդիցի, ազատ թուիցի: Չգացեալ զայն Աիւրոսի մինչ չեւ մատուցեալ նորա եւ խօսեցեալ ընդ նմա, յղեալ զոմն յիշխանաց անտի, հրամայէր առել ցնա, եթէ չես ինչ այսուհետեւ պիտոյ, եւ այնուհետեւ ոչ կոչէր: Իսկ որ յետոյն քան զնա կոչեցաւ յառաջեաց վաղագոյն քան զնա. եւ Աիւրոս ետ նմա պարգեւս երիւար մի յեկելոցն զհետ, եւ հրամայեաց միում ումէք յիշխանացն ածել զնա յո եւ կամիցի: Աւ որոց տեսինն մեծարոյ իմն նոյն թուեցաւ. եւ առաւել բազումք ի մարդկանէ պաշտէին զնա:

Իբրեւ գային հասանէին ի մեհեանն, զոհս Արամագղայ մատուցանէին եւ

դըուլսն առնէին ողջակէզս, ապա եւ արեգական երիւարս ողջակէզս առնէին. յետ այնորիկ եւ հողոյ զենեալ, որպէս մոզուցն հրաման տուեալ էր, առնէին, ապա դիւցազանց որ զՆսորւոց աշխարհն ունէին: Աւ յետ այնր ամենայնի, քանզի զեղեցիկ էր վայրն, սկսան ի դրանց անտի տազնապաւ զերիւարսն արշաւեցուցանել: Արդ ինքն ընդ Պարսից ընթացեալ յաղթէր. քանզի յաճախագոյն ի ձիոցն հրահանգս կրթեալ էր: Իսկ ի Սարաց անտի յաղթէր Արտաբատէս, քանզի երիւար տուեալ էր նմա Վիւրոս. եւ յՆսորեաց՝ վերակացուն. եւ ի Հայոց՝ Տիգրանէս. ի Վրկանացւոց՝ որդի հազարապետին: Իսկ ի Շակաց այր մի զօրական եթող երիւարուն զայլ երիւարսն մօտ ի կէս արշաւանին:

Յայնմ վայրի եհարց, ասեն, Վիւրոս ցպատանեակն, եթէ փոխանակիցէ՞ զթագաւորութիւն ընդ երիւարին. եւ նորա պատասխանի տուեալ թէ Չառնուի յանձն զթագաւորութիւնն, բայց կամէի շնորհս յառնէ բարւոյ գտանել: Աւ Վիւրոս ասէ. Աւ ես կամիմ ցուցանել քեզ զտեղին, յոր եթէ արկանիցես ինչ խառն ի խուռն, ոչ վրիպիցիս յառնէ բարւոյ: Ասէ շակացին. Ինաւ իսկ ցոյց ինձ, զի ամբարձեալ արկանիցեմ զկոշտն: Վիւրոս ցուցանէր նմա,

ուր էին բաղձամբոխ բարեկամացն, եւ նա զկոշտն ընկէց եւ երթեալ պատահէր փերաւղայ, զի պատմէր ինչ յայնժամ փերաւղաս հրամայեալ ի կիւրոսէ: Աւ իբրեւ հարաւ եւ ոչ դարձաւ յետս, այլ երթայր յոր հրաման առեալ էր երթալոյ. ի վեր հայեցեալ շակացւոյն հարցանէր, թէ ո՞ւմ դիպեցաւ: Ոչ ումեք<sup>1</sup>, ասէ, ի մօտակացացն: Ասէ պատանեակն. բայց ո՞չ ի հեռացելոց անտի: Ասէ կիւրոս, նմա պատահեցար, որ առ կառօքն արշաւեցուցանէր զերիւարն: Իսկ զհարդ, ասէ, ոչ դարձաւ յետս: Աւ կիւրոս ասէ, քանզի շամշեալ ոմն է, որպէս երեւի իսկ:

Առեալ պատանեկին, երթայր տեսանել թէ ո՞ւր էր, եւ գտանէ զփերաւղաս որոյ փոշուով եւ արեամբ եւ ապաժուժաւ լի մուրուքն էին: Վանզի հատեալ հոսէր յըռնդացն արիւնն եւ իբրեւ մերձ լինէր, հարցանէր զնա թէ հատա՞ւ, եւ նա ետ պատասխանի, թէ Ո՞րպէս տեսանես: Տամ քեզ, ասէ, զերիւարս զայս: Աւ նա հարցանէր թէ ընդ է՞ր իրիք. ապա պատմէր շակացին զիրան, եւ զլուխ իսկ ամենայնի ասէր, թուի ինձ թէ ոչ վրիպեցայ յառնէ բարւոյ: Աւ փերաւղաս ասէ. եթէ ցածուն միաս ունէիր ապա մեծամեծս քան զայս տայիր: Բայց այժմ եւ ես յանձն առնում: Աւ դիցն, ասէ, յաղօթս կամ,

որք ետուն ինձ հարկանել ի քէն, տայ-  
ցեն ինձ, չտարջանալ քեզ վասն այսր  
պարգեւիդ. եւ այժմ երթ, ասէ, երիւա-  
րաւ իմով, եւ վաղվաղակի եկից առ  
քեզ. նոքա այնպէս ի միմեանց մեկնե-  
ցան :

Իսկ ի Աադուսիացւոց Ռաթոնիկէս  
յաղթեաց : Արձակէր եւ կառս մի ըստ  
միողէ, եւ որոց յաղթիցեն՝ տայր զուա-  
րակս, զի զենեալ կերիցեն, եւ ըմպելիս :  
Արդ ինքն առնոյր զզուարակն յաղ-  
թութեան պարգեւ, եւ զիւր մասն  
ըմպելեացն տայր Փերաւղայ, քանզի  
հաճոյ թուեցաւ նմա կարգ չուոյն յար-  
քունի ապարանից անտի : Արպէս յայն-  
ժամ առ Աիւրոսիւ կարգեցաւ չուն,  
նոյնպէս է եւ այժմ չու թագաւորին,  
բայց նուէրք ոչ գոն, յորժամ ոչ զոհի-  
ցէ : Իբրեւ այն ամենայն յանգ ելանէր,  
զային հասանէին միւսանգամ ի քա-  
ղաքն, եւ որոց ապարանք տուեալ էին,  
ի տունս մեկնէին, եւ որոց չէր տուեալ  
ի բանակն :

Առչեցեալ Փերաւղայ զշակացին որ  
զերիւարն իսկ ետ նմա, ասպնջական  
լինէր, եւ բազում ինչ տայր առատու-  
թեամբ, եւ յորժամ ընթրէինն, զըմ-  
պելիսն զոր առ ի Աիւրոսէ, ընոյր եւ մա-  
տուցանէր նմա : Շակացւոյն տեսեալ  
զգահոյսն գեղեցիկս եւ բազում գեղե-  
ցիկ կազմած եւ գերդաստանս բազումս :

Աստ դու ցիս, ասէ, ո՛ր փերաւղատ, մի-  
թէ եւ ի քոյ աշխարհին ի մեծատանց  
ոք էիր. եւ փերաւղատ ասէ. Յորո՞ց մե-  
ծատանց, յայտ է թէ յայնցանէ որ ի  
ձեռացն արուեստէ կեան: Օ՛ր զիս  
հայրն իմ խրատեաց խրատ մանկուոյ,  
ինքնին դոյզն ինչ գործեալ եւ սնու-  
ցեալ: Աւ յորժամ մանկիկն եղէ,  
քանզի չկարէր սնուցանել զդատարկս,  
տարաւ զիս յագարակ եւ պատուէր ետ  
գործել: Անդ ես կերակրէի զնա մինչ-  
եւ կենդանի էր. ես փորէի եւ սերմա-  
նէի զփոքրիկ ագարակիկն, բայց չէր ա-  
գարակն յողի, այլ քան զամենայն  
անդս եւ ագարակս արգար. զի զսերմն  
զոր ընդունէր, բարւոք եւ արգարու-  
թեամբ տայր. բայց տոկոսիս ոչ ինչ  
այնպէս բազում. երբեմն առ ազնուա-  
կանութեանն երկպատիկ տայր զոր առ-  
նայրն: Արդ ես յաշխարհին այսպիսի  
կեանս կէի. իսկ այժմ զայս ամենայն  
զոր տեսանես, Աիւրոս ետ ինձ:

Ասէ շակացին. Արանելի ես դու այ-  
լովք ամենեքումբք, եւ այնու զի յաղ-  
քատութենէ մեծատուն եղեր: Օ՛ր  
թուի ինձ թէ վասն այնորիկ հեշտա-  
կանագոյն իցէ քեզ մեծանալ, զի յոր-  
ժամ աղքատն էիր ընչիւք, մեծացար:  
Աւ փերաւղատ ասէ. Միթէ այնպէս  
ինչ կարծիցես, եթէ այնչափ հեշտ կեա-  
նըս կեցեմ, որչափ աւելի արարս ստա-



նայցեմ. չգիտես, ասէ, եթէ ուտեմ  
 եւ ըմպեմ եւ ննջեմ, ոչ եթէ այժմ  
 քաղցրագոյն քան երբեմն յորժամ  
 աղքատն էի եւ տառապեալ: Աւ քան-  
 զի ամենայն այդ յաճախեաց, այսչափ  
 ինչ շահիմ, զի պարտ իցէ առաւելա-  
 գոյն պահ ունել, եւ այլոց աւելի բաշ-  
 խել տալ, եւ զբազմաց հոգի մտի ունել,  
 եւ զբազում իւրք զբօսնուլ: Վանզի  
 բազում ծառայք հաց խնդրեն յինէն,  
 եւ յորովք գինի, եւ բազմագոյնք ձորձ,  
 եւ ոմանք բժշկաց կարօտանան: Աւ  
 գայ բերէ ոմն կամ զգազանաբեկսն ի  
 խաշանցն, կամ յանդուոյ զգարահոս  
 անկեալսն ի վախէ կամ թէ ախտ ցաւոց  
 յանասունսն անկանիցի: Մինչ զի թը-  
 շի ինձ թէ այժմ վասն բազումն ունելոյ  
 առաւել տրտմիցիմ, քան եթէ յառաջն  
 վասն սակաւիկ ինչ ունելոյ:

Ասէ շակացին. Այլ յորժամ ողջն  
 իցեն տեսեալ զբազումսն, բազմապա-  
 տիկ քան զիս ուրախ առնիցին: Փե-  
 բաւղաս ասէ. Աչ այնպէս հեշտական  
 իցէ զինչսն ունել, որպէս տրտմութեան  
 իցէ յընչիցն անկանել. ի միտ առցես  
 եթէ ճշմարիտ խօսիմ, զի ի մեծատանց  
 ոչ ոք տազնապի առ հեշտականու-  
 թեանն տքնել. իսկ յայնցանէ որ ան-  
 կանիցին յիմեքէ զոք տեսանիցես եթէ  
 կարիցէ ի քուն լինել ի տրտմութենէ  
 անտի: Ասէ շակացին. Աւ ոչ յայն-

ցանկ որ առնուն ինչ տեսանիցես զոք  
առ խնդութեան ննջեալ: Օջայդ,  
ասէ, ճշմարտութեամբ ասես, զի եթէ  
ունելն ինչ այնպէս, որպէս զառնուն  
քաղցր էր, յոյժ իսկ ընդհատ յաղքա-  
տաց էին փառաւորութեամբ մեծա-  
տունքն. եւ հարկ է, ասէ, զի որ բա-  
զումն ունիցի, շատ ծախիցէ եւ ի դիս  
եւ ի բարեկամս եւ ի հեւրս: Արդ որ  
ուժգին ոք ուրախ ընդ ինչս լինիցի, գի-  
տասջիր թէ եւ ի ծախելն յոյժ տրամիցի:  
Ասէ Շահաս. Ես չեմ յայնցանէ,  
այլ եւ զայն փառաւորութիւն համարիմ  
բազում ինչ ունել եւ բազում ինչ ծա-  
խել: Ասէ Փերաւղաս. Աչ ապաքէն  
վաղվաղակի երեւելի եղեր եւ զիս փա-  
ռաւոր արարեր. զայս ամենայն, ասէ,  
առ եւ ստացիր, եւ արկ որպէս զհարդ-  
կամիս ի կիր: Աւ զիս իբրեւ զհեւր կե-  
րակրեա եւ եւս նուազագոյն քան զհեւր:  
Օ իշատ իցէ ինձ թէ զոր ինչ դու ու-  
նիցիս, նոցին հաղորդ իցեմ: Ասէ Շա-  
հաս. Խաղ ուրեմն առնես: Փերաւղայ  
երդմնի լեալ ասէ. թէ Աչ ընդ խաղ  
խօսիմ. եւ այլ եւս ինչ խնդրեցից քեզ  
ի Աիւրոսէ, մի կալ ի պաշտաման ի  
դրունս Աիւրոսի եւ ոչ երթալ ի մարտ  
պատերազմի: Այլ դու մեծատուն ի  
տան կայցես, եւ ես զայն ամենայն  
վճարեցից ընդ քո եւ ընդ իմ. եւ եթէ  
բարութիւնս ինչ առնում վասն Աիւ-

ըստի սպաս հարկանելոյ կամ ի պատե-  
րազմէ իմէքէ, բերից առ քեզ զի եւս  
բազմաց իշխեսցես: Միայն փարատեա  
լինէն զհոգս. զի պարապ առից յայսմ  
ամենայնէ, թուի ինձ թէ եւ ինձ եւ  
Վիւրոսի բազում իւիք պիտանի լինիցիս:

Իբրեւ այս բանք այսպէս ճառէին,  
նա փառաւոր զանձն համարէր զի բա-  
զում ընչից իշխէր, եւ սա դարձեալ  
երանելի լեալ կարծէր, թէ ունիցի յան-  
ձանձիչ որ տայցէ նմա պարապել եւ  
վճարել որ ինչ հեշտական իցէ: Աւելին  
փերաւղայ բարք ընկերասէրք, եւ ոչ  
մի ինչ նմա այնպէս քաղցր եւ հեշտ եւ  
շահաւոր թուէր, որպէս մարդկան ի  
սպասու կալ. զի քան զբնաւ իսկ զան-  
ասունս ազնուագոյն զմարդն համարէր  
եւ վայելուչ, զի տեսանէր թէ որք դը-  
րուատ յումէքէ գտանիցեն, յօժարա-  
գոյնս զնոսա փոխարէն յարդեալ գո-  
վիցեն, եւ որք շնորհս ինչ գտանիցեն,  
փութայցեն ընդ այնր շնորհել, եւ թէ  
զորոց գիտիցեն բարւոք միտս ունել,  
ընդ նոցա բարեմիտս իցեն. եւ զորոց  
գիտիցեն թէ սիրեն զնոսա, չկարիցեն  
ատել զնոսա. գիտէր թէ հարց եւ մարց  
առաւել քան զամենայն գազանս կա-  
միցին սպասաւորութիւն հարկանել,  
եւ յորժամ կենդանի իցեն եւ յոր-  
ժամ վախճանիցին. իսկ այլ եւս անա-  
սունք գժգոհք քան զմարդիկ են:

Ասան այնորիկ առաւելագոյն ուրախ լինէր Փերաւղաս, զի համարձակ իցէ նմա զերծեալ ի հոգոց այլոց արարոցն, զբարեկամօքն գալ: Ուրախ լինէր եւ Շահաս, զի յորժամ բազում ինչ ունէր, բազում ինչ արկանեւոց էր ի կիր: Սիրէր Շահաս զՓերաւղաս, զի ցանգ բերէր ինչ. եւ նա զՇահաս, զի կամեցաւ զամենայն առնուլ, եւ միշտ զբազմաց հոգացեալ ոչ ինչ անպարապութիւն նմա մատուցանէր: Աւսոքաբարտ այնմ օրինակի կային:

## Գ Լ Ո Ւ Խ Գ

ԻԲՐԵՒ զզոհան մատոյց կիւրոս, առնէր հացկերոյթ յաղթութեանն, կոչէր ի բարեկամաց անտի որ առաւել կամէին ընդ նորա մեծանալ, եւ մտադիւրութեամբ մեծարանս դնէին: Առչէր ընդ նոսա եւ զԱրտաւազ մար եւ զՏիգրանէս հայ եւ զվրկանացի հազարապետն եւ զՎոբրիաս: Իսկ Վադատաս իշխան էր իշխանաց նորա, եւ որպէս նայն յօրինեալ էր, կարգեալ կայր ի ներքս ամենայն հացն: Աւ մինչ դեռ ուտէին ընդ նմա ոմանք, Վադատաս ոչ բազմէր, այլ հոգայր. բայց յորժամ չէին անդ նոքա, ուտէր ընդ նմա, քանզի ուրախ լինէր յորժամ կայրն ընդ նմա:

Ալ ընդ այնր մեծամեծար մեծարէր ի  
 Աիւրոսէ, եւ վասն Աիւրոսի եւ յայլոց  
 եւս :

Իբրեւ եկին կոչնականքն յընթրիսն,  
 ոչ եթէ ուր դէպ լինէր բազմեցուցանէր  
 զնոսա . այլ զոր ոք առաւելն իմն պա-  
 տուէր ի ձախմէ, զի այն դիւրին իմն առ-  
 նենգել է քան զաջն . եւ զերկրորդն  
 յաջմէ, եւ զերրորդն դարձեալ ընդ ա-  
 հեկէ, եւ զչորրորդն յաջմէ, եւ եթէ  
 բազումք եւս իցեն, զնոյն ձեւ օրինա-  
 կի կարգէր : Ալ ի դէպ իսկ թուէր նմա  
 յայտ առնել, թէ որպէս զիւրաքանչիւր  
 ոք ի նոցանէ պատուիցէ : Օ ի ուր հա-  
 մարիցին մարդիկ թէ որ ազնուագոյնն  
 իցէ ոչ յարգիցի եւ ոչ հատուցումն առ-  
 նուցու . անդ ոչ ինչ ընդ հակառակս ե-  
 լեալ ի կռիւ ինչ ընդ միմեանս կայցեն :  
 Իսկ ուր առաւելեալ ազնուագոյն ե-  
 րեւիցի, անդէն ամենեցուն իսկ յօժա-  
 րագոյնս դուպարածք կայցեն :

Աիւրոս այսպէս ճշգրիտ ցուցանէր  
 զհարստացեալսն առ իւր իսկ եւ իսկ ի  
 բարձիցն սկիզբն արարեալ եւ յառն-  
 թեր կալոյ : Իայց ոչ անմահս զկար-  
 դեալ բարձսն հաստատէր, այլ օրէնս  
 կարգէր լաւութեանցն գործովք զմիմե-  
 ամբք ոտիսել ի պատուական աթոռսն .  
 եւ եթէ ի վատութիւն ոք հատանիցի,  
 յանարգութիւն իջանել : Ալ զյառա-  
 ջագէմն ի բարձի, որոյ ոչ առաւել լաւ

ութիւնք էին ամօթ համարէր առ իւր երեւել: Այս ամենայն որ առ Վիւրոսիւ եղել, լսեմք թէ տակաւին եւ ցայժմ բաւիցէ:

Աւ իբրեւ բազմէին, ոչ զարմանալի ինչ թուէր Գորբիայ յաճախութիւն ամենայնի առ առն միում որ բազմաց իշխէր. այլ այն թէ Վիւրոս որ այնպէս մեծամեծս վճարեաց, եթէ քաղցր ինչ առնոյր, ոչ ինքն միայն համօրէն սպառէր, այլ զմօտակացսն աղաչէր նմին հաղորդ լինել, բազում անգամ տեսանէր զի եւ բացական բարեկամացն զայն որով ուրախն լեալ էր, առաքէր: Արպէս զի յորժամ ուտէինն եւ ամենայն ինչ առատ էր, եւ առաքէր Վիւրոս ի սեղանոյ անտի, ասէ Գորբիաս. Աս ով Վիւրոս, յառաջագոյն համարէի թէ այնու առաւել ընտիր քան զամենայն մարդիկ իցես զի գոռ պատերազմօղ իցես: Բայց այժմ իմ ի դիսն երդուեալ է, թէ թուի ինձ բայ մարդասիրութեամբ քան զօրավարութեամբ ազնուագոյն իցես: Ասէ Վիւրոս. Աւս հեշտական է մարդասիրութեան գործս ցուցանել քան զօրավարութեան: Ասէ Գորբիաս. Օհարդ: Օ, ի նոքօք, ասէ, զմարդիկ հասանէ շարշարել, եւ սոքօք բարիս մարդկան առնել:

Ապա իբրեւ ընդ գինիս մտին, հարցանէր Վշտասպաս զՎիւրոս. Մի՞թէ

Ծանրացեալ նեղիցիս ընդ իս, ասէ, եթէ հարցից զքեզ զոր կամիմն գիտել ի քէն: Ամին հակառակ, ասէ, ծանրամամ եթէ ազդ լինիցի ինչ թէ լուռ լինիս հարցանել զոր կամիցիս ինչ: Աղէ դու եկ ասա ցիս, ասէ, երբ կոչեցեր դու զիս եւ ոչ եկի: Գալեմ զքեզ: Ի հնազանդելն դանդաղագոյն հնազանդեցայ: Աւ ոչ այնպէս: Աւ զհրամայեալ ինչ ոչ վճարեցի: Չեմ, ասէ, մեղադիր: Աւ զոր վճարէի, էր ինչ երբեք ուրեք զոր իմ չիցէ ի գլուխ հանեալ փութով յօժարութեամբ եւ քո սողտեալ իցէ զիս: Ասէ Կիւրոս. զայդ ամենեւին իսկ ոչ: Իսկ ընդէր, ասէ, ով Կիւրէ, Քրիւսանտաս շրջեաց զմիտս քո, զի ի պատուական ակտու ի վերոյ քան զիս բազմեցի: Ասէ Կիւրոս. Եթէ ասիցեմ: Ասէ Վշտասպաս. Եսա: Բայց դու, ասէ, նեղիցիս յորժամ զճշմարիտն լսիցես: Աւրախ լինիմ, ասէ, եթէ տեսանիցեմ թէ ոչ զլացեալ զրկիմ:

Այս Քրիւսանտաս, ասէ, նախ ոչ կոչոյ անսայր բաւեր, այլ մինչ չեւ իսկ կոչեցեալ զայր հասանէր մերոցն վասն: Աւ յետ այնորիկ ոչ միայն զհրամայեալն, այլ եւ զոր ինչ ինքն ի միտ առնոյր թէ բարուք է առնել մեզ, զայն յանձնէ վճարէր: Աւ յորժամ ասել ինչ ցնիղակակիցս հասանէր, զոր ինչ

Համարէրն եթէ վայելիցէ ինձ ասել,  
 թելադիր լինէր ինձ. եւ եթէ ազդ լինէր  
 նմա զինէն թէ կամիցիմ եթէ նիզակա-  
 կիցք գիտասցեն եւ ինքնին ամաշիցեմ  
 զանձնէ ասել, այնպէս զնոցունց խո-  
 սէր, որպէս թէ զիւր իսկ խորհուրդս  
 յայտ կամիցի առնել: **Օ** ինչ արգել  
 իցէ ի դոսա թէ քան զիս ազնուագոյն  
 իցէ նա ինձ. եւ զանձնէ, ասէ, ցանգ  
 թէ ամենայն որ ինչ գոյ, այն շատ եւ  
 բաւական է. բայց հանապազ զմտաւ  
 ածէ եթէ զինչ շահ յաւելցի ինձ: **Բ**նդ  
 բարութիւնս իմ եւս քաջ քան զիս  
 յաւրանայ եւ ուրախ առնի: **Վ** շտաս-  
 պաս ասէ. Երդնում յերա, ով Վիւ-  
 րոս, զի ուրախ լինիմ զի հարցի զայդ  
 քեզ: **Ա** սէ Վիւրոս. **Յ** մէ: **Օ** ի եւ ես  
 ջանացայց զդոյն առնել: **Ս** իումն եւ  
 եթ, ասէ, տգէտ եմ, թէ զիա՞րդ յայտ  
 երեւիցիմ եթէ խնդամ ընդ բարու-  
 թիւնս քո. միթէ ծափ զծափի հար-  
 կանել կամ ծիծաղել պարտ իցէ, կամ  
 զի՞նչ գործել: **Ա** րտաւազ ասէ. Վա-  
 քաւել պարտ է ըստ Պարսից օրինակին:  
**Յ** ետ այնորիկ ծիծաղեցան:

**Ի**բրեւ խրախութիւնն յերկարէր,  
 հարցանէր Վիւրոս ցՎոբրիաս. **Ե** զէ եկ  
 ասա դու ցիս, ասէ, ով Վոբրիա, այժ-  
 միկ յօժարիցես տալ միում ի սոցանէ  
 զդուստրդ, քան յորժամ զառաջինն ե-  
 կիր առ մեզ: **Ա** սէ Վովբրիաս. **Ս** իթէ



եւ ես ասիցեմ զճշմարիտն : Ասէ Վիւրոս . Ասա քանզի չիք ինչ հարցուած որ ստուծեան կարօտանայցէ : Այսուհետեւ , ասէ , գիտասջիր եթէ առաւել եւս յօժարութեամբ կամիմ : Ասէ Վիւրոս . Թէ կարիցես ասել եթէ ընդէր : Այո՛ ասէ : Ասա : Օ՛ի յայնժամ , ասէ , տեսանէի զնոսա զի աշխատութեանց եւ վշտաց յօժարագոյնս տանէին , եւ այժմիկ տեսանեմ զիցածուն մտօք զբարութիւնսն կրեն : Թուի ինձ , ով Վիւրոս եթէ եւս իմն դժուարին է գտանել այր մի որ առաքինի ի բարութիւնսն իցէ , քան եթէ ի վիշտսն կրել : Օ՛ի նոքա զբազումս ի խայտառականս ամիցեն , եւ սոքա զամենեսին ի զգաստութիւն :

Աւ Վիւրոս ասէ . Լուս՛ր վշտասպա զՎորբիայ բանսն : Այո՛ , ասէ , եւ եթէ բազում ինչ այսպիսիս յաճախիցէ խօսել , նոքիմբք մանաւանդ զիս ընկալուչ դատերն առնուցու քան եթէ բազում ըմպելիս ցուցանիցէ : Ասէ Վովբրիաս . Են իմ բազում բանք այսպիսի ի մատենի գրեալ , զայն ամենայն տաց քեզ թէ զդուստրն իմ կին առնիցես . եւ զնրլազան , ասէ , քանզի չունիս յանձին , ոչ գիտեմ թէ Վրիւսանտայ՛ տաց , քանզի եւ զբարձդ ի քէն յափշտակեաց : Վիւրոս ասէ . վշտասպա եւ այլք ամենեքին որ աստկայք , դուք թէ ինձ ազդ

առնիցէք յորժամ ոք ի ձէնջ կին մտաբերիցէ առնել, ի միտ առեալ գիտացէ որպէս եւ ես ձեզ գործակից լինիցիմ:

Եւ Գորբիաս ասէ. եթէ զդուստրն ոք կամիցի տալ, ցո՞ ոք պարտ իցէ ասել: Ասէ Կիւրոս. Յիս. զի բնաւ այնմ արուեստի, ասէ, անհնարին խելամուտ եմ: Ասէ Վրիւսանտաս. Որո՞ւմ արուեստի: Գիտել թէ որ հարսանիք իւրաքանչիւր ումէք պատշաճ իցեն: Վրիւսանտաս ասէ. Աղէ ասա, որպիսի՞ ինչ ոք կին ինձ պատշաճ համարիցիս: Սախ, ասէ, զփոքր, քանզի եւ դու իսկ փոքր ես, եւ եթէ յաղթանդամ կին առնիցես եթէ երբէք յորժամ կայցէ ուզողորդ չկարիցես հասանել:

Յետ այնորիկ մատուցանէր Տիգրանայ զարդս եւ պատուիրէր տալ կնոջն, զի քաջութեամբ ընդ առնն եկն ի պատերազմ: Իսկ Արտաւազայ բաժակ ոսկի տայր, եւ վրկանացւոյն երիւար եւ այլ եւս ինչ բազում եւ գեղեցիկ. եւ քեզ ասէ, Գորբիա, տաց այր մի դրստերն քում: Ասէ Վշտասպաս. զիս տայցես, զի եւ զմատեանսն առից: Ասէ Կիւրոս զո՞ն քո ինչք արժանի աղջկանն: Ան իմ, ասէ, բազում գանձուց մթերք: Ասէ Կիւրոս. Իսկ ո՞ւր իցէ քո այն գոյաւորութիւն: Անդ, ասէ, ուր եւ դու նստիս եւ բարեկամ իմ

ես: Ասէ Գոբբրիաս. Շատ է ինձ. եւ վաղվաղակի ձգեալ զաջ ձեռն, տուր ասէ, Աիւրոս, զի ես առնում յանձն:

Աիւրոսի առեալ զաջ ձեռն Աշտասպայ տայր ցՂոբբրիաս. եւ նա ընկալաւ: Ապա բազում գեղեցիկ գեղեցիկ պարգեւս տայր Աշտասպայ, զի առաքիցէ օրիորդին, եւ համբուրեաց զՔրիւսանտասս ի մատչելն: Աւ Արտաւազ ասէ. Ո՞չ ի միողէ ոսկւոյ ինձ զբաժակն ետուր Աիւրոս, եւ Քրիւսանտայ զպարգեւն: Աւ քեզ ասէ, տաց: Աս հարցանէր թէ երբ: Յերեաներորդում, ասէ, ամի. եւ դու այսպէս իսկ հաստատեալ կայցես թէ ես ցայնժամ կացից մնացից եւ ոչ մեռայց: Աւ այնպէս արձակեցաւ յայնժամ ժողովն: Առքա իբրեւ յոան կացին, յարեաւ եւ Աիւրոս եւ երթայր յուղարկաւոր մինչեւ ցղուրսն:

Ի վաղիւ անդր ընիզակակիցսն որք կամէինն, ի տունս առաքէր, բայց միայն որք առ նմա իսկ կամէին բնակել: Աւ տայր նոցա երկիր եւ ապարանս, եւ ցայժմ նոցին մնացելոյ զաւակն ունի. եւ մեծ մասն ի նոցանէ ի Սարաց եւ ի Արկանացւոց է: Իսկ հեռացելոցն բազում ինչ պարգեւէր, եւ զիշխանսն եւ զզօրականս առանց տրտնջելոյ արձակէր յիւրմէ: Ապա տայր եւ զօրացնոր զիւրեւ էին ինչս, որչափ ի Սարգիսացւոցն առ: Իսկ բիւրապետացն, եւ իւրոց սպա-

սաւորացն տայր զընտիր ընտիր իրաց ըստ իւրաքանչիւր արժանաւորութեանն, եւ զայն ամենայն բաշխէր. եւ տուեալ զբաժինսն իւրաքանչիւր ումեք ի բիւրապետացն եւ յանձանձիչս կացուցանէր զնոսա բաժանել որպէս եւ նայն բաժանեաց նոցա : Աւ զայլ եւս գանձսն ըստ իւրաքանչիւր արժանի տային . սպարապետն փորձեալ զիշխանսն որ ընդ իւրեւ իցեն, եւ վեցապետքն քննեալ զիւրեանց զօրականսն : Աւ այնպէս ամենեքին առնոյին զարդար մասնն :

Իբրեւ զտուրսն առին, կէսք այսպիսի ինչ զԱիւրոսէ խօսէին, թէ ինքն բազում ինչ ունի, զի իւրաքանչիւր ումեք ի մէջ այսչափ ինչ տայ. եւ կէսք ի նոցանէ ասէին. Զի՞նչ ինչ բազում ունիցի. ո՞չ այն բարք են Աիւրոսի բնաւ ինչս իսկ ժողովել, այլ տալով մանաւանդ քան ստանալով ուրախ առնի : Իբրեւ բանք ի Աիւրոս հասանէին, եւ կարծիքն որ զնմանէ կարծէին, զբարեկամսն ի մի վայր գումարէր եւ զամենայն աւագսն, եւ խօսէր այսպիսի ինչ օրինակ :

Արք բարեկամք, տեսի մարդիկ, որ այսպէս կամէին կարծեցուցանել թէ առաւել ունիցին քան զոր ունիցինն, զի համարէին թէ այնպէս առատք երեւիցին : Բայց ինձ թուի, ասէ, թէ

նորա յետս ընդդէմ իմն այնր զոր կամինն՝ ուչ եղեալ երթայցեն: Օ՛ի որ բազումն ունել կարծեցուցանեն, եւ ոչ արժանի ըստ գոյաւորութեանն օգուտ բարեկամացն գործիցեն, թուի ինձ թէ անազատիկ միտս ունիցին: Այցեն, ասէ, որք կամիցին թագուցանել թէ որչափ ինչ ունիցին, եւ սորա չարաբարոյ եւ վնասիչ բարեկամացն թուիցին: Օ՛ի առ չգիտել ընչիցն բազում անգամ աղաչեցեալ ոչ խոստանան բարեկամք ընկերացն իւրեանց, այլ պատրեն: Այց ինձ միամտութեան թուի, թէ զիւր զօրութիւն որ յայտ ածիցէ, եւ ըստ նմին ի լաւութեան ճգունս յորդորիցի: Այսուհետեւ եւ ես, ասէ, ինչ զոր մարթիցի տեսանել յիմոց արարոց աստի, զայն ցուցից ձեզ, եւ զոր չիցէ հնար տեսանելոյ, պատմեցից:

Օչայս ասէր, եւ բազում գեղեցիկ ստացուածս ցուցանէր, եւ զմթերսն զոր չէր դիւրին տեսանել պատմէր, եւ ի կատարած ասէր այսպէս. Արժան է զայս ամենայն, ոչ իմ ինչ մանաւանդ համարել քան եթէ ձեր: Վանզի ես զայդ ամենայն մթերեմ, իբր ոչ եթէ զի ես ինչ ծախիցեմ եւ ոչ զի ես մաշիցեմ, նա եւ կարիցեմ իսկ ոչ, այլ զի հանապազ յորժամ լաւութիւն ինչ որ ի ձէնջ վճարիցէ, տաց. եւ եթէ կարօտ որ ի ձէնջ իւրից իցէ, եկեսցէ առ իս

Եւ առցէ որ ինչ պիտոյն իցէ : Օչայս  
գոյն օրինակի բանքն ճառեցան :

### Գ Լ Ո Ւ Խ Ե

ԻՐԻՅԻ Ետես թէ քաջ կարգեցան  
հաստատեցան իւր Բաբեղացւոց աշ-  
խարհին կամէր ի բաց գնալ . կազմէր  
պատրաստէր ի Պարսս երթալ , եւ այլոց  
հրաման տայր : Իբրեւ բաւական զամե-  
նայն զպէտոսն պատրաստէր չու առնէր  
խաղայր գնայր : Բայց եւ զայս պատ-  
մեսցուք թէ զհորդ բազում ամբոխ էր  
եւ յօրինեալ կարգօք կազմէր եւ միւս-  
անգամ զկահ եւ զկազմած ժողովէր , եւ  
վաղվաղակի զետեղէր ուր պիտոյ էր :  
Վանգի յորում վայրի բանակ հարկա-  
նէր թագաւորն , ամենեքին որ զթա-  
գաւորաւն էին , զիւրաքանչիւր խորան-  
որն առեալ բանակէին եւ ամարայնի եւ  
ձմերայնի :

Իսկ եւ իսկ այսպիսի ինչ օրէնս կար-  
գէր Վիւրոս ընդ արեւելակողմն զվրանն  
կանգնել . ապա կարգէր հրամանաւնախ՝  
թէ պարտ է սպասաւորաց արքունական  
խորանին ի բացեայ բնակել . յետ այ-  
նորիկ զաջակողմնն յայտ առնէր , եւ  
ամճաբերացն զահեակն , երիւարաց  
զաջն , եւ այլոց գրաստուց զձախ . եւ  
զայլն եւս ամենայն կարգէր եւ յարդա-  
րէր , առ ի գիտելոյ իւրաքանչիւր զիւր  
տեղի եւ շարիովք եւ վայրօք :

Յորժամ զկահ եւ զկազմած ժողովիցեն, կարգեն զնեն իւրաքանչիւր զկազմածսն, որոց հրամայեալ իցէ ի կիր արկանել. եւ ոմանք ի գրաստուց վերայ դնեն: Որպէս զի ամենեքին որ զկահսն տանիցին, երթայցեն յոր կարգեալ իցեն, տանել. եւ ամենեքին զնիցեն յիւրեանց գրաստուց վերայ: Այնպէս նոյն միժամ բաւական է ամբառնալոյ միում խորանի եւ բազում վրանաց: Աւ վասն հանդերձանացնոյնպէս է. եւ վասն պատրաստելոյ զամենայն պաշարս ի ժամու, որպէս հրաման տուեալ իցէ իւրաքանչիւր ումեք առնել. նմին իրի իսկ նոյն ժամանակ շատ եւ բաւական է միում եւ բազմաց գործել: Աւ զոր օրինակ պաշարացն պաշտօնեայք իւրաքանչիւր զպատշաճ վայրսն ունէին, նոյնպէս եւ վառելոցն ի բանակին պատեհ իւրաքանչիւր զինուց զարդուց տեղիքն էին, եւ թէ որ այն տեղիքն իցեն գիտէին, եւ ամենեքին առանց այսր անդր հարկանելոյ յանցնիւր տեղիս երթային:

Քանզի լաւ եւ բարւոք համարէր Աիւրոս զի եւ ի տան յարդարումն լինիցի. որպէս զի թէ որում պիտոյ ինչ լինիցի, յայտ իցէ թէ ուր երթայցէ առնուլ: Բայց եւս առաւել գեղեցիկ համարէր զգօրականաց զնդի յօրինուածս, զի որչափ երագագոյնք իցեն ժամք

դիպողք գործոյ պատերազմի, դոյնչափ եւս մեծ սխալ լինիցի յայնցանէ, որ ի նոսին յետնեալ գտանիցին: Իսկ ի նոցանէ որ ի ժամու հասանիցեն, բազում գործս մեծամեծս ի նոցունց վճարեալ ի պատերազմունս տեսանէր. վասն այնորիկ առաւել փոյթ յանձին ունէր զյօրինուածոց:

Աւ ինքն իսկ նախ զանձն կացուցանէր ի մէջ զօրականացն բանակի, որպէս թէ այն տեղի ամուր իցէ: Աւ ապա զհաւատարիմսն որպէս սովորն էր, շուրջ զիւրեւ զումարէր: Բնդ նոսա բակ առեալ կային այրուծին եւ կառավարքն, քանզի եւ նոցա ամուր տեղիս պիտոյ համարէր, զի ոչ մի գէն ունին որով կռուիցին յորժամ բանակիցենն, այլ բազում ժամանակ պիտոյ իցէ առ սպառազինութիւն, եթէ կամիցին ելանել վասն իրիք օգտի: Բնդ աջմէ եւ ընդ ահեկէ նորա եւ հեծելագօրուն շերտաւորացն տեղի էր. եւ յառաջոյ աղեղնաւորաց, եւ յետուստ նորա հեծելոցն:

Օ վառեալսն եւ զայնոսիկ որ զյաղթ սուսերսն ունէին, ամենեւին շուրջանակի իբրեւ պարիսպ ունէր, զի եթէ պիտոյ ինչ լինիցի կազմել հեծելոցն, մնացականքն առաջի կայցեն եւ տայցեն զգուշութեամբ վառել: Անջէին ի գընդի անգ վառեալքն եւ շերտաւորքն եւ



աղեղնաւորքն, զի եւ ի դիշերաց, եթէ պէտք իմն լինիցին, իբրեւ զվառեալսն կազմ եւ պատրաստ իցեն յարձակելոցն ի դիմի հարկանել. նոյնպէս եւ աղեղնաւորքն եւ շերտաւորքն անդրքան զվառեալսն, եւ եթէ մօտ գայցեն սմանք, պատրաստութեամբ հարկանիցին ի դիմի եւ նետալից առնիցեն: Անէին եւ դրաւչս ամենայն իշխանք ի վերայ վրանացն:

Իսկ սպասաւորքն, որպէս ի քաղաքս քաղաքս, որ զգաստագոյնքն իցեն դիտեն զբազմաց ապարանս, մանաւանդ զաւագացն. նոյնպէս եւ ի բանակս տեղեաց զօրավարացն հմուտ էին Աիւրոսի սպասաւորքն, եւ զդրաւչս ճանաչէին թէ որ դրաւչ իցէ իւրաքանչիւր: Արպէս զի եթէ կամէր զոք Աիւրոս, ոչ եթէ երթային խնդրէին, այլ ի կարճոյ ընթանային առ իւրաքանչիւր ոք ի նոցանէ: Եւ վասն ցեղընտիր ի միմեանց զատանելոյ, առաւել եւս յայտնի լինէր եթէ ոք բարւոք կարգեալ կայր, եւ եթէ ոչ ի դլուխ հանէր ոք զհրամանն: Եւ յորժամ այսպէսն կայցեն, համարէր այսպէս թէ դիշերի ոք եւ կամ ցերեկ ի վերայ դիմիցէ, իբրեւ ի դարան ի զօրսն անկանիցին որ դիմիցենն:

Եւ ճակատու կարգս ոչ զայն եւեթ համարէր, եթէ ձգել երկայնել ոք դիւրաւ զճակատն կարիցէ կամ թանձրա-

ցուցանել կամ ի թեւէ ի ճակատս կացուցանել, կամ յերեւել թշնամեացն կամ յաջմէկամ յահեկէկամ յետուստ կողմանէ, դէպ ուղիղ պարզել. այլ եւ ջրուել եւս յորժամ պիտոյ իցէ, կարգս ճակատու համարէր, եւ կարգել կացուցանել զիւրաքանչիւր մասն, ուր առաւել օգուտ լինիցի, եւ վաղվաղել ուր ճեպելն պարտ իցէ. զայս ամենայն եւ զայսպիսի առն զօրավարի համարէր, եւ զայնմ ամենայնէ զմի օրինակ փոյթ յանձին ունէր. եւ ի ճանապարհսն հանապազ ըստ դիպացն պատահելոց կարգեալ գնայր. իսկ ի բանակելն բազում անգամ դադարէր ըստ այնմ օրինակի որպէս կանխագոյն ճառեցաւ:

Աւ իբրեւ երթեալ հասանէին ի Մարաստան, խոտորեցաւ Վիւրոս առ Վիաքսարէս. իբրեւ ողջոյն ետուն միմեանց, նախ ասէ Վիւրոս ցՎիաքսարէս, եթէ ընտրեալ է նմա տուն ի Բաբեղոնի եւ տաճար, զի յորժամ անդր երթայցես իբրեւ ի քո ապարանս իջանիցես. եւ ապա բազում պատարագս տայր նմա եւ յաճախ բարութիւնս. եւ Վիաքսարէս ընկալաւ զնոսա եւ առաքէր առ նա զդուստրն, որ պսակ ոսկի եւ ապարանջանս բերէր եւ քայռս եւ մարական պատմուճան գեղեցիկ անհնարին, եւ աղջիկն պսակէր զՎիւրոս:

Վիաքսարէս ասէ. Տամ եւ զգա քեզ  
կնութեան որ իմ դուստր է, եւ քո  
հայրն՝ կին արար զիմոյ հօրս դուստրն՝  
յորմէ դու իսկ ծնար: Աւ սա է, ու  
րում դու բազում անգամ, յորժամ  
մանուկն էիր եւ առ մեզ էիր, սնուցիչ  
լինէիր: Աւ յորժամ հարցանէր ոք զնա  
թէ ո՞ւմ առն լինիցիս, ասէր թէ Վիւ-  
րոսի: Տամ նմա թախանձս զբնաւ իսկ  
զՎարաստան քանզի չէք իմ արու մա-  
նուկ ճշմարիտ: Աս զայս ինչ խօսեցաւ,  
եւ Վիւրոս տայր անդէն պատասխանի,  
Չազգն գովեմ եւ զաղջիկն եւ զպա-  
տարագոն, բայց կամիմ, ասէ, հօրս եւ  
մօրս կամօք յանձն առնուլ քեզ զայդ,  
այսպէս խօսեցաւ Վիւրոս, սակայն զա-  
մենայն ինչ պարգեւէր աղջկանն զոր ինչ  
հաճոյն համարէր Վիաքսարայ. զայս ի-  
բրեւ արար, յուղի անկեալ երթայր ի  
Պարսից աշխարհն:

Իբրեւ գայր հասանէր ի սահմանա-  
կողմն Պարսից աշխարհին, թող զզօրս  
իւր, եւ ինքն բարեկամօքն հանդերձ  
երթայր ի քաղաքն բերեալ նուէրս, մինչ  
զի բաւական իցեն ամենայն Պարսից յա-  
զել եւ ուտել: Աւ բերէր պատարագս  
որ հօրն եւ մօրն վայել էին եւ այլոց բա-  
րեկամացն, եւ որ իշխանացն վայել էին  
եւ ծերոցն եւ ամենեցուն հանգիտա-  
պատուացն: Տայր եւ ամենեցուն Պար-  
սից զոր ինչ եւ այժմ տայցեն յորժամ

Թագաւոր այր ի Պարսս հասանիցէ :  
 Ապա ժողովէր Վամբիւսէս զժերսն Պարսից եւ զիշխանս տանուտեարս . կոչէր եւ զՎիւրոս եւ խօսէր այսպիսի ինչ :

Աւք պարսիկք եւ դու Վիւրէ, նմանագոյնս ընդ ձեզ երկոցունցդ մտադիւրութեամբ եմ . քանզի ձեզ թագաւորեմ, եւ դու Վիւրոս, որդեակի իմ ես :  
 Աւ արդ իրաւունս համարիմ թէ զոր երկոցունց կողմանց բարութիւնս կարծիցեմ զայն իմէջ բերեալ ասիցեմ : Օ՛ր յանցեալ ժամանակսն, դուք զՎիւրոս մեծացուցէք, տուեալ զօրս, եւ նմին զօրավար զՎիւրոս կացուցեալ : Աւ Վիւրոսի զօրավար լեալ զօրացն աստուածովքն, փառաւորս զմեզ ով Պարսիկք յամենայն մարդիկ արար, եւ պատուականս ի բնաւ յասիացւոց աշխարհիս . եւ յերթելոցն ընդ նմա ի պատերազմ զքաջսն մեծացոյց, եւ բազմաց վարձս եւ կերակուր պատրաստեաց : Աւ հաստատեաց կացոյց Պարսից այրուծի եւ արար հաղորդութիւն Պարսից ընդ դաշտաց : Արդ եթէ այսուհետեւ այսպիսի միտս ունիցիք, բազում բարութեանց պատճառք միմեանց լինիցիք : Այլ եթէ կամ դու Վիւրոս վերացեալ բարձրացեալ ի մօտաւոր դիպաց աստի, ձեռն արկանիցես եւ Պարսից իշխել ժլատութեամբ եւ այլոցն, կամ դուք ով քաղաքացիք նախանձ բերեալ ընդ զօրու-

Թիւննորա, ջանայցէք քակել զնա յիշխանութենէ, գիտասջիք եթէ արգել եւ խափան միմեանց բազում բարութեանց լինիցիք :

Աւ արգ զի մի այն լինիցի, այլ բարութիւնքն, հաճոյ թուի ինձ, ասէ, ձեզ առհասարակ զոհս մատուցանել, եւ զգիսն վկայս կացուցեալ դաշինս ընդ միմեանս կուել, քեզ Վիւրոս, եթէ ուրուք զօր ի վերայ դումարեալ խաղայցէ ի մարտ պատերազմի ի վերայ Պարսից աշխարհիս կամ զօրէնսն քակել ջանայցէ, ամենայն զօրութեամբ օգնական լինել, եւ ձեզ Վիւրոսի որ ինչ հրամայիցէ: Աւ մինչ դեռ ես կենդանի իցեմ, իմ լինիցի ի Պարսս թագաւորութիւնն: Աայց յորժամ ես վախճանեցայց, յայտ է եթէ Վիւրոսի լինիցի, եթէ կեցցէ: Աւ յորժամնա ի Պարսս եկեալ հասանիցէ, սուրբ եղիջիք թէ նա փոխանակ ձեր զենցէ պատարագս, զոր ես այժմ յաղեմ: Ասի եթէ ի տար աշխարհ երթայցէ, բարւոք առնիցէք եթէ յազգէ անտի, որ ձեզ ազնուագոյն թուի, նա կատարեսցէ զձօնիս դիցն:

Իբրեւ զայս խօսեցաւ Վամբիւսէս, հաճոյ թուեցաւ Վիւրոսի եւ աւագացն Պարսից. ուխտս հաստատէին դաշինս կուէին եւ զգիսն վկայս կոչէին. եւ ցայժմ զնոյն կատարեն առ միմեանս Պարսիկք

եւ թագաւորն: Իբրեւ այս ամենայն վճարէր, ի բաց գնայր կիւրոս. եւ ի գնայն իբրեւ եհաս ի Սարս, որպէս հաճոյ թուեցաւ հօրն եւ մօրն, կին արար զգուստրն կիաքսարայ: Օրմէ եւ այժմ համբաւ է թէ ամենեւին գեղեցիկ էր. բայց ոմանք ի պատմագրաց ասեն թէ զմօրն քոյր կին արար, այլ բնաւ ի պառաւու թեան լեալ էր աղջիկն: Այլ յետ հարսանեացն, անդէն վաղվաղակի առեալ շու առնէր:

## Գ Լ Ո Ւ Խ Զ

ՅՈՐԾԱԾ էրն ի Բաբելոնի, հաճոյ թուեցաւ նախարարս յազգսն վանեալս առաքել: Բայց զպահապանսն որ յամուրսն էին եւ զհաղարապետս պահապանաց աշխարհին չկամէր թէ այլում ումեք քան զինքն հնազանդեսցին: Օայսմ ամենայնէ հողայր, զմտաւ ածեալ զի եթէ ի նախարարացն ոք առ մեծութեան եւ բազմամբոխ յաճախութեան մարդկան անգոսնիցէ, եւ չհաւանել մտաբերիցէ, իսկ եւ իսկ հակառակորդս յաշխարհին ունիցի: Արդ իբրեւ զայս կամէր առնել, խորհեցաւ կոչել միանգամայն նախ զաւագանին, եւ պատմել զի գիտացեն թէ վասն որոց երթայցեն որ երթայցենն: Վանզի համարեցաւ թէ այնպէս դիւրագոյն

Համբերիցեն: Բայց յորժամ կայցէ ոք իշխան, եւ ազդ չլինիցի նմա այն, գժկամակ լինիցի զմտաւ ածեալ եթէ վասն թերահաւատելոյ ի նա այն եղեւ:

Վասն այնորիկ ժողովեալ խօսէր ընդ նոսա այսպէս. Աքք բարեկամք, են մեր ի քաղաքոն վանեալս վկանդեալս պահապանք եւ պէտք պահապանաց զորս երբեմն թողաք. յորժամ ի բաց գնայի հրաման ետու նոցա, մի յայլ ինչ գործ մլսել, բայց զպարխսպսն պահել: Արդ չմերժեմ զնոսա յիշխանութենէ անտի, զի բարւոք պահեցին որ ինչ հրամայեցան: Բայց հաճոյ թուի ինձ այլ եւս կուսակալս առաքել որ բնակչացն իշխեսցեն, եւ զհարկ աշխարհին առեալ, տայցեն պահապանացն զվարձան, եւ որ ինչ պիտոյ իցէ յայն ծախեսցեն: Ալ կամիմ զի որոց անդն իցեն ի ձէնջ, եւ որոց ես գործ ի ձեռն տամ առաքեալ ի գործ ինչ յազգան յայնոսիկ, զատանիցին վայրք եւ տունք անդէն, զի անդէն հարկս հարկանիցեն նոցա, եւ յորժամ երթայցեն անդր, կարիցեն ի տունս ագանել:

Օչայս ասէր, եւ տայր բազմաց ի բարեկամաց անտի յամենայն քաղաքոն վանեալս տունս եւ հնազանդեալս. եւ ցայժմ եւս նոցին որդւոց եւ թոռանց եւ թոռին թոռանց այնոցիկ որ յայն-

Ժամն առին, եւ վայրքն յայլ եւ յայլ երկրի, եւ ինքեանք առ Թագաւորին բնակեն: Պարտ եւ պատշաճ է, ասէ, նախարարացն. երթելոց ի գաւառսն յայնսսիկ, այնպէս նայել ընդ մեզ, զի որ ինչ յիւրաքանչիւր երկրի գեղեցիկ եւ բարի իցէ, յուշ լինիցի նոցա եւ եւ այսր առաքել, զի որ աստս իցեմք վայելիցեմք ի բարութիւնսն որ ամենայն ուրեք իցեն. քանզի եթէ եւ վիշտք ինչ ուրեք իցեն, մեզ հասանիցէ պաշտպանել:

Չայս ասացեալ ապա զբանսն հանգուցանէր: Աւ յետոյ զորս ծանեաւ ի բարեկամաց անտի, եթէ ցանկան երթալ ըստ բանիցն ասացելոց, ընտրեալ ի նոցանէ զպիտանագոյնսն, առաքէր կուսակալս. յաշխարհն Արաբացւոց զԱեգաղիւբոս եւ ի Վամիրս զԱրտաբատաս, եւ յաշխարհն Փռիւգացւոց ի մեծն զԱրտակամաս, ի Ղիւկիացւոց եւ Յոնիացւոց զՔրիւսանտաս, եւ ի Վարիա զԱդուսիոս, որպէս խնդրեցինն. իսկ ի Փռիւգաստան որ կայ առ երի Աղղեսպոնտոս ծովու, եւ յԱւողիդա զՓառնուբոս: Բայց Աիդիկեցւոց աշխարհին եւ Աիւպրացւոց եւ Պափղագոնացւոց ոչ առաքէր շահապ պարսիկ, քանզի կամակար եկին ընդ նմա ի պատերազմ ի վերայ Բաբելոնացւոց քաղաքին. բայց հարկս եւ նոցա հրամայէր հարկանել:



Եւ որպէս յայնժամ կարգեաց կիւրոս, ըստ նմին օրինակի գոն եւ այժմ ի միջնաբերդին պահապանք թագաւորին, եւ հազարապետք պահապանացն ի թագաւորէ անտի կարգեալ կան, եւ գրեալ են մի ըստ միոջէ ի թագաւորէն: Պատուէր տայր նախարարացն առաքելոց, զի որչափ մարթիցի, զոր ինչ տեսանիցեն եթէ նայն առնիցէ, ամենայնի նմանօղ լինիցին, զառաջինն հեծելազօրս կացուցանել ի Պարսից եւ ի նիզակակցաց անտի երթելոց զհետ նոցա եւ կառավարս եւս: Իսկ որ երկիր եւ տաճար առնուցուն, ստիպել զնոսա յորսս երթալ եւ զցածու թենէ փոյթ յանձին կալեալ, մատուցանել զանձինս նախարարին ի կիր արկանել եթէ պէտք ինչ իցեն: Եւրատել զմանկունսն ծնեալս յորսս, որպէս եւ առ նմա իսկ: Եւ ինքն նախարարն հանիցէ յորս զայնոսիկ որ ի դրունսն իցեն, եւ կրթել զանձն եւ զիւրսն ի մարտ պատերազմի:

Ար ոք, ասէ, ըստ համարոյ զօրութեանն, բազում կառս եւ բազում քաջ երիւարս ինձ ցուցանիցէ, զնս: Ես իբրեւ առաքինի նիզակակից եւ որպէս բարոք պահապան Պարսից եւ իմոյ իշխանութեանս, մեծարեցի: Եւ իցին եւ առ ձեզ ակթոռք, որպէս ենն առ իս, եւ քաջքն նախամեծար պա-

տուեալք . եւ սեղան, որպէս եւ իմն որ կերակրիցէ նախ զընտանեակսն, եւ յետ այնորիկ բաւական իցէ բարեկամաց բաշխել տալ, եւ մեծարել զայն որ լաւութիւն ինչ օր ըստ օրէ գործիցէ: Ստացարուք եւ դրախտս եւ երէ սնուցէք, եւ մի դուք երբեք առանց աշխատութեան հաց առաջի դնիցէք, եւ մի երիւարաց առանց ի հանդիսի անցանելոյ խար արկանիցէք: Վանզի մի եմ չկարեմ ես մարդկեղէն զօրութեամբ զամենեցուն ձեր բարիս հոգալ, այլ պարտ եւ պատշաճ է ինձ որ քաջս իցեմ, ընդ քաջացն որ առ իս իցեն, ձեզ օգնական լինել. եւ դուք նոյն օրինակ որ քաջքդ իցէք, ընդ որոց առ ձեզդ իցեն, ինձ թիկունք օգնականութեան լինիցիք: Ամէի թէ եւ զայս ածէիք զմտաւ եթէ յայսմ ամենայնէ զոր այժմիկ ձեզ հրամայեմ, ոչ ինչ ծառայից պատուիրեմ. եւ զոր ձեզդ ասեմ թէ պարտ է առնել եւ ես փութամ զամենայն առնել, որպէս ես ձեզ հրաման տամ նմանօղ ինձ լինել, նոյնպէս եւ դուք այնոցիկ որ ըստ ձէնջ ունիցին իշխանութիւն, ուսուցէք՝ ձեզ նմանօղ նախանձաւոր լինել:

Օչայս յայնժամ Վիւրոս կարգեաց եւ ցայժմ տակաւին նովին օրինակաւ ամենայն պահպանութիւնք որ ընդ թագաւորաւն իցեն, նոյնպէս պահին,

եւ դրունք իշխանացն զնոյն օրինակ պաշտօն առնուն . եւ ամենայն տունք մեծամեծք եւ փոքունք նոյնպէս բնակեալ են . եւ ամենայն քաջք ի դրացեացն աթոռովք նախամեծար պատուին , եւ համօրէն ճանապարհք ըստ նմին օրինակի կարգեալ յարդարին , եւ ամենեւին բովանդակեալ ի գլուխ ելանեն բազում գործք սակաւ վերակացուօք : Աւ զայս ասացեալ թէ որպէս պարտ իցէ առնել իւրաքանչիւր ումէք , եւ յաւելեալ իւրաքանչիւր զօրս , արձակէր . եւ պատուէր տայր ամենեցուն կազմ եւ պատրաստ լինել զի ի գալ ամին միւսոյ պատերազմ լինիցի եւ հանդէս համարոյ արանց եւ զինուց եւ երիւարաց եւ կառաց :

Ի միտ առաք եւ զայս եթէ Կիւրոս այնմ արար սկիզբն , որպէս ասեն , եւ ցայժմ տեւեալ բաւէ : Օ՛ ի երթայ այր ասպատակաւ ամի ամի զօրօք որ եթէ ի նախարարաց անտի ոք օգնականութեամբ կարօտ իցէ , օգնական լինիցի . եւ եթէ անգոսնեալ ամբարտաւանիցէ , ի կարգ ածիցէ . եւ եթէ կամ անփոյթ ոք առնիցէ զհարկսն հարկանել , կամ բնակչացն պահունել , կամ զի երկիրն արդիւնս ծնուցանիցէ , կամ թէ մի ինչ ի հրամայելոցն թողուցու , զայն ամենայն յարդարիցէ . եւ եթէ չիցէ ինքն ձեռնհաս ազգ ա-

րասցէ թագաւորին : Այլ նորա լուեալ խորհուրդ առցէ վասն անսաստելոյն . եւ որ բազում անգամ ասիցին եթէ արքայորդի իջանէ , եթէ թագաւորի եղբայր իջանէ , եթէ ակն թագաւորի իջանէ , եւ երբեմն չերեւիցին , նոքա յայնցանէ են որ ասպատակաւ արշաւին : Օ՛ի իւրաքանչիւր ոք ի նոցանէ դառնայ այսրէն յորժամ արքայ հրաման տայցէ :

Աւագք եւ զայլ ինչ հնարս նորա առ ի մեծութիւն իշխանութեան իւրոյ , որով վաղվազակի ազդ լինիցի նմա զամենեւին հեռաւորացն թէ զինչ լինիցի : Վանդի զմտաւ ածեալ թէ որչափ ճանապարհ հարկանիցէ երիւար եթէ զցերեկ գնայցէ , եւ ըստ նմին անջրպետութեան ասպաստանս գործէր , եւ երիւարս ի նոսին կացուցանէր եւ նոցին խնամակալս . եւ այր մի ի վերայ իւրաքանչիւր տեղեացն կարգէր , որ բաւական իցէ առնուլ զբերեալ գիրսն , եւ առնուլ զերիւարսն վաստակեալս եւ զայլ երիւարս նորոգ առաքել : Այլ երբեք զի եւ ոչ զցայգ , ասեն , դադարիցեն գնալ , այլ ցայգութեան պատգամաւորին փոխանակել ցերեկութեանն . եւ յորժամ այն , ասեն , այնպէս լինիցի , ոմանք վաղազոյն քան զխորդան զայն ճանապարհ ի գլուխ հանիցեն . ապա թէ զայն ստեն , բայց թէ քան զմար-

դկան հետիոտիւք զնացս արագագոյն է, այն յայտ է. քանզի եւ այս բարւոք է զբնաւ վաղվաղակի զգալ եւ արագ արագ հոգալ:

Իբրեւ այն ամենայն անցանէր, զզօրսն ի Ռաբելոն գումարէր, եւ լեալ, ասեն, նորա երկոտասան բելրս հեծելազօրու եւ երկու հազար կառս գերանդաղէնս, եւ վեց հարեւր բելրս հետեւակաց: Իբրեւ այն ամենայն հանգերձեցաւ կազմեցաւ, դիմեալ երթայր ասպատակաւ յորում, ասեն, վանեալ վկանդեալ զամենայն ազգս որ ի մտիցն Ասորոց բնակեն մինչեւ ցծովն կարմիր: Աւ յետ այնորիկ, ասեն, որ Ագիպտոս ասպատակն է՝ եղեւ, եւ վկանդէր աշխարհն Ագիպտացոց: Աւ յայնմ հետէ իւր իշխանութեան սահմանս անջրպետ արկեալ որոշէր, յարեւելից կուսէ ծովն կարմիր, ի հարաւոյ Աքսինոս ծով, եւ յարեւմտից Արարացոց եւ Ագիպտացոց աշխարհն, եւ առ հիւսիսի երկիրն Աթուպացոց: Աւ ի ծագաց անտի կողմանցն այնոցիկ կէսք վասն տօթոյն դժուարին առ բնակութիւն են, եւ կէսք վասն սառամանեացն, եւ կէսք վասն ջուրցն եւ այլք առ անջրդութեանն:

Ինքն քանզի ի նոցա միջի էր, ի ժամանակս ձմերայնոյն կայր ի Ռաբիղոնի եւթն ամիսս, զի մարմանդ տեղիքն

էին, եւ գարնայնի զերիս ամիսս ի Շաւշ քաղաքի, եւ ի ժամանակս ամարայնելոյն զերկուս ամիսս յԵկրատանացւոց աշխարհին: Աւ քանզի այնպէս, ասեն, առնէր, ցանգ կայր ի ժամանակս գարնայնոյն: Աւ այսպիսի իսկ միտս ընդ նա մարդիկն ունէին, զի ամենայն ազգ նուազութիւն իմն իւր համարէր, եթէ չառաքէր Աիւրոսի որ ինչ գեղեցիկ ինչ յաշխարհին բուսանէր կամ սնանէր կամ ի ճարտարացն գործէր. նոյնպէս եւ ամենայն քաղաք եւ ամենայն որ առանձինն մեծատուն լինել կարծէր եթէ շնորհէր ինչ Աիւրոսի. քանզի եւ Աիւրոս առեալ յիւրաքանչիւր ումէքէ զայս զոր առատութեամբ իսկ ունէին որ տայինն, եւ ընդ այնր տայր զայն որով անօտրացեալ դիտէր զնոսս:

### Գ Լ Ո Ւ Խ Է

Աի ապա իբրեւ յառաջագէժ ժամանակն լինէր, եւ Աիւրոս ծերացեալ հասանէր ի Պարսս եւթներորդ անգամ յետ իշխանութեանն. եւ հայր նորա եւ մայր կանխագոյն իսկ, որպէս ի դէպ էր, վախճանեալ էին: Աիւրոս զսճս ի մեհենին ըստ օրինացն մատուցանէր, եւ առաջնորդէր պարուցն Պարսից ըստ հայրենի կարգացն, եւ ամենեցուն տայր պարգեւս որպէս սովորն էր: Ի քուն

եղեալ յարքունիան այսպիսի ինչ երազ  
 տեսանէր. թուէր իմն նմա այսպէս, թէ  
 մատուցեալ ոմն ազնուագոյն քան  
 զմարդկեղէն կարգս, ասէ. Պատրաս-  
 տեաց Աիւրոս զի առ դիսն երթաս :  
 Օչայն երազ տեսեալ զարթեալ, եւ  
 գրեթէ կարծէր տեսանել եթէ կենաց  
 վախճան եկեալ հասեալ կայ : Անդէն  
 իսկ եւ իսկ վաղվաղակի առեալ նուէրս  
 զոհո գաւառական Արամազդայ մատու-  
 ցանէր եւ արեգական եւ այլոց եւս գիցն  
 ի վերայ բարձաւանդակացն, որպէս Պար-  
 սիկքն մատուցանեն զոհո, եւ մատու-  
 ցեալ կայր յաղօթս ձեւ զայս օրինակ .  
 Արամազդ հայրենի, եւ արեգակնդ եւ  
 ամենայն իսկ համօրէն դիք, բնկալարուք  
 զդոսա եւ զնուէրս բազմաց եւ գեղեցիկ  
 իրացս այսոցիկ եւ արուսթեանց, եւ  
 զգոհութիւնս զի գուշակեցէք դուք ինձ  
 նուիրօք եւ նշանօք երկնից եւ հմայիւք  
 եւ համբաւուք զոր ինչ պարտն էր առ-  
 նել եւ որ ինչ շէր պատշաճ : Յաճա-  
 խագոյն գոհութիւն ձեզ, զի եւ ես  
 ծանեաց զձեր խնամակալութիւն, ոչ  
 երբէք ուրեք բնդ փառաւորութիւնս  
 ի վեր քան զմարդ մեծամտեալ հպար-  
 տացայ : Խնդրեմ ես ի ձէնջ տալ եւ  
 այժմ որդւոց իմոց եւ կնոջ եւ բարե-  
 կամաց եւ ազգի իմում փառաւորու-  
 թիւն, եւ ինձ որպիսի ինչ կեանս ե-  
 տուք, նոյնպէս եւ վախճան շնորհել :

Օչայս արարեալ ապա գայր յապա-  
րանսն եւ կամէր հանդէլ եւ անդէն  
ընկողմանէր: Իբրեւ ժամն հասանէր,  
որ կարգեալ կային մատուցեալ հրա-  
մայէին լուանալ: Եւ նա ասէր թէ  
հանդէմ ուրախութեամբ: Իսկ որ կար-  
գեալն էին յորժամ ժամ իսկ էր, ըն-  
թրիս առաջի յօրինեալ դնէին, բայց  
անձն նորա ոչ մերձեցաւ ի խորտիկան,  
եւ թուէր նմա ծարաւի լինել եւ արբ  
յօժարութեամբ: Իբրեւ ի վաղիւ անդր  
նոյն անցք ընդ նա անցանէին եւ յե-  
րորդումն աւուր, կոչէր զորդիսն, որք  
զհետ եկեալ դիպեցան նորա եւ ի Պարսս  
էին. կոչէր եւ զբարեկամսն եւ զիշխանս  
Պարսից. եւ իբրեւ ամենեքին հասեալ  
կային, սկիզբն առնէր բանից այսպիսի  
ինչ օրինակ:

Արդեակք իմ եւ ամենայն բարեկամք  
որ այսր հասեալ կայք, ինձ կենաց կա-  
տարած եկեալ հասեալ կայ. ի բազում  
ինչ իրաց զայդ հաւաստեալ եւ ճշգրիտ  
դիտեմ: Եւայց ձեզ, յորժամ վախ-  
ճանեցայց, պարտ եւ պատշաճ է իբրեւ  
զփառաւորէ ումեքէ զինէն խօսել եւ  
դործել զամենայն: Օհ եւ յորժամ  
մանուկն էի, որ ինչ ի մանկունս լաւու-  
թիւնքն համարիցին թուի ինձ թէ շա-  
հեցայ. եւ իբրեւ ի չափ հասի, զայն  
որ յերիտասարդսն էր. եւ յորժամ ե-  
ղէ այր կատարեալ զայն որ յարսն էր:



Եւ ի յառաջադէմն լինել ժամանակացն ցանգ իսկ եւ հանապաղ աճեցեալ եւ զարգացեալ տեսանէին զգօրութիւն իմ: Արպէս զի չզգայի իսկ երբեք եթէ ծերութիւն իմ քան զերիտասարդութիւն տկարագոյն իցէ, եւ չգիտեմ թէ ձեռն արկի եւ ցանկացայ իմիք եւ ոչ հասի, եւ զբարեկամս տեսի ինեւ փառաւորեալս եւ զթշնամիս ընդ ինեւ ի ծառայութիւն վտարանդեալ, եւ զազգիմ եւ զտոհմ որ յառաջագոյն արհամարհն էր յԱսիացւոց աշխարհիս, այժմ թողում նախամեծար մեծարեալ եւ յորոց տացայն չգիտեմ ինչ զոր իմ շիցէ պահեալ: Թէպէտ եւ յանցեալ ժամանակի անդ զամենայն վճարէի այնպէս որպէս իմ միտք կամէին, բայց ահն որ խուճապէր թէ մի գուցէ յառ յապա ժամանակսն տեսանիցեմ կամ լսիցեմ կամ կրիցեմ ինչ դժբնդակս, չտայր ամենեւին մեծամտել եւ ոչ տարածանել զանձն եւ ուրախ լինել: Բայց այժմ եթէ վախճանեցայց, թողում զձեզ, որդեակք, կենդանիս, զձեզ ետուն ինձ դիքն ծնանել, թողում զազգ եւ զտոհմ եւ զբարեկամս ի փառաւորութիւնս: Օ իմօրդ եւ ես ոչ յիրաւի երանելի համարիցիմ, եւ մշտնջենաւոր ժամանակօք հասանիցեմ յիշատակի:

Այլ պարտ եւ պատշաճ է զարքայութիւնն յայտնագոյն իսկ թողուլ:

զի մի յորժամ երկմտութեամբ իցէ,  
 աշխատութիւն ձեզ հասուցանիցէ:  
 Բայց ես այժմ մի օրինակ զերկոսին  
 զձեզ սիրեմ որդեակք. իսկ զխորհել  
 եւ առաջնորդել յոր ինչ ի դէպ թուի-  
 ցի, զայն նմա որ անգրանիկն իցէ, հրա-  
 մայեմ, որ եւ բազում իրաց հմուտ է,  
 որպէս ի դէպ իսկ իցէ: Կրատեցայ եւ  
 եւս նոյնպէս յաշխարհէ աստի իմէ եւ  
 ձեր, տեղի տալ երիցազունաց, ոչ մի-  
 այն եղբայր եղբօր, այլ եւ քաղաքա-  
 ցեաց ի ճանապարհի եւ ի նստել եւ ի  
 խօսել: Աւ զձեզ, որդեակք, իսկ զնա-  
 նէ նոյնպէս խրատեցի, զձերսն նախ  
 մեծարել, եւ քան զմանկազոյնսն նա-  
 խամեծար լինել: Արդ ինձ իբրեւ թէ  
 զհին ինչ եւ զընդելական եւ զօրինաւոր  
 խօսիցիմ, այնպէս անսացէք: Աւ դու  
 կամբիւսէ, կալ զթագաւորութիւնն,  
 զի դիքն տան եւ ես տամ որչափ ինչ  
 յինէն կուսէ իցէ: Աւ քեզ տամ Տա-  
 նաւորքսարէ լինել շահապ նախարարա-  
 պետ Մարաց եւ շայոց եւ երրորդ կա-  
 զուսիացւոց. զայս տամ քեզ, եւ հա-  
 մարիմ զմեծ եւս իշխանութիւն եւ զա-  
 նուն թագաւորութեան երիցուն թո-  
 ղուլ, բայց քեզ զանտրտումն փառա-  
 ւորութիւն: Վանզի որսւմ մարդկե-  
 ղէն ուրախութեան կարօտ իցես ես ոչ  
 նշմարեմ, ամենայն որ ինչ կարծի թէ  
 ուրախ զմարդիկ առնիցէ, անդ կայ:

Իսկ ցանկալն վճարել որ ինչ դժուարին առ վճարել իցէ, եւ զբազմաց իրաց հոգալ եւ շկարել ունել հանդարտութիւն, խթեալ ի հակառակութենէ անտի եւ ի նախանձաւորն լինելոյ իմոց գործոց, եւ նենգ գործել եւ նենգել. հարկ է թէ այս ամենայն զնա չար տագնապիցէ որ թագաւորելոցն իցէ եւ ոչ զքեզ. զիտասջիւր զի նոքին շտան պարագութիւն ուրախ լինելոյ:

Արդ դու զայդ ի միտ առ կամբիւսէս, թէ ոչ այս ոսկի գաւազան է, որ ողջ զթագաւորութիւնն պահիցէ. բարեկամք հաւատարիմք ճշմարիտ եւ անսխալ գաւազան թագաւորաց: Մի համարիր թէ ի բնէ իսկ ծնանիցին մարդիկ հաւատարիմ, զի եթէ այնպէս ինչ էր, նոքին եւ ամենեցուն հաւատարիմք երեւէին, զսր օրինակ եւ այլ ինչ եւս ամենայն որ ի բնէ ծնանիցին ամենեցուն նոյնք երեւիցին, այլ պարտ է իւրաքանչիւր ումէք իւրում անձինն հաւատարիմս յարդարել: Բայց ոչ ումէք գոյ բռնութեամբ ստանալ զնոսա, այլ մանաւանդ բարերարութեամբ: Արդ եթէ եւ զայլս ոմանս ջանայցես պահապանս թագաւորութեան կացուցանել, մի ուստեք նախ առնիցես սկիզբն, այլ որ աստատին իսկ ի միոջէ տեղւոյ ծընեալ իցէ. եւ արք քաղաքացիք քան զօտարոտինան ընտանեգոյնք եւ հայա-

կիցք լինիցին: Ար ի նմին զաւակէ ծը-  
նեալ իցեն եւ ի նմին մօրէ սնեալ, եւ ի  
նմին տան աճեցեալ եւ զարգացեալ,  
եւ ի նոցին ծնողաց սիրեցեալ, եւ զնոյն  
մայր եւ զնոյն հայր կարգայցեն, զի-  
ա՛րդ չիցեն նոքին քան զամենեսին ըն-  
տանեգոյնք:

Աւ արդ զոր ինչ բարութիւնս դիցն  
չնորհեալ իցէ առ ընտանութիւն եղ-  
բարց մի ընդունայնս առնիցէք, այլ ի  
նոցունց իսկ վերայ անդէն շինեցէք զայլ  
եւս սիրոյն արդիւնս. եւ այնպէս միշտ  
իսկ առանց զմիմեամբք անցուցանելոյ  
իցեն զութք ձեր. անձին խնամ ունի-  
ցի որ զեղբօրէ հոգայցէ. քանզի ո՛ւմ  
ումեք այլում եղբայր մեծացեալ այն-  
պէս օգուտ իցէ, որպէս եղբօր. եւ ո՞  
այլ ոք մեծարիցէ այնպէս զայր մեծա-  
զօր, իբրեւ զեղբայր. եւ զո՞ ոք երկընչի-  
ցի զլիկել ոք յորժամ մեծ իցէ եղբայրն,  
որպէս զեղբայր: Մի ոք վաղվաղակի  
քան զքեզ ունկնդիր լինիցի նմա եւ մի  
յօժարագոյնս քան զքեզ հասանիցէ.  
քանզի ոչ ումեք առաւել ընտանի իցեն  
բարիք եւ չարիք նորա քան քեզ: Աս  
եւ զայս ած զմտաւ թէ ո՛ւմ շնորհես  
եւ յումէ՞ ակն ունիս հասանել եւս մե-  
ծամեծաց թէ ոչ ի սմանէ. եւ ո՛ւմ օգ-  
նական եղեալ պատերազմակից զօրաւոր  
զնա առցես փոխարէն: Օ՛ ո՞ ոք չսիրել  
առաւել ամօթոյ իցէ քան զեղբայր.

զո՞ ոք քան զամենեսին նախամեծար առնել լաւ իցէ, բայց զեղբայր : Աթէ միայն եղբայր, ով Վամբիւսէ, առաջին իցէ առ եղբօր, ոչ ինչ հասանիցէ առ յայլոց նախանձ կամ թշնամութիւն, բայց, որդեակք, զմիմեանս պատուեցէք եթէ այն կամ իցէ ձեր եւ ինձ շնորհել ինչ :

Վանզի ոչ եթէ կարծիցէք այնմ իմն խելամուտ հաստատութեամբ լինել եթէ ես այսուհետեւ ոչ ինչ լինիցիմ, յորժամ ի մարդկեղէն կենաց աստի վճարիցիմ . քանզի եւ ոչ այժմ զիմ միտս տեսանէիք, այլ ի գործոյ անտի զոր գործէի, նոքիմբք առնոյիք ի միտ թէ է : Տակաւին չառէք ի միտ թէ զբկելոցն ոգիքն՝ որպիսի ինչ ահ եւ երկեւղ ի ծանրագործ սպանողսն արկանիցեն, եւ զորնենգագործս ի վերայ պրղծոցն արձակիցեն : Համարիցիք եթէ մարթիցէ տեւել մնալ պատուոց մեռելոցն, եթէ չէին ինչ իրիք տեարք նոցա ոգիքն : Աչ, որդեակ, ես ոչ երբեք ուրեք յանձն առի, եթէ ոգիքն մինչ գեռ ի մահկանացու մարմնի իցեն, կեցցեն, եւ յորժամ ի մարմնոյ զերծանիցին, մեռանիցին : Վանզի տեսանեմ թէ եւ մահկանացու մարմնք որչափ ինչ ժամանակս ոգիքն ի նոսին իցեն, կենդանի երեւիցին . եւ ոչ զայն առի յանձն թէ անխմաստ ոգիքն լինի-

ցին յորժամ յանիմաստ մարմնոյ աստի մեկուսի լինիցին : Այլ յորժամ անխառն եւ պարզ եւ յստակ եւ սուրբ միտքն ընտրիցին, յայնժամ ապա ի դէպ է թէ իմաստնագոյնք լինիցին : Իսկ ի մարդոյն քակել, յայտ է թէ իւրաքանչիւր մասն յիւր համացեղսն գնայ բաց յոգւոցն, զի ոգիքն եւեթ ոչ յորժամ մօտ իցեն եւ ոչ յորժամ հեռի, երեւիցին : Օմտաւ ածէք, ասէ, թէ եւս դրացի մարդկօրէն մահու քան զքուն չիք . բայց մարդոյ ոգին յայնժամ աստուածեղէն երեւի եւ ի նմին ժամանակի ի հանդերձելոց անտի կանխաւ տեսանէ ինչ . քանզի յայնժամ որպէս նման իսկ է, առաւել յազատութիւն ելանէ :

Թէ այս այսպէս իցէ, որպէս ինձ թուի, եւ ոգիքն զմարմին թողուն, պատկառեալ յոգւոյ աստի իմէ արարէք զոր ինչ աղաչեմս : Ապա թէ չիցէ այնպէս, այլ ոգիքն որ ի մարմնի կայցեն ընդ նմին մեռանիցին, սակայն ի դիցն որ միշտ իսկ են եւ զբնաւնչմարեն եւ ամենայնի ձեռնհաս են, որք եւ զբնաւի իսկ զկարգ անխարխար եւ անձերական եւ անսխալ ունին, եւ անձառ եւ անպատու՞մ ի գեղեցկութենէ եւ ի մեծութենէ, ի նոցանէ երկուցեալ մի ինչ ամպարիշտ մի ինչ անսուրբ գործիցէք եւ խորհիցիք : Բայց յետ դիցն ի համօրէն իսկ մարդկան ազգէ որ հանապազն

Ճնանիցի, ակն ածէք: Վրանզի ոչ եթէ թանձրամած խաւարաւ ծածկեն զձեզ դէքն, այլ հարկ է յայտ յանդիման ամենեցուն ցանդ կենդանի լինել մերոցն գործոցն. որք եթէ սրբագոյնք եւ արտաքոյ քան զապիրատութիւն երեւիցին, հզօրս զձեզ յամենայն մարդկան միջի ցուցանիցեն: Ապա եթէ անիրաւ ինչ ի վերայ միմեանց խորհիցիք, չհամարիցիք յամենայն մարդկանէ այնուհետեւ արժանի հաւատարմութեան: Վրանզի ոչ ոք այնուհետեւ կարիցէ հաւատալ ձեզ, եւ ոչ թէ ամենեւին յօժարիցի եւս, յորժամ տեսանիցէ զըրկեալ զայն որում անկ իցէ աւելագոյն գութ եւ խնամ:

Աւարդ շատ է զի ուսուցի զձեզ թէ որդունակ պարտ եւ պատշաճ իցէ առ միմեանս լինել. ապա թէ ոչ ի նախնեաց անտի ուսարուք, քանզի այն վարդապետութիւն ազնուագոյն է. քանզի բազում հարք եւ մարք կային մնացին սիրելիք որդւոց եւ շատք եւս սիրելիք եղբարց. իսկ ոմանք ի նոցանէ եւ զնոցին հակառակսն միմեանց գործեցին: Աւարդ որոց միանգամ համարիցիք լեալ նպաստաւորս, զնոսին ընտրեալ եւ ընդ նոյնս յօժարեալ, խորհուրդ ուղղութեան խորհիցիք: Թերեւս զայսմ ամենայնէ շատ եւ բաւական իցէ: Բայց զիմ դին, որդեակք

յորժամ վախճանիցիմ մի յոսկւոջ դնի-  
ցէք եւ մի յարծաթ եւ մի յայլում ի-  
միք, այլ վաղվաղակի իսկ տուք հողոյ .  
քանզի զինչ քան զայն երանելի կայցէ,  
քան ընդ հողոյ խառնել, որ զամենայն  
գեղեցկութիւն եւ զբոլոր բարութիւն  
բուսուցանէ եւ պարարէ: Աւ ես մար-  
դասէր իսկ եղէ, եւ այժմ յօժարու-  
թեամբ կամիմ հաղորդել այնմ որ բա-  
րերար եւ երախտագործ մարդկան իցէ:

Այլ թուի, ասէ, ինձ թէ ոգիքս նը-  
ւազեն ուստի ամենեւին առնէ սկիզբն  
պակասելոյ որպէս յայտ իսկ է: Աթէ  
ոք ի ձէնջ կամիցի մերձենալ յաջ իմ .  
կամ զաչս իմ, մինչ դեռ կենդանի  
իցեմ կամիցի տեսանել, մատիցէ: Իսկ  
յորժամ ծածկիցիմ ես, խնդրեմ ի  
ձէնջ, որդեակք, մի ոք այնուհետեւ  
տեսանիցէ զմարմին իմ, եւ ոչ դուք  
իսկ գլխովին: Բայց զամենայն Պար-  
սիկս եւ զնիզակակիցս կոչեցէք առ ի-  
մոյ յիշատակի, ուրախակից ինձ լինել,  
զի յամրի լինիցիմ առ ի չկարելոյ այ-  
սուհետեւ կրել ինչ վիշտս, թէպէտ  
ընդ աստուածեղինին չիցեմ, թէպէտ  
ոչ ինչ իցեմ: Աւ որք գայցենն բարիս  
առնիցէք նոցա որչափ արժանի առն  
փառաւորի համարիցիք եւ յուղարկե-  
ցէք. եւ գլուխ իսկ ամենայնի զայս,  
ասէ, յիշեցէք զինէն, թէ յորժամ  
բարեկամաց երախտաւորք լինիցիք եւ



զլծշնամիս կարիցէք պատժել: Ողջ լե-  
րուք որդեակք իմ սիրելիք, եւ մօր ձե-  
րում պատմեցէք իբրեւ յինէն եւ ամենայն բարեկամք որ մօտ էք եւ որ հե-  
ռի, ողջ լիջիք. իբրեւ զայս ասէր,  
տայր ամենեցուն զաջն. ծածկեալ եւ  
այնպէս վախճանէր:

Գ Լ Ո Ւ Խ Ը

Օ՛յ գեղեցիկ եւ յաղթ քան զամե-  
նայն թագաւորութիւն Մսիացւոց աշ-  
խարհին Վիւրոսի արքայութիւնն եղեւ,  
ինքն իսկ ի մօտոյ վկայէ անձինն: Ո-  
րոշէր սահմանօք յարեւելից ի կարմիր  
ծովէ եւ ի հարաւոյ Նւբսինոս ծովու,  
եւ յարեւմտից Վիւպրացւոց եւ Նգի-  
պտացւոց աշխարհաւն, եւ ի հիւսւոյ ի  
կողմանցն Նիթուպացւոց: Տէպէտ եւ  
այսչափ թագաւորութիւն էր միոյ կա-  
մօք Վիւրոսի վարէր. եւ նա զորս ընդ  
իւրեւն էին իբրեւ զիւրուրոյն որդիս  
մեծարէր եւ ողորէր. որ ընդ իշխանու-  
թեամբն էին Վիւրոսի իբրեւ հօր պաշ-  
տօն հարկանէին: Նայց իբրեւ Վիւրոս  
վախճանէր, անդէն իսկ եւ իսկ վաղվա-  
ղակի նոքին իսկ սրդիքն ի ճակատս  
զրգուէին, եւ վաղվաղակի կապարձս  
դարձուցանէին յետս կային յապստամ-  
բութիւն քաղաքի եւ ազգք եւ ազինք,  
եւ ամենայն ինչ ի յռութիւն զառա-

ծանկր: Բայց զի ճշմարիտ իսկ խօսիմ, յաստուածականացն իսկ առնիցեմ ըսկիզբն յանդիման կացուցանել:

Վանզի գիտեմ եթէ յառաջագոյն թագաւորն եւ որ ընդ նովաւ էին, եւ նոցին, որ գլետին իսկ չարիան գործէին, եթէ երգմնի եւ դաշնաւոր լեալ էին, զերգմունսն պահէին, եւ եթէ աջ տրւեալ էին, հաստատուն պահէին: Աւ եթէ այնպիսիք չէին, եւ այնպիսի կարծիս տային. ոչ ոք յանձն առնոյր հաւատալ նոցա, զոր օրինակ եւ ոչ այժմ հաւատայ ոք այսուհետեւ, քանզի յայտնի եղեւ ամպարշտութիւն նոցա: Այսպէս եւ ոչ յայնժամ հաւատացին զօրավարք զօրացն որ ընդ Աիւրոսի իսկ արշաւեալ երթային: Բայց այժմ առաջին կարգաց նոցա հաւատացեալ ետուն ի ձեռս զանձինս եւ ածեալ առ թագաւոր անդր գլխատեցան: Աս եւ բազումք իսկ ի խուժադուժ բարբարոսաց անտի որ ընդ նմա դնացին զօրաժողով ի մարտ պատերազմի, այլք այլովք ինչ իրօք պատրեալ կորեան:

Բայց այժմ կարի եւս իմն դժուրաւ կագոյնք են. քանզի յառաջն եթէ ի վիշտս ոք վասն թագաւորի մտանէր, կամ քաղաք մի կամ ազգ մի ընդ ձեռամբ նուաճէր կամ թէ այլ ինչ լաւութիւն վճարէր, նոքա էին որ մեծաբեալ լինէին: Իսկ այժմ թէ ոք, որպէս

Սիթրիդատէսն որ հօրն Արիորարզանեայ մատն եղել, եւ որպէս Ղեւովիթրէսն որ զկին եւ զորդիս եւ զբարեկամացն մանկունս պատանդս առ եզիպտացւոյն եթող, եւ զմեծամեծ երգամաք անց եւ թագաւորին կարծեցաւ օգուտ ինչ առնել. նորին իցեն որ մեծամեծարն մեծարիցին պատուովք: Ընդ այն հայեցեալ ամենեցուն որ յասիացւոց աշխարհին էին, յամպարըշտութիւն եւ յապիրատութիւն զառածան. զի որպիսիք որք վերակացուքն լինիցին, նոյնպիսիք բազում անդամ եւ որ ընդ նորք իցեն, լինիցին. եւ ապիրատագոյնք քան զառաջինն այժմ եղեն:

Իսկ յինչսն քան զնոյն եւս ապիրատագոյնք. քանզի ոչ եթէ որոց բազում ինչ յանցուցեալ իցէ, այլ որոց չիցէ զոր զրկեալ, զնոսա ըմբռնեալ շտապ տագնապի ի վերայ հասուցանեն յանրաւի ինչստուժել. որպէս զի որ բազում ինչսն ունիցին ոչ ինչ ընդհատ ի զրկուղաց երկնչիցին: Աւ ոչ ընդ հզօրագունացն յանձն առնուն կուուել, եւ ոչ համարձակին գումարել ի պատերազմ արքունի: Ասն այնորիկ իսկ որ տացէ ոք ընդ նոսա ճակատս, համարձակ իցէ ամենեցուն անդէն ի նոցին աշխարհին զհարգուպէտ ըստ իւրեանց հեշտի շրջել առանց մարտից պատե-

բազմաց վասն նոցին ի դիսնամպարըշտելոյ եւ զմարդիկ զըկելոյ: Այնպէս ամենեւին իսկ վատթարագոյն այժմ միտք են նոցա. քան յառաջն:

Աւ զի ոչ զմարմնոցն կրթութենէ փոյթ յանձին ունիցին որպէս զառաջինն, զայն պատմեցից: Վանզի օրէնք էին նոցա մի թքանել եւ մի ի վեր փրսխել. եւ յայտ է եթէ ոչ վասն ի խոնաւ անդր մարմնոյն խնայելոյ օրէնքն կային, այլ կամէին թէ աշխատութեամբք եւ քրտամբք պնդակազմն իցեն մարմինքն. բայց այժմ կայ պահի չթքանելն եւ չփսխել ի վեր, իսկ զվատակելոյ ոչ ուրեք գոյ խնամ: Աւ օրէնք էին նոցա յառաջագոյն մի անգամ հաց ուտել. զի զօրն ողջոյն ի կիր արկանիցեն ի գործս եւ ի վաստակել. իսկ այժմ կայ մնայ միանգամն ուտել. բայց սկիզբն առնեն հացին յայնժամ յորժամ ճաշիցեն որք ընդ այգն ճաշեն, եւ մինչեւ ցայն վայր ուտեն եւ ըմպեն, յորժամ սովորն իցեն ննջել որ անագանն ննջիցեն:

Աւ օրէնք էին նոցա մի դաշխուրանս ի գինըմպելիսն մուծանել. յայտ է եթէ համարէին իմն թէ շատն չըմպել չտայ մարմնոցն եւ մտացն սխալակել: Բայց այժմ չմուծանելն կայ, իսկ ըմպել այնչափ ըմպեն, զի փոխանակ ընդ մուծանելոյն ինքեանք ի բաց հանիցին,

յորժամ ոչ եւս այնուհետեւ կարիցեն  
ուղղորդ ելանել: Այլ եւ այն իմն դաւա-  
ռական էր նոցա, զմիջոցաւ ճանա-  
պարհի ոչ ուտել եւ ոչ բմպել, եւ ոչ  
երեւել իսկ յայտնի թէ առնիցեն ի պի-  
տոյից անտի ինչ: Աս եւ այժմ եւս ի  
նոցունց կարճեն զանձինս. բայց այնչափ  
կարճ ճանապարհ առնեն, զի չեն ինչ  
զարմանք կարճել ի կարեւոր պիտոյ-  
իցն:

Այլ եւ յորսս յառաջագոյն այնչափ  
ելանէին, մինչ զի բաւական լինէին որս-  
քըն նոցա եւ երիւարացն ի հրահանգս  
կրթութեան: Բայց իբրեւ Արտաշէս  
արքայ եւ որք ընդ նմայն էին ի գինւոյն  
պարտութիւն մատնէին, այնուհետեւ  
ոչ նոյնպէս ինքեանք ելանէին, եւ ոչ  
զայլս հանէին յորսս: Աւ որք աշխա-  
տասէրք լեալք եւ հանդերձ հեծելովք  
որ զիւրեամբք էին որս առնէին յայտ  
յանդիման խանտային ընդ նոսա եւ ի-  
բրեւ ազնուագոյնս քան զանձինս ատէ-  
ին զնոսա: Այլ զմանկտին ի դրունս  
խրատել, այն ցայժմ կայ պահի. բայց  
զձիոցն հրահանգս ուսանել չիք ի միջի,  
վասն չերթալոյ անդր ուր երեւեալք  
փառաւոր եւ քաջանուն լինիցին: Աւ  
զի մանկտին լուեալ անդ յառաջագոյն  
զդատաստանսն իրաւամբք դատեալ, ի-  
րաւունս եւ արդարութիւն ուսանել,  
եւ այն ամենեւին իսկ փոփոխեցաւ:

Քանզի քաջիկ իսկ տեսանեն եթէ յաղ-  
թեն որ առաւելն տան: Այլ եւ զբու-  
սոց երկրի զզօրութիւն մանկտին յա-  
ռաջագոյն ուսանէին զի յօգտութիւնս  
վարիցեն եւ ի վնասակարացն մերժիցին:  
Բայց այժմ զնոյնս ուսանին զի աւելա-  
գոյն վնաս գործիցեն: Արդ ոչ ուրեք  
յաճախագոյն մեռանիցին եւ ապակա-  
նիցին ի դեղոց բայց անդ:

Այլ եւ այժմ կարի գիրգք եւ բա-  
րեկեցիկք են, քան առ Աիւրոսի, քանզի  
ի ժամանակին յայն Պարսից խրատու եւ  
ժուժկալութեամբ վարէին բայց Սարաց  
պատմութեան աւել փառաւորութեամբն:  
Իսկ այժմ զՊարսից ճգունան նշմարեն  
ի միջոյ բարձեալ, զՍարաց թուղամորթ  
անառակութիւն պահեալ: Յայտ կա-  
միմ առնել զգրգութիւնս նոցա: Քան-  
զի նախ չէ բաւական նոցա զգահոյսն  
փափուկս տարածանել, այլ եւ զմահ-  
ճացն ոտսն ի վերայ տախտակամած  
յատակացն դնիցեն որպէս զի մի ի յա-  
տական յենուցու, այլ տեղի տայցեն  
յատակքն. եւ որ ինչ եփիցի վասն սե-  
ղանոյ, որչափ յառաջագոյն գտեալ  
իցէ ոչ մի ինչ ի նոցանէ մերժեն, այլ  
եւ ցանգ իսկ եւ միշտ նորոգ հայթայ-  
թանս հնարին. նոյնգունակ եւ խոր-  
տիկքն. քանզի եւ նորագործս երկո-  
ցունցն ստանան:

Եւ ձմերայնի ոչ միայն զդլուխ եւ զմարմին եւ զոտս բաւական իցէ նոցա ծածկել, այլ եւ ի ծայրս ձեռացն ձերէս թաւս ունիցին: Եւ ամարայնի չիցեն շատ նոցա ոչ ծառոցն ստուերքն եւ ոչ քարանցն հովանիք. այլ ի նոսին այլ եւս հովանոցակս անձանց հնարին մարդիկ. եւ տաշտս եւ բաժակ թէ շատ ունիցին, նովին իմն փառաւորք երեւիցին. իսկ եթէ յայտնի իսկ յապիրատութենէ հնարեալ իցեն, զայն ինչ չհամարիցին ամօթ: Վանզի յոյժ իսկ ստուարացան ի նոսա ապիրատութիւն եւ զաւշաքաղութիւն: Եւ յառաջն եւ այն իմն գաւառական էր նոցա թէ յորժամ հետիոտս գնայցեն մի յակն անկանիցին, ոչ վասն այլ ինչ իրաց, բայց զի քաջ հեծեալք լինիցին: Իսկ այժմ յուրվագոյն կազմած ի վերայ երկարացն ունիցին քան ի վերայ մահճաց: Վանզի ոչ եթէ զերկարաց ինչ փոյթ է նոցա որպէս ի փափուկան նստելոյ:

Օ խորդ չիցէ յիրաւի թէ այժմ ամենեւին ի պատերազմունան վատթարագոյնք քան զառաջինն իցեն, որոց յանցեալ ժամանակսն թուի ինձ թէ գաւառական օրէնք էին, զի որք երկիր ունէին, յերկրէ անտի տայցեն հեծեալս, եւ որք երթայցեն իսկ ի պատերազմ եւ որք պահպանիցինն, եթէ հասանիցէ տալ մարտ պատերազմի ի

վերայ աշխարհին, վարձկանք լինիցին: Բայց այժմ դռնապանս եւ հացարարս եւ ամճաբերս եւ տակառապետս համարին, եւ որ սեղան առաջի յօրինիցեն եւ բառնայցեն եւ ննջեցուցանիցեն եւ զարթուցանիցեն եւ զարդարիչս՝ որ օճանիցեն եւ կոկեալ ողորկիցեն, եւ այլ եւս բազում ինչ նստեալ համարին: Օտոսա զամենեօին արարին հեծեալս հարուստքն զի առցեն իւրեանց վարձս: Արդ բազմամբոխ բազմութիւն ի նոցանէ երեւիցի, բայց չէք ի նոցանէ օգուտ ի պատերազմի եւ ոչ մի. եւ յայտ նոքին իսկ արդիւնք իրացն առնիցեն: Վանզի յաշխարհի անդ նոցա դիւրագոյն թշնամիքն շրջին քան բարեկամք նոցա:

Օի եւ Աիւրոս զբաւ առնէր ի հեռաստանէ նետիւք կռուելոյ եւ ազուցեալ զբաժս նոցա եւ երիւարաց նոցա, եւ մի մի ասպար իւրաքանչիւր ումէք տուեալ ի ձեռս, անդէն ի մօտոյ մարտ եղեալ կռուէր: Իսկ այժմ ոչ ի հեռաստանէ մարտնչին եւ ոչ առ միմեանս եկեալ կռուին: Ունել ունին հետեւ ախքն սուսեր եւ դանակ եւ սակուր որպէս առ Աիւրոսիւ յորժամ տայցեն պատերազմ, բայց ձեռնամուխ լինել եւ ոչ սոքա ունին յանձին. եւ ոչ գերանդազէն կառօքն այսուհետեւ վարին յայն՝ վասն որոյ գործեացն զնոսա Աիւ-



րոս . քանզի կառավարք էին նոցա մեծացեալ պատուոցն մեծարանօք եւ քաջք եւ առաքինիք որ յարձակեալ անկանիցին ի մէջ զինուոց եւ սպառազինաց :

Իսկ այժմուքս եւ ճանաչեն իսկ ոչ զայնոսիկ որ ի վերայ կառացն իցեն . համարին յանձինս իւրեանց թէ չկրթութեալք հանգոյն կրթելոցն լինիցին : Աւոմանք յարձակին մինչ չեւ ի թշնամիան հասեալ , կէսք կամաւ իսկ դիմեն եւ կէսք ի բաց սրանան : Որպէս զի յորժամ առանց կառավարաց լուծքն իցեն բազում անգամ վիշտս բարեկամացն եւ ոչ թշնամեացն հասուցանիցեն : Բայց քանզի եւ ինքեանք գիտեն թէ որպիսի ինչ կար պատերազմի իցէ նոցա , տեղի տան . եւ ոչ ոք այսուհետեւ առանց Յունաց ի մարտ պատերազմի գրգռի , ոչ յորժամ միմեանց ճակատ տայցեն , եւ ոչ յորժամ Յոյնք զօրաժողով ընդ նոսա մարտ եղեալ կռուիցին . նա աւանիկ եւ ընդ Յոյնս իսկ ընդ Յունաց կամին տալ պատերազմ :

Թուի ինձ թէ զոր ինչ ի մտին եղի , հանի իսկ ի գլուխ : Քանզի զՊարսից եւ զայնցանէ որ ընդ նոսա իցեն , խոտացայ յայտ առնել թէ առ դիսնամ պարշտադոյնք են եւ առ ազգակիցսն պղծադոյնք եւ առ այլն անիրաւք , եւ ի պատերազմ այժմ ապաժամանք քան

յառաջն: Ապեթէ զնոցին ինչ զհա-  
կառական ոք ածիցէ զմտաւ, միտ ե-  
դեալ նայիցի ընդ գործս իսկ նոցա եւ  
գտանէ թէնոքին իսկ վկայք իմոց բա-  
նից լինիցին:

